

निसीहजभ्रपणं

पढमोउद्देशो

सू० ५६

६६५-६६६

हृत्थकम्म-पदं १, जिघति-पदं १०, अण्णउत्थिय-गारत्थिय-कारावण-पदं ११, अणट्ट-पदं १६, अविहि-पदं २३, पाडिहारिय-पदं २७, अण्णमण्ण-पदं ३१, अविहि-पदं ३५, अण्णउत्थिय-गारत्थिय-पदं ३६, पाय-पदं ४१, वत्थ-पदं ४७, अण्णउत्थिय-गारत्थिय-पदं ५५, पूतिकम्म-पदं ५६ ।

बिद्धओ उद्देशो

सू० ५६

६७०-६७४

पायपुच्छण-पदं १, जिघति-पदं ६, सयमेवकरण-पदं १०, लहुसग-पदं १८, कसिण-पदं २२, सयमेव-पदं २४, पडिग्गह-पदं २६, नित्तिय-पदं ३१, संथव-पदं ३७, भिक्खायरिया-पदं ३८, अण्णउत्थिय-गारत्थिय-अपरिहारिय-पदं ३६, भोयण-जाय-पदं ४२, पाणम-जाय-पदं ४३, बहुपरियावण्ण-भोयण-पदं ४४, सागारिय-पदं ४५, सेज्जासंधार-पदं ४६, पडिलेहण-पदं ५६ ।

सद्धओ उद्देशो

सू० ८०

६७५-६८३

ओभासण-पदं १, भिक्खायरिया-पदं १३, पाय-परिकम्म-पदं १६, काय-परिकम्म-पदं २२, वण-परिकम्म-पदं २८, गंडादि-परिकम्म-पदं ३४, किमि-पदं ४०, गह-सिहा-पदं ४१, दीह-रोम-पदं ४२, दंत-पदं ४७, उट्ट-पदं ५०, दीह-रोम-पदं ५६, अच्छि-पत्त-पदं ५८, अच्छि-पदं ५९, दीह-रोम-पदं ६५, मल-णीहरण-पदं ६७, सीसदुवारिय-पदं ६९, वसीकरणसुत्त-पदं ७०, उच्चार-पासवण-पदं ७१ ।

चउत्थो उद्देशो

सू० ११८

६८४-६९२

अत्तीकरण-पदं १, अच्चीकरण-पदं ७, अत्थीकरण-पदं १३, कसिण-ओसहि-पदं १६, विगति-पदं २०, ठवणकुल-पदं २१, निगंधीए सद्धि ववहार-पदं २२, अहिगरण-पदं २४, हसण-पदं २६, पासत्थादीणं संघाडय-पदं २७, एककीवीसहृत्थ-पदं ३७, अत्तीकरण-पदं ३६, अच्चीकरण-पदं ४४, अत्थीकरण-पदं ४६, पाय-परिकम्म-पदं ५४, काय-परिकम्म-पदं ६०, वण-परिकम्म-पदं ६६, गंडादि-परिकम्म-पदं ७२, किमि-पदं ७८, गहसिहा-पदं ७९, दीह-रोम-पदं ८०, दंत-पदं ८५, उट्ट-पदं ८८, दीह-रोम-पदं ९४, अच्छि-पत्त-पदं ९६, अच्छि-पदं ९७, दीह-रोम-पदं १०३, मल-णीहरण-पदं १०५, सीसदुवारिय-पदं १०७, उच्चार-पासवण-पदं १०८, अपरिहारिय-पदं ११८ ।

पंचमो उद्देशो

सू० ७८

६९३-६९६

सच्चित्तहृत्थमूल-पदं १, संघाडि-पदं १२, पलासं-पदं १४, पच्चप्पण-पदं १५, दीहसुत्त-पदं २४, दंड-पदं २५, णवग-णिवेस-पदं ३४, वीणा-पदं ३६, सेज्जा-पदं ६१, संभोगवत्तियकिरिया-पदं ६४, धारणिज्ज-परिट्टवण-पदं ६५, रयहरण-पदं ६८ ।

छट्टो उद्देशो

सू० ७९

६९६-७०६

विण्णवण-पदं १, हृत्थकम्म-पदं २, अवाउडि-पदं ११, कामकलह-पदं १२, लेह-पदं १३, पोसंत-पिट्ठंत-पदं १४, वत्थ-पदं १६, पाय-परिकम्म-पदं २५, काय-परिकम्म-पदं ३१, वण-परिकम्म-पदं ३७, गंडादि-परिकम्म-पदं ४३, किमि-पदं ४६, गहसिहा-पदं ५०, दीह-रोम-पदं ५१, दंत-

पदं ५६, उट्टु-पदं ५९, दीह-रोम-पदं ६५, अच्छि-पत्त-पदं ६७, अच्छि-पदं ६८, दीह-रोम-पदं ७४, मल-णीहरण-पदं ७६, सीसदुवारिय-पदं ७८, पणीय-आहार-पदं ७९ ।

सत्तमो उद्देशो

सू० ६२

७०७-७१८

मालिया-पदं १, लोह-पदं ४, आभरण-पदं ७, बत्थ-पदं १०, संचालण-पदं १३, पाय-परिकम्म-पदं १४, काय-परिकम्म-पदं २०, वण-परिकम्म-पदं २६, गडादि-परिकम्म-पदं ३२, किमि-पदं ३८, णहसिहा-पदं ३९, दीह-रोम-पदं ४०, दंत-पदं ४५, उट्टु-पदं ४८, दीह-रोम-पदं ५४, अच्छि-पत्त-पदं ५६, अच्छि-पदं ५७, दीह-रोम-पदं ६३, मल-णीहरण-पदं ६५, सीसदुवारिय-पदं ६७, पुढवी-पदं ६८, दारु-पदं ७५, अंकादि-पदं ७६, आगंतारादि-पदं ७८, तेइच्छ-पदं ८०, पोमलादीणं अवहरण-उवहरण-पदं ८१, पसु-पक्खि-पदं ८३, दाण-पडिच्छण-पदं ८६, सज्जाय-पदं ९०, आकार-करण-पदं ९२ ।

अट्टमो उद्देशो

सू० १८

७१९-७२२

एगो एगित्थीए-पद १, इत्थीमज्झगतस्म अपरिमाणकहा-पदं १०, णिग्गंथीए सडि-पदं ११, अंतो उवस्सय-पदं १२, मुद्धाभिसित्त-पदं १४ ।

नवमो उद्देशो

सू० २९

७२३-७२७

रायपिड-पदं १, रायतेपुर-पदं ३, मुद्धाभिसित्त-पदं ६ ।

दसमो उद्देशो

सू० ४१

७२८-७३१

फरुसवयण-पदं १, अणंतकायसंजुत्त-पदं ५, आहाकम्म-पदं ६, निमित्त-पद ७, सेह-पदं ९, दिसा-पदं ११, आदिस-पदं १३, साहिगरण-पदं १४, उग्घाइय-अणुग्घाइय-पदं १५, राईभोयण-पदं २५, उग्गाल-पदं २९, गिलाण-पदं ३०, विहार-पदं ३४, पज्जोसवणा-पदं ३६ ।

एककारसमो उद्देशो

सू० ७३

७३२-७४०

पाय-पदं १, पाय-बंधण-पदं ४, अद्धजोयणभेरा-पदं ७, धम्म-अवण्ण-पदं ९, अधम्म-वण्ण-पदं १०, पाय-परिकम्म-पदं ११, काय-परिकम्म-पदं १७, वण-परिकम्म-पदं २३, गडादि-परिकम्म-पदं २९, किमि-पदं ३५, णह-सिहा-पदं ३६, दीह-रोम-पदं ३७, दंत-पदं ४२, उट्टु-पदं ४५, दीह-रोम-पदं ५१, अच्छि-पत्त-पदं ५३, अच्छि-पदं ५४, दीह-रोम-पदं ६०, मल-णीहरण-पदं ६२, सीसदुवारिय-पदं ६४, बीभावण-पदं ६५, विम्हावण-पदं ६७, विप्परियास-पदं ६९, मुहवण्ण-पदं ७१, वेरज्ज-विरुद्ध-रज्ज-पदं ७२, दियाभोयण-अवण्ण-पदं ७३, राईभोयण-वण्ण-पदं ७४, दिया-रत्ति-भोयण-पदं ७५, परिवासित्त-पदं ७९, संखडि-पदं ८१, णिवेयणपिड-पदं ८२, अहाछंद-पदं ८३, अणल-पदं ८५, सचेल-अचेल-पदं ८८, पारियासिय-पदं ९२, बालमरण-पदं ९३ ।

बारसमो उद्देशो

सू० ४३

७४१-७४८

कोलुणपडियाए-पदं १, पच्चखाण-भंग-पदं ३, परित्तकायसंजुत्त-पदं ४, सलोम-चम्म-पदं ५, परवत्थोच्छन्नपीड-पदं ६, णिग्गंथीसंघाडि-पदं ७, थावरकायसमारंभ-पदं ८, रुक्खारोहण-पदं १०, गिहि-पदं ११, पूरेकम्म-पदं १५, पच्छाकम्म-पदं १६, चक्खुदंसण-पडिया-पदं १७, रुवासत्ति-पदं ३०, कालातिक्कंत-पदं ३१, खेत्तातिक्कंत-पदं ३२, गोमय-पदं ३३, आलेवणजाय-पदं ३७,

उवहिवहावण-पदं ४१, महाणई-पदं ४३ ।

तेरसमो उद्देशो

सू० ७५

७४६-७५४

पुढवी-पदं १, दाह-पदं ८, अंतरिक्षजाय-पदं ९, अण्णउत्थिय-गारत्थिय-पदं १२, अप्पाणं देहति-पदं ३१, तिमिच्छा-पदं ३६, पासत्थादि-वंदण-पसंसण-पदं ४३, पिड-पदं ६१ ।

चउद्दसमो उद्देशो

सू० ४१

७५५-७५६

पडिग्गह-पदं १ ।

पण्णरसमो उद्देशो

सू० १५४

७६०-७७३

फरुसवयण-पदं १, अंब-पदं ५, पाय-परिकम्म-पदं १३, काय-परिकम्म-पदं १६, वण-परिकम्म-पदं २५, गंडादि-परिकम्म-पदं ३१, किमि-पदं ३७, णह-सिहा-पदं ३८, दीह-रोम-पदं ३६, दंत-पदं ४४, उट्ट-पदं ४७, दीह-रोम-पदं ५३, अच्छि-पत्त-पदं ५५, अच्छि-पदं ५६, दीह-रोम-पदं ६२, मल-णीहरण-पदं ६४, सीसदुवारिय-पदं ६६, उच्चार-पासवण-पदं ६७, अण्णउत्थिय-गारत्थिय-पदं ७६, पासत्थादीणं दाण-गहण-पदं ७८, जायणा-णिमंतणा-वत्थ-पदं ८८, पाय-परिकम्म-पदं ९६, काय-परिकम्म-पदं १०५, वण-परिकम्म-पदं १११, गंडादि-परिकम्म-पदं ११७, किमि-पदं १२३, णह-सिहा-पदं १२४, दीह-रोम-पदं १२५, दंत-पदं १३०, उट्ट-पदं १३३, दीह-रोम-पदं १३६, अच्छि-पत्त-पदं १४१, अच्छि-पदं १४२, दीह-रोम-पदं १४८, मल-णीहरण-पदं १५०, सीसदुवारिय-पदं १५२, उवगरणजाय-घरण-पदं १५३, उवगरणजाय-धोवण-पदं १५४ ।

सोलसमो उद्देशो

सू० ५१

७७४-७७८

सेज्जा-पदं १, उच्छु-पदं ४, अडवीजत्तागहणेसणा-पदं १२, बुसिरात्थिय-पदं १४, वुग्गहवक्कंत-पदं १७, विहारपडिया-पदं २६, दुग्गुच्छिय-पदं २८, असणाइणिक्वेवण-पदं ३४, अण्णउत्थिय-गारत्थिय-सद्धि भोयण-पदं ३७, आसायणा-पदं ३६, अतिरित्तउवहि-पदं ४०, उच्चार-पासवण-पदं ४१ ।

सत्तरसमो उद्देशो

सू० १५२

७७९-७९६

कोउहल्लपडिया-पदं १, पाय-परिकम्म-पदं १५, काय-परिकम्म-पदं २१, वण-परिकम्म-पदं २७, गंडादि-परिकम्म-पदं ३३, किमि-पदं ३६, णह-सिहा-पदं ४०, दीह-रोम-पदं ४१, दंत-पदं ४६, उट्ट-पदं ४६, दीह-रोम-पदं ५५, अच्छि-पत्त-पदं ५७, अच्छि-पदं ५८, दीह-रोम-पदं ६४, मल-णीहरण-पदं ६६, सीसदुवारिय-पदं ६८, पाय-परिकम्म-पदं ६६, काय-परिकम्म-पदं ७५, वण-परिकम्म-पदं ८१, गंडादि-परिकम्म-पदं ८७, किमि-पदं ९३, णह-सिहा-पदं ९४, दीह-रोम-पदं ९५, दंत-पदं १००, उट्ट-पदं १०३, दीह-रोम-पदं १०६, अच्छि-पत्त-पदं १११, अच्छि-पदं ११२, दीह-रोम-पदं ११८, मल-णीहरण-पदं १२०, सीसदुवारिय-पदं १२२, अंतोओवास-पदं १२३, मालोहड-पदं १२५, मट्टियाओलित्त-पदं १२७, पुढविआदिपत्तिट्ठिय-पदं १२८, अच्चुसिण-पदं १३२, अपरिणय-पाण्ण-पदं १३३, अत्तसलाहा-पदं १३४, गानादि-पदं १३५, विततसद्द-कण्णसोय-पडिया-पदं १३६, ततसद्द-कण्णसोय-पडिया-पदं १३७, घणसद्द-

कण्णसोयपडिया-पदं १३८, भूसिरसद्द-कण्णसोयपडिया-पदं १३९, विविहसद्द-कण्णसोय-
पडिया-पदं १४०, सद्दासत्ति-पदं १५२ ।

अट्टारसमो उद्देशो

सू० ७३

७६७-८०२

णावाविहार-पदं १, वत्थ-पदं ३३ ।

एगूणवीसमो उद्देशो

सू० ३७

:

८०३-८०५

वियड-पदं १, सज्जाय-पदं ८, वायणा-पदं १६ ।

वीसइमो उद्देशो

सू० ५१

८०६-८१२

सइं पडिसेवणा-पदं १, बहुसो पडिसेवणा-पदं ६, सइं पडिसेवणा-संजोगसुत्त-पदं ११, बहुसो
पडिसेवणा-संजोगसुत्त-पदं १२, सइं साइरेगपडिसेवणा-पदं १३, बहुसो साइरेगपडिसेवणा-पदं
१४, परिहारट्टाण-पडिसेवणा-पदं १५, वीसतिराइयारोवणा-पदं १६, पक्खियारोवणा-पदं ३०,
पक्खियावीसतिराइयारोवणा-पदं ४५ ।

निसीहज्जयणं

निसीहज्जयणं

पढमो उद्देशो

हृथकम्म-पदं

१. जे भिक्खू हृथकम्मं करेति, करेतं वा सातिज्जति' ॥
२. जे भिक्खू अंगादाणं कट्ठेण वा कलिचेण' वा अंगुलियाए वा सलागाए' वा संचालेति, संचालेतं वा सातिज्जति ॥
३. जे भिक्खू अंगादाणं संवाहेज्ज' वा पलिमद्देज्ज' वा, संवाहेतं वा पलिमद्देतं वा सातिज्जति ॥
४. जे भिक्खू अंगादाणं तेल्लेण वा घएण वा वसाए वा णवणीएण वा अब्भंगेज्ज' वा मक्खेज्ज वा, अब्भंगेतं वा मक्खेतं वा सातिज्जति ॥
५. जे भिक्खू अंगादाणं कक्केण वा लोद्देण' वा पउमचुण्णेण वा ष्हाणेण वा सिणाणेण वा 'वण्णेण वा चुण्णेण वा' 'उव्वट्टेज्ज वा परिवट्टेज्ज' वा, उव्वट्टेतं वा परिवट्टेतं वा सातिज्जति ॥
६. जे भिक्खू अंगादाणं सीतोदग'-वियडेण वा उसिणोदग-वियडेण वा उच्छोलेज्ज वा पधोवेज्ज वा, उच्छोलेतं वा पधोवेतं' वा सातिज्जति ॥
७. जे भिक्खू अंगादाणं णिच्छल्लेति, णिच्छल्लेतं वा सातिज्जति ॥
८. जे भिक्खू अंगादाणं 'जिघति, जिघतं' वा सातिज्जति ॥

१. सादिज्जइ (अ, ख) अग्गेषि ।

२. कलिचेण (ख) ।

३. सिलागाए (क, ख) ।

४. संवाहिज्ज (अ, क) ।

५. परिमद्दति (चू) ।

६. अब्भंगेइ (क, ग) ।

७. लोद्देण (अ, ख) ।

८. चुण्णेहि वा वण्णेहि वा (क, ग); चुण्णेण वा

वण्णेहि वा (ख) ।

९. उव्वट्टेइ वा परिवट्टेइ (क, ख, ग) ।

१०. सीतोदक (अ); सीओदग (क) ।

११. पधोयंतं (क, ग) ।

१२. जिघति जिघतं (क) ।

६. जे भिक्खू अंगादाणं अण्णयरंसि अचित्तंसि सोयंसि' अणुप्पवेसेत्ता सुक्कपोग्गले णिग्घाएति, णिग्घायंतं वा सातिज्जति ॥

जिघति-पदं

१०. जे भिक्खू 'सचित्तपइट्ठियं गंधं' 'जिघति, जिघंतं' वा सातिज्जति ॥

अण्णउत्थिएण-गारत्थिएण-कारावण-पदं

११. जे भिक्खू पदमग्गं वा, संकमं वा, अवलंबणं वा अण्णउत्थिएण वा गारत्थिएण वा कारेति, कारेतं वा सातिज्जति ॥

१२. जे भिक्खू दग्घीणियं 'अण्णउत्थिएण वा गारत्थिएण' वा कारेति, कारेतं वा सातिज्जति ॥

१३. जे भिक्खू सिक्कगं वा सिक्कगणंतगं वा अण्णउत्थिएण वा गारत्थिएण वा कारेति, कारेतं वा सातिज्जति ॥

१४. जे भिक्खू सोत्तियं वा रज्जुयं वा चिलिर्मिलि' अण्णउत्थिएण वा गारत्थिएण वा कारेति, कारेतं वा सातिज्जति ॥

१५. जे भिक्खू सूईए' उत्तरकरणं अण्णउत्थिएण वा गारत्थिएण वा कारेति, कारेतं वा सातिज्जति ॥

१६. जे भिक्खू पिप्पलगस्स उत्तरकरणं अण्णउत्थिएण वा, गारत्थिएण वा कारेति, कारेतं वा सातिज्जति ॥

१७. जे भिक्खू 'णखच्छेयणगस्स उत्तरकरणं' अण्णउत्थिएण वा गारत्थिएण वा कारेति, कारेतं वा सातिज्जति ॥

१८. जे भिक्खू 'कण्णसोहणगस्स उत्तरकरणं' अण्णउत्थिएण वा, गारत्थिएण वा कारेति, कारेतं वा सातिज्जति ॥

१. सोयंसि (अ, क, ख, ग) ।

२. 'ख' प्रती एतत्सूत्रस्थाने सूत्रद्वयं विद्यते—जे भिक्खू सचित्तगंधं जिघति, जिघंतं वा सातिज्जति । जे भिक्खू सचित्तपइट्ठियं गंधं जिघति, जिघंतं वा सातिज्जति ।

३. सचित्तगंधं (अ) ।

४. जिघति जिघंतं (अ, क) ।

५. अण्णउत्थिएण वा गारत्थिएण (अ, क, ख, ग) । पूर्वस्मिन् सूत्रे 'अण्णउत्थिएण, गारत्थिएण' इति एकवचनान्ते पदे विद्येते, अग्रिम सूत्रेष्वपि एवमेव । प्रस्तुतसूत्रस्य भाष्ये एक-

वचनान्तं पदं दृश्यते—णिहि-अण्णउत्थिएण व (६३३) तेन मूले एकवचनान्त एव षोडः स्वीकृतः ।

६. सिक्कगणंतगं (अ) ।

७. सोत्तियं (अ) ।

८. × (अ) ।

९. सूईए (अ); सूचीए (ख, ग); सूतीए (घ) ।

१०. णखच्छेयणगस्सुत्तरं (अ); णहच्छेयणगस्सं (घ) ।

११. कण्णसोहणगस्सुत्तरं (अ, क, ग) ।

अणट्ट-पदं

१९. जे भिक्खू अणट्टाए सूइं जायति, जायंतं वा सातिज्जति ॥
 २०. *जे भिक्खू अणट्टाए पिप्पलमं जायति, जायंतं वा सातिज्जति ॥
 २१. जे भिक्खू अणट्टाए णखच्छेयणमं जायति, जायंतं वा सातिज्जति ॥
 २२. जे भिक्खू अणट्टाए कण्णसोहणमं जायति, जायंतं वा सातिज्जति ॥°

अविही-पदं

२३. जे भिक्खू अविहीए सूइं जायति, जायंतं वा सातिज्जति ॥
 २४. *जे भिक्खू अविहीए पिप्पलमं जायति, जायंतं वा सातिज्जति ॥
 २५. जे भिक्खू अविहीए णहच्छेयणमं जायति, जायंतं वा सातिज्जति ॥
 २६. जे भिक्खू अविहीए कण्णसोहणमं जायति, जायंतं वा सातिज्जति ॥°

पाडिहारिय-पदं

२७. जे भिक्खू पाडिहारियं सूइं जाइत्ता वत्थं सिव्विस्सामित्ति पायं सिव्वति, सिव्वंतं वा सातिज्जति ॥
 २८. जे भिक्खू पाडिहारियं पिप्पलमं जाइत्ता वत्थं छिदिस्सामित्ति पायं छिदति, छिदंतं वा सातिज्जति ॥
 २९. जे भिक्खू पाडिहारियं णहच्छेयणमं जाइत्ता णहं छिदिस्सामित्ति सल्लुद्धरणं करेति, करेत्तं वा सातिज्जति ॥
 ३०. जे भिक्खू पाडिहारियं कण्णसोहणमं जाइत्ता कण्णमलं णीहरिस्सामित्ति दंतमलं वा णखमलं वा णीहरेति, णीहरेत्तं वा सातिज्जति ॥

अणमण्ण-पदं

३१. जे भिक्खू अण्णो एकस्स अट्टाए सूइं जाइत्ता अण्णमण्णस्स अणुप्पदेति, अणुप्पदेत्तं वा सातिज्जति ॥
 ३२. *जे भिक्खू अण्णो एकस्स अट्टाए पिप्पलमं जाइत्ता अण्णमण्णस्स अणुप्पदेति, अणुप्पदेत्तं वा सातिज्जति ॥

१. सं० पा०—एवं पिप्पलयं णखच्छेयणमं कण्ण-सोहणमं ।
 २. सं० पा०—एवं पिप्पलयं णहच्छेयणमं कण्ण-सोहणमं ।
 ३. सर्वास्वपि स्वीकृतप्रतिषु 'जे भिक्खू अण्णो एकस्स अट्टाए' इति सूत्रचतुष्टयं पूर्वं तथा 'जे भिक्खू पाडिहारियं' इति सूत्रचतुष्टयं

- पश्चात् वर्तते । अत्र स्वीकृतपाठो भाष्य-वृत्ति-मनुसरति ।
 ४. णखं (अ) ।
 ५. सूइं जायइ (अ) ।
 ६. सं० पा०—एवं पिप्पलयं णहच्छेयणमं कण्ण-सोहणमं ।

३३. जे भिक्खू अप्पणो एककस्स अट्टाए णहच्छेयणं जाइत्ता अण्णमण्णस्स अणुप्पदेति, अणुप्पदेते वा सातिज्जति ॥

३४. जे भिक्खू अप्पणो एककस्स अट्टाए कण्णसोहणं जाइत्ता अण्णमण्णस्स अणुप्पदेति, अणुप्पदेते वा सातिज्जति* ॥

अविही-पदं

३५. जे भिक्खू सूइं अविहीए पच्चप्पिणति, पच्चप्पिणतं वा सातिज्जति ॥

३६. *जे भिक्खू अविहीए पिप्पलणं पच्चप्पिणति, पच्चप्पिणतं वा सातिज्जति ॥

३७. जे भिक्खू अविहीए णहच्छेयणं पच्चप्पिणति, पच्चप्पिणतं वा सातिज्जति ॥

३८. जे भिक्खू अविहीए कण्णसोहणं पच्चप्पिणति, पच्चप्पिणतं वा सातिज्जति ॥*

अण्णउत्थिय-गारत्थिय पदं

३९. जे भिक्खू लाउपायं वा दारुपायं वा मट्टियापायं वा अण्णउत्थिएण वा गारत्थिएण वा परिघट्टावेति वा 'संठवेति वा जमावेति वा', अलमप्पणो करणयाए सुहुममवि णो कप्पइ, जाणमाणे सरमाणे अण्णमण्णस्स वियरति, वियरतं वा सातिज्जति ॥

४०. जे भिक्खू दंडयं वा लट्टियं वा अवलेहणियं वा वेणुसूइयं वा अण्णउत्थिएण वा गारत्थिएण वा परिघट्टावेति वा *संठवेति वा जमावेति वा, अलमप्पणो करणयाए सुहुममवि णो कप्पइ, जाणमाणे सरमाणे अण्णमण्णस्स वियरति, वियरतं वा सातिज्जति ॥

पाय-पदं

४१. जे भिक्खू पायस्स एकं तुडियं तड्डेति, तड्डेतं वा सातिज्जति ॥

४२. जे भिक्खू पायस्स परं तिण्हं तुडियाणं तड्डेति, तड्डेतं वा सातिज्जति ॥

४३. जे भिक्खू पायं अविहीए बंधति, बंधतं वा सातिज्जति ॥

४४. जे भिक्खू पायं एगेण बंधेण बंधति, बंधतं वा सातिज्जति ॥

४५. जे भिक्खू पायं परं तिण्हं बंधाणं बंधति, बंधतं वा सातिज्जति ॥

४६. जे भिक्खू अतिरेगबंधणं पायं दिवड्ढाओ मासाओ परं धरेति, धरतं वा सातिज्जति ॥

वत्थ-पदं

४७. जे भिक्खू 'वत्थस्स एगं' पडियाणियं देति, देतं वा सातिज्जति ॥

१. सं० पा०—एवं पिप्पलयं णहच्छेयणं कण्ण-सोहणयं ।

२. ठावेति वा जमावेति वा (अ) ।

३. कारणयाए (क, ग) ।

४. परिघट्टावेइ (ग) ।

५. सं० पा०—सो चेव मग्गिल्लओ गमओ अणु-गंतव्वो जाव साति ।

६. परेण (ख, ग) ।

७. वत्थे एगमवि (अ) ।

४८. जे भिक्खू वत्थस्स परं तिण्हं पडियाणियाणं देति, देतं वा सातिज्जति ॥
 ४९. जे भिक्खू अविहीए वत्थं सिव्वति, सिव्वंतं वा सातिज्जति ॥
 ५०. जे भिक्खू वत्थस्स एणं फालिय-गंठियं करेति, करेतं वा सातिज्जति ॥
 ५१. जे भिक्खू वत्थस्स परं तिण्हं 'फालिय-गंठियाणं'^१ करेति, करेतं वा सातिज्जति^२ ॥
 ५२. 'जे भिक्खू वत्थस्स परं तिण्हं फालिय-गंठीणं संसिब्बेति, संसिब्बंतं वा सातिज्जति'^३ ॥
 ५३. जे भिक्खू अतज्जाएणं 'गहेति, गहेतं'^४ वा सातिज्जति ॥
 ५४. जे भिक्खू अइरेगगहियं वत्थं परं दिवड्ढाओ मासाओ धरेति, धरेतं वा सातिज्जति ॥

अण्णउत्थिय-गारत्थिय-पदं

५५. जे भिक्खू गिह्धूमं^५ अण्णउत्थिएण वा गारत्थिएण वा परिसाडावेति, परिसाडावेतं वा सातिज्जति ॥

पूतिकम्म-पदं

५६. जे भिक्खू पूतिकम्मं भुंजति, भुंजंतं वा सातिज्जति—
 'तं सेवमाणे आवज्जइ मासियं परिहारट्ठायणं अणुग्घातियं'^६ ॥

१. फालियंठियाणं (अ) ।

२. अतः परं 'ख' प्रती अन्यानि त्रीणि सूत्राणि दृश्यन्ते—जे वत्थस्स एणं फालियं गंठेति गंठंतं वा सातिज्जति ।

जे वत्थस्स परं तिण्हं फालियाणं गंठेति गंठेतं वा सातिज्जति ।

जे वत्थं अविहीए गंठेति गंठेतं वा साति-

ज्जति ।

३. × (अ) ।

४. 'गहेति' इति क्रियापदस्य 'ग्रथ्नाति' इति संस्कृतरूपं विद्यते, तेन 'गहेति गंठेति' इति द्वे अपि क्रियापदे समानार्थके स्तः ।

५. गिह्धूमं (अ, ख) ।

६. × (चू) ।

विइआ उद्देशो

पायपुच्छण-पदं

१. जे भिक्खू दारुदंडयं पायपुच्छणं करेति, करेतं वा सातिज्जति ॥
२. जे भिक्खू दारुदंडयं पायपुच्छणं गेण्हति, गेण्हंतं वा सातिज्जति ॥
३. *जे भिक्खू दारुदंडयं पायपुच्छणं धरेति, धरेंटं वा सातिज्जति ॥
४. जे भिक्खू दारुदंडयं पायपुच्छणं वितरति, वितरेंटं वा सातिज्जति ॥
५. जे भिक्खू दारुदंडयं पायपुच्छणं परिभाएति^१, परिभाएंतं वा सातिज्जति ॥
६. जे भिक्खू दारुदंडयं पायपुच्छणं परिभुंजति, परिभुंजंतं वा सातिज्जति^० ॥
७. जे भिक्खू दारुदंडयं पायपुच्छणं परं दिवड्ढाओ मासाओ धरेति, धरेंटं वा सातिज्जति ॥
८. जे भिक्खू दारुदंडयं पायपुच्छणं विसुयावेति, विसुयावेतं वा सातिज्जति ॥

जिघति-पदं

९. जे भिक्खू अन्नित्तपतिट्टियं गंधं जिघति, जिघंतं वा सातिज्जति ॥

सयमेवकरण-पदं

१०. जे भिक्खू पदमगं वा संक्रमं वा आलंबणं वा सयमेव करेति, करेतं वा सातिज्जति ॥
११. *जे भिक्खू दगवीणियं सयमेव करेति, करेतं वा सातिज्जति ॥
१२. जे भिक्खू सिक्कगं वा सिक्कगणंतगं वा सयमेव करेति, करेतं वा सातिज्जति ॥
१३. जे भिक्खू सोत्तियं वा रज्जुयं वा चिलिमिलि सयमेव करेति, करेतं वा सातिज्जति ॥

१. सं० पा०—एवं धरेति वितरति परिभाएति परिभुंजति ।

२. परियाभाएति (अ) ।

३. सं० पा०—एवं दगवीणियं सिक्कगं वा सिक्क-

गणंतगं वा सोत्तियं वा रज्जुयं वा चिलिमिलि सूइए उत्तरकरणं पिप्पलयस्स उत्तरकरणं णहच्छेयणगस्स कण्णसोहणयस्स उत्तरकरणं ।

१४. जे भिक्खू सूईए उत्तरकरणं सयमेव करेति, करेतं वा सातिज्जति ॥
 १५. जे भिक्खू पिप्पलयस्स उत्तरकरणं सयमेव करेति, करेतं वा सातिज्जति ॥
 १६. जे भिक्खू गहच्छेयणगस्स उत्तरकरणं सयमेव करेति, करेतं वा सातिज्जति ॥
 १७. जे भिक्खू कण्णसोहणयस्स उत्तरकरणं सयमेव करेति, करेतं वा सातिज्जति ॥

लहुसग-पदं

१८. जे भिक्खू लहुसगं फरुसं वयति, वयंतं वा सातिज्जति ॥
 १९. जे भिक्खू लहुसगं मुसं वयति, वयंतं वा सातिज्जति ॥
 २०. जे भिक्खू लहुसगं अदत्तं आदियति, आदियंतं वा सातिज्जति ॥
 २१. जे भिक्खू लहुसएण सीओदग-वियडेण वा उसिणोदग-वियडेण वा हत्थाणि वा पादाणि वा 'दंताणि वा' मुहाणि^१ वा उच्छोलेज्ज वा पधोवेज्ज^२ वा, उच्छोल्लेतं^३ वा पधोवेतं^४ वा सातिज्जति ॥

कसिण-पदं

२२. जे भिक्खू कसिणाइं चम्माइं धरेति, धरेतं वा सातिज्जति ॥
 २३. जे भिक्खू कसिणाइं वत्थाइं धरेति, धरेतं वा सातिज्जति ॥^५

सयमेव-पदं

२४. जे भिक्खू लाउयपायं वा दारुपायं वा मट्टियापायं वा सयमेव परिघट्टेति वा संठवेति वा जमावेति^६ वा, परिघट्टेतं वा संठवेतं वा जमावेतं^७ वा सातिज्जति ॥
 २५. *जे भिक्खू दंडगं वा लट्टियं वा अवलेहणियं वा वेणुसूइयं^८ वा सयमेव परिघट्टेति वा संठवेति वा जमावेति वा, परिघट्टेतं वा संठवेतं वा जमावेतं^९ वा सातिज्जति ॥
 २६. जे भिक्खू णियगं^{१०}-गवेसियं^{११} पडिग्गहं^{१२} धरेति, धरेतं वा सातिज्जति ॥

१. कण्णाणि वा अच्छीणि वा दंताणि वा (अ);
 २. दंताणि वा कण्णाणि वा अच्छीणि वा णहाणि वा (ख) ।

३. मुहं (अ, ख); आसए पोसए य अण्णे य इंदियमुहा मुहाणि (च) ।

४. पच्छोलेज्ज (ग) ।

५. पच्छोल्लेतं (ग) ।

६. अतः परं 'क, ख, ग' प्रतिषु एकं अतिरिक्तं सूत्रं दृश्यते—जे भिक्खू अभिण्णाइं वत्थाइं धरेइ धरेतं वा सातिज्जति ।

६. वा सम्मट्टेति वा (अ) ।

७. जवति (अ); जवेति (क, ख, ग) ।

८. जवंतं (अ); जवेतं (क, ख, ग) ।

९. सं० पा०—एवं दंडगं वा लट्टियं वा अवलेहणियं वा वेणुसूइयं जाव जमावेतं ।

१०. वेणुसूयि (अ); वेणुसूइयं (क) ।

११. णिय (ख, ग) ।

१२. गवेसितगं (अ); गवेसियगं (क, ख, ग) सर्वत्र ।

१३. पडिग्गहं (अ) ।

२७. जे भिक्खू पर-गवेसियं पडिग्गहगं धरेति, धरेंतं वा सातिज्जति ॥
 २८. जे भिक्खू वर-गवेसियं पडिग्गहगं धरेति, धरेंतं वा सातिज्जति ॥
 २९. जे भिक्खू बल-गवेसियं पडिग्गहगं धरेति, धरेंतं वा सातिज्जति ॥
 ३०. जे भिक्खू लव'-गवेसियं पडिग्गहगं धरेति, धरेंतं वा सातिज्जति ॥

नितिय-पदं

३१. जे भिक्खू नितियं अग्गपिंडं^१ भुंजति, भुंजंतं वा सातिज्जति ॥
 ३२. जे भिक्खू नितियं पिंडं^२ भुंजति, भुंजंतं वा सातिज्जति ॥
 ३३. 'जे भिक्खू नितियं अवड्ढं भुंजति, भुंजंतं वा सातिज्जति'^३ ॥
 ३४. जे भिक्खू नितियं भागं भुंजति, भुंजंतं वा सातिज्जति ॥
 ३५. जे भिक्खू नितियं अवड्ढभागं^४ भुंजति, भुंजंतं वा सातिज्जति^५ ॥
 ३६. जे भिक्खू 'नितियं वासं'^६ वसति, वसंतं वा सातिज्जति ॥

संथव-पदं

३७. जे भिक्खू पुरेसंथवं वा पच्छासंथवं वा करेति, करेंतं वा सातिज्जति ॥

भिक्खायरिया-पदं

३८. जे भिक्खू समाणे वा वसमाणे वा गामाणुगामं वा दूइज्जमाणे पुरे संथुयाणि वा पच्छासंथुयाणि वा कुलाइं पुव्वामेव 'पच्छा वा'^७ भिक्खायरियाए^८ अणुपविसति, अणुपविसंतं वा सातिज्जति ॥

अणुउत्थिय-गारत्थिय-अपरिहारिय-पदं

३९. जे भिक्खू अणुउत्थिएण वा गारत्थिएण वा परिहारिओ^९ अपरिहारिएण सद्धि गाहावड्ढ-कुलं पिंडवाय-पडियाए 'अणुपविसति वा णिक्खमति वा, अणुपविसंतं वा णिक्खमंतं वा'^{१०} सातिज्जति ॥
 ४०. जे भिक्खू अणुउत्थिएण वा, गारत्थिएण वा, परिहारिओ अपरिहारिएण सद्धि

१. लवं (क, ख, ग) ।

२. पिंडं (अ) ।

३. अग्गपिंडं (अ) ।

४. × (अ, ख) ।

५. उवड्ढ^०(ग) ।

६. अतः परं 'अ' प्रती सूत्रद्वयमतिरिक्तं विद्यते—
 जे भिक्खू णितियं ऊण्डुभागं भुंजति, भुंजंतं वा सातिज्जति । । जे णितियं ऊण्डुभागं भुंजति भुंजंतं वा साति । 'क, ख' प्रत्योः एकं अति-

रिक्तं सूत्रं विद्यते—जे भिक्खू णितियं ऊण्डु-
 भागं भुंजति भुंजंतं वा सातिज्जति ।

७. नितियावासं (अ, ख) ।

८. पच्छामेव (अ) ।

९. पिंडवायपडियाए (अ, ख) ।

१०. परिहारियो वा (अ, ख) ।

११. णिक्खवति वा पविसति वा णिक्खमंतं वा पविसंतं वा (अ, ख) ।

बहिया 'वियारभूमि वा विहारभूमि वा' णिक्खमति वा पविसति वा, णिक्खमंतं वा पविसंतं वा सातिज्जति ॥

४१. जे भिक्खू अण्णउत्थिएण वा, गारत्थिएण वा, परिहारिओ अपरिहारिएर्हि सद्धिं गामाणुगामं दूइज्जति, दूइज्जंतं वा सातिज्जति ॥

भोयण-जाय-पदं

४२. जे भिक्खू अण्णयरं भोयण-जायं पडिगाहेत्ता सुब्धिं-सुब्धिं भुंजति, दुब्धिं-दुब्धिं परिट्ठवेति, परिट्ठवेतं वा सातिज्जति ॥

पाणग-जाय-पदं

४३. जे भिक्खू अण्णयरं पाणग-जायं पडिगाहेत्ता पुप्फयं-पुप्फयं आइयइ, कसायं-कसायं 'परिट्ठवेति, परिट्ठवेतं' वा सातिज्जति ॥

बहुपरियावण-भोयण-पदं

४४. जे भिक्खू मणुणं भोयण-जायं बहुपरियावणं, अदूरे तत्थ साहम्मिया संभोइया समणुण्णा अपरिहारिया संता परिवसंति, ते अणापुच्छिता अणिमंतिया परिट्ठवेति, परिट्ठवेतं वा सातिज्जति ॥

सागारिय-पदं

४५. जे भिक्खू सागारिय-पिंडं गिण्हति, गिण्हंतं वा सातिज्जति ॥

४६. जे भिक्खू सागारिय-पिंडं भुंजति, भुंजंतं वा सातिज्जति ॥

४७. जे भिक्खू सागारिय-कुलं अजाणिय अपुच्छिय अगवेसिय पुव्वामेव पिंडवाय-पडियाए अणुप्पविसति, अणुप्पविसंतं वा सातिज्जति ॥

४८. जे भिक्खू सागारिय-नीसाए असणं वा पाणं वा खाइमं वा साइमं वा ओभासिय-ओभासिय जायति, जायंतं वा सातिज्जति ॥

सेज्जासंथारय-पदं

४९. जे भिक्खू उडुबद्धियं सेज्जा-संथारयं परं पज्जोसवणाओ उवातिणाति, उवातिणंतं वा सातिज्जति ॥

५०. जे भिक्खू वासावासियं सेज्जा-संथारयं परं दसरायकप्पाओ उवातिणाति, उवातिणंतं वा सातिज्जति ॥

५१. जे भिक्खू उडुबद्धियं वा वासावासियं वा सेज्जा-संथारयं उवरि सिज्जमाणं पेहाए

१. विहारं...वियारं (क, ख) ।

२. चूर्णौ 'पाणगजायं' इति सूत्रं पूर्वं विद्यते, 'भोयणजायं' इति सूत्रं पश्चाद् विद्यते ।

३. परिट्ठावेति परिट्ठावेतं (अ, क) ।

४. पडिगाहेत्ता बहुपरियावणं सिया (ख) ।

५. चूर्णौ अकारसंकेतितयां ताडपत्रीयप्रती एतत् सूत्रं नैव दृश्यते ।

६. उउं (अ, क); उडुबद्धगहितं (चू) ।

७. पज्जोसमणाओ (अ) ।

८. समाणं (अ) ।

न ओसारति, न ओसारेंतं वा सातिज्जति ॥

५२. जे भिक्खू पाडिहारियं सेज्जा-संधारयं दोच्चं^१ अणुणवेत्ता^२ बाहिं णीणेति, णीणेंतं वा सातिज्जति^३ ॥
५३. जे भिक्खू पाडिहारियं सेज्जा-संधारयं आयाए अपडिहट्टु संपव्वयइ, संपव्वयंतं वा सातिज्जति ॥
५४. जे भिक्खू सागारिय-संतियं सेज्जा-संधारयं आयाए अविगरणं^४ कट्टु अणप्पिणित्ता^५ संपव्वयइ, संपव्वयंतं वा सातिज्जति ॥
५५. जे भिक्खू पाडिहारियं वा सागारिय-संतियं वा सेज्जा-संधारयं विप्पणट्ठणं ण गवेसति ण गवेसंतं वा सातिज्जति ॥

पडिलेहण-पवं

५६. जे भिक्खू इत्तरियंपि^६ उवाहिं ण पडिलेहेति, ण पडिलेहेतं वा सातिज्जति—
तं सेवमाणे आवज्जइ मासियं परिहारट्ठाणं उग्घातियं ॥

१. × (क, ख); दोच्चंपि (ग) ।

२. अणुणवेत्ता (क, ख, ग) अशुद्धं प्रतिभाति ।

३. अतः परं 'क, ख, ग' प्रतिषु निम्ननिदिष्टे द्वे सूत्रे लभ्येते—जे भिक्खू सागारियसंतियं सेज्जासंधारयं अणुणवेत्ता बाहिं णीणेति, णीणेंतं वा सातिज्जति । जे भिक्खू पाडिहारियं सागारियसंतियं वा सेज्जासंधारयं दोच्चंपि अणुणवेत्ता बाहिं णीणेति, णीणेंतं वा साति-

ज्जति । भाष्ये चूणी च नैते व्याख्याते स्तः 'अ' प्रती लिखित्वा पुनः कर्तिते स्तः । एतयोर्नास्ति किञ्चिद् अतिरिक्तं प्रतिपाद्यम्, तेन नावश्यकं प्रतिभातः ।

४. अधिकरणं (क, ख, ग) अशुद्धं प्रतिभाति ।

५. × (अ) ।

६. इत्तरियंपि (अ, क, ग) ।

तद्दो उद्देशो

ओभासण-पदं

१. जे भिक्खू आगंतारेसु वा आरामागारेसु वा गाहावतिकुलेसु वा^१ परियावसहेसु वा अण्णउत्थियं वा गारत्थियं वा असणं वा पाणं वा खाइमं वा साइमं वा 'ओभासति, ओभासंतं वा'^२ सातिज्जति ॥
२. *जे भिक्खू आगंतारेसु वा आरामागारेसु वा गाहावतिकुलेसु वा परियावसहेसु वा अण्णउत्थिया वा गारत्थिया वा असणं वा पाणं वा खाइमं वा साइमं वा ओभासति, ओभासंतं वा सातिज्जति ॥
३. जे भिक्खू आगंतारेसु वा आरामागारेसु वा गाहावतिकुलेसु वा परियावसहेसु वा 'अण्णउत्थिणीं वा गारत्थिणीं'^३ वा असणं वा पाणं वा खाइमं वा साइमं वा ओभासति, ओभासंतं वा सातिज्जति ॥
४. जे भिक्खू आगंतारेसु वा आरामागारेसु वा गाहावतिकुलेसु वा परियावसहेसु वा अण्णउत्थिणीओ वा गारत्थिणीओ वा असणं वा पाणं वा खाइमं वा साइमं वा ओभासति, ओभासंतं वा सातिज्जति^४ ॥
५. जे भिक्खू आगंतारेसु वा^५ *आरामागारेसु वा गाहावतिकुलेसु वा परियावसहेसु वा कोउहल्ल-पडियाए पडियागतं समाणं अण्णउत्थियं वा गारत्थियं वा असणं वा पाणं वा खाइमं वा साइमं वा ओभासति, ओभासंतं वा सातिज्जति ॥
६. जे भिक्खू आगंतारेसु वा आरामागारेसु वा गाहावतिकुलेसु वा परियावसहेसु वा

१. अतः परं 'क' प्रती 'जाव' इति पदं दृश्यते ।
२. ओभासिय ओभासिय जायति जायंतं वा (अ, क, ख) ।
३. सं० पा०—एवं अण्णउत्थिया वा गारत्थिया वा अण्णउत्थिणीं वा गारत्थिणीं वा अण्णउत्थिणीओ वा गारत्थिणीओ वा ।
४. अण्णउत्थिणी वा गारत्थिणी (क, ख, ग) ।

५. आगंतारेसु वा जाव परियावसहेसु वा अण्णउत्थियं वा गारत्थियं वा कोउहल्लपडियाते^६ (क, ख, ग) । सं० पा०—आगंतारेसु वा जाव परियावसहेसु वा कोउहल्लपडियाए पडियागतं वा समाणं वा असणं वा ४ ओभासति २ जायति जायंतं वा साति एवं एतेण वि चत्तारि गमगा ।

कोउहल्ल-पडियाए पडियागता समाणा अण्णउत्थिया वा गारत्थिया वा असणं वा पाणं वा खाइमं वा साइमं वा ओभासति, ओभासंतं वा सातिज्जति ॥

७. जे भिक्खू आगंतारेसु वा आरामागारेसु वा गाहावतिकुलेसु वा परियावसहेसु वा कोउहल्ल-पडियाए पडियागतं समाणं अण्णउत्थिणीं वा गारत्थिणीं वा असणं वा पाणं वा खाइमं वा साइमं वा ओभासति, ओभासंतं वा सातिज्जति ॥

८. जे भिक्खू आगंतारेसु वा आरामागारेसु वा गाहावतिकुलेसु वा परियावसहेसु वा कोउहल्ल-पडियाए पडियागता समाणा अण्णउत्थिणीओ वा गारत्थिणीओ वा असणं वा पाणं वा खाइमं वा साइमं वा ओभासति, ओभासंतं वा सातिज्जति° ॥

९. जे भिक्खू आगंतारेसु वा आरामागारेसु वा गाहावतिकुलेसु वा परियावसहेसु वा अण्णउत्थिएण वा गारत्थिएण वा असणं वा पाणं वा खाइमं वा साइमं वा अभिहडं आहट्टु दिज्जमाणं पडिसेहेत्ता तमेव 'अणुवत्तिय-अणुवत्तिय' परिवेढिय-परिवेढिय परिजविय-परिजविय 'ओभासति, ओभासंतं वा' सातिज्जति ॥

१०. *जे भिक्खू आगंतारेसु वा आरामागारेसु वा गाहावतिकुलेसु वा, परियावसहेसु वा अण्णउत्थिएहि वा गारत्थिएहि वा असणं वा पाणं वा खाइमं वा साइमं वा अभिहडं आहट्टु दिज्जमाणं पडिसेहेत्ता तमेव अणुवत्तिय अणुवत्तिय परिवेढिय-परिवेढिय परिजविय-परिजविय ओभासति, ओभासंतं वा सातिज्जति ॥

११. जे भिक्खू आगंतारेसु वा आरामागारेसु वा गाहावतिकुलेसु वा परियावसहेसु वा अण्णउत्थिणीए वा गारत्थिणीए वा असणं वा पाणं वा खाइमं वा साइमं वा अभिहडं आहट्टु दिज्जमाणं पडिसेहेत्ता तमेव अणुवत्तिय-अणुवत्तिय परिवेढिय-परिवेढिय परिजविय-परिजविय ओभासति, ओभासंतं वा सातिज्जति ॥

१२. जे भिक्खू आगंतारेसु वा आरामागारेसु वा गाहावतिकुलेसु वा परियावसहेसु वा अण्णउत्थिणीहि वा गारत्थिणीहि वा असणं वा पाणं वा खाइमं वा साइमं वा अभिहडं आहट्टु दिज्जमाणं पडिसेहेत्ता तमेव अणुवत्तिय-अणुवत्तिय परिवेढिय-परिवेढिय परिजविय-परिजविय ओभासति, ओभासंतं वा सातिज्जति° ॥

भिक्खायरिया-पदं

१३. जे भिक्खू गाहावडकुलं पिडवाय-पडियाए पविट्ठे पडियाइक्खिए° समाणे दोच्चं तमेव कुलं अणुप्पविसति, अणुप्पविसंतं वा सातिज्जति ॥

१४. जे भिक्खू संखडि-पलोयणाए असणं वा पाणं वा खाइमं वा साइमं वा पडिग्गाहेति° पडिग्गाहेतं वा सातिज्जति ॥

१. पडियाइक्खित्ता (अ) ।

२. उवतिय उवतिय (अ, क) ।

३. ओभासिय ओभासिय जायति जायंतं वा (अ, क, ख, ग) ।

४. सं० पा०—एवं एतेण चैव चत्तारि गमगा ।

५. पच्चक्खिते (अ, ख) ।

६. दोच्चंपि (ख) ।

७. पडिग्गाहेति (अ, ख, ग) ।

१५. जे भिक्खू गाहावइकुलं पिंडवाय-पडियाए अणुपचिट्ठे समाणे परं ति-घरंतराओ^१ असणं वा पाणं वा खाइमं वा साइमं वा अभिहडं आहट्टु दिज्जमाणं पडिग्गाहेति, पडिग्गाहेतं वा सातिज्जति ॥

पाय-परिकम्म-पदं

१६ जे भिक्खू अप्पणो पाए आमज्जेज्ज वा पमज्जेज्ज वा, आमज्जंतं वा पमज्जंतं वा सातिज्जति ॥

१७. जे^२ भिक्खू अप्पणो पाए 'संवाहेज्ज वा पलिमद्देज्ज'^३ वा, संवाहेतं वा पलिमद्देतं वा सातिज्जति ॥

१८. जे भिक्खू अप्पणो पाए तेल्लेण वा घएण वा वसाए वा णवणीएण वा 'अब्भंगेज्ज वा मक्खेज्ज वा'^४, अब्भंगेतं वा मक्खेतं वा सातिज्जति ॥

१९. जे भिक्खू अप्पणो पाए लोद्धेण वा कक्केण वा चुण्णेण वा वण्णेण वा^५ उल्लोलेज्ज वा उव्वट्टेज्ज वा, उल्लोलेतं वा उव्वट्टेतं वा सातिज्जति ॥

२०. जे भिक्खू अप्पणो पाए सीओदग-वियडेण वा उसिणोदग-वियडेण वा उच्छोलेज्ज वा पधोवेज्ज वा, उच्छोलेतं वा पधोवेतं वा सातिज्जति ॥

२१. जे भिक्खू अप्पणो पाए फुमेज्ज^६ वा रएज्ज वा, फुमेतं^७ वा रएतं वा सातिज्जति ।

काय-परिकम्म-पदं

२२. जे भिक्खू अप्पणो कायं आमज्जेज्ज वा पमज्जेज्ज वा, आमज्जंतं वा पमज्जंतं वा सातिज्जति ॥

२३. *जे भिक्खू अप्पणो कायं संवाहेज्ज वा पलिमद्देज्ज वा, संवाहेतं वा पलिमद्देतं वा सातिज्जति ॥

२४. जे भिक्खू अप्पणो कायं तेल्लेण वा घएण वा वसाए वा णवणीएण वा अब्भंगेज्ज वा मक्खेज्ज वा, अब्भंगेतं वा मक्खेतं वा सातिज्जति ॥

२५. जे भिक्खू अप्पणो कायं लोद्धेण वा कक्केण वा चुण्णेण वा वण्णेण वा उल्लोलेज्ज वा उव्वट्टेज्ज वा, उल्लोलेतं वा उव्वट्टेतं वा सातिज्जति ॥

१. अतः परं चूणौ 'आयाए शुहीत्वा' इति व्याख्यातमस्ति । आदर्शेषु 'आयाए' इति पदं नैव लभ्यते ।

२. अतः 'फुमेज्ज वा' इति पञ्चसूत्राणां स्थाने भाष्ये सूत्रभेदो वर्तते—एतेसि पंचण्हं सुत्ताणं संगहमाहा—

संवाहणा पधोवण, कक्कादीणुव्वलण मक्खणं वा वि ।
फुमणं वा राइल्लं वा, जो कुज्जा अप्पणो पादे

॥१४६५॥

३. संवोहेति वा पलिमद्देइ (क) ।

४. मक्खेज्ज वा अब्भंगेज्ज वा (अ, क, ख) ;
मक्खेज्ज वा भिलिगेज्ज वा (क्वचित्) ।

५. क्वचिन्नास्ति ।

६. फूमेज्ज (अ, क) ।

७. फूमेतं (अ, क) ।

८. सं० पा०—एतेण अभिलावेण सो चेव गमओ भाणियव्वो जाव रएतं ।

२६. जे भिक्खू अप्पणो कायं सीओदग्-वियडेण वा उसिणोदग्-वियडेण वा उच्छोलेज्ज वा पधोवेज्ज वा, उच्छोलेंतं वा पधोवेंतं वा सातिज्जति ॥

२७. जे भिक्खू अप्पणो कायं फुमेज्ज वा रएज्ज वा, फुमेंतं वा^० रएंतं वा सातिज्जति ॥

वण-परिकम्म-पदं

२८. जे भिक्खू अप्पणो कायंसि वणं आमज्जेज्ज वा पमज्जेज्ज वा, आमज्जंतं वा पमज्जंतं वा सातिज्जति ॥

२९. *जे भिक्खू अप्पणो कायंसि वणं संवाहेज्ज वा पलिमहेज्ज वा, संवाहेतं वा पलिमहेतं वा सातिज्जति ॥

३०. जे भिक्खू अप्पणो कायंसि वणं तेल्लेण वा घएण वा वसाए वा णवणीएण वा अब्भंगेज्ज वा मक्खेज्ज वा, अब्भंगेंतं वा मक्खेंतं वा सातिज्जति ॥

३१. जे भिक्खू अप्पणो कायंसि वणं लोद्धेण वा कक्केण वा चुण्णेण वा वण्णेण वा उल्लोलेज्ज वा उव्वट्टेज्ज वा, उल्लोलेंतं वा उव्वट्टेंतं वा सातिज्जति ॥

३२. जे भिक्खू अप्पणो कायंसि वणं सीओदग्-वियडेण वा उसिणोदग्-वियडेण वा उच्छोलेज्ज वा पधोवेज्ज वा, उच्छोलेंतं वा पधोवेंतं वा सातिज्जति ॥

३३. जे भिक्खू अप्पणो कायंसि वणं फुमेज्ज वा रएज्ज वा, फुमेंतं वा^० रएंतं वा सातिज्जति ॥

गंडावि-परिकम्म-पदं

३४. जे भिक्खू अप्पणो कायंसि गंडं वा पिडयं^१ वा अरइयं वा असियं^२ वा भगंदलं वा अण्णयरेणं तिकखेणं सत्थजाएणं अच्चिद्वेज्ज वा विच्चिद्वेज्ज वा, अच्चिद्वंतं वा विच्चिद्वंतं वा सातिज्जति ॥

३५. जे भिक्खू अप्पणो कायंसि गंडं वा पिडयं वा अरइयं वा असियं वा भगंदलं वा अण्णयरेणं तिकखेणं सत्थजाएणं अच्चिदित्ता वा विच्चिदित्ता वा पूयं^३ वा सोणियं वा णीहरेज्ज वा विसोहेज्ज वा, णीहरेतं वा विसोहेतं वा सातिज्जति ॥

३६. *जे भिक्खू अप्पणो कायंसि गंडं वा पिडयं वा अरइयं^४ वा असियं वा भगंदलं वा

१. सं० पा०— एयस्स पायगमओ चैव भाणियव्वो जाव रएंतं । कायस्स वणे पि ते चैव (क) ।

२. पलियं (क, ख, ग) पिलमं (चू) ।

३. अंसि (अ); असियं (क) ।

४. पुव्वं (अ) ।

५. सं० पा०—जे अप्पणो कायंसि गंडं वा पिडयं वा अरइयं वा असियं वा भगंदलं वा अण्णयरेणं तिकख जाव विच्चिदिया जाव पूयं वा जाव विसोहेत्ता सीओदग्-वियडेण वा उसिणो-

दग्-वियडेण वा उच्छोलेज्ज वा पधोवेज्ज वा उच्छोलेंतं वा पधोवेंतं वा सातिज्जति एवं अण्णयरेणं आलेवणजाएणं आलिपेज्ज वा विलिपेज्ज वा आलिपंतं वा विलिपंतं वा सातिज्जति एवं अभंगिति वेत्यादि एवं एतेण गमएण धूवेज्ज वा पधूवेज्ज वत्ति णेयव्वं ।

६. अरयं (अ, क, ख); अरति (ग) ।

अण्णयरेणं तिक्खेणं सत्थजाएणं अच्चिद्धित्ता वा विच्चिद्धित्ता वा पूयं वा सोणियं वा णीहरित्ता वा विसोहेत्ता वा सीओदग-वियडेण वा उस्सिणोदग-वियडेण वा उच्छोलेज्ज वा पधोवेज्ज वा, उच्छोलेत्तं वा पधोवेत्तं वा सातिज्जति ॥

३७. जे भिक्खू अप्पणो कायंसि गंडं वा पिडयं वा अरइयं वा असियं वा भगंदलं वा अण्णयरेणं तिक्खेणं सत्थजाएणं अच्चिद्धित्ता वा विच्चिद्धित्ता वा पूयं वा सोणियं वा णीहरित्ता वा विसोहेत्ता वा सीओदग-वियडेण वा उस्सिणोदग-वियडेण वा उच्छोलेत्ता वा पधोएत्ता वा अण्णयरेणं आलेवणजाएणं आलिपेज्ज वा विलिपेज्ज वा, आलिपंतं वा विलिपंतं वा सातिज्जति ॥

३८. जे भिक्खू अप्पणो कायंसि गंडं वा पिडयं वा अरइयं वा असियं वा भगंदलं वा अण्णयरेणं तिक्खेणं सत्थजाएणं अच्चिद्धित्ता वा विच्चिद्धित्ता वा पूयं वा सोणियं वा णीहरित्ता वा विसोहेत्ता वा सीओदग-वियडेण वा उस्सिणोदग-वियडेण वा उच्छोलेत्ता वा पधोएत्ता वा अण्णयरेणं आलेवणजाएणं आलिपित्ता वा विलिपित्ता वा तेल्लेण वा घएण वा वसाए वा णवणीएण वा अब्भंगेज्ज वा मक्खेज्ज वा, अब्भंगेत्तं वा मक्खेत्तं वा सातिज्जति ॥

३९. जे भिक्खू अप्पणो कायंसि गंडं वा पिडयं वा अरइयं वा असियं वा भगंदलं वा अण्णयरेणं तिक्खेणं सत्थजाएणं अच्चिद्धित्ता वा विच्चिद्धित्ता वा पूयं वा सोणियं वा णीहरित्ता वा विसोहेत्ता वा सीओदग-वियडेण वा उस्सिणोदग-वियडेण वा उच्छोलेत्ता वा पधोएत्ता वा अण्णयरेणं आलेवणजाएणं आलिपित्ता वा विलिपित्ता वा तेल्लेण वा घएण वा वसाए वा णवणीएण वा अब्भंगेत्ता वा मक्खेत्ता वा अण्णयरेणं धूवणजाएणं धूवेज्ज वा पधूवेज्ज वा, धूवेत्तं वा पधूवेत्तं वा सातिज्जति° ।

किमि-पदं

४०. जे भिक्खू अप्पणो^१ पालुकिमियं वा कुच्चिक्किमियं वा अंगुलीए^२ णिवेसिय-णिवेसिय णीहरति, णीहरतं वा सातिज्जति ।

णह-सिहा-पदं

४१. जे भिक्खू अप्पणो 'दीहाओ णह-सिहाओ'^३ कप्पेज्ज वा संठवेज्ज वा, कप्पेत्तं वा संठवेत्तं वा सातिज्जति ।

दीह-रोम-पदं

४२. जे भिक्खू अप्पणो दीहाइं जघ-रोमाइं कप्पेज्ज वा संठवेज्ज वा, कप्पेत्तं वा संठवेत्तं वा सातिज्जति ।

४३. जे भिक्खू अप्पणो दीहाइं वत्थि-रोमाइं कप्पेज्ज वा संठवेज्ज वा, कप्पेत्तं वा संठवेत्तं वा सातिज्जति ।

१. × (अ) ।

३. दीहाइं णहसिहाइं (अ) ।

२. अप्पणो अंगुलीए (अ, क, ख) ।

वा सातिज्जति ॥

४४. जे भिक्खू अप्पणो दीह-रोमाइं कप्पेज्ज वा संठवेज्ज वा कप्पेंतं वा संठवेंतं वा सातिज्जति ॥
४५. जे भिक्खू अप्पणो दीहाइं कक्खाण-रोमाइं कप्पेज्ज वा संठवेज्ज वा, कप्पेंतं वा संठवेंतं वा सातिज्जति ॥
४६. जे भिक्खू अप्पणो दीहाइं मंसु^१-रोमाइं कप्पेज्ज वा संठवेज्ज वा, कप्पेंतं वा संठवेंतं वा सातिज्जति ॥

दंत-पदं

४७. जे भिक्खू अप्पणो दंते आघसेज्ज वा पघसेज्ज वा, आघसंतं वा पघसंतं वा सातिज्जति ॥
४८. जे भिक्खू अप्पणो दंते^२ उच्छोलेज्ज वा पधोवेज्ज वा, उच्छोलेंतं वा पधोवेंतं वा सातिज्जति ॥
४९. जे भिक्खू अप्पणो दंते फुमेज्ज वा रएज्ज वा फुमेंतं वा रएंतं वा सातिज्जति ॥

उट्ट-पदं

५०. जे भिक्खू अप्पणो उट्ठे आमज्जेज्ज वा पमज्जेज्ज वा आमज्जंतं वा पमज्जंतं वा सातिज्जति ॥
५१. जे भिक्खू अप्पणो उट्ठे संवाहेज्ज वा पलिमहेज्ज वा संवाहेंतं वा, पलिमहेंतं वा सातिज्जति ॥
५२. जे भिक्खू अप्पणो उट्ठे तेल्लेण वा घएण वा वसाए वा णवणीएण वा अब्भंमेज्ज वा मक्खेज्ज वा, अब्भंमेंतं वा मक्खेंतं वा सातिज्जति ॥
५३. जे भिक्खू अप्पणो उट्ठे लोद्धेण वा कक्केण वा चुण्णेण वा वण्णेण वा उल्लोलेज्ज वा उव्वट्टेज्ज वा, उल्लोलेंतं वा उव्वट्टेंतं वा सातिज्जति ॥
५४. जे भिक्खू अप्पणो उट्ठे सीओदग-वियडेण वा उसिणोदग-वियडेण वा उच्छोलेज्ज वा पधोवेज्ज वा, उच्छोलेंतं वा पधोवेंतं वा सातिज्जति ॥
५५. जे भिक्खू अप्पणो उट्ठे फुमेज्ज वा रएज्ज वा, फुमेंतं वा रएंतं वा सातिज्जति ॥

दीह-रोम-पदं

५६. जे भिक्खू अप्पणो दीहाइं उत्तरोट्ठ-^३रोमाइं कप्पेज्ज वा संठवेज्ज वा, कप्पेंतं वा संठवेंतं वा सातिज्जति ॥
५७. जे भिक्खू अप्पणो दीहाइं णासा-रोमाइं कप्पेज्ज वा संठवेज्ज वा, कप्पेंतं वा

१. अच्छि (अ) ।

स्वीकृतासु प्रतिषु नास्ति ।

२. 'दंते सीओदगवियडेण वा उसिणोदगवियडेण वा' इति पाठः क्वचिद् दृश्यते परमस्माभिः

३. सं० पा०—एवं उट्टे पायगमो भाणियव्वो ।

४. उत्तरोट्ठाइं (अ, ख) ।

संठवेतं वा सातिज्जति' ॥

अच्छि-पत्त-पदं

५८. *जे भिक्खू अप्पणो दीहाइं अच्छि-पत्ताइं कप्पेज्ज वा संठवेज्ज वा, कप्पेतं वा संठवेतं वा सातिज्जति' ॥

अच्छि-पदं

५९. जे भिक्खू अप्पणो अच्छीणि आमज्जेज्ज वा *पमज्जेज्ज वा, आमज्जंतं वा पमज्जंतं वा सातिज्जति ॥

६०. जे भिक्खू अप्पणो अच्छीणि संवाहेज्ज वा पलिमद्देज्ज वा, संवाहेतं वा पलिमद्देतं वा सातिज्जति ।

६१. जे भिक्खू अप्पणो अच्छीणि तेल्लेण वा घएण वा वसाए वा णवणीएण वा अब्भंगेज्ज वा मक्खेज्ज वा, अब्भंगेतं वा मक्खेतं वा सातिज्जति ॥

६२. जे भिक्खू अप्पणो अच्छीणि लोद्धेण वा कक्केण वा चुण्णेण वा वण्णेण वा उल्लो-लेज्ज वा उव्वट्ठेज्ज वा, उल्लोलेतं वा उव्वट्ठेतं वा सातिज्जति ॥

६३. जे भिक्खू अप्पणो अच्छीणि सीओदग-वियडेण वा उसिणोदग-वियडेण वा उच्छो-लेज्ज वा पघोवेज्ज वा, उच्छोलेतं वा पघोवेतं वा सातिज्जति ॥

६४. जे भिक्खू अप्पणो अच्छीणि फुमेज्ज वा^० रएज्ज वा, फुमेतं वा रएतं वा सातिज्जति ॥

दीह-रोम-पदं

६५. जे भिक्खू अप्पणो दीहाइं भमुग^०-रोमाइं कप्पेज्ज वा संठवेज्ज वा, कप्पेतं वा संठवेतं वा सातिज्जति ॥

६६. जे भिक्खू अप्पणो दीहाइं पास-रोमाइं कप्पेज्ज वा संठवेज्ज वा, कप्पेतं वा संठवेतं वा सातिज्जति' ॥

मल-णीहरण-पदं

६७. जे^१ भिक्खू अप्पणो कायाओ सेयं वा जल्लं वा पंकां वा मलं वा णीहरेज्ज वा विसो-

१. × (क, ख, ग) ।

२. सं० पा०—एवं दीहाइं अच्छिपत्ताइं ।

३. सं पा०—एवं अच्छिसु पायगमो भाणियव्वो जाव रएज्ज ।

४. भुमग (अ, ग) ; भमग (क) ।

५. चूर्णमिन्तिमं सूत्रं—जे भिक्खू अप्पणो दीहाइं केसाइं कप्पेज्ज वा संठवेज्ज वा कप्पेतं वा संठवेतं वा सातिज्जति'—एतदस्ति । अत्र

चूर्णागतोयं पाठः—जे भिक्खू दीहाओ अप्पणो णहा' इत्यादि 'जाव अप्पणो दीहे केसे कप्पेइ' इत्यादि—छवीसं सुत्ता उच्चार-यव्वा ।

६. ६७, ६८ सूत्रयोः क्रमः भाष्य-चूर्ण्यनुसारी स्वीकृतः । आदर्शेषु 'कायाओ सेयं वा' एतत्सूत्रं 'अच्छिमलं वा' अस्य सूत्रस्य अनन्तरं विद्यते ।

हेज्ज वा, णीहरेंतं वा विसोहेतं वा सातिज्जति ॥

६८. जे भिक्खू अप्पणो 'अच्छिमलं वा' कण्णमलं वा दंतमलं वा 'णहमलं वा' णीहरेज्ज वा विसोहेज्ज वा, णीहरेंतं वा विसोहेतं वा सातिज्जति ॥

सीसदुवारिय-पदं

६९. जे भिक्खू गामाणुगामं दूइज्जमाणे अप्पणो सीसदुवारियं करेति, करेंतं वा सातिज्जति ॥

वसीकरणमुत्त-पदं

७०. जे भिक्खू सणकप्पासाओ वा 'उण्णकप्पासाओ वा' पोंडकप्पासाओ वा 'अमिलकप्पासाओ वा' वसीकरणमुत्तयं करेति, करेंतं वा सातिज्जति ॥

उच्चार-पासवण-पदं

७१. जे भिक्खू गिहंसि वा गिहमुहंसि वा गिहदुवारंसि वा 'गिहपडिदुवारंसि वा' गिहेलुयंसि वा 'गिहंगणंसि वा' गिहवच्चंसि वा उच्चारं वा पासवणं वा परिट्ठवेति, परिट्ठवेंतं वा सातिज्जति ॥

७२. जे भिक्खू मडगगिहंसि वा मडगछारियंसि वा मडगधुभियंसि वा मडगासयंसि वा मडगलेणंसि वा 'मडगधंडिलंसि वा' मडगवच्चंसि वा उच्चारं वा पासवणं वा परिट्ठवेति, परिट्ठवेंतं वा सातिज्जति ॥

७३. जे भिक्खू इंगालदाहंसि वा खारदाहंसि वा गातदाहंसि वा 'तुसदाहठाणंसि वा भुसदाहठाणंसि वा' उच्चारं वा पासवणं वा परिट्ठवेति, परिट्ठवेंतं वा सातिज्जति ॥

७४. जे भिक्खू णवियासु वा गोलेहणियासु णवियासु वा मट्टियाखाणीसु—परिभुज्जमाणियासु वा अपरिभुज्जमाणियासु वा—उच्चारं वा पासवणं वा परिट्ठवेति, परिट्ठवेंतं वा सातिज्जति ॥

१. × (अ, ख) ।

२. × (अ, ख) ।

३. × (अ) ।

४. × (च) ।

५. 'मुत्ताइं (अ, क, ख); सुत्तं (ग) ।

६. भाष्ये चूणौ च 'गिह-गिहमुह-गिहंगण-गिहदुवार-गिहवच्च' एतानि पदान्येव व्याख्यातानि दृश्यन्ते ।

७. × (अ, ग) ।

८. × (अ) ।

९. परिट्ठवेइ (अ, क) ।

१०. × (अ) ।

११. तुसदाहंसि वा भुसदाहंसि वा (क, ख) ।

१२. ७४, ७५ सूत्रयोः क्रमः भाष्य-चूर्ण्यनुसारी स्वीकृतः । आदर्शेषु 'सेयायणंसि वा' एतत्सूत्रं 'णवियासु वा' अस्मिन् सूत्रस्य अनन्तरं विद्यते ।

१३. भाष्ये 'अभिणवा' इति पदस्य प्रयोगो दृश्यते (१५३८); क्वचित् 'अभिणवियासु' इति पदं लभ्यते ।

७५. जे भिक्खू सेयायणंसि' वा 'पंकायतणंसि वा पणगायतणंसि वा'" उच्चारं वा पासवणं वा परिट्टवेति, परिट्टवेतं वा सातिज्जति ॥
७६. जे भिक्खू उंवरवच्चंसि वा णग्गोह्वच्चंसि वा असोत्थवच्चंसि' वा पिलक्खुवच्चंसि' वा उच्चारं वा पासवणं वा परिट्टवेति, परिट्टवेतं वा सातिज्जति ॥
७७. जे' भिक्खू डागवच्चंसि' वा सागवच्चंसि वा मूलयवच्चंसि वा कोत्थुभरिवच्चंसि' वा खारवच्चंसि वा जीरयवच्चंसि वा दमणवच्चंसि' वा मरुगवच्चंसि वा उच्चारं वा पासवणं वा परिट्टवेति, परिट्टवेतं वा सातिज्जति ॥
७८. जे भिक्खू इक्खुवणंसि वा सालवणंसि' वा'" कुसुंभवणंसि वा कप्पासवणंसि वा उच्चारं वा पासवणं वा परिट्टवेति, परिट्टवेतं वा सातिज्जति ॥
७९. जे भिक्खू असोगवणंसि वा सत्तिवणवणंसि वा चंपगवणंसि वा चूयवणंसि वा अणतरेसु तहप्पगारेसु'" वा पत्तोवएसु पुप्फोवएसु फलोवएसु'" छाओवएसु'" उच्चारं वा पासवणं वा परिट्टवेति, परिट्टवेतं वा सातिज्जति ॥
८०. 'जे'" भिक्खू राओ वा वियाले वा उच्चार-पासवणेण उब्बाहिज्जमाणे सपायंसि वा परपायंसि वा उच्चार-पासवणं परिट्टवेत्ता'" अणुग्गए सूरिए एड्ढेति, एड्ढेतं वा सातिज्जति—
तं सेवमाणे आवज्जइ मासियं परिहारट्ठाणं उग्घातियं ॥

१. सेयणपहंसि (आ० चू० १०१२४); सेयण-
पहो तु णिक्का (निशीथ भाष्य १५३६) ।
२. पंकांसि वा पणगंसि वा (क, ख, ग) ।
३. असत्थो—पिप्पलो (चू) ।
४. पिलक्खुं (ग) ।
५. ७७-७९ एषां त्रयाणामपि सूत्राणां चूर्णा
व्याख्या नैव दृश्यते ।
६. 'क, ख, ग' प्रतिपु पूर्व 'इक्खुवणंसि' इतिपाठः,
पश्चात् 'डागवच्चंसि' पाठः ।
७. हत्थंकरवच्चंसि (आ० चू० १०१२६) ।
८. दमणगं (क, ख) ।
९. सालिं (अ, क, ग) ।
१०. वा अयसिवणंसि वा (अ) ।
११. तरुपगारेसु (क, ख, ग) ।
१२. × (अ) ।
१३. बीओवएसु (शु) ।
१४. व्याख्यानुसारेण चुणिसम्मत्तः पाठः एवं
प्रतीयते—जे भिक्खू राओ वा वियाले वा
उच्चार-पासवणेण उब्बाहिज्जमाणे सपायं
गहाय परपायं जाइत्ता वा उच्चार-पासवणं
परिट्टवेत्ता अणुग्गए सूरिए छड्ढेति छड्ढेतं वा
सातिज्जति ।
१५. जे भिक्खू सपायंसि वा परपायंसि वा दिया
वा राओ वा वियाले वा उब्बाहिज्जमाणे
सपायं गहाय परपायं जाइत्ता वा उच्चारं
पासवणं वा परिट्टवेत्ता (क, ख, ग) ।

चउत्थो उहेसो

अस्तीकरण-पदं

१. जे' भिक्खू रायं अस्तीकरेति, अस्तीकरेतं वा सातिज्जति ॥
२. जे भिक्खू रायारक्खियं अस्तीकरेति, अस्तीकरेतं वा सातिज्जति ॥
३. जे भिक्खू णगरारक्खियं अस्तीकरेति, अस्तीकरेतं वा सातिज्जति ॥
४. जे भिक्खू णिगमारक्खियं अस्तीकरेति, अस्तीकरेतं वा सातिज्जति ॥
५. जे भिक्खू देसारक्खियं अस्तीकरेति, अस्तीकरेतं वा सातिज्जति ॥
६. जे भिक्खू सव्वारक्खियं अस्तीकरेति, अस्तीकरेतं वा सातिज्जति ॥

अच्चीकरण-पदं

७. जे भिक्खू रायं अच्चीकरेति, अच्चीकरेतं वा सातिज्जति ॥
८. जे भिक्खू रायारक्खियं अच्चीकरेति, अच्चीकरेतं वा सातिज्जति ॥
९. जे भिक्खू णगरारक्खियं अच्चीकरेति, अच्चीकरेतं वा सातिज्जति ॥
१०. जे भिक्खू णिगमारक्खियं अच्चीकरेति, अच्चीकरेतं वा सातिज्जति ॥
११. जे भिक्खू देसारक्खियं अच्चीकरेति, अच्चीकरेतं वा सातिज्जति ॥
१२. जे भिक्खू सव्वारक्खियं अच्चीकरेति, अच्चीकरेतं वा सातिज्जति ॥

१. १-१८ एतेषां अष्टादशानामपि सूत्राणां पाठो भाष्यं चूणि चाश्रित्य स्वीकृतः प्रयुक्तादर्शेषु एषां सूत्राणां क्रमो भिन्नो दृश्यते—जे भिक्खू रायं अस्तीकरेति, अस्तीकरेतं वा सातिज्जति । जे भिक्खू रायं अच्चीकरेति, अच्चीकरेतं वा सातिज्जति । जे भिक्खू रायं अत्थीकरेति, अत्थीकरेतं वा सातिज्जति । एवं रायारक्खिए वि तिन्नि आलावगा अस्तीकरेइ अच्चीकरेइ अत्थीकरेइ एवं णगरारक्खिए वि तिन्नि,

णिगमारक्खिए वि तिन्नि, देसारक्खिए वि तिन्नि, सव्वारक्खिए वि तिन्नि । 'क, ख, ग', प्रतिगु देसारक्खियं सम्बन्धीति त्रीणि सूत्राणि नैव दृश्यन्ते—जे भिक्खू रायं अस्तीकरेति, अस्तीकरेतं वा सातिज्जति । जे भिक्खू रायं अच्चीकरेति, अच्चीकरेतं वा सातिज्जति । जे भिक्खू रायं अत्थीकरेति, अत्थीकरेतं वा सातिज्जति । एवं रायारक्खियं णगरारक्खियं णिगमारक्खियं सव्वारक्खियं ।

१८. जे भिक्खू माउग्गामस्स मेहुण-वडियाए पोसंतं वा पिट्ठंतं वा भल्लायएण उप्पाएत्ता सीओदग्-वियडेण वा उसिणोदग्-विणडेण वा उच्छोलेत्ता वा पधोएत्ता वा अण्णयरेण आलेवणजाएणं आलिपेत्ता वा विलिरेत्ता वा तेल्लेण वा घएण वा वसाए वा णवणीएण वा अब्भंगेत्ता वा मक्खेत्ता वा अण्णयरेण धूवण-जाएणं धूवेज्ज वा पधूवेज्ज वा, धूवेतं वा पधूवेतं वा सातिज्जति ॥

वत्थ-पदं

१९. जे^१ भिक्खू माउग्गामस्स मेहुण-वडियाए कसिणाइं वत्थाइं धरेति, धरेतं वा सातिज्जति ॥
२०. *जे भिक्खू माउग्गामस्स मेहुण-वडियाए अहयाइं वत्थाइं धरेति, धरेतं वा सातिज्जति ॥
२१. जे भिक्खू माउग्गामस्स मेहुण-वडियाए 'घोय-रत्ताइं'^२ वत्थाइं धरेति, धरेतं वा सातिज्जति ॥
२२. जे^३ भिक्खू माउग्गामस्स मेहुण-वडियाए मलिणाइं वत्थाइं धरेति, धरेतं वा सातिज्जति ॥
२३. जे भिक्खू माउग्गामस्स मेहुण-वडियाए चित्ताइं वत्थाइं धरेति, धरेतं वा सातिज्जति ॥
२४. जे भिक्खू माउग्गामस्स मेहुण-वडियाए^४ विचित्ताइं वत्थाइं धरेति, धरेतं वा सातिज्जति ॥

पाव-परिकम्म-पदं

२५. जे भिक्खू माउग्गामस्स मेहुण-वडियाए अप्पणो पाए आमज्जेज्ज वा पमज्जेज्ज वा, आमज्जंतं वा पमज्जंतं वा सातिज्जति ॥
२६. *जे भिक्खू माउग्गामस्स मेहुण-वडियाए अप्पणो पाए संवाहेज्ज वा पलिमहेज्ज वा, संवाहेतं वा पलिमहेतं वा सातिज्जति ॥
२७. जे भिक्खू माउग्गामस्स मेहुण-वडियाए अप्पणो पाए तेल्लेण वा घएण वा वसाए वा णवणीएण वा अब्भंगेज्ज वा मक्खेज्ज वा, अब्भंगेतं वा मक्खेतं वा सातिज्जति ॥

१. एतत् सूत्रं त्रुणौ नास्ति व्याख्यातम् ।

२. सं० पा०—एवं अहयाइं घोयरत्ताइं मलिणाइं चित्ताइं विचित्ताइं ।

३. घोवरत्ताइं (अ); घोवाइं रत्ताइं (क, ख, ग) । त्रुणौ 'रत्त' पदं व्याख्यातं नास्ति । भाष्ये 'घोय-मइल-रत्त-चित्त-विचित्त' इति पदानां क्रमो विद्यते—

अह जे य घोय मइले, रत्ते चित्ते तथा विचित्ते य ॥२२७८॥

४. 'क, ख, ग' प्रतिषु एतत्सूत्रं नैव दृश्यते । 'अ' प्रती एतत्सूत्रं अहयाइं वत्थाइं इत्यस्यानन्तरं विद्यते ।

५. सं० पा०—एवं तइयउद्देशो जो गमो सो ज्जेव इह मेहुणवडियाए णेयव्वो जाव जे माउग्गामस्स ।

२८. जे भिक्खू माउग्गामस्स मेहुण-वडियाए अप्पणो पाए लोद्धेण वा कक्केण वा चुण्णेण वा वण्णेण वा उल्लोलेज्ज वा उव्वट्टेज्ज वा, उल्लोल्लेतं वा उव्वट्टेतं वा सातिज्जति ॥
२९. जे भिक्खू माउग्गामस्स मेहुण-वडियाए अप्पणो पाए सीओदग-वियडेण वा उसिणोदग-वियडेण वा उच्छोलेज्ज वा पधोएज्ज वा, उच्छोल्लेतं वा पधोएतं वा सातिज्जति ॥
३०. जे भिक्खू माउग्गामस्स मेहुण-वडियाए अप्पणो पाए फुमेज्ज वा रएज्ज वा, फुमेतं वा रएतं वा सातिज्जति ॥

काय-परिकम्म-पदं

३१. जे भिक्खू माउग्गामस्स मेहुण-वडियाए अप्पणो कायं आमज्जेज्ज वा पमज्जेज्ज वा, आमज्जंतं वा पमज्जंतं वा सातिज्जति ॥
३२. जे भिक्खू माउग्गामस्स मेहुण-वडियाए अप्पणो कायं संवाहेज्ज वा पलिमट्टेज्ज वा, संवाहेतं वा पलिमट्टेतं वा सातिज्जति ॥
३३. जे भिक्खू माउग्गामस्स मेहुण-वडियाए अप्पणो कायं तेल्लेण वा घएण वा वसाए वा णवणीएण वा अब्भंगेज्ज वा मक्खेज्ज वा, अब्भंगेतं वा मक्खेतं वा सातिज्जति ॥
३४. जे भिक्खू माउग्गामस्स मेहुण-वडियाए अप्पणो कायं लोद्धेण वा कक्केण वा चुण्णेण वा वण्णेण वा उल्लोलेज्ज वा उव्वट्टेज्ज वा, उल्लोल्लेतं वा उव्वट्टेतं वा सातिज्जति ॥
३५. जे भिक्खू माउग्गामस्स मेहुण-वडियाए अप्पणो कायं सीओदग-वियडेण वा उसिणोदग-वियडेण वा उच्छोलेज्ज वा पधोएज्ज वा, उच्छोल्लेतं वा पधोएतं वा सातिज्जति ॥
३६. जे भिक्खू माउग्गामस्स मेहुण-वडियाए अप्पणो कायं फुमेज्ज वा रएज्ज वा, फुमेतं वा रएतं वा सातिज्जति ॥

वण-परिकम्म-पदं

३७. जे भिक्खू माउग्गामस्स मेहुण-वडियाए अप्पणो कायंसि वणं आमज्जेज्ज वा, पमज्जेज्ज वा, आमज्जंतं वा पमज्जंतं वा सातिज्जति ॥
३८. जे भिक्खू माउग्गामस्स मेहुण-वडियाए अप्पणो कायंसि वणं संवाहेज्ज वा पलिमट्टेज्ज वा, संवाहेतं वा पलिमट्टेतं वा सातिज्जति ॥
३९. जे भिक्खू माउग्गामस्स मेहुण-वडियाए अप्पणो कायंसि वणं तेल्लेण वा घएण वा वसाए वा णवणीएण वा अब्भंगेज्ज वा मक्खेज्ज वा, अब्भंगेतं वा मक्खेतं वा सातिज्जति ॥
४०. जे भिक्खू माउग्गामस्स मेहुण-वडियाए अप्पणो कायंसि वणं लोद्धेण वा कक्केण वा चुण्णेण वा वण्णेण वा उल्लोलेज्ज वा उव्वट्टेज्ज वा, उल्लोल्लेतं वा उव्वट्टेतं वा

सातिज्जति ॥

४१. जे भिक्खू माउग्गामस्स मेहुण-वडियाए अप्पणो कायंसि वणं सीओदग-वियडेण वा उसिणोदग-वियडेण वा उच्छोलेज्ज वा पधोएज्जा वा, उच्छोल्लेतं वा पधोएतं वा सातिज्जति ॥
४२. जे भिक्खू माउग्गामस्स मेहुण-वडियाए अप्पणो कायंसि वणं फुमेज्ज वा रएज्ज वा, फुमेतं वा रएतं वा सातिज्जति ॥

गंडादि-परिकम्म-पदं

४३. जे भिक्खू माउग्गामस्स मेहुण-वडियाए अप्पणो कायंसि गंडं वा पिडयं वा अरइयं वा असियं वा भगंदलं वा अण्णयरेणं तिकखेणं सत्थजाएणं अच्चिद्धेज्ज वा विच्चिद्धेज्ज वा, अच्चिद्धेतं वा विच्चिद्धेतं वा सातिज्जति ॥
४४. जे भिक्खू माउग्गामस्स मेहुण-वडियाए अप्पणो कायंसि गंडं वा पिडयं वा अरइयं वा असियं वा भगंदलं वा अण्णयरेणं तिकखेणं सत्थजाएणं अच्चिद्धित्ता वा विच्चिद्धित्ता वा पूयं वा सोणियं वा णीहरेज्ज वा विसोहेज्ज वा, णीहरेतं वा विसोहेतं वा सातिज्जति ॥
४५. जे भिक्खू माउग्गामस्स मेहुण-वडियाए अप्पणो कायंसि गंडं वा पिडयं वा अरइयं वा असियं वा भगंदलं वा अण्णयरेणं तिकखेणं सत्थजाएणं अच्चिद्धित्ता वा विच्चिद्धित्ता वा पूयं वा सोणियं वा णीहरित्ता वा विसोहेत्ता वा सीओदग-वियडेण वा उसिणोदग-वियडेण वा उच्छोलेज्ज वा पधोएज्ज वा, उच्छोल्लेतं वा पधोएतं वा सातिज्जति ॥
४६. जे भिक्खू माउग्गामस्स मेहुण-वडियाए अप्पणो कायंसि गंडं वा पिडयं वा अरइयं वा असियं वा भगंदलं वा अण्णयरेणं तिकखेणं सत्थजाएणं अच्चिद्धित्ता वा विच्चिद्धित्ता वा पूयं वा सोणियं वा णीहरित्ता वा विसोहेत्ता वा सीओदग-वियडेण वा उसिणोदग-वियडेण वा उच्छोलेत्ता वा पधोएत्ता वा अण्णयरेणं आलेवणजाएणं आलिपेज्ज वा विलिपेज्ज वा, आलिपेतं वा विलिपेतं वा सातिज्जति ॥
४७. जे भिक्खू माउग्गामस्स मेहुण-वडियाए अप्पणो कायंसि गंडं वा पिडयं वा अरइयं वा असियं वा भगंदलं वा अण्णयरेणं तिकखेणं सत्थजाएणं अच्चिद्धित्ता वा विच्चिद्धित्ता वा पूयं वा सोणियं वा णीहरित्ता वा विसोहेत्ता वा सीओदग-वियडेण वा उसिणोदग-वियडेण वा उच्छोलेत्ता वा पधोएत्ता वा अण्णयरेणं आलेवणजाएणं आलिपेत्ता वा विलिपेत्ता वा तेल्लेण वा घएण वा वसाए वा णवणीएण वा अब्भंगेज्ज वा मक्खेज्ज वा, अब्भंगेतं वा मक्खेतं वा सातिज्जति ॥
४८. जे भिक्खू माउग्गामस्स मेहुण-वडियाए अप्पणो कायंसि गंडं वा पिडयं वा अरइयं वा असियं वा भगंदलं वा अण्णयरेणं तिकखेणं सत्थजाएणं अच्चिद्धित्ता वा विच्चिद्धित्ता वा पूयं वा सोणियं वा णीहरित्ता वा विसोहेत्ता वा सीओदग-वियडेण वा

उसिणोदग-वियडेण वा उच्छोलेत्ता वा पधोएत्ता वा अणयरेणं आलेवण-जाएणं
आलिपेत्ता वा विलिपेत्ता वा तेल्लेण वा घएण वा वसाए वा णवणीएण वा
अब्भंगेत्ता वा मक्खेत्ता वा अणयरेणं धूवण-जाएणं धूवेज्ज वा पधूवेज्ज वा, धूवेत्तं
वा पधूवेत्तं वा सातिज्जति ॥

किमि-पदं

४६. जे भिक्खू माउग्गामस्स मेहुण-वडियाए अप्पणो पालुकिमियं वा कुच्छिकिमियं वा
अंगुलीए णिवेसिय-णिवेसिय णीहरेति, णीहरेंतं वा सातिज्जति ॥

णह-सिहा-पदं

५०. जे भिक्खू माउग्गामस्स मेहुण-वडियाए अप्पणो दीहाओ णह-सिहाओ कप्पेज्ज वा
संठवेज्ज वा, कप्पेंतं वा संठवेत्तं वा सातिज्जति ॥

दीह-रोम-पदं

५१. जे भिक्खू माउग्गामस्स मेहुण-वडियाए अप्पणो दीहाइं जंघ-रोमाइं कप्पेज्ज वा
संठवेज्ज वा, कप्पेंतं वा संठवेत्तं वा सातिज्जति ॥

५२. जे भिक्खू माउग्गामस्स मेहुण-वडियाए अप्पणो दीहाइं वत्थि-रोमाइं कप्पेज्ज वा
संठवेज्ज वा, कप्पेंतं वा संठवेत्तं वा सातिज्जति ॥

५३. जे भिक्खू माउग्गामस्स मेहुण-वडियाए अप्पणो दीह-रोमाइं कप्पेज्ज वा संठवेज्ज
वा, कप्पेंतं वा संठवेत्तं वा सातिज्जति ॥

५४. जे भिक्खू माउग्गामस्स मेहुण-वडियाए अप्पणो दीहाइं कक्खाण-रोमाइं कप्पेज्ज वा
संठवेज्ज वा, कप्पेंतं वा संठवेत्तं वा सातिज्जति ॥

५५. जे भिक्खू माउग्गामस्स मेहुण-वडियाए अप्पणो दीहाइं मंगु-रोमाइं कप्पेज्ज वा
संठवेज्ज वा, कप्पेंतं वा संठवेत्तं वा सातिज्जति ॥

दंत-पदं

५६. जे भिक्खू माउग्गामस्स मेहुण-वडियाए अप्पणो दंते आघंसेज्ज वा पघंसेज्ज वा,
आघंसंतं वा पघंसंतं वा सातिज्जति ॥

५७. जे भिक्खू माउग्गामस्स मेहुण-वडियाए अप्पणो दंते उच्छोलेज्ज वा पधोएज्ज वा,
उच्छोलेत्तं वा पधोएत्तं वा सातिज्जति ॥

५८. जे भिक्खू माउग्गामस्स मेहुण-वडियाए अप्पणो दंते फुमेज्ज वा रएज्ज वा, फुमेंतं
वा रएत्तं वा सातिज्जति ॥

उट्ट-पदं

५९. जे भिक्खू माउग्गामस्स मेहुण-वडियाए अप्पणो उट्ठे आमज्जेज्ज वा पमज्जेज्ज
वा, आमज्जंतं वा पमज्जंतं वा सातिज्जति ॥

६०. जे भिक्खू माउग्गामस्स मेहुण-वडियाए अप्पणो उट्ठे संवाहेज्ज वा पलिमहेज्ज

वा, संवाहेंतं वा पलिमहेंतं वा सातिज्जति ॥

६१. जे भिक्खू माउग्गामस्स मेहुण-वडियाए अप्पणो उट्ठे तेल्लेण वा घएण वा वसाए वा णवणीएण वा अब्भंगेज्ज वा मक्खेज्ज वा, अब्भंगेंतं वा मक्खेंतं वा सातिज्जति ॥
६२. जे भिक्खू माउग्गामस्स मेहुण-वडियाए अप्पणो उट्ठे लोद्धेण वा कक्केण वा चुण्णेण वा वण्णेण वा उल्लोलेज्ज वा उव्वट्टेज्ज वा, उल्लोलेंतं वा उव्वट्टेंतं वा सातिज्जति ॥
६३. जे भिक्खू माउग्गामस्स मेहुण-वडियाए अप्पणो उट्ठे सीओदग-वियडेण वा उस्सिणोदग-वियडेण वा उच्छोलेज्ज वा पधोएज्ज वा, उच्छोलेंतं वा पधोएंतं वा सातिज्जति ॥
६४. जे भिक्खू माउग्गामस्स मेहुण-वडियाए अप्पणो उट्ठे फुमेज्ज वा रएज्ज वा, फुमेंतं वा रएंतं वा सातिज्जति ॥

दीह-रोम-पदं

६५. जे भिक्खू माउग्गामस्स मेहुण-वडियाए अप्पणो दीहाइं उत्तरोट्ट-रोमाइं कप्पेज्ज वा संठवेज्ज वा, कप्पेंतं वा संठवेंतं वा सातिज्जति ॥
६६. जे भिक्खू माउग्गामस्स मेहुण-वडियाए अप्पणो दीहाइं णासा-रोमाइं कप्पेज्ज वा संठवेज्ज वा, कप्पेंतं वा संठवेंतं वा सातिज्जति ॥

अच्छि-पत्त-पदं

६७. जे भिक्खू माउग्गामस्स मेहुण-वडियाए अप्पणो दीहाइं अच्छि-पत्ताइं कप्पेज्ज वा संठवेज्ज वा, कप्पेंतं वा संठवेंतं वा सातिज्जति ॥

अच्छि-पदं

६८. जे भिक्खू माउग्गामस्स मेहुण-वडियाए अप्पणो अच्छीणि आमज्जेज्ज वा पमज्जेज्ज वा, आमज्जंतं वा पमज्जंतं वा सातिज्जति ॥
६९. जे भिक्खू माउग्गामस्स मेहुण-वडियाए अप्पणो अच्छीणि संवाहेज्ज वा पलिमहेज्ज वा, संवाहेंतं वा पलिमहेंतं वा सातिज्जति ॥
७०. जे भिक्खू माउग्गामस्स मेहुण-वडियाए अप्पणो अच्छीणि तेल्लेण वा घएण वा वसाए वा णवणीएण वा अब्भंगेज्ज वा मक्खेज्ज वा, अब्भंगेंतं वा मक्खेंतं वा सातिज्जति ॥
७१. जे भिक्खू माउग्गामस्स मेहुण-वडियाए अप्पणो अच्छीणि लोद्धेण वा कक्केण वा चुण्णेण वा वण्णेण वा उल्लोलेज्ज वा उव्वट्टेज्ज वा, उल्लोलेंतं वा उव्वट्टेंतं वा सातिज्जति ॥
७२. जे भिक्खू माउग्गामस्स मेहुण-वडियाए अप्पणो अच्छीणि सीओदग-वियडेण वा

उसिणोदग-वियडेण वा उच्छोलेज्ज वा पधोएज्ज वा, उच्छोलेंतं वा पधोएंतं वा सातिज्जति ॥

७३. जे भिक्खू माउग्गामस्स मेहुण-वडियाए अप्पणो अच्छीणि फुमेज्ज वा रएज्ज वा, फुमेंतं वा रएंतं वा सातिज्जति ॥

दीह-रोम-पवं

७४. जे भिक्खू माउग्गामस्स मेहुण-वडियाए अप्पणो दीहाइं भमुग-रोमाइं कप्पेज्ज वा संठवेज्ज वा, कप्पेंतं वा संठवेंतं वा सातिज्जति ॥

७५. जे भिक्खू माउग्गामस्स मेहुण-वडियाए अप्पणो दीहाइं पास-रोमाइं कप्पेज्ज वा संठवेज्ज वा, कप्पेंतं वा संठवेंतं वा सातिज्जति ॥

मल-णीहरण-पवं

७६. जे भिक्खू माउग्गामस्स मेहुण-वडियाए अप्पणो कायाओ सेयं वा जल्लं वा पंकं वा मलं वा णीहरेज्ज वा विसोहेज्ज वा, णीहरेंतं वा विसोहेंतं वा सातिज्जति ॥

७७. जे भिक्खू माउग्गामस्स मेहुण-वडियाए अप्पणो अच्छिमलं वा कणमलं वा दंतमलं वा णहमलं वा णीहरेज्ज वा विसोहेज्ज वा, णीहरेंतं वा विसोहेंतं वा सातिज्जति^१ ॥

सीसदुवारिय-पवं

७८. जे भिक्खू माउग्गामस्स मेहुण-वडियाए गामाणुगामं दूइज्जमाणे अप्पणो सीसदुवारियं करेति, करेंतं वा सातिज्जति ॥

पणीय-आहार-पवं

७९. जे^१ भिक्खू माउग्गामस्स मेहुण-वडियाए खीरं वा दहिं^२ वा णवणीयं वा सप्पि वा गुलं वा खंडं वा सक्करं वा मच्छंडियं वा अण्णयरं वा पणीयं आहारं आहारेति, आहारेंतं वा सातिज्जति—

तं सेवमाणे आवज्जति चाउम्मासियं परिहारट्ठाणं अणुघातियं ॥

१. पुरिसाणं जो उ गमो, इत्थीवग्गम्मि होइ सो चेव ।
एसेव अपरिसेसो, इत्थीणं पुरिस-वग्गम्मि

॥२२८६॥

पुरिसाणं जो गमो इत्थीवग्गे भणितो जहा

'भिक्खू माउग्गामं मेहुणवडियाए विण्णवेति'

एस इत्थीणं पुरिसवग्गे वत्तव्वो—'जा भिक्खुणी
वि पिउग्गामं मेहुणवडियाए विण्णवेइ,
उस्सग्गाववाएहि दोसदंसणेहि अत्थो तहेव
वत्तव्वो (चू) ।

२. दधि (अ) ।

सत्तमो उद्देशो

मालिया-पदं

१. जे भिक्खू माउग्गामस्स मेहुण-वडियाए तणमालियं वा मुंजमालियं वा वेत्त-मालियं वा^३ 'भिडमालियं वा'^४ मयणमालियं वा पिच्छमालियं वा दंतमालियं वा सिगमालियं वा 'संखमालियं वा'^५ 'हड्डमालियं वा'^६ कट्टमालियं वा पत्तमालियं वा पुप्फमालियं वा फलमालियं वा बीजमालियं वा हरियमालियं वा करेति, करेत्तं वा सातिज्जति ॥
२. *० जे भिक्खू माउग्गामस्स मेहुण-वडियाए तणमालियं वा मुंजमालियं वा वेत्त-मालियं वा भिडमालियं वा मयणमालियं वा पिच्छमालियं वा दंतमालियं वा सिगमालियं वा संखमालियं वा हड्डमालियं वा कट्टमालियं वा पत्तमालियं वा पुप्फमालियं वा फलमालियं वा बीजमालियं वा हरियमालियं वा धरेति, धरेत्तं वा सातिज्जति ॥
३. जे भिक्खू माउग्गामस्स मेहुण-वडियाए तणमालियं वा मुंजमालियं वा वेत्तमालियं वा भिडमालियं वा मयणमालियं वा पिच्छमालियं वा दंतमालियं वा सिगमालियं वा संखमालियं वा हड्डमालियं वा कट्टमालियं वा पत्तमालियं वा पुप्फमालियं वा फलमालियं वा बीजमालियं वा, हरियमालियं वा^७ 'पिणद्धति पिणद्धत्तं'^८ वा सातिज्जति ॥

लोह-पदं

४. जे भिक्खू माउग्गामस्स मेहुण-वडियाए अय-लोहाणि वा तंब-लोहाणि वा तउय-

- | | |
|---|--|
| <p>१. भाष्ये चूर्णौ च पदानां क्रमभेदो दृश्यते । तण मुंज वेत्त कट्ट मयण भेड हड्ड दंत वराडग सिग पत्त—एतानि पदानि चूर्णौ व्याख्यातानि दृश्यते । भाष्ये एवमस्ति—
तण-वेत्त-मुंज-कट्टे, भिड-मयण-मोर-पिच्छ-हड्डमयी ।
पोंडियदंते पत्तादि, करे धरे पिणद्धे आणादी ॥२२८६१॥
२. एतत्पदं चूर्णाधारेण स्वीकृतम् ।
३. × (अ) ।</p> | <p>४. पिच्छं (ग) ।
५. × (ख) ।
६. हड्डमालियं वा भडमालियं वा (ख) ।
७. सं० पा०—धरेति धरेत्तं वा साति पिणद्धति पिणद्धत्तं वा साति ।
८. परिभुजइ परिभुजंतं (अ); पिणधति पिणिघत्तं (क); पिणधति पिणधत्तं (ख); पिणिघति पिणिघत्तं (ग) ।</p> |
|---|--|

लोहाणि वा सीसग-लोहाणि वा रूप-लोहाणि वा सुवण्ण-लोहाणि वा करेति, करेतं वा सातिज्जति^१ ॥

५. *जे भिक्खू माउग्गामस्स मेहुण-वडियाए अय-लोहाणि वा तंब-लोहाणि वा तउय-लोहाणि वा सीसग-लोहाणि वा रूप-लोहाणि वा सुवण्ण-लोहाणि वा धरेति, धरेतं वा सातिज्जति ॥
६. जे भिक्खू माउग्गामस्स मेहुण-वडियाए अय-लोहाणि वा तंब-लोहाणि वा तउय-लोहाणि वा सीसग-लोहाणि वा रूप-लोहाणि वा सुवण्ण-लोहाणि वा परिभुंजति,^० परिभुंजंतं वा सातिज्जति ॥

आभरण-पदं

७. जे भिक्खू माउग्गामस्स मेहुण-वडियाए हाराणि^१ वा अद्धहाराणि वा एगावली वा मुत्तावली वा कणगावली वा, रयणावली वा कडगाणि वा तुडियाणि वा केऊराणि वा, कुंडलाणि वा 'पट्टाणि वा'^२ मउडाणि वा पलंबसुत्ताणि वा 'सुवण्णसुत्ताणि वा'^३ करेति,^० करेतं वा सातिज्जति ॥
८. जे भिक्खू माउग्गामस्स मेहुण-वडियाए हाराणि वा अद्धहाराणि वा एगावली वा मुत्तावली वा कणगावली वा रयणावली वा कडगाणि वा तुडियाणि वा केऊराणि वा कुंडलाणि वा पट्टाणि वा मउडाणि वा पलंबसुत्ताणि वा सुवण्णसुत्ताणि वा धरेति, धरेतं वा सातिज्जति ॥
९. जे भिक्खू माउग्गामस्स मेहुण-वडियाए हाराणि वा अद्धहाराणि वा एगावली वा मुत्तावली वा कणगावली वा रयणावली वा कडगाणि वा तुडियाणि वा केऊराणि वा कुंडलाणि वा पट्टाणि वा मउडाणि वा पलंबसुत्ताणि वा सुवण्णसुत्ताणि वा^० परिभुंजति, परिभुंजंतं वा सातिज्जति ॥

वत्थ-पदं

१०. जे भिक्खू माउग्गामस्स मेहुण-वडियाए आईणाणि^१ वा सहिणाणि वा कल्लाणि

१. सं० पा०—सातिज्जति जाव परिभुंजंतं ।

२. चूर्णा—कुंडल गुण मणि तुडिय तिसरिय वालंभ पलंब हार अद्धहार एगावली मुत्तावली कणगावली रयणावली पट्ट मउड—इति पदानां क्रमो दृश्यते, एषु कानिचित् पदानि आदर्शपाठेभ्यः अतिरिक्तान्यपि दृश्यन्ते ।

३. × (अ) ।

४. × (अ) ।

५. सं० पा०—करेति जाव परिभुंजति ।

६. एष पाठः चूर्णधारणे स्वीकृतः । आचार-

चूलायामपि (५।१४,१५) अस्य समर्थनं लभ्यते । प्रयुक्तावर्णेषु पाठभेदः एवमस्ति—आईणाणि (आयीणाणि—अ; आतीणाणि—क) वा आतीण-पावरणाणि (पावाराणि—अ, ग; पावराणि—क) वा कंबलाणि वा कंबल-पावरणाणि वा, 'कायाणि वा, काय-पावरणाणि वा' (कोयव पावराणि वा—अ, काय-वाणि वा कायव-पावरणाणि वा—क, ख; कोयवाणि वा कोयव-पावराणि वा—ग) काल-मियाणि वा नील-मियाणि वा सामाणि

वा सहिणकल्लाणाणि वा आयाणि वा कायाणि वा खोमाणि वा दुगुल्लाणि वा 'तिरीडपट्टाणि वा' मलयाणि वा पत्तुणाणि वा अंसुयाणि वा चीणंसुयाणि वा देसरागाणि वा अमिलाणि वा गज्जलाणि वा फाडिगाणि वा कोतवाणि वा कंबलाणि वा पावारगाणि वा कणगाणि वा कणगकताणि वा कणगपट्टाणि वा कणगखच्चियाणि वा कणगफुल्लियाणि वा वग्घाणि वा विवग्घाणि वा आभरणाणि वा आभरणविचित्ताणि वा उट्टाणि वा गोरमिगाईणगाणि वा किण्हमिगाईणगाणि वा नीलमिगाईणगाणि वा पेसाणि वा पेसलेसाणि वा करेति, *करेतं वा सातिज्जति ॥

११. जे भिक्खू माउग्गामस्स मेहुण-वडियाए आईणाणि वा सहिणाणि वा कल्लाणि वा सहिणकल्लाणाणि वा आयाणि वा कायाणि वा खोमाणि वा दुगुल्लाणि वा तिरीडपट्टाणि वा मलयाणि वा पत्तुणाणि वा अंसुयाणि वा चीणंसुयाणि वा देसरागाणि वा अमिलाणि वा गज्जलाणि वा फाडिगाणि वा कोतवाणि वा कंबलाणि वा पावारगाणि वा कणगाणि वा कणगकताणि वा कणगपट्टाणि वा कणगखच्चियाणि वा कणगफुल्लियाणि वा वग्घाणि वा विवग्घाणि वा आभरणाणि वा आभरणविचित्ताणि वा उट्टाणि वा गोरमिगाईणगाणि वा किण्हमिगाईणगाणि वा नीलमिगाईणगाणि वा पेसाणि वा पेसलेसाणि वा धरेति, धरेंटं वा सातिज्जति ॥

१२. जे भिक्खू माउग्गामस्स मेहुण-वडियाए आईणाणि वा सहिणाणि वा कल्लाणि वा सहिणकल्लाणाणि वा आयाणि वा कायाणि वा खोमाणि वा दुगुल्लाणि वा तिरीड-पट्टाणि वा मलयाणि वा पत्तुणाणि वा अंसुयाणि वा चीणंसुयाणि वा देसरागाणि वा अमिलाणि वा गज्जलाणि वा फाडिगाणि वा कोतवाणि वा कंबलाणि वा पावारगाणि वा कणगाणि वा कणगकताणि वा कणगपट्टाणि वा कणगखच्चियाणि वा कणगफुल्लियाणि वा वग्घाणि वा विवग्घाणि वा आभरणाणि वा आभरण-विचित्ताणि वा उट्टाणि वा गोरमिगाईणगाणि वा किण्हमिगाईणगाणि वा नीलमिगाईणगाणि वा पेसाणि वा पेसलेसाणि वा परिभुंजति, परिभुंजंतं वा सातिज्जति ॥

वा महासामाणि (मिहा^०—णु) वा उट्टाणि वा उट्टेसाणि (लेस्साणि—अ, क, ग; लास्साणि—ख) वा वग्घाणि वा विवग्घाणि वा परवंगाणि वा सहिणाणि वा सहिणकल्ला-णाणि (कल्लाणि—अ, क, ख) वा खोमाणि वा दुगुल्लाणि वा पत्तुणाणि (पल्लाणाणि—अ; पत्तुल्लाणि—ख; पन्नुल्लाणि—ग) वा आवरंताणि (धवरंताणि—ख) वा चीणाणि वा अंसुयाणि वा कणग-कताणि (कणककताणि

--क, ख, ग) वा कणग-खचित्ताणि वा कणग-चित्ताणि वा कणगविचित्ताणि वा आभरण-विचित्ताणि वा (आहरण^०—अ) ।

१. आचारचूलायां (५।१४) एतत् पदं नैव दृश्यते ।

२. फालियाणि (आ० चू० ५।१४) ।

३. कोयहाणि (आ० चू० ५।१४) ।

४. कणगफुसियाणि (आ० चू० ५।१५) ।

५. सं० पा०—करेति जाव परिभुंजति ।

संचालण-पदं

१३. जे भिक्खू माउग्गामस्स^१ मेहुण-वडियाए 'अक्खंसि वा उरुंसि वा उदरंसि वा थणंसि वा'^२ गहाय संचालेति, संचालेतं वा सातिज्जति ॥

पाय-परिकम्म-पदं

१४. जे भिक्खू माउग्गामस्स मेहुण-वडियाए अणमणस्स पाए आमज्जेज्ज वा पमज्जेज्ज वा, आमज्जंतं वा पमज्जंतं वा सातिज्जति ॥

१५. *जे भिक्खू माउग्गामस्स मेहुण-वडियाए अणमणस्स पाए संवाहेज्ज वा पलिमहेज्ज वा, संवाहेतं वा पलिमहेतं वा सातिज्जति ॥

१६. जे भिक्खू माउग्गामस्स मेहुण-वडियाए अणमणस्स पाए तेल्लेण वा घएण वा वसाए वा णवणीएण वा अब्भंगेज्ज वा मक्खेज्ज वा, अब्भंगेतं वा मक्खेतं वा सातिज्जति ॥

१७. जे भिक्खू माउग्गामस्स मेहुण-वडियाए अणमणस्स पाए लोद्धेण वा कक्केण वा चुण्णेण वा वण्णेण वा उल्लोलेज्ज वा उव्वट्टेज्ज वा, उल्लोलेतं वा उव्वट्टेतं वा सातिज्जति ॥

१८. जे भिक्खू माउग्गामस्स मेहुण-वडियाए अणमणस्स पाए सीओदग-वियडेण वा उसिणोदग-वियडेण वा उच्छोलेज्ज वा पघोएज्ज वा, उच्छोलेतं वा पघोएतं वा सातिज्जति ॥

१९. जे भिक्खू माउग्गामस्स मेहुण-वडियाए अणमणस्स पाए फुमेज्ज वा रएज्ज वा, फुमेतं वा रएतं वा सातिज्जति ॥

काय-परिकम्म-पदं

२०. जे भिक्खू माउग्गामस्स मेहुण-वडियाए अणमणस्स कायं आमज्जेज्ज वा पमज्जेज्ज वा, आमज्जंतं वा पमज्जंतं वा सातिज्जति ॥

२१. जे भिक्खू माउग्गामस्स मेहुण-वडियाए अणमणस्स कायं संवाहेज्ज वा पलिमहेज्ज वा, संवाहेतं वा पलिमहेतं वा सातिज्जति ॥

२२. जे भिक्खू माउग्गामस्स मेहुण-वडियाए अणमणस्स कायं तेल्लेण वा घएण वा वसाए वा णवणीएण वा अब्भंगेज्ज वा मक्खेज्ज वा, अब्भंगेतं वा मक्खेतं वा सातिज्जति ॥

२३. जे भिक्खू माउग्गामस्स मेहुण-वडियाए अणमणस्स कायं लोद्धेण वा कक्केण वा चुण्णेण वा वण्णेण वा उल्लोलेज्ज वा उव्वट्टेज्ज वा, उल्लोलेतं वा उव्वट्टेतं वा

१. माउग्गामस्स (क, ख) ।

वक्खंसि वा ऊरंसि वा हत्थादिएसु वा ।

२. चूर्णो चिन्हाङ्कितपाठस्य स्थाने एवं पाठः सम्भाव्यते—अक्खंसि वा उव्वट्टेज्जति वा

३. सं० पा०—एवं छट्ठ उद्देशगमेण णेयव्वो जाव जे माउ ।

सातिज्जति ॥

२४. जे भिक्खू माउग्गामस्स मेहुण-वडियाए अण्णमण्णस्स कायं सीओदग-वियडेण वा उसिणोदग-वियडेण वा उच्छोलेज्ज वा पघोएज्ज वा, उच्छोलेंतं वा पघोएंतं वा सातिज्जति ॥
२५. जे भिक्खू माउग्गामस्स मेहुण-वडियाए अण्णमण्णस्स कायं फुमेज्ज वा रएज्ज वा, फुमेंतं वा रएंतं वा सातिज्जति ॥

वण-परिकम्म-पदं

२६. जे भिक्खू माउग्गामस्स मेहुण-वडियाए अण्णमण्णस्स कायंसि वणं आमज्जेज्ज वा पमज्जेज्ज वा, आमज्जंतं वा पमज्जंतं वा सातिज्जति ॥
२७. जे भिक्खू माउग्गामस्स मेहुण-वडियाए अण्णमण्णस्स कायंसि वणं संवाहेज्ज वा पलिमहेज्ज वा, संवाहेंतं वा पलिमहेंतं वा सातिज्जति ॥
२८. जे भिक्खू माउग्गामस्स मेहुण-वडियाए अण्णमण्णस्स कायंसि वणं तेल्लेण वा घएण वा वसाए वा णवणीएण वा अब्भंगेज्ज वा मक्खेज्ज वा, अब्भंगेंतं वा मक्खेंतं वा सातिज्जति ॥
२९. जे भिक्खू माउग्गामस्स मेहुण-वडियाए अण्णमण्णस्स कायंसि वणं लोद्धेण वा कक्केण वा चुण्णेण वा वण्णेण वा उल्लोलेज्ज वा उव्वट्टेज्ज वा, उल्लोलेंतं वा उव्वट्टेंतं वा सातिज्जति ॥
३०. जे भिक्खू माउग्गामस्स मेहुण-वडियाए अण्णमण्णस्स कायंसि वणं सीओदग-वियडेण वा उसिणोदग-वियडेण वा उच्छोलेज्ज वा पघोएज्ज वा, उच्छोलेंतं वा पघोएंतं वा सातिज्जति ॥
३१. जे भिक्खू माउग्गामस्स मेहुण-वडियाए अण्णमण्णस्स कायंसि वणं फुमेज्ज वा रएज्ज वा, फुमेंतं वा रएंतं वा सातिज्जति ॥

गंडादि-परिकम्म-पदं

३२. जे भिक्खू माउग्गामस्स मेहुण-वडियाए अण्णमण्णस्स कायंसि गंडं वा पिडयं वा अरइयं वा असियं वा भगंदलं वा अण्णयरेणं तिक्खेणं सत्थजाएणं अच्चिद्धेज्ज वा विच्चिद्धेज्ज वा, अच्चिद्धेंतं वा विच्चिद्धेंतं वा सातिज्जति ॥
३३. जे भिक्खू माउग्गामस्स मेहुण-वडियाए अण्णमण्णस्स कायंसि गंडं वा पिडयं वा अरइयं वा असियं वा भगंदलं वा अण्णयरेणं तिक्खेणं सत्थजाएणं अच्चिद्धित्ता वा विच्चिद्धित्ता वा पूयं वा सोणियं वा णीहरेज्ज वा विसोहेज्ज वा, णीहरेतं वा विसोहेंतं वा सातिज्जति ॥
३४. जे भिक्खू माउग्गामस्स मेहुण-वडियाए अण्णमण्णस्स कायंसि गंडं वा पिडयं वा अरइयं वा असियं वा भगंदलं वा अण्णयरेणं तिक्खेणं सत्थजाएणं अच्चिद्धित्ता वा

विच्छिदित्ता वा पूयं वा सोणियं वा णीहरित्ता वा विसोहेत्ता वा सीओदग-वियडेण वा उसिणोदग-वियडेण वा उच्छोलेज्ज वा पधोएज्ज वा, उच्छोलेत्तं वा पधोएत्तं वा सातिज्जति ॥

३५. जे भिक्खू माउग्गामस्स मेहुण-वडियाए अण्णमण्णस्स कायंसि गंडं वा पिडयं वा अरइयं वा असियं वा भग्दलं वा अण्णयरेणं तिकखेणं सत्थजाएणं अच्छिदित्ता वा विच्छिदित्ता वा पूयं वा सोणियं वा णीहरित्ता वा विसोहेत्ता वा सीओदग-वियडेण वा उसिणोदग-वियडेण वा उच्छोलेत्ता वा पधोएत्ता वा अण्णयरेणं आलेवण-जाएणं आलिपेज्ज वा विलिपेज्ज वा, आलिपत्तं वा विलिपत्तं वा सातिज्जति ॥

३६. जे भिक्खू माउग्गामस्स मेहुण-वडियाए अण्णमण्णस्स कायंसि गंडं वा पिडयं वा, अरइयं वा असियं वा भग्दलं वा अण्णयरेणं तिकखेणं सत्थजाएणं अच्छिदित्ता वा विच्छिदित्ता वा पूयं वा सोणियं वा णीहरित्ता वा विसोहेत्ता वा सीओदग-वियडेण वा उसिणोदग-वियडेण वा उच्छोलेत्ता वा पधोएत्ता वा अण्णयरेणं आलेवणजाएणं आलिपेत्ता वा विलिपेत्ता वा तेल्लेण वा घएण वा वसाए वा णवणीएण वा अब्भगेज्ज वा मक्खेज्ज वा, अब्भगेत्तं वा मक्खेत्तं वा सातिज्जति ॥

३७. जे भिक्खू माउग्गामस्स मेहुण-वडियाए अण्णमण्णस्स कायंसि गंडं वा पिडयं वा अरइयं वा असियं वा भग्दलं वा अण्णयरेणं तिकखेणं सत्थजाएणं अच्छिदित्ता वा वा विच्छिदित्ता वा पूयं वा सोणियं वा णीहरेत्ता वा विसोहेत्ता वा सीओदग-वियडेण वा उसिणोदग-वियडेण वा उच्छोलेत्ता वा पधोएत्ता वा अण्णयरेणं आलेवण-जाएणं आलिपेत्ता वा विलिपेत्ता वा तेल्लेण वा घएण वा वसाए वा णवणीएण वा अब्भगेत्ता वा मक्खेत्ता वा अण्णयरेणं धूवण-जाएणं धूवेज्ज वा पधवेज्ज वा, धूवेत्तं वा पधूवेत्तं वा सातिज्जति ॥

किमि-पदं

३८. जे भिक्खू माउग्गामस्स मेहुण-वडियाए अण्णमण्णस्स पालुकिमियं वा कुच्छिकिमियं वा अंगुलीए णिवेसिय-णिवेसिय णीहरति, णीहरत्तं वा सातिज्जति ॥

णह-सिहा-पदं

३९. जे भिक्खू माउग्गामस्स मेहुण-वडियाए अण्णमण्णस्स दीहाओ णह-सिहाओ कप्पेज्ज वा संठवेज्ज वा, कप्पेत्तं वा संठवेत्तं वा सातिज्जति ॥

दीह-रोम-पदं

४०. जे भिक्खू माउग्गामस्स मेहुण-वडियाए अण्णमण्णस्स दीहाइं जंघ-रोमाइं कप्पेज्ज वा संठवेज्ज वा, कप्पेत्तं वा संठवेत्तं वा सातिज्जति ॥

४१. जे भिक्खू माउग्गामस्स मेहुण-वडियाए अण्णमण्णस्स दीहाइं वत्थि-रोमाइं कप्पेज्ज वा संठवेज्ज वा, कप्पेत्तं वा संठवेत्तं वा सातिज्जति ॥

४२. जे भिक्खू माउग्गामस्स मेहुण-वडियाए अण्णमण्णस्स दीह-रोमाइं कप्पेज्ज वा

संठवेज्ज वा, कप्पेतं वा संठवेतं वा सातिज्जति ॥

४३. जे भिक्खू माउग्गामस्स मेहुण-वडियाए अण्णमण्णस्स दीहाइं कक्खाण-रोमाइं कप्पेज्ज वा संठवेज्ज वा, कप्पेतं वा संठवेतं वा सातिज्जति ॥

४४. जे भिक्खू माउग्गामस्स मेहुण-वडियाए अण्णमण्णस्स दीहाइं मंसु-रोमाइं कप्पेज्ज वा संठवेज्ज वा, कप्पेतं वा संठवेतं वा सातिज्जति ॥

इत-पदं

४५. जे भिक्खू माउग्गामस्स मेहुण-वडियाए अण्णमण्णस्स दंते आघंसेज्ज वा पघंसेज्ज वा, आघंसंतं वा पघंसंतं वा सातिज्जति ॥

४६. जे भिक्खू माउग्गामस्स मेहुण-वडियाए अण्णमण्णस्स दंते उच्छोलेज्ज वा पधो-एज्ज वा, उच्छोलेंतं वा पधोएंतं वा सातिज्जति ॥

४७. जे भिक्खू माउग्गामस्स मेहुण-वडियाए अण्णमण्णस्स दंते फुमेज्ज वा रएज्ज वा, फुमेतं वा रएंतं वा सातिज्जति ॥

उट्ठ-पदं

४८. जे भिक्खू माउग्गामस्स मेहुण-वडियाए अण्णमण्णस्स उट्ठे आमज्जेज्ज वा पमज्जेज्ज वा, आमज्जंतं वा पमज्जंतं वा सातिज्जति ॥

४९. जे भिक्खू माउग्गामस्स मेहुण-वडियाए अण्णमण्णस्स उट्ठे संवाहेज्ज वा पलिमद्देज्ज वा, संवाहेतं वा पलिमद्देतं वा सातिज्जति ॥

५०. जे भिक्खू माउग्गामस्स मेहुण-वडियाए अण्णमण्णस्स उट्ठे तेल्लेण वा घएण वा वसाए वा णवणीएण वा अब्भंगेज्ज वा मक्खेज्ज वा, अब्भंगेतं वा मक्खेतं वा सातिज्जति ॥

५१. जे भिक्खू माउग्गामस्स मेहुण-वडियाए अण्णमण्णस्स उट्ठे लोद्धेण वा कक्केण वा चुण्णेण वा वण्णेण वा उल्लोलेज्ज वा उव्वट्टेज्ज वा, उल्लोलेंतं वा उव्वट्टेतं वा सातिज्जति ॥

५२. जे भिक्खू माउग्गामस्स मेहुण-वडियाए अण्णमण्णस्स उट्ठे सीओदग-वियडेण वा उसिणोदग-वियडेण वा उच्छोलेज्ज वा पधोएज्ज वा, उच्छोलेंतं वा पधोएंतं वा सातिज्जति ॥

५३. जे भिक्खू माउग्गामस्स मेहुण-वडियाए अण्णमण्णस्स उट्ठे फुमेज्ज वा रएज्ज वा, फुमेतं वा रएंतं वा सातिज्जति ॥

दीह-रोम-पदं

५४. जे भिक्खू माउग्गामस्स मेहुण-वडियाए अण्णमण्णस्स दीहाइं उत्तरोट्ठ-रोमाइं कप्पेज्ज वा संठवेज्ज वा, कप्पेतं वा संठवेतं वा सातिज्जति ॥

५५. जे भिक्खू माउग्गामस्स मेहुण-वडियाए अण्णमण्णस्स णासा-रोमाइं कप्पेज्ज वा

संठवेज्ज वा, कप्पेतं वा संठवेतं वा सातिज्जति ॥

अच्छि-पत्त-पदं

५६. जे भिक्खू माउग्गामस्स मेहुण-वडियाए अण्णमण्णस्स दीहाइं अच्छि-पत्ताइं कप्पेज्ज वा संठवेज्ज वा, कप्पेतं वा संठवेतं वा सातिज्जति ॥
५७. जे भिक्खू माउग्गामस्स मेहुण-वडियाए अण्णमण्णस्स अच्छीणि आमज्जेज्ज वा पमज्जेज्ज वा, आमज्जंतं वा पमज्जंतं वा सातिज्जति ॥
५८. जे भिक्खू माउग्गामस्स मेहुण-वडियाए अण्णमण्णस्स अच्छीणि संवाहेज्ज वा, पलिमद्देज्ज वा, संवाहेतं वा पलिमद्देतं वा सातिज्जति ॥
५९. जे भिक्खू माउग्गामस्स मेहुण-वडियाए अण्णमण्णस्स अच्छीणि तेल्लेण वा घएण वा वसाए वा णवणीएण वा अब्भंगेज्ज वा मक्खेज्ज वा, अब्भंगेतं वा मक्खेतं वा सातिज्जति ॥
६०. जे भिक्खू माउग्गामस्स मेहुण-वडियाए अण्णमण्णस्स अच्छीणि लोद्धेण वा कक्केण वा चुण्णेण वा वण्णेण वा उल्लोलेज्ज वा उव्वट्टेज्ज वा, उल्लोलेतं वा उव्वट्टेतं वा सातिज्जति ॥
६१. जे भिक्खू माउग्गामस्स मेहुण-वडियाए अण्णमण्णस्स अच्छीणि सीओदग-वियडेण वा उसिणोदग-वियडेण वा उच्छोलेज्ज वा पघोएज्ज वा, उच्छोलेतं वा पघोएतं वा सातिज्जति ॥
६२. जे भिक्खू माउग्गामस्स मेहुण-वडियाए अण्णमण्णस्स अच्छीणि फुमेज्ज वा रएज्ज वा, फुमेतं वा रएतं वा सातिज्जति ॥

दीह-रोम-पदं

६३. जे भिक्खू माउग्गामस्स मेहुण-वडियाए अण्णमण्णस्स दीहाइं भमुग-रोमाइं कप्पेज्ज वा संठवेज्ज वा, कप्पेतं वा संठवेतं वा सातिज्जति ॥
६४. जे भिक्खू माउग्गामस्स मेहुण-वडियाए अण्णमण्णस्स दीहाइं पास-रोमाइं कप्पेज्ज वा संठवेज्ज वा, कप्पेतं वा संठवेतं वा सातिज्जति ॥
६५. जे भिक्खू माउग्गामस्स मेहुण-वडियाए अण्णमण्णस्स कायाओ सेयं वा जल्लं वा पंकं वा मलं वा णीहरेज्ज वा विसोहेज्ज वा, णीहरेतं वा विसोहेतं वा सातिज्जति ॥
६६. जे भिक्खू माउग्गामस्स मेहुण-वडियाए अण्णमण्णस्स अच्छिमलं वा कण्णमलं वा दंतमलं वा णहमलं वा णीहरेज्ज वा विसोहेज्ज वा, णीहरेतं वा विसोहेतं वा सातिज्जति° ॥

सीसबुवारिय-पदं

६७. जे भिक्खू माउग्गामस्स मेहुण-वडियाए गामाणुगामं दूइज्जमाणे अण्णमण्णस्स सीस-बुवारियं करेति, करेतं वा सातिज्जति ॥

पुढवी-पदं

६८. जे भिक्खू माउग्गामं मेहुण-वडियाए अणंतरहियाए पुढवीए णिसीयावेज्ज वा तुयट्टावेज्ज वा, णिसीयावेत्तं वा तुयट्टावेत्तं वा सातिज्जति ॥
६९. *जे भिक्खू माउग्गामं मेहुण-वडियाए ससिणिद्धाए पुढवीए णिसीयावेज्ज वा तुयट्टावेज्ज वा, णिसीयावेत्तं वा तुयट्टावेत्तं वा सातिज्जति ॥
७०. जे भिक्खू माउग्गामं मेहुण-वडियाए ससरक्खाए पुढवीए णिसीयावेज्ज वा तुयट्टावेज्ज वा, णिसीयावेत्तं वा तुयट्टावेत्तं वा सातिज्जति ॥
७१. जे भिक्खू माउग्गामं मेहुण-वडियाए मट्टियाकडाए पुढवीए णिसीयावेज्ज वा तुयट्टावेज्ज वा, णिसीयावेत्तं वा तुयट्टावेत्तं वा सातिज्जति ॥
७२. जे भिक्खू माउग्गामं मेहुण-वडियाए चित्तमंताए पुढवीए णिसीयावेज्ज वा तुयट्टावेज्ज वा, णिसीयावेत्तं वा तुयट्टावेत्तं वा सातिज्जति ॥

१. ६८-७४ एतेषां सप्तसूत्राणां स्थाने चूर्णौ पञ्च-सूत्राप्येव व्याख्यातानि सन्ति—अणंतरहियाए पुढवीए ससिणिद्धाए पुढवीए ससरक्खाए पुढवीए चित्तमंताए महासिलाए चित्तमंताए लेलूए । त्रयोदशोद्देशके पि (१-७) सप्त-सूत्राणां स्थाने पञ्चैव सूत्राणि व्याख्यातानि दृश्यन्ते—

अंतररहिताणंतर, ईसि उल्ला उ होति ससिणिद्धा । रत्तरएण विभिन्ना, फासुगपुढवी तु ससरक्खा ॥

४२५८ ॥

अन्तरणं वधघाणं, तेण रहिता निरंतर-मित्थर्थः । अघवा—पुढवी अणंतभावेण रहिता असंखा या जीविका पज्जत्तं संखेया वि । अघवा—जीए पुढवीए अंता जीएहि रहिया सा पुढवी अंतरहिया ण अंतरहिता सर्वा सचेतना न मिश्रा इत्यर्थः । ईसि उल्ला ससिणिद्धा, सेयं पुढवी अचित्ता सचित्तेण आरण्णरण वितिभिन्ना ससरक्खा ।

चित्तं जीवो भणितो, तेण सह गया तु होति सच्चित्ता । पासाणसिला रुंदा, लेलू पुण मट्टिया लेट्ठू ॥४२५९॥ सचेयणा रुंदा महासिला, सचित्तो वा लेलू लेट्ठूओ । आचारचूलायाः (१।५१) चूर्णावपि उक्तपञ्चपदान्येव व्याख्यातानि सन्ति—अणंत-

रहिता नामांतरो अंतर्वा तेन अंतररहिता सचेतणा इत्यर्थः, सचेतणा, अहवा णो अणं-तेहि रहिताओ, सहिता इत्यर्थः, इत्थं न दीसति, ससिणिद्धा घटउज्जवाणियभरितो पल्हत्थणो, वासं वा पडियमेत्तयं, ससरक्खा-वितो मट्टिता तहि पडति य समडभादिणा णिज्जमाणा कुभकारादिणा चलणं वा, चित्त-मंता मसिणा सिला एव सचित्ता, लेलू गहिता (पृ० ३३६, ३३७) । प्रस्तुतसूत्रादर्शेषु स्वीकृतानि सप्तसूत्राणि उपलभ्यन्ते । आचार-चूलायाः दशमाध्ययने (१४) 'मट्टियाकडाए चित्तमंताए सिलाए चित्तमंताए लेलुयाए' इति पाठोस्ति । अत्रापि 'चित्तमंताए पुढवीए' इति पाठो नैव विद्यते । अर्थसमीक्षया 'मट्टिया-कडाए पुढवीए चित्तमंताए पुढवीए' एतौ द्वावपि आलापकौ पुनरुक्तौ विद्येते, तथापि आदर्शेषु स्तः इति स्वीकृतौ ।

२. सं० पा०—एवं ससिणिद्धाए ससरक्खाए मट्टियाकडाए पुढवीए चित्तमंताए पुढवीए चित्तमंताए सिलाए चित्तमंताए लेलूए कोला-वासंसि वा ।

३ महियाकडाए (अ); महन्ता—रुंदा (हस्त-लिखितचूर्णि) ।

७३. जे भिक्खू माउग्गामं मेहुण-वडियाए चित्तमंताए सिलाए णिसीयावेज्ज वा तुयट्टावेज्ज वा, णिसीयावेत्तं वा तुयट्टावेत्तं वा सातिज्जति ॥
७४. जे भिक्खू माउग्गामं मेहुण-वडियाए चित्तमंताए लेलूए णिसीयावेज्ज वा तुयट्टावेज्ज वा, णिसीयावेत्तं वा तुयट्टावेत्तं वा सातिज्जति ॥

दारु-पदं

७५. जे भिक्खू माउग्गामं मेहुण-वडियाए^० कोलावासंसि वा दारुए जीवपइट्टिए सअंडे सपाणे सबीए सहुरिए 'सउस्से सउदए'^१ सउत्तिग-पणग-दग-मट्टिय-मक्कडग^२-संताण-गंसि णिसीयावेज्ज वा तुयट्टावेज्ज वा, णिसीयावेत्तं वा तुयट्टावेत्तं वा सातिज्जति ॥

अंकादि-पदं

७६. जे^३ भिक्खू माउग्गामं मेहुण-वडियाए अंकंसि वा पलियंकंसि वा णिसीयावेज्ज वा तुयट्टावेज्ज वा, णिसीयावेत्तं वा तुयट्टावेत्तं वा सातिज्जति ॥
७७. जे भिक्खू माउग्गामं मेहुण-वडियाए अंकंसि वा पलियंकंसि वा णिसीयावेत्ता वा तुयट्टावेत्ता वा असणं वा पाणं वा खाइमं वा साइमं वा अणुग्घासेज्ज वा अणुपाएज्ज वा, अणुग्घासेत्तं वा अणुपाएत्तं वा सातिज्जति ॥

आगंतारादि-पदं

७८. जे भिक्खू माउग्गामं मेहुण-वडियाए आगंतारेसु वा^४, *आरामागारेसु वा, गाहावड-कुलेसु वा^०, परियावसहेसु वा णिसीयावेज्ज वा तुयट्टावेज्ज वा, णिसीयावेत्तं वा तुयट्टावेत्तं वा सातिज्जति ॥
७९. जे भिक्खू माउग्गामं मेहुण-वडियाए आगंतारेसु वा^५, *आरामागारेसु वा, गाहा-वडकुलेसु वा^०, परियावसहेसु वा णिसीयावेत्ता वा तुयट्टावेत्ता वा असणं वा पाणं वा खाइमं वा साइमं वा अणुग्घासेज्ज वा अणुपाएज्ज वा, अणुग्घासेत्तं वा अणुपाएत्तं वा सातिज्जति ॥

तेइच्छ-पदं

८०. जे भिक्खू माउग्गामस्स मेहुण-वडियाए अणयरं^६ तेइच्छं आउट्टति, आउट्टंतं वा

१. × (अ, ख) ।

२. मक्कड (अ, चू) ।

३. ७६, ७७ एतस्सूत्रद्वयं चूणौ पूर्वं व्याख्यात-मस्ति, ततश्च 'आगंतारेसु' इत्यालापकस्य सूत्रद्वयं व्याख्यातमस्ति । आदर्शेषु 'आगंतारेसु' इत्यालापकस्य सूत्रद्वयं पूर्वं लिखितमस्ति, ततश्च 'अंकंसि' इत्यालापको दृश्यते । मूलपाठे

चूणिसम्मतः क्रमः स्वीकृतोस्ति ।

४. सं० पा०—आगंतारेसु वा जाव परियाव-सहेसु ।

५. सं० पा०—आगंतारेसु वा जाव परियाव-सहेसु ।

६. × (अ, ख) ।

सातिज्जति ॥

पोग्गलाणं अवहरण-उवहरण-पदं

८१. जे भिक्खू माउग्गामस्स^१ मेहुण-वडियाए अमणुण्णाइं पोग्गलाइं 'अवहरति, अवहरंतं'^२ वा सातिज्जति ॥
८२. जे भिक्खू माउग्गामस्स मेहुण-वडियाए मणुण्णाइं पोग्गलाइं 'उवहरति, उवहरंतं'^३ वा सातिज्जति ॥

पसु-पक्खि-पदं

८३. जे भिक्खू माउग्गामस्स मेहुण-वडियाए अण्णयरं पसुजाति वा पक्खिजाति वा पायंसि वा पक्खंसि वा पुच्छंसि वा सीसंसि वा गहाय 'उव्विहति वा पव्विहति वा संचालेति वा, उव्विहंतं वा पव्विहंतं वा संचालेत्तं वा'^४ सातिज्जति ॥
८४. जे भिक्खू माउग्गामस्स मेहुण-वडियाए अण्णयरं पसुजाति वा पक्खिजाति वा सोयंसि कट्ठं वा कल्लिचं वा अंगुलियं वा सलागं वा अणुप्पवेसेत्ता संचालेति, संचालेत्तं वा सातिज्जति ॥
८५. जे भिक्खू माउग्गामस्स मेहुण-वडियाए अण्णयरं पसुजाति वा पक्खिजाति वा 'अयमित्थि' ति कट्ठु आलिगेज्ज वा परिस्सएज्ज वा परिचुंबेज्ज वा 'विच्छेदेज्ज वा',^५ आलिगंतं वा परिस्सयंतं वा परिचुंबेत्तं वा 'विच्छेदेत्तं वा'^६ सातिज्जति ॥

दाण-पडिच्छण-पदं

८६. जे भिक्खू माउग्गामस्स मेहुण-वडियाए अमणं वा पाणं वा खाइमं वा साइमं वा देति, देत्तं वा सातिज्जति ॥
८७. जे भिक्खू माउग्गामस्स मेहुण-वडियाए असणं वा पाणं वा खाइमं वा साइमं वा पडिच्छति, पडिच्छंतं वा सातिज्जति ॥
८८. *जे भिक्खू माउग्गामस्स मेहुण-वडियाए वत्थं वा पडिग्गहं वा कंबलं वा पाय-पुच्छणं वा देति, देत्तं वा सातिज्जति ॥
८९. जे भिक्खू माउग्गामस्स मेहुण-वडियाए वत्थं वा पडिग्गहं वा कंबलं वा पायपुच्छणं वा पडिच्छति, पडिच्छंतं वा सातिज्जति ॥

सज्झाय-पदं

९०. जे भिक्खू माउग्गामस्स मेहुण-वडियाए सज्झायं वाएति, वाएत्तं वा सातिज्जति ॥
९१. जे भिक्खू माउग्गामस्स मेहुण-वडियाए सज्झायं पडिच्छति, पडिच्छंतं वा

१. माउग्गामं (अ, क, ख, ग) अग्गेषि ।

२. णीहरति णीहरंतं (अ, क, ख, ग) ।

३. उवकिरति उवकिरंतं (अ, क, ख) ।

४. संचालेति संचालेत्तं वा (अ, क, ख, ग) ।

५. × (अ, क, ख, ग) ।

६. × (अ, क, ख, ग) ।

७. सं० पा०—एवं वत्थंपि दोहिं गमएहिं सज्झायं

पि दोहि ।

सातिज्जति° ॥

आकार-करण-पदं

६२. जे भिक्खू माउग्गामस्स मेहुण-वडियाए अण्णयरेणं इंदिएणं आकारं करेति, करेत्तं वा सातिज्जति—
तं सेवमाणे आवज्जइ चाउम्मासियं परिहारट्ठाणं अणुग्घातियं ॥

अट्टमो उद्देशो

एगो एगित्थीए-यदं

१. जे भिक्खु आगंतारेसु वा^१ *आरामागारेसु वा गाहावइकुलेसु वा^२ परियावसहेसु वा एगो एगित्थीए^३ सद्धि विहारं वा करेइ, सज्झायं वा करेइ, असणं वा पाणं वा खाइमं वा साइमं वा आहारेति, उच्चारं वा पासवणं वा परिट्टवेइ, अण्णयरं^४ वा अणारियं णिट्ठुरं असमणपाओग्गं^५ कहं कहेति, कहेतं वा सातिज्जति ॥
२. जे भिक्खू 'उज्जाणंसि वा^६', उज्जाणगिहंसि वा, 'उज्जाणसालंसि वा^७ णिज्जाणंसि वा^८' णिज्जाणगिहंसि वा 'णिज्जाणसालंसि वा^९' 'एगो एगित्थीए'^{१०} सद्धि^{११} *विहारं वा करेइ, सज्झायं वा करेइ, असणं वा पाणं वा खाइमं वा साइमं वा आहारेति, उच्चारं वा पासवणं वा परिट्टवेइ, अण्णयरं वा अणारियं णिट्ठुरं असमणपाओग्गं कहं कहेति^{१२}, कहेतं वा सातिज्जति ॥
३. जे भिक्खू अट्टसि वा अट्टालयंसि वा 'पागारंसि वा चरियंसि वा^{१३}' दारंसि वा गोपुरंसि वा एगो एगित्थीए सद्धि^{१४} *विहारं वा करेइ, सज्झायं वा करेइ, असणं वा पाणं वा खाइमं वा साइमं वा आहारेति, उच्चारं वा पासवणं वा परिट्टवेति, अण्णयरं वा अणारियं णिट्ठुरं असमणपाओग्गं कहं कहेति^{१५}, कहेतं वा सातिज्जति ॥
४. जे भिक्खू 'दगमग्गंसि वा^{१६}' दगपहंसि वा दगतीरंसि वा दगठाणंसि वा एगो

१. सं० पा०—आगंतारेसु वा जाव परियावसहेसु ।

२. इत्थीए (अ, ख) ।

३. अण्णमण्णयरं (अ) ।

४. अस्सवणं (अ); अस्समणं (ख, ग) ।

५. × (अ) ।

६. × (ख, च) ।

७. × (अ, क, ख, ग) ।

८. × (च) ।

९. एकाए इत्थीए (अ) ।

१०. सं० पा०—सद्धि जाव कहेतं ।

११. चरियंसि वा (अ); चरियंसि वा पागारंसि वा (ख) ।

१२. सं० पा०—सद्धि जाव कहेतं ।

१३. दगंसि वा दगमग्गंसि वा (ग); चूणौ 'दग-पहंसि वा दगमग्गंसि वा दगतीरंसि वा' एतानि त्रीभ्येव पदानि निर्दिष्टक्रमेण व्याख्यातानि दृश्यन्ते ।

एगित्थीए सद्धिं *विहारं वा करेइ, सज्भायं वा करेइ, असणं वा पाणं वा खाइमं वा साइमं वा आहारेति, उच्चारं वा पासवणं वा परिट्ठवेइ, अण्णयरं वा अणारियं णिट्ठुरं असमणपाओग्गं क्हं कहेति, कहेतं वा सातिज्जति ॥

५. जे भिक्खू सुण्णगिहंसि वा 'सुण्णसालंसि वा' भिण्णगिहंसि वा 'भिण्णसालंसि वा' 'कूडागारंसि वा कोट्टागारंसि वा' एगो एगित्थीए *सद्धिं विहारं वा करेइ, सज्भायं वा करेइ, असणं वा पाणं वा खाइमं वा साइमं वा आहारेति, उच्चारं वा पासवणं वा परिट्ठवेइ, अण्णयरं वा अणारियं णिट्ठुरं असमणपाओग्गं क्हं कहेति, कहेतं वा *सातिज्जति ॥
६. जे भिक्खू तणसालंसि वा तणगिहंसि वा तुससालंसि वा तुसगिहंसि वा 'बुससालंसि वा बुसगिहंसि वा' एगो एगित्थीए सद्धिं *विहारं वा करेइ, सज्भायं वा करेइ, असणं वा पाणं वा खाइमं वा साइमं वा आहारेति, उच्चारं वा पासवणं वा परिट्ठवेइ, अण्णयरं वा अणारियं णिट्ठुरं असमणपाओग्गं क्हं कहेति, कहेतं वा सातिज्जति ॥
७. जे भिक्खू जाणसालंसि वा जाणगिहंसि वा जुग्गसालंसि वा जुग्गगिहंसि वा एगो एगित्थीए सद्धिं *विहारं वा करेइ, सज्भायं वा करेइ, असणं वा पाणं वा खाइमं वा साइमं वा आहारेति, उच्चारं वा पासवणं वा परिट्ठवेइ, अण्णयरं वा अणारियं णिट्ठुरं असमणपाओग्गं क्हं कहेति, कहेतं वा सातिज्जति ॥
८. जे भिक्खू पणियसालंसि वा पणियगिहंसि वा 'परियागसालंसि वा परियागगिहंसि वा' 'कुवियसालंसि वा कुवियगिहंसि वा' एगो *एगित्थीए सद्धिं विहारं वा करेइ, सज्भायं वा करेइ, असणं वा पाणं वा खाइमं वा साइमं वा आहारेति, उच्चारं वा पासवणं वा परिट्ठवेइ, अण्णयरं वा अणारियं णिट्ठुरं असमणपाओग्गं क्हं कहेति, कहेतं वा सातिज्जति ॥

१. सं० पा०—सद्धिं जाव कहेतं ।

२. चूणौ नास्ति व्याख्यातम् ।

३. चूणौ नास्ति व्याख्यातम् ।

४. × (अ) ।

५. सं० पा०—एगित्थीए जाव साति ।

६. × (अ, क, ख); चूर्णावपि एतत्पदद्वयं व्याख्यातं नास्ति । भाष्ये 'भुसे' इति पदं लभ्यते—

उज्जाणट्टाल दये, सुण्णा कूडा व तुस भुसे गोमे ।

गोणा जाणा पणिगा, परियाग महाकुले सेवं ॥

२४२६॥

७. सं० पा०—सद्धिं जाव कहेतं ।

८. भाष्ये चूर्णौ च अतः पूर्वं 'गोमयसालंसि वा

गोमयगिहंसि वा गोणसालंसि वा गोणगिहंसि वा' इति सूत्रस्य सङ्केतो व्याख्या च दृश्यते—
भाष्ये २४२६; गोकरी सो गोमयं, गोणादि जत्थ चिट्ठंति सा गोसाला, गिहं च (चू) ।

९. अतः परं चूर्णौ—'अस्सादिथा वाहणा, ताणं साला गिहं वा' इति व्याख्यातमस्ति, अनेन 'वाहणसालंसि वा वाहणगिहंसि वा' इति पाठः सम्भाव्यते ।

१०. सं० पा०—सद्धिं जाव कहेतं

११. × (अ, ख); परियायसालंसि वा परियायगिहंसि वा (क, ग)

१२. कम्मंतसालंसि वा कम्मंतगिहंसि वा (चू) ।

१३. सं० पा०—एगो जाव साति ।

६. जे भिक्खू गोणसालंणि वा गोणगिहंसि वा महाकुलंसि वा महागिहंसि वा एगो एगित्थीए' *सद्धि विहारं वा करेइ, सज्झायं वा करेइ, असणं वा पाणं वा खाइमं वा साइमं वा आहारेइ, उच्चारं वा पासवणं वा परिट्ठवेइ, अण्णयरं वा अणारियं णिट्ठरं असमणपाओगं कहं कहेति, कहेतं वा° सातिज्जति ॥

इत्थीमज्झगतस्स अपरिमाणकहा-पदं

१०. जे भिक्खू राओ वा वियाले वा इत्थीमज्झगते इत्थीसंसत्ते इत्थीपरिवुडे' अपरिमाणाए कहं कहेति, कहेतं वा सातिज्जति ॥

णिग्गंथीए-सद्धि-पदं

११. जे भिक्खू सगणिच्चियाए वा परगणिच्चियाए वा णिग्गंथीए सद्धि गामाणुगामं दूइज्जमाणे पुरओ गच्छमाणे पिट्ठओ रीयमाणे ओह्यमणसंकप्पे चिंतासोयसागर-संपविट्ठे करतलपल्हत्थमुहे' अट्टज्झाणोवगए विहारं वा करेइ, *सज्झायं वा करेइ, असणं वा पाणं वा खाइमं वा साइमं वा आहारेति, उच्चारं वा पासवणं वा परिट्ठवेइ, अण्णयरं वा अणारियं णिट्ठरं असमणपाओगं कहं कहेति°, कहेतं वा सातिज्जति ॥

अंतो उवस्सय-पदं

१२. जे भिक्खू णायगं वा अणायमं वा उवासयं वा अणुवासयं वा अंतो उवस्सयस्स अद्धं वा रातिं कसिणं वा रातिं संवसावेति, संवसावेतं वा सातिज्जति° ॥

१३. जे' भिक्खू णायमं वा अणायगं वा उवासयं वा अणुवासयं वा अंतो उवस्सयस्स अद्धं वा रातिं कसिणं वा रातिं संवसावेति, तं पडुच्च निक्खमति वा पविसति वा, निक्खमंतं वा पविसंतं वा सातिज्जति ॥

मुद्धाभिसित्त-पदं

१४. जे भिक्खू रण्णो खत्तियाणं मुदियाणं° मुद्धाभिसित्तणं समवाएसु वा पिडनियरेसु' वा' *इंदमहेसु वा खंदमहेसु वा रुद्धमहेसु वा मुगुंदमहेसु वा भूतमहेसु वा जक्खमहेसु वा णागमहेसु वा थूममहेसु वा, चेतियमहेसु वा रुक्खमहेसु वा गिरिमहेसु वा दरि-महेसु वा, अगडमहेसु वा तडागमहेसु वा दहमहेसु वा णदिमहेसु वा सरमहेसु वा

१. सं० पा०—एगित्थीए जाव साति ।

२. इत्थीपरिवुडे अपरिवुडे (अ) ।

३. करतलसंपल्हत्थमुहे (क, ग) ।

४. सं० पा०—करेइ जाव कहेतं ।

५. अतः परं 'क, ख, ग' प्रतिषु एकस्य सूत्रस्य संक्षिप्तपाठो लभ्यते—जे तं न पडियाइवस्सति न पडि साति ।

चूणौ 'संवास' धातोर्व्याख्यानन्तरं 'जो तं न

पडिसेवेति, अण्णं वा अपडिसेधंतं अणुमोयति तस्स चउगुर' ।

६. 'अ' प्रतौ एतत् सूत्रं नैव दृश्यते ।

७. मुदियाणं (क, ख, ग); मुद्धतो जो उदितो उदियकुल-वंससंभूतो, उभयकुलविमुद्धो (भाष्य २४६८ चूर्णि) ।

८. पिडमहेसु (अ, क) ।

९. सं० पा०—पिडनियरेसु वा जाव असणं ।

सागरमहेसु वा आगरमहेसु वा अण्णयरेसु वा तहप्पगारेसु विरूवरूवेसु महामहेसु^१
असणं वा पाणं वा खाइमं वा साइमं वा पडिग्गाहेति, पडिग्गाहेतं वा
सातिज्जति ॥

१५. जे भिक्खू रण्णो खत्तियाणं^२ *मुदियाणं^३ मुद्धाभिसित्ताणं उत्तरसालंसि वा उत्तर-
गिहंसि वा रीयमाणानं असणं वा पाणं वा खाइमं वा साइमं वा पडिग्गाहेति,
पडिग्गाहेतं वा सातिज्जति ॥
१६. जे भिक्खू रण्णो खत्तियाणं^३ *मुदियाणं^३ मुद्धाभिसित्ताणं ह्यसालगयाणं^४ वा
गयसालगयाण वा मंतसालगयाण वा, 'गुज्झसालगयाण वा'^५ मेहुणसालगयाण वा
असणं वा पाणं वा खाइमं वा साइमं वा पडिग्गाहेति, पडिग्गाहेतं वा सातिज्जति ॥
१७. जे भिक्खू रण्णो^३ *खत्तियाणं मुदियाणं मुद्धा^३भिसित्ताणं 'सण्णिहि-संनिचयाओ'^६
खीरं वा दहिं वा णवणीयं वा सण्णि वा गुलं वा खंडं वा सक्करं वा मच्छंडियं वा
अण्णयरं वा भोयणजायं पडिग्गाहेति, पडिग्गाहेतं वा सातिज्जति ॥
१८. जे भिक्खू रण्णो^३ *खत्तियाणं मुदियाणं मुद्धा^३भिसित्ताणं उस्सट्ठपिंडं वा संसट्ठपिंडं
वा अणाहपिंडं वा किमर्णपिंडं^७ वा वणीमर्णपिंडं वा पडिग्गाहेति, पडिग्गाहेतं वा
सातिज्जति—
तं सेवमाणे आवज्जइ चाउम्मासियं परिहारट्ठणं अणुग्घातियं ॥

१. सं० पा०—खत्तियाणं जाव मुद्धाभिसित्ताणं ।

२. सं० पा०—खत्तियाणं जाव मुद्धाभिसित्ताणं ।

३. ह्यसाला० (ख) ।

४. गुज्झसालगयाण वा रहस्ससालगयाण वा
(क, ख); रहस्ससालगयाण वा (ग) ।

५. सं० पा०—रण्णो जाव भिसित्ताणं ।

६. सण्णिहि सण्णिचयाओ (अ) ।

७. सं० पा०—रण्णो जाव भिसित्ताणं ।

८. किमर्णपिंडं (अ) ।

नवमो उद्देशो

रायपिंड-पदं

१. जे भिक्खू रायपिंडं गेण्हति, गेण्हंतं वा सातिज्जति ॥
२. जे भिक्खू रायपिंडं भुंजति, भुंजंतं वा सातिज्जति ॥

रायंतेपुर-पदं

३. जे भिक्खू रायंतेपुरं पविसति, पविसंतं वा सातिज्जति ॥
४. जे भिक्खू रायंतेपुरियं वदेज्जा—‘आउसो ! रायंतेपुरिए ! णो खलु अम्हं कप्पइ रायंतेपुरं णिक्खमित्तए वा पविसित्तए वा, इमण्हं तुमं पडिग्गहं गहाय रायंतेपुराओ असणं वा पाणं वा खाइमं वा साइमं वा णीहरियं’ आहट्टु दलयाहि’ जो तं एवं वदति, वदंतं वा सातिज्जति ॥
५. ‘जं भिक्खुय णं’ रायंतेपुरिया वएज्जा—‘आउसंतो ! सम्णा ! णो खलु तुज्जं कप्पइ रायंतेपुरं णिक्खमित्तए वा पविसित्तए वा, आहरेयं पडिग्गहं जा ते अहं रायंतेपुराओ असणं वा पाणं वा खाइमं वा साइमं वा णीहरियं’ आहट्टु दलयामि’ ‘जे तं एवं वदति’ पडिसुणेति, पडिसुणेतं वा सातिज्जति ॥

मुद्धाभिसित्त-पदं

६. जे भिक्खू रण्णो* खत्तियाणं मुदियाणं मुद्धाभिसित्ताणं दोवारियभत्तं^६ वा पसुभत्तं वा भयगभत्तं^७ वा बलभत्तं^८ वा कयगभत्तं वा कंतारभत्तं वा दुब्भिक्खभत्तं वा दमगभत्तं वा ‘गिलाणभत्तं वा बह्लियाभत्तं वा पाहुणभत्तं’^९ वा पडिग्गाहेति, पडिग्गाहेतं वा सातिज्जति ॥

१. अभिहडं (अ); अभिहडे (ख) ।
२. जे णो भिक्खु वएज्जा (अ) लिपिदोषादशुद्धं जातमिति प्रतीयते ।
३. अभिहडं (अ, ख) ।
४. जे एवं (क, ग); जे एवं वदति (ख) ।
५. सं० पा०—रण्णो जाव भिसित्ताणं ।

६. दुवार हत्तं (अ); दुवारिय^० (क, ख, ग) ।
७. भय भत्तं (क, ख, ग) ।
८. ‘बलभत्तं वा कयगभत्तं वा दमगभत्तं वा पाहुणभत्तं वा’ एतानि पदानि ‘अ’ प्रती न सन्ति ।
९. बह्लियाभत्तं वा आएसभत्तं वा गिलाणभत्तं (चू) ।

७. जे भिक्खू रण्णो खत्तियाणं^१ *मुदियाणं मुद्धा^०भिसित्ताणं इमाइं छद्दीसाययणाइं अजाणित्ता अपुच्छिय अगवेसिय परं चउराय-पंचरायाओ गाहावइकुलं^२ पिडवाय-पडियाए णिक्खमति वा पविसति वा, णिक्खमंतं वा पविसंतं वा सातिज्जति, तं जहा—कोट्टागारसालाणि वा भंडागारसालाणि^३ वा 'पाणसालाणि वा खीरसालाणि वा'^४ गंजसालाणि वा महाणससालाणि वा ॥
८. जे भिक्खू रण्णो^५ *खत्तियाणं मुदियाणं मुद्धा^०भिसित्ताणं अइगच्छमाणाण वा णिग्गच्छमाणाण वा पदमवि चक्खुदंसण-पडियाए अभिसंधारेति^६, अभिसंधारेंतं वा सातिज्जति ॥
९. जे भिक्खू रण्णो^७ *खत्तियाणं मुदियाणं मुद्धा^०भिसित्ताणं इत्थीओ सव्वालंकार-विभूसियाओ^८ पदमवि चक्खुदंसण-पडियाए अभिसंधारेति^९, अभिसंधारेंतं वा सातिज्जति ॥
१०. जे भिक्खू रण्णो^{१०} *खत्तियाणं मुदियाणं मुद्धा^०भिसित्ताणं मंसखायाण वा मच्छ-खायाण वा छविखायाण^{११} वा बहिया^{१२} णिग्गयाणं असणं वा^{१३} पाणं वा खाइमं वा साइमं वा *पडिग्गाहेति, पडिग्गाहेतं वा^{१४} सातिज्जति ॥
११. जे भिक्खू रण्णो खत्तियाणं^{१५} *मुदियाणं मुद्धा^०भिसित्ताणं अण्णयरं उववूहणियं समीहियं^{१६} पेहाए ताए^{१७} परिसाए अणुट्टियाए अभिण्णाए अव्वोच्छिण्णाए 'जो तं अण्णं'^{१८} पडिग्गाहेति, पडिग्गाहेतं वा सातिज्जति ॥
१२. अह पुण एवं जाणेज्जा—'इहज्ज राया खत्तिए परिवुसिए'^{१९} 'जे भिक्खू'^{२०} ताए गिहाए ताए पएसाए ताए उवासंतराए विहारं वा करेति, सज्झायं वा^{२१} *करेति, असणं वा पाणं वा खाइमं वा साइमं वा आहारेति, उच्चारं वा पासवणं वा परिट्टुवेति, अण्णयरं वा अणारियं णिट्ठुरं असमणपाओग्गं कहं कहेति^{२२}, कहेतं वा सातिज्जति ॥

१. सं० पा०—खत्तियाणं जाव भिसित्ताणं । ११. छवियखायाण (अ); छवियाखायाण (क, ग) ।
२. × (ख, ग, च) । १२. पहिया (अ) ।
३. भांडा^० (ख, ग) । १३. सं० पा०—असणं वा ४ जाव सातिज्जति ।
४. खीरसालाणि वा पाणसालाणि वा (क, ख, ग) । १४. सं० पा०—खत्तियाणं जाव भिसित्ताणं ।
५. सं० पा०—रण्णो जाव भिसित्ताणं । १५. × (अ) ।
६. अभिसंधारेति गच्छति वा (क, ख, ग) । १६. तीसे (क, ख, ग) ।
७. सं० पा०—रण्णो जाव भिसित्ताणं । १७. जे तमण्णं (अ, ग); जो तमण्णं (ख) ।
८. सव्वालंकारभूसियाओ (अ) । १८. वुसिए (अ, ख) ।
९. अभिसंधारेति गच्छति वा (ख, ग) । १९. × (अ) ।
१०. सं० पा०—रण्णो जाव भिसित्ताणं । २०. सं० पा०—सज्झायं वा जाव कहेतं ।

१३. जे भिक्खू रण्णो* खत्तियाणं मुदियाणं मुद्धा°भिसित्ताणं बहिया जत्तासंठियाणं असणं वा पाणं वा खाइमं वा साइमं वा पडिग्गाहेति, पडिग्गाहेतं वा सातिज्जति ॥
१४. जे भिक्खू रण्णो* खत्तियाणं मुदियाणं मुद्धा°भिसित्ताणं बहिया जत्तापडिणियत्ताणं असणं वा पाणं वा खाइमं वा साइमं वा पडिग्गाहेति, पडिग्गाहेतं वा सातिज्जति ॥
- १५.*जे भिक्खू रण्णो खत्तियाणं मुदियाणं मुद्धाभिसित्ताणं णदिजत्तापट्टियाणं असणं वा पाणं वा खाइमं वा साइमं वा पडिग्गाहेति, पडिग्गाहेतं वा सातिज्जति ॥
१६. जे भिक्खू रण्णो खत्तियाणं मुदियाणं मुद्धाभिसित्ताणं णदिजत्तापडिणियत्ताणं असणं वा पाणं वा खाइमं वा साइमं वा पडिग्गाहेति, पडिग्गाहेतं वा सातिज्जति ॥
१७. जे भिक्खू रण्णो खत्तियाणं मुदियाणं मुद्धाभिसित्ताणं गिरिजत्तापट्टियाणं असणं वा पाणं वा खाइमं वा साइमं वा पडिग्गाहेति, पडिग्गाहेतं वा सातिज्जति ॥
१८. जे भिक्खू रण्णो खत्तियाणं मुदियाणं मुद्धाभिसित्ताणं गिरिजत्तापडिणियत्ताणं असणं वा पाणं वा खाइमं वा साइमं वा पडिग्गाहेति, पडिग्गाहेतं वा सातिज्जति° ॥
१९. जे भिक्खू रण्णो* खत्तियाणं मुदियाणं मुद्धा° भिसित्ताणं महाभिसेयंसि वट्टमाणंसि णिक्खमति वा पविसति वा, णिक्खमंतं वा पविसंतं वा सातिज्जति ॥
२०. जे भिक्खू रण्णो* खत्तियाणं मुदियाणं मुद्धा° भिसित्ताणं इमा° दस अभिसेयाओ° रायहाणीओ 'उट्टिआओ गणियाओ वंजियाओ' अंतोमासस्स दुक्खुत्तो वा तिक्खुत्तो वा णिक्खमति वा पविसति वा, णिक्खमंतं वा पविसंतं वा सातिज्जति, तं जहा— चंपा महुँरा वाणारसी सावत्थो साएयं कंपिल्लं कोसंबी मिहिला हत्थिणापुरं रायगिहं ॥
२१. जे भिक्खू रण्णो* खत्तियाणं मुदियाणं मुद्धा° भिसित्ताणं असणं वा पाणं वा खाइमं वा साइमं वा परस्स पीहडं पडिग्गाहेति, पडिग्गाहेतं वा सातिज्जति, तं जहा— खत्तियाण वा राईण वा कुराईण वा" रायपेसियाण वा ॥

१,२. सं पा०—रण्णो जाव भिसित्ताणं ।

३. सं० पा०—एवं णदिजत्तापट्टियाणं णदिजत्ता-पडिणियत्ताणं गिरिजत्तापट्टियाणं गिरिजत्ता-पडिणियत्ताणं ।

४,५. सं पा०—रण्णो जाव भिसित्ताणं ।

६. इमाओ (शु) ।

७. अभिसेक्काओ (अ, शु) ।

८. × (अ); वंजियाओ (शु) ।

९. हत्थिणापुरं (अ) ।

१०. सं० पा०—रण्णो जाव भिसित्ताणं ।

११. अतः परं 'अ' प्रती रायसंसियाण वा 'क, ख' प्रत्योः 'रायपसंसियाण वा' इति पाठो लभ्यते । आचारवृत्तायां (१।४१) 'रायव-संसियाण वा' इति पाठो दृश्यते । 'न' प्रती वृत्तां च एष पाठो नास्ति । 'संसियाणं' इति पदस्य न स्पष्टोर्थः परिलक्ष्यते, तेन नासौ मूले स्वीकृतः ।

२२. जे भिक्खू रण्णो^१ *खत्तियाणं मुदियाणं मुद्धा^२ भिसित्ताणं असणं वा पाणं वा खाइमं वा साइमं वा परस्स णीहडं पडिग्गाहेति, पडिग्गाहेतं वा सातिज्जति, तं जहा— णडाण वा 'नट्टाण वा जल्लाण वा मल्लाण वा मुट्ठियाण वा वेलंबगाण वा कहगाण वा पवगाण वा लासगाण वा'^३ ॥
२३. जे भिक्खू रण्णो^१ *खत्तियाणं मुदियाणं मुद्धा^२ भिसित्ताणं असणं वा पाणं वा खाइमं वा साइमं वा परस्स णीहडं पडिग्गाहेति, पडिग्गाहेतं वा सातिज्जति, तं जहा— आसपोसयाण वा हत्थिपोसयाण वा महिसपोसयाण वा वसहपोसयाण वा सीहपोसयाण वा वग्घपोसयाण वा अयपोसयाण वा पोयपोसयाण वा भिगपोसयाण वा सुणहपोसयाण वा सूयरपोसयाण वा मेढपोसयाण वा कुक्कुडपोसयाण वा^४ तित्तिरपोसयाण वा वट्टयपोसयाण वा लावयपोसयाण वा चीरल्लपोसयाण वा हंसपोसयाण वा मऊरपोसयाण वा सुयपोसयाण वा ॥
२४. जे^५ भिक्खू रण्णो^१ *खत्तियाणं मुदियाणं मुद्धा^२ भिसित्ताणं असणं वा पाणं वा खाइमं वा साइमं वा परस्स णीहडं पडिग्गाहेति, पडिग्गाहेतं वा सातिज्जति, तं जहा—आसदमगाण वा हत्थिदमगाण वा ॥
२५. जे भिक्खू रण्णो^१ *खत्तियाणं मुदियाणं मुद्धा^२ भिसित्ताणं असणं वा पाणं वा खाइमं वा साइमं वा परस्स णीहडं पडिग्गाहेति, पडिग्गाहेतं वा सातिज्जति, तं जहा— आसमिठाण वा हत्थिमिठाण वा ॥
२६. जे भिक्खू रण्णो^१ *खत्तियाणं मुदियाणं मुद्धा^२ भिसित्ताणं असणं वा पाणं वा खाइमं वा साइमं वा परस्स णीहडं पडिग्गाहेति, पडिग्गाहेतं वा सातिज्जति, तं जहा— आसारोहाण वा हत्थिआरोहाण वा ॥
२७. जे भिक्खू रण्णो^१ खत्तियाणं^६ *मुदियाणं मुद्धा^२ भिसित्ताणं असणं वा पाणं वा खाइमं वा साइमं वा परस्स णीहडं पडिग्गाहेति, पडिग्गाहेतं वा सातिज्जति, तं जहा— सत्थाहाण^७ वा संवाहाण^८ वा अब्भंगाण^९ वा उव्वट्टाण^{१०} वा मज्जावयाण वा

१. सं० पा०—रण्णो जाव भिसित्ताणं ।

२. नट्टयाण वा कच्छुयाण वा दोखलयाण वा छन्नाण वा छन्नादुयाण वा (अ) ।

३. सं० पा०—रण्णो जाव भिसित्ताणं ।

४. वा मक्कडपोसयाण वा (ग) ।

५. २४, २५, २६ एतानि त्रीणि सूत्राणि 'अ' प्रती नैव दृश्यते ।

६, ७, ८. सं० पा०—रण्णो जाव भिसित्ताणं ।

९. सं० पा०—खत्तियाणं जाव भिसित्ताणं ।

१०. 'अ' प्रती नैतत्पदं लभ्यते । मुद्रित चूणौ

'सत्थवाहा' इति मुद्रितमस्ति, किन्तु हस्तलिखितचूर्णिप्रती 'सत्थाहा' इति पाठो विद्यते, स च स्वीकृतपाठानुसारी एव । भाष्ये 'सत्थवाहादिठाणा' इति मुद्रितमस्ति, सत्थाहादिठाणा' इत्यपि पदं युक्तमेव स्यात् ।

११. संवाहवाण (अ); संवाहगाण (ख); पडिमहाण (च) ।

१२. अब्भगावयाण (ख) ।

१३. उव्वट्टावयाण (क, ख, ग) ।

मंडावयाण वा^१ छत्तग्गहाण वा, चामरग्गहाण वा 'हडप्पग्गहाण वा'^२ परियट्टग्गहाण वा दीवियग्गहाण वा असिग्गहाण वा धणुग्गहाण^३ वा सत्तिग्गहाण वा 'कोत्तग्गहाण वा'^४ ॥

२८. जे भिक्खू रण्णो^५ *खत्तियाणं मुदियाणं मुद्धा^६ भिसित्ताणं असणं वा पाणं वा खाइमं वा साइमं वा परस्स णीहडं पडिग्गाहेति, पडिग्गाहेतं वा सातिज्जति, तं जहा—वरिसधराण वा कंचुइज्जाण वा दोवारियाण वा दंडारक्खियाण वा ॥

२९. जे भिक्खू रण्णो^५ *खत्तियाणं मुदियाणं मुद्धा^६ भिसित्ताणं असणं वा पाणं वा खाइमं वा साइमं वा परस्स णीहडं पडिग्गाहेति, पडिग्गाहेतं वा सातिज्जति, तं जहा—खुज्जाण वा^७ *चिलाइयाण वा वामणीण वा वडभीण वा बब्बरीण वा पउसीण वा जोणियाण वा पल्हवियाण वा ईसिणीण वा थारुगिणीण वा लासीण वा लउसीण वा सिंहलीण वा दमिलीण वा आरबीण वा पुलिदीण वा पक्कणीण वा बहलीण वा महंडीण वा सबरीण वा^८ पारसीण वा—
तं सेवमाणे आवज्जइ चाउम्मासियं परिहारट्ठाणं अणुग्घातियं ॥

१. अतः परं चूणौ कानिचिदेव पदानि व्याख्यातानि सन्ति—वस्त्रपरावर्तं गृह्णन्ति जे ते परिय-ट्टगा, आभरणभंडयं हडप्पो, चावं धणुयं, असी खग्गं ।

२. × (अ) ।

३. वेणु^० (ग) ।

४. कुत्तग्गहाण वा (क); × (ख) ।

५, ६. सं० पा०—रण्णो जाव भिसित्ताणो

७. सं० पा०—खुज्जाण वा जाव पारसीण ।

दसमो उद्देशो

फरुसवयण-पदं

१. जे भिक्खू भदंतं आगाढं वदति, वदंतं वा सातिज्जति ।
२. *जे भिक्खू भदंतं फरुसं वदति, वदंतं वा सातिज्जति° ।
३. जे भिक्खू भदंतं आगाढं फरुसं वदति, वदंतं वा सातिज्जति ॥
४. जे भिक्खू भदंतं अण्यरीए अच्चासायणाए अच्चासाएति, अच्चासाएंतं वा सातिज्जति ॥

अणंतकाय संजुत्त-पदं

५. जे भिक्खू अणंतकायसंजुत्तं^१ आहारं आहारिेति, आहारेंतं वा सातिज्जति ॥

आहाकम्म-पदं

६. जे भिक्खू आहाकम्मं भुजति, भुजंतं वा सातिज्जति ॥

निमित्त-पदं

७. जे भिक्खू पडुप्पणं निमित्तं 'वागरेति, वागरेंतं'^२ वा सातिज्जति ।
८. जे भिक्खू अणागयं निमित्तं 'वागरेति, वागरेंतं'^३ वा सातिज्जति ॥

सेह-पदं

९. जे^४ भिक्खू सेहं अवहरति, अवहरंतं वा सातिज्जति ॥
१०. जे भिक्खू सेहं विप्परिणामेति, विप्परिणामेंतं वा सातिज्जति ॥

१. सं० पा०—एवं फरुसं ।

२. अणंतकायसंमिस्सं (ख); भाष्ये (२६५८), 'अणंतकायसंजुत्तं' इति पदं लभ्यते, किन्तु चूर्णौ 'संजुत्तं' पदं नैव लभ्यते, 'एवमादिसम्मिस्सं' इति व्याख्यातमस्ति ।

३. वाकरेति वाकरेंतं (अ) ।

४. वाकरेति वाकरेंतं (अ, क) ।

५. 'अ, क' प्रत्ययोः 'सेहं अवहरति सेहं विप्परिणामेति' अनयोः सूत्रयोर्व्यत्ययो लभ्यते तथा 'दिसं अवहरति दिसं विप्परिणामेति' अनयो-रपि सूत्रयोर्व्यत्ययो लभ्यते ।

बिसा-पदं

११. जे भिक्खू दिसं अवहरति, अवहरंतं वा सातिज्जति ॥
 १२. जे भिक्खू दिसं विप्परिणामेति, विप्परिणामेतं वा सातिज्जति ॥

आवेस-पदं

१३. जे भिक्खू ब्रह्मियावासियं आदेसं परं ति-रायाओ अविफालेत्ता संवसावेति*, संवसा-
 वेंतं वा सातिज्जति ॥

साहिगरण-पदं

१४. जे भिक्खू साहिगरणं अविओसविय-पाहुडं अकडपायच्छित्तं परं ति-रायाओ
 'विष्फालिय अविष्फालिय'^१ संभुजति, संभुजंतं वा सातिज्जति ॥

उग्घाइय-अणुग्घाइय-पदं

१५. जे भिक्खू उग्घातियं अणुग्घातियं वदति, वदंतं वा सातिज्जति ॥
 १६. जे भिक्खू अणुग्घातियं उग्घातियं वदति, वदंतं वा सातिज्जति ॥
 १७. जे भिक्खू उग्घातियं अणुग्घातियं देति, देंतं वा सातिज्जति ॥
 १८. जे भिक्खू अणुग्घातियं उग्घातियं देति, देंतं वा सातिज्जति ॥
 १९. जे* भिक्खू उग्घातियं सोच्चा णच्चा संभुजति, संभुजंतं वा सातिज्जति ॥
 २०. जे भिक्खू उग्घातिय-हेउं सोच्चा णच्चा संभुजति, संभुजंतं वा सातिज्जति ॥
 २१. जे भिक्खू उग्घातिय-संकप्पं सोच्चा णच्चा संभुजति, संभुजंतं वा सातिज्जति ॥
 २२. जे भिक्खू अणुग्घाइयं सोच्चा णच्चा संभुजति, संभुजंतं वा सातिज्जति ॥

१. संवसति (अ);

२. × (ग); चूर्णावपि 'विष्फालिय अविष्फालिय' एते पदे व्याख्याते नैव स्तः ।

३. १६-२४ एषां षण्णां सूत्राणां स्थाने आदर्शेषु द्वादश सूत्राणि लभ्यन्ते । एकविंशतिसूत्रानन्तरं एतत्सूत्रं विद्यते—जे भिक्खू उग्घातियं वा उग्घातियहेउं वा उग्घातियसंकप्पं वा सोच्चा णच्चा संभुजति, संभुजंतं वा सातिज्जति । चतुर्विंशतिसूत्रानन्तरं एतानि पञ्च सूत्राणि विद्यन्ते—जे भिक्खू अणुग्घाइयं वा अणुग्घाइयहेउं वा अणुग्घाइय-संकप्पं वा सोच्चा णच्चा संभुजति संभुजंतं वा सातिज्जति । जे भिक्खू उग्घाइयं वा अणुग्घाइयं वा सोच्चा णच्चा

संभुजति संभुजंतं वा सातिज्जति । जे भिक्खू उग्घाइयहेउं वा अणुग्घाइयहेउं वा सोच्चा णच्चा संभुजति संभुजंतं वा सातिज्जति । जे भिक्खू उग्घाइयसंकप्पं वा अणुग्घाइयसंकप्पं वा सोच्चा णच्चा संभुजति संभुजंतं वा सातिज्जति । जे भिक्खू उग्घाइयं वा अणुग्घाइयं वा उग्घाइयहेउं वा अणुग्घाइयहेउं वा उग्घाइय-संकप्पं वा अणुग्घाइयसंकप्पं वा सोच्चा णच्चा संभुजति संभुजंतं वा सातिज्जति ।

अस्माभिर्भाष्य-चूर्णिसम्मतः पाठः स्वीकृतः चूर्णौ 'एते छ सुत्ता' इति स्पष्टमुल्लेखोस्ति । द्रष्टव्यं भाष्यं (गाथा २८६८, २८६९) ।

२३. जे भिक्खू अणुग्घाइय-हेउं सोच्चा णच्चा संभुजति, संभुजंतं वा सातिज्जति ॥

२४. जे भिक्खू अणुग्घाइय-संकप्पं सोच्चा णच्चा संभुजति, संभुजंतं वा सातिज्जति ॥

राई-सोयण-पदं

२५. जे भिक्खू उग्गयवित्तीए^१ अणत्थमिय-मणसंकप्पे^२ संथडिए णिव्वित्तिगिच्छा^३-समावण्णे णं अप्पाणे णं असणं वा पाणं वा खाइमं वा साइमं वा पडिग्गाहेत्ता भुंजति^४, भुंजंतं वा सातिज्जति ।

अहं^५ पुण एवं जाणेज्जा—अणुग्गए सूरिए अत्थमिए वा से जं च मुहे जं च पाणिंसि जं च पडिग्गहंसि तं विगिंचेमाणे विसोहेमाणे^६ णाइक्कमइ^७ जो तं भुंजति, भुंजंतं वा सातिज्जति ॥

२६. जे भिक्खू उग्गयवित्तीए अणत्थमिय-मणसंकप्पे संथडिए वित्तिगिच्छा-समावण्णे णं अप्पाणे णं असणं वा पाणं वा खाइमं वा साइमं वा पडिग्गाहेत्ता भुंजति, भुंजंतं वा सातिज्जति ।

अहं^५ पुण एवं जाणेज्जा—अणुग्गए सूरिए अत्थमिए वा से जं च मुहे जं च पाणिंसि जं च पडिग्गहंसि तं विगिंचेमाणे विसोहेमाणे णाइक्कमइ जो तं भुंजति, भुंजंतं वा सातिज्जति ॥

२७. जे भिक्खू उग्गयवित्तीए अणत्थमिय-मणसंकप्पे असंथडिए णिव्वित्तिगिच्छा-समावण्णे णं अप्पाणे णं असणं वा पाणं वा खाइमं वा साइमं वा पडिग्गाहेत्ता भुंजति, भुंजंतं वा सातिज्जति ।

अहं^५ पुण एवं जाणेज्जा—अणुग्गए सूरिए अत्थमिए वा से जं च मुहे जं च पाणिंसि जं च पडिग्गहंसि तं विगिंचेमाणे विसोहेमाणे णाइक्कमइ, जो तं भुंजति, भुंजंतं वा सातिज्जति ॥

२८. जे भिक्खू उग्गयवित्तीए अणत्थमिय-मणसंकप्पे असंथडिए वित्तिगिच्छा समावण्णे णं अप्पाणे णं असणं वा पाणं वा खाइमं वा साइमं वा पडिग्गाहेत्ता भुंजति, भुंजंतं वा सातिज्जति ।

अहं^५ पुण एवं जाणेज्जा—अणुग्गए सूरिए अत्थमिए वा से जं च मुहे जं च पाणिंसि जं च पडिग्गहंसि तं विगिंचेमाणे विसोहेमाणे णाइक्कमइ, जो तं भुंजति, भुंजंतं वा सातिज्जति ॥

१. उग्गयमुत्तीए (चूपा) ।

२. संकप्पे (अ, क, कप्पो ५।६) सर्वत्र ।

३. णिव्वित्तिगिच्छा (अ) ।

४. संभुंजति (क, ख) ।

५. 'क, ख, ग' प्रतिषु 'अह पुण एवं जाणेज्जा'

इत्यतः सूत्रपर्यन्तः पाठो नैव लभ्यते ।

६. विगिंचिय विसोहिय तं परिट्टवेमाणे (अ) ।

७. नो अतिक्रमति घम्मं (चू) ।

८. सर्वेष्वपि आदर्शेषु 'अह पुण एवं जाणेज्जा' इत्यतः सूत्रपर्यन्तः पाठो नैव लभ्यते ।

९. सर्वेष्वपि आदर्शेषु 'अह पुण एवं जाणेज्जा' इत्यतः सूत्रपर्यन्तः पाठो नैव लभ्यते ।

१०. सर्वेष्वपि आदर्शेषु 'अह पुण एवं जाणेज्जा' इत्यतः सूत्रपर्यन्तः पाठो नैव लभ्यते ।

उग्गाल-पदं

२६. जे भिक्खू राओ वा वियाले वा सपाणं सभोयणं उग्गालं उग्गिलित्ता 'पच्चोगिलितं पच्चोगिलितं' वा सातिज्जति ॥

गिलाण-पदं

३०. जे भिक्खू गिलाणं सोच्चा ण गवेसति, ण गवेसंतं वा सातिज्जति ॥
 ३१. जे भिक्खू गिलाणं सोच्चा उम्मगं वा पडिपहं वा गच्छति, गच्छंतं वा सातिज्जति ॥
 ३२. जे भिक्खू गिलाणवेयावच्चे' अब्भुट्टियस्स सएण लाभेण असंथरमाणस्स, जो' तस्स न पडितप्पति, न पडितप्पंतं वा सातिज्जति ॥
 ३३. जे भिक्खू गिलाणवेयावच्चे अब्भुट्टिए गिलाणपाउग्गे दव्वजाए अलब्भमाणे, जो तं न पडियाइक्खति, न पडियाइक्खंतं वा सातिज्जति ॥

विहार-पदं

३४. जे भिक्खू पढमपाउसंसि नामाणुग्गामं दूइज्जति, दूइज्जंतं वा सातिज्जति ॥
 ३५. जे भिक्खू वासावासंसि' पज्जोसवियंसि दूइज्जति, दूइज्जंतं वा सातिज्जति ॥

पज्जोसवणा-पदं

३६. जे भिक्खू पज्जोसवणाए ण पज्जोसवेति, ण पज्जोसवेतं वा सातिज्जति ॥
 ३७. जे भिक्खू अपज्जोसवणाए पज्जोसवेति, पज्जोसवेतं वा सातिज्जति ॥
 ३८. जे भिक्खू पज्जोसवणाए गोलोममेइं' पि वालाइ उवाइणावेति', उवाइणावेतं वा सातिज्जति ॥
 ३९. जे भिक्खू पज्जोसवणाए इत्तिरियं पाहारं' आहारेति, आहारंतं वा सातिज्जति ॥
 ४०. जे भिक्खू 'अण्णउत्थियं वा गारत्थियं वा' पज्जोसवेति, पज्जोसवेतं वा सातिज्जति ॥
 ४१. जे भिक्खू पढमसमोसरणुद्देशे पत्ताइं चीवराइं पडिग्गाहेति, पडिग्गाहेतं वा सातिज्जति—
 तं सेवमाणे आवज्जइ चाउम्मासियं परिहारट्टाणं अणुग्घातियं ॥

- | | |
|---|---|
| १. पच्चोइलति पच्चोइलंतं (अ, क) । | सूत्रयोर्व्यत्ययो लभ्यते । 'ग' प्रती 'अपज्जो- |
| २. 'अ' प्रती ३२, ३३ सूत्रयोर्व्यत्ययो लभ्यते । | सवणाए' इति पाठस्य स्थाने 'ण पज्जोसवणाए' |
| ३. 'वच्चे णं (क, ग) । | इति पाठो विद्यते । |
| ४. जे (अ, क, ग) । | ७. गोलोममेइं (अ) । |
| ५. 'वासं (अ, ख) । | ८. उवाइणइ (अ, ख) । |
| ६. ३६, ३७ अनयोः सूत्रयोः पाठः भाष्यचूर्ण्यन्तु- | ९. आहारं (क) । |
| सारेण स्वीकृतः । सर्वेष्वपि आदर्शेषु अनयोः | १०. अण्णउत्थियाण वा (अ) । |

एककारसमो उद्देशो

पाय-पदं

१. जे भिक्खू अयपायाणि वा कंसपायाणि वा तंबपायाणि वा तउयपायाणि वा 'सुवण्णपायाणि वा' रूपपायाणि वा जायरूवपायाणि वा 'हारपुडपायाणि वा' मणिपायाणि वा 'मुत्तापायाणि वा' कायपायाणि वा दंतपायाणि वा सिग्गपायाणि वा चम्मपायाणि वा 'सेलपायाणि वा' 'चेलपायाणि वा' अंकपायाणि वा संखपायाणि वा वइरपायाणि वा करेति, करेतं वा सातिज्जति ॥
२. *जे भिक्खू अयपायाणि वा कंसपायाणि वा तंबपायाणि वा तउयपायाणि वा सुवण्णपायाणि वा रूपपायाणि वा जायरूवपायाणि वा हारपुडपायाणि वा मणिपायाणि वा मुत्तापायाणि वा कायपायाणि वा दंतपायाणि वा सिग्गपायाणि वा चम्मपायाणि वा सेलपायाणि वा चेलपायाणि वा अंकपायाणि वा संखपायाणि वा वइरपायाणि वा धरेति, धरेतं वा सातिज्जति ॥
३. जे भिक्खू अयपायाणि वा कंसपायाणि वा तंबपायाणि वा तउयपायाणि वा सुवण्णपायाणि वा रूपपायाणि वा जायरूवपायाणि वा हारपुडपायाणि वा मणिपायाणि वा मुत्तापायाणि वा कायपायाणि वा दंतपायाणि वा सिग्गपायाणि वा चम्मपायाणि वा सेलपायाणि वा चेलपायाणि वा अंकपायाणि वा संखपायाणि वा वइरपायाणि वा परिभुंजति, परिभुंजंतं वा सातिज्जति ॥

पाय-बंधण-पदं

४. जे भिक्खू अयबंधणाणि वा *कंसबंधणाणि वा तंबबंधणाणि वा तउयबंधणाणि वा सुवण्णबंधणाणि वा रूपबंधणाणि वा जायरूवबंधणाणि वा हारपुडबंधणाणि वा मणिबंधणाणि वा मुत्ताबंधणाणि वा कायबंधणाणि वा दंतबंधणाणि वा

१. × (अ) ।

२. × (अ, क, ख, ग) ।

३. × (अ, क, ख, ग) ।

४. × (क, ख, ग) ।

५. × (अ) ।

६. सं० पा०—धरेति धरेतं वा साति । परिभुंजति परिभुंजंतं वा साति ।

७. सं० पा०—अयबंधणाणि वा जाव वइरबंधणाणि ।

सिगबंधणाणि वा चम्मबंधणाणि वा सेलबंधणाणि वा चेलबंधणाणि वा अंक-
बंधणाणि वा संखबंधणाणि वा^० वड्ढरबंधणाणि वा करेति, करेतं वा सातिज्जति^१ ॥

५. *जे भिक्खू अयबंधणाणि वा कंसबंधणाणि वा तंबबंधणाणि वा तउयबंधणाणि
वा सुवण्णबंधणाणि वा रूपबंधणाणि वा जायरूवबंधणाणि वा हारपुडबंधणाणि वा
मणिबंधणाणि वा मुत्ताबंधणाणि वा कायबंधणाणि वा दंतबंधणाणि वा सिगबंध-
णाणि वा चम्मबंधणाणि वा सेलबंधणाणि वा चेलबंधणाणि वा अंकबंधणाणि वा
संखबंधणाणि वा वड्ढरबंधणाणि वा धरेति, धरेतं वा सातिज्जति ॥

६. जे भिक्खू अयबंधणाणि वा कंसबंधणाणि वा, तंबबंधणाणि वा तउयबंधणाणि वा
सुवण्णबंधणाणि वा रूपबंधणाणि वा जायरूवबंधणाणि वा हारपुडबंधणाणि वा
मणिबंधणाणि वा मुत्ताबंधणाणि वा कायबंधणाणि वा दंतबंधणाणि वा सिगबंध-
णाणि वा चम्मबंधणाणि वा सेलबंधणाणि वा चेलबंधणाणि वा अंकबंधणाणि वा
संखबंधणाणि वा वड्ढरबंधणाणि वा परिभुंजति^०, परिभुंजंतं वा सातिज्जति ॥

अद्धजोयणमेरा-पदं

७. जे भिक्खू परं अद्धजोयणमेराओ पायवडियाए गच्छति, गच्छंतं वा सातिज्जति ॥

८. जे भिक्खू परं अद्धजोयणमेराओ सपच्चवार्यंसि पायं अभिहंडं आहट्टु दिज्जमाणं
पडिग्गाहेति, पडिग्गाहेतं वा सातिज्जति ॥

धम्म-अवण्ण-पदं

९. जे भिक्खू धम्मस्स अवण्णं वदति, वदंतं वा सातिज्जति ॥

अधम्म-वण्ण-पदं

१०. जे भिक्खू अधम्मस्स वण्णं वदति, वदंतं वा सातिज्जति ॥

पाय-परिकम्म-पदं

११. जे भिक्खू अण्णउत्थियस्स वा गारत्थियस्स वा पाए आमज्जेज्ज वा पमज्जेज्ज वा,
आमज्जंतं वा पमज्जंतं वा सातिज्जति ॥

१२. *जे भिक्खू अण्णउत्थियस्स वा गारत्थियस्स वा पाए संवाहेज्ज वा, पलिमहेज्ज
वा, संवाहेतं वा पलिमहेतं वा सातिज्जति ॥

१३. जे भिक्खू अण्णउत्थियस्स वा गारत्थियस्स वा पाए तेल्लेण वा घएण वा वसाए
वा णवणीएण वा अब्भंगेज्ज वा मक्खेज्ज वा, अब्भंगेतं मक्खेतं वा सातिज्जति ॥

१४. जे भिक्खू अण्णउत्थियस्स वा गारत्थियस्स वा पाए लोद्धेण वा कक्केण वा च्चण्णेण
वा वण्णेण वा उल्लोलेज्ज वा उव्वट्टेज्ज वा, उल्लोल्लेतं वा उव्वट्टेतं वा
सातिज्जति ॥

१. सं० पा०—सातिज्जति जाव परिभुंजंतं ।

२. सं० पा०—एवं तइय उद्देशय णेयव्वं णवरं

अण्णउत्थिय-गारत्थियाभिलावे जाव गामाणु-
गामं ।

१५. जे भिक्खू अण्णउत्थियस्स वा गारत्थियस्स वा पाए सीओदग-वियडेण वा उसिणोदग-वियडेण वा उच्छोलेज्ज वा पधोएज्ज वा, उच्छोल्लेतं वा पधोएंतं वा सातिज्जति ॥
१६. जे भिक्खू अण्णउत्थियस्स वा गारत्थियस्स वा पाए फुमेज्ज वा रएज्ज वा, फुमेंतं वा रएंतं वा सातिज्जति ॥

काय-परिकम्म-पदं

१७. जे भिक्खू अण्णउत्थियस्स वा गारत्थियस्स वा कायं आमज्जेज्ज वा पमज्जेज्ज वा, आमज्जंतं वा पमज्जंतं वा सातिज्जति ॥
१८. जे भिक्खू अण्णउत्थियस्स वा गारत्थियस्स वा कायं संवाहेज्ज वा पलिमहेज्ज वा, संवाहेंतं वा पलिमहेंतं वा सातिज्जति ॥
१९. जे भिक्खू अण्णउत्थियस्स वा गारत्थियस्स वा कायं तेल्लेण वा घएण वा वसाए वा णवणीएण वा अब्भंगेज्ज वा मक्खेज्ज वा, अब्भंगेतं वा मक्खेतं वा सातिज्जति ॥
२०. जे भिक्खू अण्णउत्थियस्स वा गारत्थियस्स वा कायं लोद्धेण वा कक्केण वा चुण्णेण वा वण्णेण वा उज्जोलेज्ज उव्वट्टेज्ज वा, उल्लोल्लेतं वा उव्वट्टेतं वा सातिज्जति ॥
२१. जे भिक्खू अण्णउत्थियस्स वा गारत्थियस्स वा कायं सीओदग-वियडेण वा उसिणो-दग-वियडेण वा उच्छोलेज्ज वा पधोएज्ज वा, उच्छोल्लेतं वा पधोएंतं वा सातिज्जति ॥
२२. जे भिक्खू अण्णउत्थियस्स वा गारत्थियस्स वा कायं फुमेज्ज वा रएज्ज वा, फुमेंतं वा रएंतं वा सातिज्जति ॥

वण-परिकम्म-पदं

२३. जे भिक्खू अण्णउत्थियस्स वा गारत्थियस्स वा कायंसि वणं आमज्जेज्ज वा पमज्जेज्ज वा, आमज्जंतं वा पमज्जंतं वा सातिज्जति ॥
२४. जे भिक्खू अण्णउत्थियस्स वा गारत्थियस्स वा कायंसि वणं संवाहेज्ज वा पलिमहेज्ज वा, संवाहेंतं वा पलिमहेंतं वा सातिज्जति ॥
२५. जे भिक्खू अण्णउत्थियस्स वा गारत्थियस्स वा कायंसि वणं तेल्लेण वा घएण वा वसाए वा णवणीएण वा अब्भंगेज्ज वा मक्खेज्ज वा, अब्भंगेतं वा मक्खेतं वा सातिज्जति ॥
२६. जे भिक्खू अण्णउत्थियस्स वा गारत्थियस्स वा कायंसि वणं लोद्धेण वा कक्केण वा चुण्णेण वा वण्णेण वा उल्लोलेज्ज वा उव्वट्टेज्ज वा, उल्लोल्लेतं वा उव्वट्टेतं वा सातिज्जति ॥
२७. जे भिक्खू अण्णउत्थियस्स वा गारत्थियस्स वा कायंसि वणं सीओदग-वियडेण वा उसिणोदग-वियडेण वा उच्छोलेज्ज वा पधोएज्ज वा, उच्छोल्लेतं वा पधोएंतं वा

सातिज्जति ॥

२८. जे भिक्खू अण्णउत्थियस्स वा गारत्थियस्स वा कायंसि वणं फुमेज्ज वा रएज्ज वा, फुमेंतं वा रएंतं वा सातिज्जति ॥

गंडादि-परिकम्म-पदं

२९. जे भिक्खू अण्णउत्थियस्स वा गारत्थियस्स वा कायंसि गंडं वा पिडयं वा अरइयं वा असियं वा भगंदलं वा अण्णयरेणं तिकखेणं सत्थजाएणं अच्चिद्धदेज्ज वा विच्चिद्धदेज्ज वा, अच्चिद्धदेतं वा विच्चिद्धदेतं वा सातिज्जति ॥

३०. जे भिक्खू अण्णउत्थियस्स वा गारत्थियस्स वा कायंसि गंडं वा पिडयं वा अरइयं वा असियं वा भगंदलं वा अण्णयरेणं तिकखेणं सत्थजाएणं अच्चिद्धदिता वा विच्चिद्धदिता वा, पूयं वा सोणियं वा णीहरेज्ज वा विसोहेज्ज वा, णीहरेतं वा विसोहेतं वा सातिज्जति ॥

३१. जे भिक्खू अण्णउत्थियस्स वा गारत्थियस्स वा कायंसि गंडं वा पिडयं वा अरइयं वा असियं वा भगंदलं वा अण्णयरेणं तिकखेणं सत्थजाएणं अच्चिद्धदिता वा विच्चिद्धदिता वा, पूयं वा सोणियं वा णीहरेत्ता वा विसोहेत्ता वा सीओदग-वियडेण वा उसिणोदग-वियडेण वा उच्चोलेज्ज वा पधोएज्ज वा, उच्चोलेतं वा पधोएतं वा सातिज्जति ॥

३२. जे भिक्खू अण्णउत्थियस्स वा गारत्थियस्स वा कायंसि गंडं वा पिडयं वा अरइयं वा असियं वा भगंदलं वा अण्णयरेणं तिकखेणं सत्थजाएणं अच्चिद्धदिता वा विच्चिद्धदिता वा, पूयं वा सोणियं वा णीहरेत्ता वा विसोहेत्ता वा सीओदग-वियडेण वा उसिणोदग-वियडेण वा उच्चोलेत्ता वा पधोएत्ता वा अण्णयरेणं आलेवणजाएणं आलिपेज्ज वा विलिपेज्ज वा, आलिपंतं वा विलिपंतं वा सातिज्जति ॥

३३. जे भिक्खू अण्णउत्थियस्स वा गारत्थियस्स वा कायंसि गंडं वा पिडयं वा अरइयं वा असियं वा भगंदलं वा अण्णयरेणं तिकखेणं सत्थजाएणं अच्चिद्धदिता वा विच्चिद्धदिता वा, पूयं वा सोणियं वा णीहरेत्ता वा विसोहेत्ता वा सीओदग-वियडेण वा उसिणोदग-वियडेण वा उच्चोलेत्ता वा पधोएत्ता वा अण्णयरेणं आलेवणजाएणं आलिपित्ता वा विलिपित्ता वा तेल्लेण वा घएण वा वसाए वा णवणीएण वा अब्भंगेज्ज वा मक्खेज्ज वा, अब्भंगेतं वा मक्खेतं वा सातिज्जति ॥

३४. जे भिक्खू अण्णउत्थियस्स वा गारत्थियस्स वा कायंसि गंडं वा पिडयं वा अरइयं वा असियं वा भगंदलं वा अण्णयरेणं तिकखेणं सत्थजाएणं अच्चिद्धदिता वा विच्चिद्धदिता वा, पूयं वा सोणियं वा णीहरेत्ता वा विसोहेत्ता वा सीओदग-वियडेण वा उसिणोदग-वियडेण वा उच्चोलेत्ता वा पधोएत्ता वा अण्णयरेणं आलेवणजाएणं आलिपित्ता वा विलिपित्ता वा तेल्लेण वा घएण वा वसाए वा णवणीएण वा अब्भंगेत्ता वा मक्खेत्ता वा अण्णयरेणं धूवणजाएणं धूवेज्ज वा पधूवेज्ज वा, धूवेतं वा पधूवेतं वा सातिज्जति ॥

किमि-पदं

३५. जे भिक्खू अण्णउत्थियस्स वा गारत्थियस्स वा पालुकिमियं वा कुच्छिकिमियं वा अंगुलीए णिवेसिय-णिवेसिय णीहरेइ, णीहरेंतं वा सातिज्जति ॥

णह-सिहा-पदं

३६. जे भिक्खू अण्णउत्थियस्स वा गारत्थियस्स वा दीहाओ णह-सिहाओ कप्पेज्ज वा संठवेज्ज वा, कप्पेंतं वा संठवेंतं वा सातिज्जति ॥

दीह-रोम-पदं

३७. जे भिक्खू अण्णउत्थियस्स वा गारत्थियस्स वा दीहाइं जंघ-रोमाइं कप्पेज्ज वा संठवेज्ज वा, कप्पेंतं वा संठवेंतं वा सातिज्जति ॥

३८. जे भिक्खू अण्णउत्थियस्स वा गारत्थियस्स वा दीहाइं वत्थि-रोमाइं कप्पेज्ज वा संठवेज्ज वा, कप्पेंतं वा संठवेंतं वा सातिज्जति ॥

३९. जे भिक्खू अण्णउत्थियस्स वा गारत्थियस्स वा दीह-रोमाइं कप्पेज्ज वा संठवेज्ज वा, कप्पेंतं वा संठवेंतं वा सातिज्जति ॥

४०. जे भिक्खू अण्णउत्थियस्स वा गारत्थियस्स वा दीहाइं कक्खाण-रोमाइं कप्पेज्ज वा संठवेज्ज वा, कप्पेंतं वा संठवेंतं वा सातिज्जति ॥

४१. जे भिक्खू अण्णउत्थियस्स वा गारत्थियस्स वा दीहाइं मंसु-रोमाइं कप्पेज्ज वा संठवेज्ज वा, कप्पेंतं वा संठवेंतं वा सातिज्जति ॥

दंत-पदं

४२. जे भिक्खू अण्णउत्थियस्स वा गारत्थियस्स वा दंते आघंसेज्ज वा पघंसेज्ज वा, आघंसंतं वा पघंसंतं वा सातिज्जति ॥

४३. जे भिक्खू अण्णउत्थियस्स वा गारत्थियस्स वा दंते उच्छोलेज्ज वा पघोएज्ज वा, उच्छोलेंतं वा पघोएंतं वा सातिज्जति ॥

४४. जे भिक्खू अण्णउत्थियस्स वा गारत्थियस्स वा दंते फुमेज्ज वा रएज्ज वा, फुमेंतं वा रएंतं वा सातिज्जति ॥

उट्ठ-पदं

४५. जे भिक्खू अण्णउत्थियस्स वा गारत्थियस्स वा उट्ठे आमज्जेज्ज वा पमज्जेज्ज वा, आमज्जंतं वा पमज्जंतं वा सातिज्जति ॥

४६. जे भिक्खू अण्णउत्थियस्स वा गारत्थियस्स वा उट्ठे संवाहेज्ज वा पलिमहेज्ज वा, संवाहेंतं वा पलिमहेंतं वा सातिज्जति ॥

४७. जे भिक्खू अण्णउत्थियस्स वा गारत्थियस्स वा उट्ठे तेल्लेण वा घएण वा वसाए वा णवणीएण वा अब्भंगेज्ज वा मक्खेज्ज वा, अब्भंगेंतं वा मक्खेंतं वा सातिज्जति ॥

४८. जे भिक्खू अण्णउत्थियस्स वा गारत्थियस्स वा उट्ठे लोद्धेण वा कक्केण वा चुण्णेण वा वण्णेण वा उल्लोलेज्ज वा उव्वट्टेज्ज वा, उल्लोल्लेत्तं वा उव्वट्टेत्तं वा सातिज्जति ॥
४९. जे भिक्खू अण्णउत्थियस्स वा गारत्थियस्स वा उट्ठे सीओदग-वियडेण वा उसिणोदग-वियडेण वा उच्छोलेज्ज वा पधोएज्ज वा, उच्छोल्लेत्तं वा पधोएत्तं वा सातिज्जति ॥
५०. जे भिक्खू अण्णउत्थियस्स वा गारत्थियस्स वा उट्ठे फुमेज्ज वा रएज्ज वा, फुमेत्तं वा रएत्तं वा सातिज्जति ॥

दीह-रोम-पदं

५१. जे भिक्खू अण्णउत्थियस्स वा गारत्थियस्स वा दीहाइं उत्तरोट्ट-रोमाइं कप्पेज्ज वा संठवेज्ज वा, कप्पेत्तं वा संठवेत्तं वा सातिज्जति ॥
५२. जे भिक्खू अण्णउत्थियस्स वा गारत्थियस्स वा दीहाइं णासा-रोमाइं कप्पेज्ज वा संठवेज्ज वा, कप्पेत्तं वा संठवेत्तं वा सातिज्जति ॥

अच्छि-पत्त-पदं

५३. जे भिक्खू अण्णउत्थियस्स वा गारत्थियस्स वा दीहाइं अच्छि-पत्ताइं कप्पेज्ज वा संठवेज्ज वा, कप्पेत्तं वा संठवेत्तं वा सातिज्जति ॥

अच्छि-पदं

५४. जे भिक्खू अण्णउत्थियस्स वा गारत्थियस्स वा अच्छीणि आमज्जेज्ज वा पमज्जेज्ज वा, आमज्जेत्तं वा पमज्जेत्तं वा सातिज्जति ॥
५५. जे भिक्खू अण्णउत्थियस्स वा गारत्थियस्स वा अच्छीणि संवाहेज्ज वा पलिमहेज्ज वा, संवाहेत्तं वा पलिमहेत्तं वा सातिज्जति ॥
५६. जे भिक्खू अण्णउत्थियस्स वा गारत्थियस्स वा अच्छीणि तेल्लेण वा घएण वा वसाए वा णवणीएण वा अब्भंगेज्ज वा मक्खेज्ज वा, अब्भंगेत्तं वा मक्खेत्तं वा सातिज्जति ॥
५७. जे भिक्खू अण्णउत्थियस्स वा गारत्थियस्स वा अच्छीणि लोद्धेण वा कक्केण वा चुण्णेण वा वण्णेण वा उल्लोलेज्ज वा उव्वट्टेज्ज वा, उल्लोल्लेत्तं वा उव्वट्टेत्तं वा सातिज्जति ॥
५८. जे भिक्खू अण्णउत्थियस्स वा गारत्थियस्स वा अच्छीणि सीओदग-वियडेण वा उसिणोदग-वियडेण वा उच्छोलेज्ज वा पधोएज्ज वा, उच्छोल्लेत्तं वा पधोएत्तं वा सातिज्जति ॥
५९. जे भिक्खू अण्णउत्थियस्स वा गारत्थियस्स वा अच्छीणि फुमेज्ज वा रएज्ज वा, फुमेत्तं वा रएत्तं वा सातिज्जति ॥

बीह-रोम-पदं

६०. जे भिक्खू अण्णउत्थियस्स वा गारत्थियस्स वा दीहाइं भमुग-रोमाइं कप्पेज्ज वा संठवेज्ज वा, कप्पेतं वा संठवेतं वा सातिज्जति ॥
६१. जे भिक्खू अण्णउत्थियस्स वा गारत्थियस्स वा दीहाइं पास-रोमाइं कप्पेज्ज वा संठवेज्ज वा, कप्पेतं वा संठवेतं वा सातिज्जति ॥

मल-णीहरण-पदं

६२. जे भिक्खू अण्णउत्थियस्स वा गारत्थियस्स वा कायाओ सेयं वा जल्लं वा पंकं वा मलं वा णीहरेज्ज वा विसोहेज्ज वा, णीहरेतं वा विसोहेतं वा सातिज्जति ॥
६३. जे भिक्खू अण्णउत्थियस्स वा गारत्थियस्स वा अच्चिमलं वा कण्णमलं वा दंतमलं वा णहमलं वा णीहरेज्ज वा विसोहेज्ज वा, णीहरेतं वा विसोहेतं वा सातिज्जति ॥

सीसदुवारिय-पदं

६४. जे भिक्खू मामाणुगामं दूइज्जमाणे अण्णउत्थियस्स वा गारत्थियस्स वा सीसदुवारियं करेति, करेतं वा सातिज्जति ॥

बीभावण-पदं

६५. जे भिक्खू अप्पाणं बीभावेति, बीभावेतं वा सातिज्जति ॥
६६. जे भिक्खू परं बीभावेति, बीभावेतं वा सातिज्जति ॥

विम्हावण-पदं

६७. जे भिक्खू अप्पाणं विम्हावेति, विम्हावेतं वा सातिज्जति ॥
६८. जे भिक्खू परं विम्हावेति, विम्हावेतं वा सातिज्जति ॥

विप्परियास-पदं

६९. जे भिक्खू अप्पाणं विप्परियासेति, विप्परियासेतं वा सातिज्जति ॥
७०. जे भिक्खू परं विप्परियासेति, विप्परियासेतं वा सातिज्जति ॥

मुहवण-पदं

७१. जे भिक्खू मुहवणं करेति, करेतं वा सातिज्जति ॥

वेरज्ज-विरुद्ध-रज्ज-पदं

७२. जे भिक्खू वेरज्ज-विरुद्ध-रज्जं सज्जं गमणं सज्जं आगमणं सज्जं गमणागमणं करेति, करेतं वा सातिज्जति ॥

दियाभोयण-अवण-पदं

७३. जे भिक्खू दियाभोयणस्स अवणं वयति, वयंतं वा सातिज्जति ॥

राइभोयण-वण-पदं

७४. जे भिक्खू राइभोयणस्स वण्णं वयति, वयंतं वा सातिज्जति ॥

दिया-रत्ति-भोयण-पदं

७५. जे^१ भिक्खू दिया असणं वा पाणं वा खाइमं वा साइमं वा पडिग्गाहेत्ता दिया भुंजति, भुंजंतं वा सातिज्जति ॥

७६. *जे^२ भिक्खू दिया असणं वा पाणं वा खाइमं वा साइमं वा पडिग्गाहेत्ता रत्तिं भुंजति, भुंजंतं वा सातिज्जति ॥

७७. जे भिक्खू रत्तिं असणं वा पाणं वा खाइमं वा साइमं वा पडिग्गाहेत्ता दिया भुंजति, भुंजंतं वा सातिज्जति ॥

७८. जे भिक्खू रत्तिं असणं वा पाणं वा खाइमं वा साइमं वा पडिग्गाहेत्ता रत्तिं भुंजति, भुंजंतं वा सातिज्जति^३ ॥

परिवासित-पदं

७९. जे भिक्खू असणं वा पाणं वा खाइमं वा साइमं अणागाढे^४ परिवासेति^५, परिवासेंतं वा सातिज्जति ॥

८०. जे^६ भिक्खू परिवासियस्स^६ असणस्स वा पाणस्स वा खाइमस्स वा साइमस्स वा तयप्पमाणं वा भूतिप्पमाणं वा बिंदुप्पमाणं वा आहारं आहारेति, आहारेंतं वा सातिज्जति ॥

संखडि-पदं

८१. जे भिक्खू मंसादीयं वा मच्छादीयं वा मंसखलं वा मच्छखलं वा आहेणं वा पहेणं वा संमेलं वा हिंगोलं वा अण्णयरं वा तहप्पगारं विरूवरूवं हीरमाणं पेहाए ताए आसाए ताए पिवासाए तं रयणि अण्णत्थ उवाइणावेति, उवाइणावेंतं वा सातिज्जति ॥

णिवेयर्णपिड-पदं

८२. जे भिक्खू णिवेयर्णपिडं भुंजति, भुंजंतं वा सातिज्जति ॥

१. 'क, ग' प्रत्योः ७५-७८ एतानि चत्वार्षेपि सूत्राणि नैव लभ्यन्ते ।

२. सं० पर०—एवं दिया पडिग्गाहेत्ता रत्तिं भुंजति रत्तिं पडिग्गाहेत्ता दिया भुंजति रत्तिं पडिग्गाहेत्ता रत्तिं भुंजति ।

३. × (क, ख, ग) ।

४. परिवसावेइ (अ); परिवासेति (क, ख, ग) ।

५. भाष्ये चूणो च नैतत्सूत्रं व्याख्यातं दृश्यते । बृहत्कल्पे (५।३७) एतत्सूत्रं अपवादोल्लेख-पूर्वकं विद्यते । सोपवादोत्र 'अणागाढ' पदेन उल्लिखितोस्ति, तेन प्रस्तुतसूत्रस्य न कश्चिद् विशिष्टोर्थोस्ति, तथापि सर्वेषु प्रयुक्तादर्शेषु विद्यते, तेनात्र गृहीतम् ।

६. पारिवा^० (अ, क, ख) ।

अहाछंद-पदं

८३. जे भिक्खू अहाछंदं पसंसति, पसंसंतं वा सातिज्जति ॥

८४. जे भिक्खू अहाछंदं वंदति, वंदंतं वा सातिज्जति ॥

अणल-पदं

८५. जे भिक्खू णायगं वा अणायगं वा उवासगं वा अणुवासगं वा अणलं पव्वावेति, पव्वावेतं वा सातिज्जति ॥

८६. जे भिक्खू णायगं वा अणायगं वा उवासगं वा अणुवासगं वा अणलं उवट्ठावेति, उवट्ठावेतं वा सातिज्जति ॥

८७. जे भिक्खू अणलेणं वेयावच्चं कारेति^१ कारेतं वा सातिज्जति ॥

सचेल-अचेल-पदं

८८. जे भिक्खू सचेले सचेलयाणं मज्झे संवसति, संवसंतं वा सातिज्जति ॥

८९. जे भिक्खू सचेले अचेलयाणं मज्झे संवसति, संवसंतं वा सातिज्जति ॥

९०. जे भिक्खू अचेले सचेलयाणं मज्झे संवसति, संवसंतं वा सातिज्जति ॥

९१. जे भिक्खू अचेले अचेलयाणं मज्झे संवसति, संवसंतं वा सातिज्जति ॥

पारियासिय-पदं

९२. जे भिक्खू पारियासियं पिप्पलि वा पिप्पलिचुण्णं वा सिंगबेरं वा सिंगबेरचुण्णं वा बिलं वा लोणं उब्भियं वा लोणं आहारेति, आहारेतं वा सातिज्जति ॥

बालमरण-पदं

९३. जे^२ भिक्खू गिरिपडणाणि वा मरुपडणाणि वा 'भिगुपडणाणि वा तरुपडणाणि वा'^३, गिरिपक्खंदणाणि वा मरुपक्खंदणाणि वा भिगुपक्खंदणाणि वा तरुपक्खंदणाणि वा, जलपवेसाणि वा जलणपवेसाणि वा, जलपक्खंदणाणि वा जलणपक्खंदणाणि वा विसभक्खणाणि वा सत्थोपाडणाणि वा, 'वलयमरणाणि वा वसट्टमरणाणि वा तब्भवमरणाणि वा अंतोसल्लमरणाणि वा वेहाणसमरणाणि वा, गिद्धपट्टाणि वा'^४ अण्यराणि वा तहप्पगाराणि बालमरणाणि पसंसति, पसंसंतं वा सातिज्जति—
तं सेवमाणे आवज्जइ चाउम्मासियं परिहारट्टाणं अणुग्घातियं ॥

१. करेति (अ,क,ख,) ।

२. अस्य सूत्रस्य स्थाने 'अ' प्रती 'जे बालमरणाणि वा जाव अण्यतराणि वा तहप्पगाराणि वा बालमरणाणि पसंसइ पसंसंतं वा साति' इत्येव पाठो विद्यते ।

३. तरुपडणाणि वा भिगुपडणाणि वा (क,ख) ।

४. वसट्टमरणाणि वा तब्भवमरणाणि वा अंतो-

सल्लमरणाणि वा वेहासमरणाणि (वेहास-
णाणि—ख) वा गिद्धपट्टाणि वा वलयमरणाणि
वा जाव (क, ख); तब्भवमरणाणि वा
अंतोसल्लमरणाणि वा वेहासमरणाणि वा
गिद्धपट्टाणि वा वलयमरणाणि वा जाव (ग)।
द्रष्टव्यं भगवती २।४६ ।

बारसमो उद्देशो

कोलुणपडिया-पदं

१. जे भिक्खू कोलुणपडियाए अण्णयरिं^१ तसपाणजातिं तणपासएण वा 'मुंजपासएण वा'^२ कट्टुपासएण वा चम्मपासएण वा वेत्तपासएण वा 'रज्जुपासएण वा सुत्तपासएण वा'^३ बंधति, बंधंतं वा सातिज्जति ॥
२. *जे भिक्खू कोलुणपडियाए अण्णयरिं तसपाणजातिं तणपासएण वा मुंजपासएण वा कट्टुपासएण वा चम्मपासएण वा वेत्तपासएण वा रज्जुपासएण वा सुत्तपासएण वा^४ बद्धेल्लयं मुयति, मुयंतं वा सातिज्जति ॥

पच्चक्खाण-भंग-पदं

३. जे भिक्खू अभिक्खणं^५ पच्चक्खाणं भंजति, भंजंतं वा सातिज्जति ॥

परित्तकायसंजुत्त-पदं

४. जे भिक्खू परित्तकायसंजुत्तं आहारं^६ आहारेति, आहारंतं वा सातिज्जति ॥

सलोमचम्म-पदं

५. जे^७ भिक्खू सलोमाइं चम्माइं 'अहिट्ठेति, अहिट्ठेत्तं'^८ वा सातिज्जति ॥

परवत्थोच्छन्नपीढ-पदं

६. जे भिक्खू तणपीढगं^९ वा पलालपीढगं वा छगणपीढगं^{१०} वा 'वेत्तपीढगं वा'^{११} 'कट्टु-

१. अण्णयरं (ख) ।

२. × (ग) ।

३. सुत्तपासएण वा, रज्जुपासएण वा (क, ख) ।

४. सं० पा०—बद्धेल्लयं वा मुयति मुयंतं वा साति ।

५. अभिक्खणं-अभिक्खणं (अ) ।

६. × (अ, क, ग) ।

७. 'ख' प्रती एतत्सूत्रं नैव लभ्यते ।

८. घरेति घरेतं (अ, क, ख, ग,) ।

९. चूणौ पदानां क्रमो भिन्नो दृश्यते—पलालमयं पलालपीढगं तणमयं तणपीढगं वेत्तासणं वेत्तपीढगं भिसिमादि कट्टुमयं छगणपीढगं पसिद्धं ।

१०. छेयणपीढयं (अ) ।

११. × (क, ख, ग) ।

पोढगं वा' परवत्थेणोच्छण्णं अहिट्ठेति, अहिट्ठेतं वा सातिज्जति ॥

निग्गंधी संघाडि-पदं

७. जे भिक्खू निग्गंधीए' संघाडि अण्णउत्थिएण वा गारत्थिएण वा सिव्वावेति, सिव्वावेतं वा सातिज्जति ॥

यावरकायसमारंभ-पदं

८. जे भिक्खू पुढवीकायस्स' कलमायमवि समारंभति, समारंभतं वा सातिज्जति ॥

९. एवं' *आउक्कायस्स वा तेउकायस्स वा वाउकायस्स वा वणप्फइकायस्स वा कलमायमवि समारंभति, समारंभतं वा सातिज्जति° ॥

रुक्खारोहण-पदं

१०. जे भिक्खू सचित्तरुक्खं दुरुहति, दुरुहंतं वा सातिज्जति ॥

गिहि-पदं

११. जे भिक्खू गिहिमत्ते भुंजति, भुंजंतं वा सातिज्जति ॥

१२. जे भिक्खू गिहिवत्थं परिहेति, परिहेतं वा सातिज्जति ॥

१३. जे भिक्खू गिहिणिसेज्जं वाहेति, वाहेतं वा सातिज्जति ॥

१४. जे भिक्खू गिहित्तिगिच्छं करेति, करेतं वा सातिज्जति ॥

पुरेकम्म-पदं

१५. जे भिक्खू पुरेकम्मकडेण' हत्थेण वा मत्तेण वा दव्वीए वा भायणेण वा असणं वा पाणं वा खाइमं वा साइमं वा पडिग्गाहेति, पडिग्गाहेतं वा सातिज्जति ॥

१६. जे भिक्खू 'गिहत्थाण वा अण्णउत्थियाण वा' सीओदग-परिभोईण' हत्थेण वा' *मत्तेण वा दव्वीए वा° भायणेण वा असणं वा' पाणं वा खाइमं वा साइमं वा *पडिग्गाहेति, पडिग्गाहेतं वा° सातिज्जति ॥

चक्खुदंसणपडिया-पदं

१७. जे' भिक्खू कट्टकम्माणि वा चित्तकम्माणि वा पोत्थकम्माणि वा दंतकम्माणि वा

१. × (अ) ।

२. निग्गंधीणं (अ) ।

३. पुढविकार्यं (ख, ग) ।

४. सं० पा०—एवं जाव वणप्फइकायस्स ।

५. पुरकम्मकडेण (अ, ग); पुराकम्मकडेण (ख) ।

६. × (अ, क) ।

७. परिभोयेण (क); परिभोयेण (ख); परिभोयेण (ग) ।

८. सं० पा०—हत्थेण वा जाव भायणेण ।

९. सं० पा०—असणं वा ४ जाव सातिज्जति ।

१०. एतत्सूत्रं चूणौ 'अभिसेयठाणाणि वा अक्खा-इयठाणाणि वा' (२७) इति सूत्रानन्तरं व्याख्यातमस्ति । आचारचूलायां (१२।१) एष एव क्रमो विद्यते, योस्माभिरादर्शानुसारेण स्वीकृतः । प्रस्तुतसूत्रस्य चूणौ—'पत्तच्छेज्जाणि वा विहाणि वा वेहिमाणि वा' एतानि पदानि व्याख्यातानि न सन्ति । द्रष्टव्यं २७ सूत्रस्य अन्तिमपादटिप्पणम् ।

मणिकम्माणि वा सेलकम्माणि वा संधिमाणि वा 'वेहिमाणि वा' पूरिमाणि वा संघातिमाणि वा पत्तच्छेज्जाणि वा विहाणि वा वेहिमाणि वा चक्खुदंसणपडियाए अभिसंधारेति, अभिसंधारेंतं वा सातिज्जति ॥

१८. जे भिक्खू वप्पाणि वा फलिहाणि वा उप्पलाणि वा पल्ललाणि वा उज्झराणि वा णिज्झराणि वा वावीणि वा पोक्खराणि वा दीहियाणि वा 'गुंजालियाणि वा' सराणि वा सरपंतियाणि वा सरसरपंतियाणि वा चक्खु' *दंसणपडियाए अभिसंधारेति, अभिसंधारेंतं वा° सातिज्जति ॥

१९. जे भिक्खू कच्छाणि वा गहणाणि वा णूमाणि वा वणाणि वा वणविदुग्गाणि वा° पव्वयाणि वा पव्वयविदुग्गाणि वा चक्खु' *दंसणपडियाए अभिसंधारेति, अभिसंधारेंतं वा° सातिज्जति ॥

२०. जे भिक्खू गामाणि वा णगराणि वा खेडाणि वा कब्बडाणि वा मडंबाणि°

१. × (अ) ।

२. विहाणि (क, ख, ग) ।

३. चूणौ अस्य सूत्रस्य 'वप्पाणि वा फलिहाणि वा' एते द्वे पदे व्याख्याते स्तः । अन्यः सर्वोपि व्याख्यातः पाठः स्वीकृतसूत्राद् भिन्नोस्ति— वप्पो केदारो, परिहा खातिया, णगरादिषु पागारो, रन्नो दुवारादिषु तोरणा, णगरदुवारादिषु अगला, तस्सेव पासगो रहसंठितो पासतो, पव्वयसंठितं उवरुवरिभूमियाहि वट्टमाणं कूडागारं, कूडेवागारं कूडागारं पवंते कुट्टितमित्यर्थः । णूमगिहं भूमिघरं रुक्खो च्चिय गिहागारो रुक्खगिहं, रुक्खे वा घरं कडं, पर्वतः प्रसिद्धः, मंडवो वियडः, धूमः प्रसिद्धः, पडिमा गिहं चेतियं, लोहारकुट्टी आवेसणं, लोगसमवायठाणं आयतणं, देवकुलं पसिद्धं, सदभ्यः स्थानं सभा, गिम्हादिषु उदगप्पदाणठाणं पवा, जत्थ भंडं अच्छति तं पणियगिहं, जत्थ विक्काइ सा साला । अहवा—सकुड्डं गिहं, अकुड्डा साला, एवं जाणसालाओ वि, जाणा सिविगादि जत्थ णिक्खत्ता, गुहा प्रसिद्धा, एवं दब्भो पव्वगो विदब्भसारिच्छो, इंगला जत्थ डज्झति, कट्टा

जत्थ फट्टंति, घडिज्जंति वा, सवसयणं सुसाणं गिरिगुहा कंदरं, असिवसमणट्टाणं सति, सेलो पव्वतो, गोसादि ठाणं उवट्टाणं, भवणागारं वणरायमंडियं भवणं, ते चैव वणविज्जियं गिहं, चक्खुरिन्द्रियप्रीत्यर्थं दर्शनप्रतिज्ञया गच्छंति ।

४. × (क, ख, ग) ।

५. सं० पा०—चक्खु जाव साति ।

६. दहाणि (ख) ।

७. अतोप्रे चूणौ अनेकानि पदानि व्याख्यातानि सन्ति—कूवो अगडो, तडाग दहणदि पसिद्धा, समद्वता वापी, चातुरस्सा पुक्खरणी, एताओ चैव दीहियाओ, दीहिया सारणी वावि पुक्खरणीओ वा मंडलिसंठियाओ, अन्नोन्नकवाड-संजुत्ताओ गुंजालिया भन्ति ।

अन्ने भणंति—णिक्का अणेगभेदगता गुंजालिया । सरपंती वा एणं महाप्रमाणं सद्धं, ताणि चैव बहूणि पंतीठियाणि पत्तेयवाहुजुत्ताणि सरपंती, ताणि चैव बहूणि अन्नोन्नकवाडसंजुत्ताणि सरसरपंती ।

८. सं० पा०—चक्खु जाव साति ।

९. मंडवाणि (अ,ख) ।

वा^१ दोणमुहाणि वा, पट्टणाणि वा आगराणि वा संबाहाणि वा सण्णिवेसाणि वा, चक्खु^२ *दंसणपडियाए अभिसंधारेति, अभिसंधारेंतं वा^३ सातिज्जति ॥

२१. जे भिक्खू गाममहाणि वा^४ *णगरमहाणि वा खेडमहाणि वा कब्बडमहाणि वा, मडंबमहाणि वा दोणमुहमहाणि वा पट्टणमहाणि वा आगरमहाणि वा संबाहमहाणि वा^५ सण्णिवेसमहाणि वा चक्खु^६ *दंसणपडियाए अभिसंधारेति, अभिसंधारेंतं वा^७ सातिज्जति ॥

२२. जे भिक्खू गामवहाणि वा^८ *णगरवहाणि वा खेडवहाणि वा कब्बडवहाणि वा मडंबवहाणि वा दोणमुहवहाणि वा, पट्टणवहाणि वा आगरवहाणि वा संबाहवहाणि वा^९ सण्णिवेसवहाणि वा चक्खु^{१०} *दंसणपडियाए अभिसंधारेति, अभिसंधारेंतं वा^{११} सातिज्जति ॥

२३. जे भिक्खू गामपहाणि^{१२} वा^{१३} *णगरपहाणि वा खेडपहाणि वा कब्बडपहाणि वा मडंबपहाणि वा दोणमुहपहाणि वा पट्टणपहाणि आगरपहाणि वा संबाहपहाणि वा^{१४} सण्णिवेसपहाणि वा चक्खु^{१५} *दंसणपडियाए अभिसंधारेति, अभिसंधारेंतं वा^{१६} सातिज्जति ॥

२४. जे^{१७} भिक्खू आसकरणाणि वा हत्थिकरणाणि वा^{१८} *उट्टकरणाणि वा गोणकरणाणि वा महिसकरणाणि वा^{१९} सूकरकरणाणि वा चक्खु^{२०} *दंसणपडियाए अभिसंधारेति, अभिसंधारेंतं वा^{२१} सातिज्जति ॥

१. चूर्णौ अतः परं 'आगर पट्टण दोण्णिमुह आसम सण्णिवेस संबाह घोस णेगम अंसिया पुडाभेयण रायहाणी' एतानि पदानि व्याख्यातानि सन्ति—सुवण्णादि आगरो, पट्टणं दुविहं—जलपट्टणं थलपट्टणं च, जलेण जस्स भंडमागच्छति तं जलपट्टणं इतरं थलपट्टणं, दोण्णिमुहा जस्स तं दोण्णिमुहं जलेण वि थलेण वि भंडमागच्छति, आसमं णाम तावसमादीणं, सत्थवासणत्थाणं सण्णिवेसं, गामो वा पिडितो सन्निविट्ठो, जत्तागतो लोमो सन्निविट्ठो सण्णिवेसं भण्णति, अण्णत्थ किंसि करेत्ता अन्नत्थ वोढुं वसति तं संबाहं भण्णति । घोसं गोउलं, वणियवग्गो जत्थ वसति तं णेगमं, अंसिया गामततियभागादी, भंडगा धण्णा जत्थ भिज्जति तं पुडाभेयणं, जत्थ राया वसति सा

रायहाणी ।

२. सं० पा०—चक्खु जाव साति ।

३. सं० पा०—गाममहाणि वा जाव सण्णिवेसं ।

४. सं० पा०—चक्खु जाव साति ।

५. सं० पा०—गामवहाणि वा जाव सण्णिवेसं ।

६. सं० पा०—चक्खु जाव साति ।

७. गामदहाणि (अ) ।

८. सं० पा०—गामपहाणि वा जाव सण्णिवेसं ।

९. सं० पा०—चक्खु जाव साति ।

१०. अस्य सूत्रस्य स्थाने आचारचूलायां (१२।८) विस्तृतः पाठो विद्यते ।

११. सं० पा०—हत्थिकरणाणि वा जाव मुकरणाणि ।

१२. सं० पा०—चक्खु जाव साति ।

२५. जे भिक्खू आसजुद्धाणि^१ वा^२ *हत्थिजुद्धाणि वा उट्टजुद्धाणि वा गोणजुद्धाणि वा महिसजुद्धाणि वा^३ सूकरजुद्धाणि वा चक्खुं^४ *दंसणपडियाए अभिसंधारेति, अभिसंधारेंतं वा^५ सातिज्जति ॥
२६. जे भिक्खू उज्जुहियाठाणाणि^६ वा ह्यजुहियाठाणाणि वा, गयजुहियाठाणाणि वा चक्खुं^७ *दंसणपडियाए अभिसंधारेति, अभिसंधारेंतं वा^८ सातिज्जति ॥
२७. जे^९ भिक्खू अभिसेयठाणाणि वा अक्खाइयठाणाणि^{१०} वा माणुम्माणियठाणाणि^{११} वा मह्याहय-णट्ट-गीय-वादिय-तंती-तल-ताल-तुडिय-पडुप्पाइयठाणाणि^{१२} वा चक्खुं^{१३}

१. युद्धाणि (ख) सर्वत्र । चूणौ भिन्नपदानि व्याख्यातानि सन्ति—हयो अश्वः तेषां परस्परतो युद्धं, एवमन्येषामपि । गजादयः प्रसिद्धा । शरीरेण विमध्यमः करटः, रक्तपादः चटकः, शिखिधूमवर्णः लावकः, अहिमादी प्रसिद्धा । शुत्रिगसम्पादिते पुस्तके पाठान्तर-मिदम्—हय-गय-गोण- महिस-मैठ-कुक्कड-तित्तर-वट्ट-लावग-अहि-सूकर-लतानिजुद्धाणि वा ।
२. सं० पा०—आसजुद्धाणि वा जाव सूकर-जुद्धाणि ।
३. सं० पा०—चक्खु जाव साति ।
४. गाऊजुया (ख); 'अ' प्रती सूत्रमिदमस्मिन् रूपे समुपलभ्यते—जे उज्जुहियाठाणाणि वा निज्जुहियाठाणाणि वा । भाष्येपि 'णिज्जु-हितादि ठाणा' (४१३४) इति उपलभ्यते । चूणौ अन्येपि पाठभेदोस्ति—गावीओ उज्जु-हिताओ अडविहुत्तीओ उज्जुहिज्जति । अहवा गोसंखडी उज्जुहिगा भन्नति, गावीणं णिव्वे-ठणा परिमाणादि णिज्जुहिगा, वधुवरपरिभाणं ति मिहुज्जुहिगा, वम्मियगुडएहि हतेहि बल-दरिसणा हयाणीयं, गयेहि बलदरिसणा गया-णीयं, रहेहि बलदरिसणा रहाणीयं पाइक्क-बलदरिसणा पाइक्काणीयं, चउसमवायो य अणियदरिसणं । चोरादि वा वज्जं णीणिज्ज-माणं पेहाए । शुत्रिगसम्पादिते पुस्तके

पाठान्तरमिदम्—उज्जुहियाणि वा निज्जु-हियाणि वा मिहुजुहियाणि वा हयाणि (हयाणियाणि) वा गयाणि (गयाणियाणि) वा रहाणियाणि वा पायत्ताणियाणि वा अणियाणि वा अणियदंसणाणि वा एकं पुरिसं वज्जं नीयमाणं पेहाए ।

५. सं० पा०—चक्खु जाव साति ।
६. आचार चूलायां (१२।११) 'अभिसेयठाणाणि वा' इति पाठो नैव लभ्यते । शेषपाठः प्रस्तुत-सूत्रसदृशो विद्यते । चूणौ प्रायो भिन्न एव पाठो व्याख्यातोस्ति—अक्खाणगादि अघा-दियं, एगस्स बलमाणं अन्नेण अणुमीयत इति माणुम्माणियं जहा घन्ने कंबलसंवल्ला । अधवा—माणपोताओ माणुम्माणियं । विज्जा-दिएहि रुक्खादी णमिज्जंतीति णेम्मं । अधवा—णम्मं णट्टं सिक्खाविज्जंतस्स अंगाणि णमिज्जति । गहियं कव्वा । अधवा—वदथ-पुण्फचम्मादिया भज्जं रुक्खादिभंगो दव्व-विभागो वा । कलहो वात्तिगो जहा सिघवीणं रायादीण वुग्गहो । पासा आदी जूया, सभा-दिसु अणेगविहा जणवाया ।
७. अक्खाइयां (क, ख, ग) ।
८. माणुम्माणियां (क, ख, ग) ।
९. पडुप्पाइयं (अ, क, ग) ।
१०. सं० पा०—चक्खु जाव साति ।

'दंसणपडियाए अभिसंधारेति, अभिसंधारेंतं वा° सातिज्जति' ॥

२८. जे' भिक्खू डिंवाणि वा डमराणि वा खाराणि' वा वेराणि वा महाजुद्धाणि वा महासंगामाणि वा कलहाणि वा 'बोलाणि वा' चक्खु° 'दंसणपडियाए अभिसंधारेति, अभिसंधारेंतं वा° सातिज्जति ॥
२९. जे' भिक्खू विरूवरूवेसु महस्सवेसु' इत्थीणि वा पुरिसाणि वा थेराणि वा मज्झिमाणि वा डहराणि वा—अणलंकियाणि वा सुअलंकियाणि वा गायंताणि वा वायंताणि वा णच्चंताणि वा हसंताणि वा रमंताणि वा भोहंताणि वा, विपुलं असणं धाणं वा खाइमं वा साइमं वा परिभाएंताणि वा परिभुंजंताणि वा चक्खु° 'दंसणपडियाए अभिसंधारेति, अभिसंधारेंतं वा° सातिज्जति' ।

रूवासत्ति-पदं

३०. जे भिक्खू इहलोइएसु वा रूवेसु परलोइएसु वा रूवेसु दिट्ठेसु वा रूवेसु अदिट्ठेसु वा रूवेसु 'सुएसु वा रूवेसु असुएसु वा रूवेसु विण्णाएसु वा रूवेसु अविण्णाएसु

१. चूणौ अतः परं 'कट्टकम्माणि' इति सूत्रं व्याख्यातमस्ति । प्रस्तुतसूत्रस्य 'महयाहय' इत्यादि पाठेषु अस्मिन्नेव सूत्रे व्याख्यातमस्ति—कट्टकम्मं कोट्टिमादि, पुस्तकेषु च वस्त्रेषु वा पोत्थं, चित्तलेपा प्रसिद्धा, पूयादियं पुष्पमालादिषु गंठिमं जहा आणंदपुरे, पुष्पपूरगादिवेडिमं प्रतिमा, पूरिमं स च कक्षुकादिमुकुटसंबंधिसु वा संघाडिमं महवाख्यानकं वा महताहतं । अहवा—महता शब्देन वादित्रमाहतं वाइता तंती, अन्यद्वा किंचित्, हत्थतलाणं तालो कडंबादि, वादित्रसमुदयो त्रुटिः, जस्स मुत्तिंगस्स घणसइसारिच्छो सहो सो घणमुइंगो पट्टणा सहण वाइतो सर्व्व एवेन्द्रियार्थः चक्षुः ।

२. भाष्ये चूणौ च एतत्सूत्रं नास्ति व्याख्यातम्, किन्तु आचारबूलायां (१२।१२) एतत्पाठभेदेन सह लभ्यते ।
३. खोराणि (ख); खाराणि (ग) ।
४. × (ख) ।
५. सं० पा०—चक्खु जाव साति ।
६. चूणौ प्रस्तुतसूत्रस्य कानिचिद् भिन्नानि पदानि व्याख्यातानि दृश्यन्ते—आसयंते सत्थावत्थाणि

अच्छंति । अहवा—अश्नुवन्ति भुंजन्तीत्यर्थः । चोदमाणा गेंदुयादिसु रमते मज्जपानअंदोलगादिसु ललंते जलमध्ये क्रीडा, नष्टमृतादिषु कंदणा, मोहनोभभवकारिका क्रिया मोहणा मेहुणासेवणंता, सेसपदा गंथपसिद्धा ।

७. महामहेसु (ख) ।

८. सं० पा०—चक्खु जाव साति ।

९. अतः परं भाष्ये सूत्रद्वयस्य सङ्केतो लभ्यते—समवायादिठाणा, जत्तियमेत्ता उ आहिया सुत्ते । चक्खुपडियाए तेसु, दोसा ते तं च बित्तियपदं ॥

४१३८॥

विरूवरूवादि ठाणा, जत्तियमेत्ता उ आहिया सुत्ते । चक्खुपडियाए तेसु, दोसा ते तं च बित्तियपदं ॥

४१३९॥

चूणौ च केवलं उत्तरवर्तिनः एकस्यैव सूत्रस्य व्याख्यानमस्ति—अणेगरूवा विरूवरूवा, महंता महा महामहा, जत्थ महे बहु रयो जहा भंसुरुलाए । अहवा—जत्थ महे बहू बहुरया मिलंति जहा सरक्खा सो बहुरयो भण्णति । तालायरबहुला बहुणडा गलागलपुत्तपुज्जे वेगडंभगा य बहुसडा अब्वत्तभासिणो बहुगा जत्थ महे मिलंति सो बहुमिलक्खु महो, ते य मिलक्खु दग्गभीलादि ।

वा रूवेसु^१ सज्जति रज्जति गिज्भति अज्भोववज्जति, सज्जमाणं वा रज्जमाणं वा गिज्भमाणं वा अज्भोववज्जमाणं वा सातिज्जति ॥

कालातिवकंत-पदं

३१. जे भिक्खू पढमाए पोरिसीए असणं वा पाणं वा खाइमं वा साइमं वा पडिग्गाहेत्ता पच्छिमं पोरिसिं उवातिणावेति, उवातिणावेतं वा सातिज्जति ॥

खेत्तातिवकंत-पदं

३२. जे भिक्खू परं 'अद्धजोयणमेराओ परेण'^२ असणं वा पाणं वा खाइमं वा साइमं वा उवातिणावेति, उवातिणावेतं वा सातिज्जति ॥

गोमय-पदं

३३. जे भिक्खू दिवा^३ गोमयं पडिग्गाहेत्ता दिवा कायंसि वणं आलिपेज्ज वा विलिपेज्ज वा, आलिपंतं वा विलिपंतं वा सातिज्जति ॥

३४. "जे भिक्खू दिवा गोमयं पडिग्गाहेत्ता रत्ति कायंसि वणं आलिपेज्ज वा विलिपेज्ज वा, आलिपंतं वा विलिपंतं वा सातिज्जति ॥

३५. जे भिक्खू रत्ति गोमयं पडिग्गाहेत्ता दिवा कायंसि वणं आलिपेज्ज वा विलिपेज्ज वा, आलिपंतं वा विलिपंतं वा सातिज्जति ॥

३६. जे भिक्खू रत्ति गोमयं पडिग्गाहेत्ता रत्ति कायंसि वणं आलिपेज्ज वा विलिपेज्ज वा, आलिपंतं वा विलिपंतं वा सातिज्जति^० ॥

आलेवणजाय-पदं

३७. *जे भिक्खू दिवा आलेवणजायं पडिग्गाहेत्ता दिवा कायंसि वणं आलिपेज्ज वा विलिपेज्ज वा, आलिपंतं वा विलिपंतं वा सातिज्जति ॥

३८. जे भिक्खू दिवा आलेवणजायं पडिग्गाहेत्ता रत्ति कायंसि वणं आलिपेज्ज वा विलिपेज्ज वा, आलिपंतं वा विलिपंतं वा सातिज्जति ॥

३९. जे भिक्खू रत्ति आलेवणजायं पडिग्गाहेत्ता दिवा कायंसि वणं आलिपेज्ज वा विलिपेज्ज वा, आलिपंतं वा विलिपंतं वा सातिज्जति ॥

४०. जे भिक्खू रत्ति आलेवणजायं पडिग्गाहेत्ता रत्ति कायंसि वणं आलिपेज्ज वा विलिपेज्ज वा, आलिपंतं वा विलिपंतं वा सातिज्जति^० ॥

१. चिन्हाङ्कितपाठस्य स्थाने चूर्णौ 'मणुण्ण अमणुण्ण' पदे व्याख्याते स्तः—मणुण्णा जे इट्ठा, अमणुण्णा जे अणिट्ठा ।

२. अद्धजोयणाते (अ); भाष्ये चूर्णौ च 'मेरा' इति पदं नैव व्याख्यातं दृश्यते ।

३. दिया (अ, ग) ।

४. सं० पा०—एवं चउत्थभंगो ।

५. सं० पा०—जे भिक्खू दिवा आलेवणजायं पडिग्गाहेत्ति पडिग्गाहेतं वा साति दिवा कायंसि वणं जाव चउत्थभंगो ।

उवहिवहावण-पवं

४१. जे भिक्खू अण्णउत्थिएण वा गारत्थिएण वा उवहिं वहावेति, वहावेतं वा सातिज्जति ॥
४२. जे भिक्खू तण्णीसाए असणं वा पाणं वा खाइमं वा साइमं वा देति, देतं वा सातिज्जति ॥

महाणई-पवं

४३. जे भिक्खू 'इमाओ पंच'^१ मह्णवाओ महाणईओ उद्धिटाओ गणियाओ वंजियाओ अंतोमासस्स दुक्खुत्तो वा^२ तिक्खुत्तो वा उत्तरति वा संतरति वा, उत्तरंतं वा संतरंतं वा सातिज्जति, तं जहा—'गंगा जउणा सरउ एरावती मही'^३—
तं सेवमाणे आवज्जइ चाउम्मासियं परिहारट्ठाणं उग्घातियं ॥

१. पंचिमाओ (अ, क, ग); पंच इमाओ (ख) । ३. गंगं जउणं सरउं एरावति मही (अ, क, ग) ।

२. × (क, ग) ।

तेरसमो उद्देशो

पुढवी-पदं

१. जे भिक्खू अणंतरहियाए पुढवीए ठाणं वा सेज्जं वा, 'णिसेज्जं वा', णिसीहियं वा चेएति, चेएंतं वा सातिज्जति ॥
२. *जे भिक्खू ससिणिद्धाए पुढवीए ठाणं वा सेज्जं वा णिसेज्जं वा णिसीहियं वा चेएति, चेएंतं वा सातिज्जति ॥
३. जे भिक्खू ससरक्खाए पुढवीए ठाणं वा सेज्जं वा णिसेज्जं वा णिसीहियं वा चेएति, चेएंतं वा सातिज्जति ॥
४. जे भिक्खू मट्टियाकडाए पुढवीए ठाणं वा सेज्जं वा णिसेज्जं वा णिसीहियं वा चेएति, चेएंतं वा सातिज्जति ॥
५. जे भिक्खू चित्तमंताए पुढवीए ठाणं वा सेज्जं वा णिसेज्जं वा णिसीहियं वा चेएति, चेएंतं वा सातिज्जति ॥
६. जे भिक्खू चित्तमंताए सिलाए ठाणं वा सेज्जं वा णिसेज्जं वा णिसीहियं वा चेएति, चेएंतं वा सातिज्जति ॥
७. जे भिक्खू चित्तमंताए लेलूए ठाणं वा सेज्जं वा णिसेज्जं वा णिसीहियं वा चेएति, चेएंतं वा सातिज्जति ॥

दारु-पदं

८. जे भिक्खू कोलावासंसि वा दारुए जीवपइट्ठिणं सअंडे सपाणे सबीए सहूरिणं सओस्से सउदए सउत्तिग-पणग-दग-मट्टिय-मक्कडा-संताणगंसि ठाणं वा सेज्जं वा णिसेज्जं वा णिसीहियं वा चेएति, चेएंतं वा सातिज्जति* ॥

अंतरिक्खजाय-पदं

९. जे भिक्खू थूर्णंसि वा गिहेलुयंसि वा उसुकालंसि वा कामजलंसि वा 'अण्णयरंसि वा

१. × (अ, क, ख, ग) ।

२. सं० पा० —जे एवं ससिणिद्धाए जाव कोला-

वासंसि वा दारुयंसि वा पतिनिस्सियंसि जाव

संताणयंसि ठाणं वा जाव चेति इच्चे साति ।

तहप्पगारंसि अंतरिक्खजायंसि^१ 'दुब्बद्धे दुण्णिक्खित्ते अणिकंपे चलाचले'^२ ठाणं वा सेज्जं वा णिसेज्जं वा णिसीहियं वा चेएति, चेएंतं वा सातिज्जति ॥

१०. जे भिक्खू कुलियंसि वा भित्तिसि वा सिलंसि वा लेलुसि वा, अण्णयरंसि वा तहप्पगारंसि अंतरिक्खजायंसि दुब्बद्धे दुण्णिक्खित्ते अणिकंपे चलाचले ठाणं वा सेज्जं वा णिसेज्जं वा णिसीहियं वा चेएति, चेएंतं वा सातिज्जति ॥

११. जे भिक्खू खंधंसि वा फलिहंसि वा मंचंसि वा मंडबंसि वा मालंसि वा पासायंसि वा हम्मतलंसि वा अण्णयरंसि वा तहप्पगारंसि अंतरिक्खजायंसि दुब्बद्धे दुण्णिक्खित्ते अणिकंपे चलाचले ठाणं वा सेज्जं वा णिसेज्जं वा णिसीहियं वा चेएति, चेएंतं वा सातिज्जति ॥

अण्णउत्थिय-गारत्थिय-पदं

१२. जे भिक्खू अण्णउत्थियं वा गारत्थियं वा सिप्यं वा सिलोणं वा अट्टापदं वा कक्कडगं वा वुग्गहं वा सलाहं वा सलाहकहत्थयं^३ वा सिक्खावेति, सिक्खावेतं वा सातिज्जति ॥

१३. जे भिक्खू अण्णउत्थियं वा गारत्थियं वा आगाढं वदति, वदंतं वा सातिज्जति ॥

१४. जे भिक्खू अण्णउत्थियं वा गारत्थियं वा फरुसं वदति, वदंतं वा सातिज्जति ॥

१५. जे भिक्खू अण्णउत्थियं वा गारत्थियं वा आगाढं फरुसं वदति, वदंतं वा सातिज्जति ॥

१६. जे भिक्खू अण्णउत्थियं वा गारत्थियं वा अण्णयरीए अच्चासायणाए अच्चासाएति, अच्चासाएतं वा सातिज्जति ॥

१७. जे भिक्खू अण्णउत्थियाण वा गारत्थियाण वा कोउगकम्मं करेति, करेतं वा सातिज्जति ॥

१८. जे भिक्खू अण्णउत्थियाण वा गारत्थियाण वा भूतिकम्मं करेति, करेतं वा सातिज्जति ॥

१९. जे भिक्खू अण्णउत्थियाण वा गारत्थियाण वा पसिणं 'वाग्गेइ, वाग्गेतं'^४ वा

१. चिन्हाङ्कितः पाठो भाष्ये चूर्णौ च नास्ति व्याख्यातः ।

आचारचूलायां (७।११) 'अण्णयरे वा तहप्प-गारे अंतलिक्खजाए' इति पाठो लभ्यते । अग्निमसूत्रद्वयेपि इत्थमेव दृश्यते ।

२. आदर्शेषु चिन्हाङ्कितः पाठो नैव लभ्यते, अग्निम-सूत्रेपि एव नास्ति । असौ चूर्णधारणं स्वी-कृतः । चूर्णौ 'दुण्णिक्खित्त' पदानन्तरं पाठ-

भेदोपि प्रदर्शितोस्ति—केसिचि दुण्णिरिक्खियं ति आलावगो ।

३. आदर्शेषु एतत्पदं नैव लभ्यते ।

४. सलाहत्थयं (अ); सलाहकहत्थयं (ख,ग) ।

५. १९-२४ एषां षण्णां सूत्राणां स्थाने 'वाग्गेइ, वाग्गेतं' इति पाठस्य स्थाने आदर्शेषु 'करेइ करेतं' इति पाठो लभ्यते । मूलपाठः भाष्य-चूर्णधारणं स्वीकृतः ।

सातिज्जति ॥

२०. जे भिक्खू अण्णउत्थियाण वा गारत्थियाण वा पसिणापसिणं वागरेइ, वागरेंतं वा सातिज्जति ॥
२१. जे भिक्खू अण्णउत्थियाण वा गारत्थियाण वा 'तीतं निमित्तं'^१ वागरेइ, वागरेंतं वा सातिज्जति ॥
२२. जे भिक्खू अण्णउत्थियाण वा गारत्थियाण वा लक्खणं वागरेइ, वागरेंतं वा सातिज्जति ॥
२३. जे^२ भिक्खू अण्णउत्थियाण वा गारत्थियाण वा वंजणं वागरेइ, वागरेंतं वा सातिज्जति ॥
२४. जे भिक्खू अण्णउत्थियाण वा गारत्थियाण वा सुमिणं^३ वागरेइ, वागरेंतं वा सातिज्जति ॥
२५. जे भिक्खू अण्णउत्थियाण वा गारत्थियाण वा विज्जं पउंजति, पउंजंतं वा सातिज्जति ॥
२६. *जे भिक्खू अण्णउत्थियाण वा गारत्थियाण वा मंतं पउंजति, पउंजंतं वा सातिज्जति ॥
२७. जे भिक्खू अण्णउत्थियाण वा गारत्थियाण वा जोगं पउंजति, पउंजंतं वा सातिज्जति^४ ॥
२८. जे भिक्खू अण्णउत्थियाण वा गारत्थियाण वा नट्टाणं मूढाणं विप्परियासियाणं मग्गं वा पवेदेति, संघि वा पवेदेति, मग्गाओ^५ वा संघि पवेदेति, संघीओ वा मग्गं पवेदेति, पवेदेतं वा सातिज्जति ॥
२९. जे भिक्खू अण्णउत्थियाण वा गारत्थियाण वा घाउं पवेदेति, पवेदेतं वा सातिज्जति ॥
३०. जे भिक्खू अण्णउत्थियाण वा गारत्थियाण वा णिहि पवेदेति, पवेदेतं वा सातिज्जति ॥

१. चूणो त्रिकालनिमित्तस्य व्याख्यानं लभ्यते—
अतीतकाले वट्टमाणे वा इमो ते लाभो लद्धो,
अणागते वा इमं भविस्सति । कस्मिञ्चिद्
आदर्शं प्रस्तुतसूत्रानन्तरं अन्यदपि सूत्रद्वयं
लभ्यते—जे भिक्खू अण्णउत्थियाण वा
गारत्थियाण वा पडुप्पणं निमित्तं^१ । जे भिक्खू
अण्णउत्थियाण वा गारत्थियाण वा आगमिस्सं

निमित्तं^१ ।

२. आदर्शेषु एतत्सूत्रं नैव लभ्यते । एतच्च भाष्य-
चूण्योराधारेण स्वीकृतम् ।

३. सिमिणं (अ) ।

४. सं० पा०—एवं मंतं जोगं ।

५. × (अ); मग्गाण (क, ग); मग्गेण (ख) ।

अप्पाणं देहति-पदं

३१. जे^१ भिक्खू मत्तए अप्पाणं देहति, देहंतं वा सातिज्जति ॥
 ३२. जे भिक्खू अद्दाए अप्पाणं देहति, देहंतं वा सातिज्जति ॥
 ३३. *जे भिक्खू असीए अप्पाणं देहति, देहंतं वा सातिज्जति ॥
 ३४. जे भिक्खू मणीए अप्पाणं देहति, देहंतं वा सातिज्जति ॥
 ३५. जे भिक्खू उड्डुपाणे^२ अप्पाणं देहति, देहंतं वा सातिज्जति ॥
 ३६. जे भिक्खू तेल्ले अप्पाणं देहति, देहंतं वा सातिज्जति ॥
 ३७. जे भिक्खू फाणिए अप्पाणं देहति, देहंतं वा सातिज्जति ॥
 ३८. जे भिक्खू^३ वसाए अप्पाणं देहति, देहंतं वा सातिज्जति ॥

तिगिच्छा-पदं

३९. जे भिक्खू वमणं करेति, करेत्तं वा सातिज्जति ॥
 ४०. जे भिक्खू विरेयणं करेति, करेत्तं वा सातिज्जति ॥
 ४१. जे भिक्खू वमण-विरेयणं करेति, करेत्तं वा सातिज्जति ॥
 ४२. जे^४ भिक्खू 'अरोगे य'^५ परिकम्मं^६ करेति, करेत्तं वा सातिज्जति ॥

पासत्यादि-वंदण-पसंसण-पदं

४३. जे भिक्खू पासत्थं वंदति, वंदंतं वा सातिज्जति ॥
 ४४. जे भिक्खू पासत्थं पसंसति, पसंसंतं वा सातिज्जति^७ ॥
 ४५. *जे भिक्खू ओसण्णं वंदति, वंदंतं वा सातिज्जति ॥
 ४६. जे भिक्खू ओसण्णं पसंसति, पसंसंतं वा सातिज्जति ॥

१. 'अ' प्रती एतत्सूत्रं नोपलभ्यते । चूर्णौ प्रस्तुत
 सूत्रस्य व्याख्यानन्तरं सङ्ग्रहगाथायाः उल्लेखः
 कृतोस्ति— सेसपदानं इमा संगहणी—

दप्पणं मणि आभरणे, सत्थं दए भायणञ्जतरए य ।
 तेल्लं महु सप्पि फाणित्तं, मज्ज वसा सुत्तमादीसु

॥४३१॥

अस्मिन् सङ्ग्रहे मध्वादीनि अनेकानि अति-
 रिक्तानि पदानि लभ्यन्ते ।

२. सं० पा०—एवं असीए मणीए उड्डुपाणे तेल्ले
 फाणिए वसाए अप्पाणं ।

३. उड्डुपाणे (क); उड्डुपाणे (ग) ।

४. 'अ' प्रती एतत्सूत्रं नोपलभ्यते ।

५. अरोगिय (क); आरोगिय (ख) ।

६. पडिकम्मं (क, ख, ग) ;

७. चूर्णौ पासत्यालापकस्य परतः कुसीलालापकः;
 ततश्च ओसणालापकः, संसत्तालापकः, निति-
 यालापकः—एष क्रमो विद्यते ।

चतुर्थोद्देशके भाष्ये चूर्णौ च अतः भिन्नः क्रमो
 दृश्यते—

पासत्थोसण्णाणं, कुसील संसत्त नितियवासीणं ।

जे भिक्खू संघाडं, दिज्जा अहव पडिञ्जेज्जा

॥१८२८॥

८. सं० पा०—एवं ओसण्णं कुसीलं गितियं संसत्तं
 काहियं पासणियं सामायं संपसारयं ।

४७. जे भिक्खू कुसीलं वंदति, वंदंतं वा सातिज्जति ॥
 ४८. जे भिक्खू कुसीलं पसंसति, पसंसंतं वा सातिज्जति ॥
 ४९. जे भिक्खू नितियं वंदति, वंदंतं वा सातिज्जति ॥
 ५०. जे भिक्खू नितियं पसंसति, पसंसंतं वा सातिज्जति ॥
 ५१. जे भिक्खू संसत्तं वंदति, वंदंतं वा सातिज्जति ॥
 ५२. जे भिक्खू संसत्तं पसंसति, पसंसंतं वा सातिज्जति ॥
 ५३. जे भिक्खू काहियं वंदति, वंदंतं वा सातिज्जति ॥
 ५४. जे भिक्खू काहियं पसंसति, पसंसंतं वा सातिज्जति ॥
 ५५. जे भिक्खू पासणियं वंदति, वंदंतं वा सातिज्जति ॥
 ५६. जे भिक्खू पासणियं पसंसति, पसंसंतं वा सातिज्जति ॥
 ५७. जे भिक्खू मामायं^१ वंदति, वंदंतं वा सातिज्जति ॥
 ५८. जे भिक्खू मामायं पसंसति, पसंसंतं वा सातिज्जति ॥
 ५९. जे भिक्खू संपसारयं^२ वंदति, वंदंतं वा सातिज्जति ॥
 ६०. जे भिक्खू संपसारयं पसंसति, पसंसंतं वा सातिज्जति^३ ॥

पिड-पदं

६१. जे भिक्खू धाइपिडं भुजति, भुजंतं वा सातिज्जति ॥
 ६२. *जे भिक्खू दूतिपिडं भुजति, भुजंतं वा सातिज्जति ॥
 ६३. जे भिक्खू णिमत्तपिडं भुजति, भुजंतं वा सातिज्जति ॥
 ६४. जे भिक्खू आजीवियपिडं^४ भुजति, भुजंतं वा सातिज्जति ॥
 ६५. जे भिक्खू वणीमगपिडं भुजति, भुजंतं वा सातिज्जति ॥
 ६६. जे भिक्खू तिगिच्छापिडं भुजति, भुजंतं वा सातिज्जति ॥
 ६७. जे भिक्खू कोहपिडं^५ भुजति, भुजंतं वा सातिज्जति ॥
 ६८. जे भिक्खू माणपिडं भुजति, भुजंतं वा सातिज्जति ॥
 ६९. जे भिक्खू मायापिडं भुजति, भुजंतं वा सातिज्जति ॥
 ७०. जे भिक्खू लोभपिडं भुजति, भुजंतं वा सातिज्जति ॥

१. मामायं (अ, ख); मामाडयं (क); भाष्ये 'मामतो' चूणो च 'मामाओ, मामओ' इति पाठद्वयमपि लभ्यते ।

२. चूणो 'संपसारिओ' इति पदं लभ्यते ।

३. सं० पा०---एवं दूति निमित्तपिड आजीविय

वणीमग तिगिच्छा कोह माण माया लोह विज्जा मंतं जोग चुण्ण अंतद्वाण ।

४. आजीवणपिडं (चू) ।

५. कोवपिडं (भाष्य, चू) ।

७१. जे भिक्खू विज्जापिंडं भुंजति, भुंजंतं वा सातिज्जति ॥
 ७२. जे भिक्खू संतपिंडं भुंजति, भुंजंतं वा सातिज्जति^१ ॥
 ७३. जे भिक्खू जोगपिंडं भुंजति, भुंजंतं वा सातिज्जति ॥
 ७४. जे भिक्खू चुण्णपिंडं भुंजति, भुंजंतं वा सातिज्जति ॥
 ७५. जे भिक्खू अंतद्घाणपिंडं भुंजति, भुंजंतं वा सातिज्जति^२—
 तं सेवमाणे आबज्जइ चाउम्मासियं परिहारट्ठाणं उग्घातियं ॥

१. चूणौ अतः परं 'चुण्णपिंडं अंतद्घाणपिंडं जोगपिंडं' एष आलापकः क्रमो विद्यते ।

चउद्दसमो उद्देशो

पडिग्गाह-संबंधं

१. जे भिक्खू पडिग्गाहं किणेति, किणावेति, कीयमाहट्टु^१ दिज्जमाणं पडिग्गाहेति, पडिग्गाहेतं वा सातिज्जति ॥
२. जे भिक्खू पडिग्गाहं पामिच्चेति, पामिच्चावेति, पामिच्चमाहट्टु दिज्जमाणं पडिग्गाहेति, पडिग्गाहेतं वा सातिज्जति ॥
३. जे भिक्खू पडिग्गाहं परियट्ठेति, परियट्ठावेति, परियट्ठियमाहट्टु दिज्जमाणं पडिग्गाहेति, पडिग्गाहेतं वा सातिज्जति ॥
४. जे भिक्खू पडिग्गाहं अच्चेज्जं अणिसट्ठं अभिहडमाहट्टु दिज्जमाणं पडिग्गाहेति, पडिग्गाहेतं वा सातिज्जति ॥
५. जे भिक्खू अइरेगं पडिग्गाहं गणि उद्दिसिय गणि समुद्दिसिय तं गणि अणापुच्छिय अणामंतिय अणमणस्स वियरति, वियरतं वा सातिज्जति ॥
६. जे भिक्खू अइरेगं पडिग्गाहं खुड्डगस्स वा खुड्डियाए वा थेरगस्स वा थेरियाए वा— अहत्थच्छिण्णस्स अपायच्छिण्णस्स अकण्णच्छिण्णस्स अणासच्छिण्णस्स अणोट्टु-च्छिण्णस्स सक्कस्स—देति, देतं वा सातिज्जति ॥
७. जे भिक्खू अइरेगं पडिग्गाहं खुड्डगस्स वा खुड्डियाए वा^२ थेरगस्स वा थेरियाए वा हत्थच्छिण्णस्स पायच्छिण्णस्स कण्णच्छिण्णस्स णासच्छिण्णस्स ओट्टुच्छिण्णस्स^३ असक्कस्स—न देति, न देतं वा सातिज्जति ॥
८. जे भिक्खू पडिग्गाहं अणलं अथिरं अधुवं अधारणिज्जं धरेति, धरतं वा सातिज्जति ॥
९. जे भिक्खू पडिग्गाहं अलं थिरं धुवं धारणिज्जं न धरेति, न धरतं वा सातिज्जति ॥
१०. जे भिक्खू वण्णमंतं पडिग्गाहं विवण्णं करेति, करतं वा सातिज्जति ॥

१. कीयमडं (भाष्य, च) ।

२. 'अ' प्रती एतत्सूत्रं नैव लभ्यते ।

३. सं० पा०—खुड्डियाए वा जाव थेरियाए हत्थच्छिण्णस्स असक्कस्स ।

११. जे भिक्खू विवण्णं पडिग्गहं वण्णमंतं करेति, करंतं वा सातिज्जति ॥
१२. जे' भिक्खू 'णो णवए मे पडिग्गहे लद्धे' त्ति कट्टु सीओदग-वियडेण वा उसिणोदग-वियडेण वा उच्छोलेज्ज वा पधोवेज्ज वा उच्छोलेंतं वा पधोवेंतं वा सातिज्जति ॥
१३. जे भिक्खू 'णो णवए मे पडिग्गहे लद्धे' त्ति कट्टु बहुदेवसिएण सीओदग-वियडेण वा उसिणोदग-वियडेण वा उच्छोलेज्ज वा पधोवेज्ज वा, उच्छोलेंतं वा पधोवेंतं वा सातिज्जति ॥
१४. जे भिक्खू 'णो णवए मे पडिग्गहे लद्धे' त्ति कट्टु कक्केण वा लोद्धेण वा चुण्णेण वा वण्णेण वा आघंसेज्ज वा पघंसेज्ज वा, आघंसंतं वा पघंसंतं वा सातिज्जति ॥
१५. जे भिक्खू 'णो णवए मे पडिग्गहे लद्धे' त्ति कट्टु बहुदेवसिएण कक्केण वा लोद्धेण वा चुण्णेण वा वण्णेण वा आघंसेज्ज वा पघंसेज्ज वा, आघंसंतं वा पघंसंतं

१. १२-१६ एतानि अष्टसूत्राणि निर्युक्ति भाष्यं
 चूर्णि चानुसृत्य स्वीकृतानि । निर्युक्ती यथा—
 वण्णविवच्चासं पुण, णो णवपादे पधोवणादीणि ।
 दुग्गंधं सुग्गंधं जो, कुज्जा आणमादीणि (४६३३) ॥
 भाष्ये यथा—
 एमेव य अणवे वी, वियडे बहुदेवसिएण बहुदेसी ।
 सुत्ता चउरो एए, एमेव य चउरो दुग्गंधे
 (४६४०) ॥
 चूर्णौ यथा—जहा अणवपादे चउरो सुत्ता
 भणिता तहा दुग्गंधे.वि चउरो सुत्ता भाणि-
 यव्वा ।
 आदर्गेषु एपा अष्टसूत्राणां स्थाने द्वादशसूत्राणि
 लभ्यन्ते—
 जे णवए मे पडिग्गहमे लद्धेति कट्टु तेल्लेण वा
 षएण वा णवणीएण वा वसाए वा मक्खेज्ज वा
 भिल्लिगेज्ज वा मक्खंतं वा भिल्लिगंतं वा
 साति ।
 जे णवए मे पडिग्गहए लद्धे त्ति कट्टु लोद्धेण
 वा कक्केण वा चुण्णेण वा वण्णेण वा
 उच्छोलेज्ज वा उव्वलेज्ज वा उच्छोलेंतं वा
 उव्वलेंतं वा साति ।
 जे णवए मे पडिग्गहए लद्धेति कट्टु सीतोदग-
 वियडेण वा जाव साति ।
 जे णवए मे पडिग्गहए लद्धेति कट्टु बहुदेवसि-

एण तेल्लेण वा जाव साति ।
 जे णवए जाव बहुदेवसिएण लोद्धेण जाव
 साति ।
 जे णवए जाव बहुदेवसिएण सीतोदगवियडेण
 जाव साति (अ, क, ख, ग) ।
 जे णवए मे पडिग्गहमे इति कट्टु एवं दो गमा
 भाणियव्वा ।
 जे सुभिग्गंधे पडिग्गह इति कट्टु दुब्भिग्गंधेण
 वि दो चेव गमा ।
 जे दुब्भिग्गंधे पडिग्गह इति लद्धे दुब्भिग्गंधेण वि
 दो चेव गमा जेयव्वा (अ) ;
 जे णवए मे पडिग्गहे इति कट्टु एवं दो गमा
 भाणियव्वा ।
 जे सुब्भिग्गंधे पडिग्गहे इति कट्टु बहुदेवसिएण
 सीतोदगवियडेण वा जाव सातिज्जति ।
 जे णवए मे पडिग्गहे इति कट्टु एवं आलावमा
 (गमा—ख) भाणियव्वा ।
 जे सुब्भिग्गंधे पडिग्गह इति कट्टु दुब्भिग्गंधेण
 वि दो चेव गमा ।
 'जे दुब्भिग्गंधे पडिग्गह इति लद्धा दुब्भिग्गंधेण
 वि दो चेव गमा' (×—ख) जेयव्वा (क,
 ख, ग) ।
 आचारचूलाया (६।३२-३६) षडेव सूत्राणि
 लभ्यन्ते । तत्रापि 'णो णवए' पाठो विद्यते ।

वा सातिज्जति ॥

१६. जे भिक्खू 'दुब्भिमंघे मे पडिग्गहे लद्धे' त्ति कट्ठु सीओदग-वियडेण वा उसिणोदग-वियडेण वा उच्छोल्लेज्ज वा पधोवेज्ज वा, उच्छोल्लेतं वा पधोवेतं वा सातिज्जति ॥
१७. जे भिक्खू 'दुब्भिमंघे मे पडिग्गहे लद्धे' त्ति कट्ठु बहुदेवसिएण सीओदग-वियडेण वा उसिणोदग-वियडेण वा उच्छोल्लेज्ज वा पधोवेज्ज वा, उच्छोल्लेतं वा पधोवेतं वा सातिज्जति ॥
१८. जे भिक्खू 'दुब्भिमंघे मे पडिग्गहे लद्धे' त्ति कट्ठु कक्केण वा लोद्धेण वा चुण्णेण वा वण्णेण वा आघसेज्ज वा पघंसेज्ज वा, आसंघंतं वा पघंसंतं वा सातिज्जति ॥
१९. जे भिक्खू 'दुब्भिमंघे मे पडिग्गहे लद्धे' त्ति कट्ठु बहुदेवसिएण' कक्केण वा लोद्धेण वा चुण्णेण वा वण्णेण वा आघसेज्ज वा पघंसेज्ज वा, आघंसंतं वा पघंसंतं वा सातिज्जति ॥
२०. जे भिक्खू अणंतरहियाए पुढवीए* पडिग्गहं आयावेज्ज वा पयावेज्ज वा, आयावेतं वा पयावेतं वा सातिज्जति ॥
२१. जे भिक्खू ससिणिद्धाए पुढवीए पडिग्गहं आयावेज्ज वा पयावेज्ज वा, आयावेतं वा पयावेतं वा सातिज्जति ॥
२२. जे भिक्खू ससरक्खाए पुढवीए पडिग्गहं आयावेज्ज वा पयावेज्ज वा, आयावेतं वा पयावेतं वा सातिज्जति ॥
२३. जे भिक्खू मट्टियाकडाए पुढवीए पडिग्गहं आयावेज्ज वा पयावेज्ज वा, आयावेतं वा पयावेतं वा सातिज्जति ॥
२४. जे भिक्खू चित्तमंताए पुढवीए पडिग्गहं आयावेज्ज वा पयावेज्ज वा, आयावेतं वा पयावेतं वा सातिज्जति ॥
२५. जे भिक्खू चित्तमंताए सिलाए पडिग्गहं आयावेज्ज वा पयावेज्ज वा, आयावेतं वा

१. बहुदेवसिएण (अ, क, ख, ग); प्रस्तुत-प्रकरणस्य भाष्ये 'बहुदेसित' पदं व्याख्यात-मस्ति—

दगकक्कादीह नवे, तेहिं बहुदेसितेहि जे पादं ।
 एमेव य दुग्गंधं, धुवणुव्वट्ठेंत आणादी ॥४६४२॥
 देसो नामं पसती, तिप्पति परेण वा वि बहुदेसो ।
 कक्कादि अणाहारेण वा वि बहुदिवसवुत्थेणं ॥
 ४६४३ ॥

चूणो वैकल्पिक पाठरूपेण 'बहुदेवसित' पदमपि व्याख्यातं दृश्यते—सुत्ते बहुदेसेण वा गाढो बहुदेवसितेण वा । एक्का पसती दो वा तिणिण

वा पसतीतो वेसो भण्णति, तिण्हं परेण बहुदेसो भण्णति । अणाहारादिकक्केण वा संवासितेण, एत्थ एगरातिसंवासितं तं पि बहुदेवसियं भवति (निशीथ भाष्य चूर्णि, भाग ३, पृष्ठ ४६५) ।

२. सं० पा०—पुढवीए स स जाव जीवपतिट्ठिते सअंडे जाव संकमणं पडिग्गहं आयावेज्ज वा पयावेज्ज वा साति । जे कुलियंसि वा जाव लेलंसि वा पडि अ (या—क; आ—ख) साति । जे खंधंसि वा जाव पासायंसि वा अन्नयरंसि वा अंतरिक्खजायंसि पडिग्गहं ।

पयावेतं वा सातिज्जति ॥

२६. जे भिक्खू चित्तमंताए लेलूए पडिग्गहं आयावेज्ज वा पयावेज्ज वा, आयावेतं वा पयावेतं वा सातिज्जति ॥
२७. जे भिक्खू कोलावासंसि वा दारुए जीवपइट्टिए सअंडे सपाणे सबीए सहरिए सओस्से सउदए सउत्तिग-पणग-दग-मट्टिय-मक्कडा संताणगंसि पडिग्गहं आयावेज्ज वा पयावेज्ज वा, आयावेतं वा पयावेतं वा सातिज्जति ॥
२८. जे भिक्खू थूणंसि वा गिहेलुयंसि वा उसुकालंसि वा कामजलंसि वा अण्णयरंसि वा तहप्पगारंसि अंतरिक्खजायंसि दुब्बद्धे दुण्णिक्खित्ते अणिकंपे चलाचले पडिग्गहं आयावेज्ज वा पयावेज्ज वा, आयावेतं वा पयावेतं वा सातिज्जति ॥
२९. जे भिक्खू कुलियंसि वा भित्तिसि वा सिलंसि वा लेलुंसि वा अण्णयरंसि वा तहप्पगारंसि अंतरिक्खजायंसि दुब्बद्धे दुण्णिक्खित्ते अणिकंपे चलाचले पडिग्गहं आयावेज्ज वा पयावेज्ज वा, आयावेतं वा पयावेतं वा सातिज्जति ॥
३०. जे भिक्खू खंधंसि वा फलिहंसि वा मंचंसि वा मंडबंसि वा मालंसि वा पासायंसि वा हम्मतलंसि वा अण्णयरंसि वा तहप्पगारंसि अंतरिक्खजायंसि दुब्बद्धे दुण्णिक्खित्ते अणिकंपे चलाचले^० पडिग्गहं आयावेज्ज वा पयावेज्ज वा, आयावेतं वा पयावेतं वा सातिज्जति ॥
३१. जे^१ भिक्खू पडिग्गहाओ पुढवीकायं णीहरति, णीहरावेति, णीहरियं आहट्टु देज्जमाणं पडिग्गाहेति, पडिग्गाहेतं वा सातिज्जति ॥
३२. *जे भिक्खू पडिग्गहाओ आउकायं णीहरति णीहरावेति, णीहरियं आहट्टु देज्जमाणं पडिग्गाहेति, पडिग्गाहेतं वा सातिज्जति ॥
३३. जे भिक्खू पडिग्गहाओ तेउक्कायं णीहरति, णीहरावेति, णीहरियं आहट्टु देज्जमाणं पडिग्गाहेति, पडिग्गाहेतं वा सातिज्जति ॥
३४. जे भिक्खू पडिग्गहाओ कंदाणि वा^१ मूलाणि वा पत्ताणि वा पुप्फाणि वा फलाणि वा बीजाणि वा^१ णीहरति, णीहरावेति, णीहरियं आहट्टु देज्जमाणं पडिग्गाहेति, पडिग्गाहेतं वा सातिज्जति ॥

१. ३१-३६ एषां षण्णां सूत्राणां स्थाने भाष्ये चूर्णौ च एष क्रमो लभ्यते—१. तसपाणजाइ २. ओसहिबीयाइ ३. कंदाणि वा इत्यादि ४. पुढवीकायं ५. आउकायं ६. तेउक्कायं । द्रष्टव्यं भाष्यगाथा ४६५२-४६६७ ।
२. सं० पा०—एवं आउकायं तेउक्कायं ।
३. चूर्णौ 'खंध' पदमपि व्याख्यातमस्ति, एवं 'डाली पवाल' इति पदे अपि व्याख्याते स्तः—

जं भूमिए अवगाढं तस्स जाव मूलं फुट्टति ताव कंदो भण्णति, भूमिए उवरि जाव डाली ण फुट्टति ताव खंधो भण्णति, भूमिए उवरि जाव साला सा डाली भण्णति, डालातो जं फुट्टति तं पवालं भण्णति । सेसा पदा कंठा (निशीथ भाध्य चूर्णि, भाग ३ पृ० ४७२) ।

४. वा हरियाणि वा (ख) ।

३५. जे भिक्खू पडिग्गहाओ ओसहिबीयाइं णीहरति^१, *णीहरावेति, णीहरियं आहट्टु देज्जमाणं पडिग्गाहेति, पडिग्गाहेतं वा^२ सातिज्जति ॥
३६. जे भिक्खू पडिग्गहाओ तसपाणजाति णीहरति णीहरावेति^३, *णीहरियं आहट्टु देज्जमाणं पडिग्गाहेति, पडिग्गाहेतं वा^४ सातिज्जति ॥
३७. जे भिक्खू पडिग्गहं 'निक्कोरेति, निक्कोरावेति, निक्कोरियं'^५ आहट्टु देज्जमाणं पडिग्गाहेति, पडिग्गाहेतं वा सातिज्जति ॥
३८. जे भिक्खू णायगं वा अणायगं वा उवासगं वा अणुवासगं वा—'गामंतरंसि वा गामपहंतरंसि वा'^६ पडिग्गहं ओभासिय-ओभासिय जायति, जायंतं वा सातिज्जति ॥
३९. जे भिक्खू णायगं वा^७ *अणायगं वा उवासगं वा^८ अणुवासगं वा परिसामज्झाओ उट्टवेत्ता पडिग्गहं ओभासिय-ओभासिय जायति, जायंतं वा सातिज्जति ॥
४०. जे भिक्खू पडिग्गहणीसाए^९ उडुबद्धं वसति, वसंतं वा सातिज्जति ॥
४१. जे भिक्खू पडिग्गहणीसाए^{१०} वासावासं वसति, वसंतं वा सातिज्जति—
तं सेवमाणे आवज्जइ चाउम्मासियं परिहारट्ठाणं उग्घातियं ॥

१. सं० पा०—णीहरति जाव साति ।

२. सं० पा०—णीहरावेति जाव साति ।

३. करेति करावेति कारियं (अ); कोरेति कोरावेति कोरियं (क, ख) ।

४. पडिगामंसि वा पडियहंसि वा (चू) ।

५. सं० पा०—णायगं वा जाव अणुवासगं ।

६. ७. पडिग्गहं णीसाए (अ, क, ख, ग) ।

पण्णरसमो उद्देशो

फरुसवयाण-पदं

१. जे भिक्खू भिक्खुं आगाढं वदति, वदंतं वा सातिज्जति ॥
२. *जे भिक्खू भिक्खुं फरुसं वदति, वदंतं वा सातिज्जति ॥
३. जे भिक्खू भिक्खुं आगाढं फरुसं वदति, वदंतं वा सातिज्जति ॥
४. जे भिक्खू भिक्खुं अण्णयरीए अच्चासायणाए अच्चासाएति, अच्चासाएतं वा सातिज्जति ॥°

अंब-पदं

५. जे भिक्खू सचित्तं अंबं भुंजति, भुंजंतं वा सातिज्जति ॥
६. जे भिक्खू सचित्तं अंबं विडसति, विडसंतं वा सातिज्जति ॥
७. जे^१ भिक्खू सचित्तं अंबं वा अंबपेसि^२ वा अंबभित्तं^३ वा अंबसालगं वा अंबडगलं^४ वा अंबचोयगं वा भुंजति, भुंजंतं वा सातिज्जति ॥
८. जे भिक्खू सचित्तं अंबं वा^५ अंबपेसि वा अंबभित्तं वा अंबसालगं वा, अंबडगलं वा अंब^६चोयगं वा विडसति, विडसंतं वा सातिज्जति ॥
९. जे भिक्खू सचित्तपइट्ठियं अंबं भुंजति, भुंजंतं वा सातिज्जति ॥
१०. *जे भिक्खू सचित्तपइट्ठियं अंबं विडसति, विडसंतं वा सातिज्जति ॥

१. सं० पा०—एवं फरुसं आगाढं फरुसं अण्णय-
रीए अच्चासाएति ।

विडसइ ।

२. ७-१२ एषां सूत्राणां स्थाने भाष्ये चूणौ च
सूत्राणां एष क्रमो व्याख्यातोस्ति—७. सचित्त-
पइट्ठियं अंबं भुंजइ ८. सचित्तपइट्ठियं अंबं
विडसइ ९. सचित्तं अंबं वा^५ भुंजइ १०
सचित्तं अंबं वा^६ विडसइ ११. सचित्तपइट्ठियं
अंबं वा^५ भुंजइ १२. सचित्तपइट्ठियं अंबं वा^५

३. पेसियं (ख) ।

४. भित्ति (क, ख) ।

५. ंडालगं (क); ंडालगं (ख) ।

६. सं० पा०—अंबं वा जाव चोयगं ।

७. सं० पा०—एवं सचित्तपइट्ठिएण वि चत्तारि
आलावगा जेयव्वा ।

११. जे भिक्खू सच्चित्त-पइट्ठियं अंबं वा अंबपेसि वा अंबभित्तं वा अंबसालगं वा अंबडगलं वा अंबचोयगं वा भुंजति, भुंजंतं वा सातिज्जति ॥
१२. जे भिक्खू सच्चित्तपइट्ठियं अंबं वा अंबपेसि वा अंबभित्तं वा अंबसालगं वा अंबडगलं वा अंबचोयगं वा विडसति, विडसंतं वा सातिज्जति° ॥

पाय-परिकम्म-पदं

१३. जे भिक्खू अण्णउत्थिएण वा गारत्थिएण वा अप्पणो पाए आमज्जावेज्ज वा पमज्जावेज्ज वा, आमज्जावेतं वा पमज्जावेतं वा सातिज्जति ॥
१४. *जे भिक्खू अण्णउत्थिएण वा गारत्थिएण वा अप्पणो पाए संवाहावेज्ज वा पलिमद्दावेज्ज वा, संवाहावेतं वा पलिमद्दावेतं वा सातिज्जति ॥
१५. जे भिक्खू अण्णउत्थिएण वा गारत्थिएण वा अप्पणो पाए तेल्लेण वा घएण वा वसाए वा णवणीएण वा अब्भंगावेज्ज वा मक्खावेज्ज वा, अब्भंगावेतं वा मक्खावेतं वा सातिज्जति ॥
१६. जे भिक्खू अण्णउत्थिएण वा गारत्थिएण वा अप्पणो पाए लोद्धेण वा कक्केण वा चुण्णेण वा वण्णेण वा उल्लोलावेज्ज वा उव्वट्टावेज्ज वा, उल्लोलावेतं वा उव्वट्टावेतं वा सातिज्जति ॥
१७. जे भिक्खू अण्णउत्थिएण वा गारत्थिएण वा अप्पणो पाए सीओदग-वियडेण वा उसिणोदग-वियडेण वा उच्छोलावेज्ज वा पधोवावेज्ज वा, उच्छोलावेतं वा पधोवावेतं वा सातिज्जति ॥
१८. जे भिक्खू अण्णउत्थिएण वा गारत्थिएण वा अप्पणो पाए कुमावेज्ज वा रयावेज्ज वा, कुमावेतं वा रयावेतं वा सातिज्जति ॥

काय-परिकम्म-पदं

१९. जे भिक्खू अण्णउत्थिएण वा गारत्थिएण वा अप्पणो कायं आमज्जावेज्ज वा पमज्जावेज्ज वा, आमज्जावेतं वा पमज्जावेतं वा सातिज्जति ॥
२०. जे भिक्खू अण्णउत्थिएण वा गारत्थिएण वा अप्पणो कायं संवाहावेज्ज वा पलिमद्दावेज्ज वा, संवाहावेतं वा पलिमद्दावेतं वा सातिज्जति ॥
२१. जे भिक्खू अण्णउत्थिएण वा गारत्थिएण वा अप्पणो कायं तेल्लेण वा घएण वा वसाए वा णवणीएण वा अब्भंगावेज्ज वा मक्खावेज्ज वा, अब्भंगावेतं वा मक्खावेतं वा सातिज्जति ॥
२२. जे भिक्खू अण्णउत्थिएण वा गारत्थिएण वा अप्पणो कायं लोद्धेण वा कक्केण वा चुण्णेण वा वण्णेण वा उल्लोलावेज्ज वा उव्वट्टावेज्ज वा, उल्लोलावेतं वा

१. सं० पा०—एवं तइयउद्देशगमओ णेयव्वं जाव जे गामाणुमामं ।

उव्वट्टावेत्तं वा सातिज्जति ॥

२३. जे भिक्खू अण्णउत्थिएण वा गारत्थिएण वा अप्पणो कायं सीओदग-वियडेण वा उसिणोदग-वियडेण वा उच्छोलावेज्ज वा पधोवावेज्ज वा, उच्छोलावेत्तं वा पधोवावेत्तं वा सातिज्जति ॥
२४. जे भिक्खू अण्णउत्थिएण वा गारत्थिएण वा अप्पणो कायं फुमावेज्ज वा रयावेज्ज वा, फुमावेत्तं वा रयावेत्तं वा सातिज्जति ॥

वण-परिकम्म-पदं

२५. जे भिक्खू अण्णउत्थिएण वा गारत्थिएण वा अप्पणो कायंसि वणं आमज्जावेज्ज वा पमज्जावेज्ज वा, आमज्जावेत्तं वा पमज्जावेत्तं वा सातिज्जति ॥
२६. जे भिक्खू अण्णउत्थिएण वा गारत्थिएण वा अप्पणो कायंसि वणं संवाहावेज्ज वा पलिमहावेज्ज वा, संवाहावेत्तं वा पलिमहावेत्तं वा सातिज्जति ॥
२७. जे भिक्खू अण्णउत्थिएण वा गारत्थिएण वा अप्पणो कायंसि वणं तेल्लेण वा घएण वा वसाए वा णवणीएण वा अब्भंगावेज्ज वा मक्खावेज्ज वा, अब्भंगावेत्तं वा मक्खावेत्तं वा सातिज्जति ॥
२८. जे भिक्खू अण्णउत्थिएण वा गारत्थिएण वा अप्पणो कायंसि वणं लोद्धेण वा कक्केण वा चुण्णेण वा वण्णेण उल्लोलावेज्ज वा उव्वट्टावेज्ज वा, उल्लोलावेत्तं वा उव्वट्टावेत्तं वा सातिज्जति ॥
२९. जे भिक्खू अण्णउत्थिएण वा गारत्थिएण वा अप्पणो कायंसि वणं सीओदग-वियडेण वा उसिणोदग-वियडेण वा उच्छोलावेज्ज वा पधोवावेज्ज वा, उच्छोलावेत्तं वा पधोवावेत्तं वा सातिज्जति ॥
३०. जे भिक्खू अण्णउत्थिएण वा गारत्थिएण वा अप्पणो कायंसि वणं फुमावेज्ज वा रयावेज्ज वा, फुमावेत्तं वा रयावेत्तं वा सातिज्जति ॥

गंडावि-परिकम्म-पदं

३१. जे भिक्खू अण्णउत्थिएण वा गारत्थिएण वा अप्पणो कायंसि गंडं वा पिडयं वा अरइयं वा असियं वा भगंदलं वा अण्णयरेणं तिकखेणं सत्थजाएणं अच्चिदावेज्ज वा विच्चिदावेज्ज वा, अच्चिदावेत्तं वा विच्चिदावेत्तं वा सातिज्जति ॥
३२. जे भिक्खू अण्णउत्थिएण वा गारत्थिएण वा अप्पणो कायंसि गंडं वा पिडयं वा अरइयं वा असियं वा भगंदलं वा अण्णयरेणं तिकखेणं सत्थजाएणं अच्चिदावित्ता वा विच्चिदावित्ता वा पूयं वा सोणियं वा णीहरावेज्ज वा विसोहावेज्ज वा, णीहरावेत्तं वा विसोहावेत्तं वा सातिज्जति ॥
३३. जे भिक्खू अण्णउत्थिएण वा गारत्थिएण वा अप्पणो कायंसि गंडं वा पिडयं वा अरइयं वा असियं वा भगंदलं वा अण्णयरेणं तिकखेणं सत्थजाएणं अच्चिदावित्ता वा

विच्छिदावेत्ता वा पूयं वा सोणियं वा णीहरावेत्ता वा विसोहावेत्ता वा सीओदग-
वियडेण वा उसिणोदग-वियडेण वा उच्छोलावेज्ज वा पधोवावेज्ज वा, उच्छोलावेत्तं
वा पधोवावेत्तं वा सातिज्जति ॥

३४. जे भिक्खू अण्णउत्थिएण वा गारत्थिएण वा अप्पणो कायंसि गंडं वा पिडयं वा
अरइयं वा असियं वा भगंदलं वा अण्णयरेणं तिकखेणं सत्थजाएणं अच्छिदावेत्ता वा
विच्छिदावेत्ता वा पूयं वा सोणियं वा णीहरावेत्ता वा विसोहावेत्ता वा सीओदग-
वियडेण वा उसिणोदग-वियडेण वा उच्छोलावेत्ता वा पधोवावेत्ता वा अण्णयरेणं
आलेवणजाएणं आलिपावेज्ज वा विलिपावेज्ज वा, आलिपावेत्तं वा विलिपावेत्तं
वा सातिज्जति ॥

३५. जे भिक्खू अण्णउत्थिएण वा गारत्थिएण वा अप्पणो कायंसि गंडं वा पिडयं वा
अरइयं वा असियं वा भगंदलं वा अण्णयरेणं तिकखेणं सत्थजाएणं अच्छिदावेत्ता वा
विच्छिदावेत्ता वा पूयं वा सोणियं वा णीहरावेत्ता वा विसोहावेत्ता वा सीओदग-
वियडेण वा उसिणोदग-वियडेण वा उच्छोलावेत्ता वा पधोवावेत्ता वा अण्णयरेणं
आलेवणजाएणं आलिपावेत्ता वा विलिपावेत्ता वा तेल्लेण वा घएण वा वसाए वा
णवणीएण वा अब्भंगावेज्ज वा मक्खावेज्ज वा, अब्भंगावेत्तं वा मक्खावेत्तं वा
सातिज्जति ॥

३६. जे भिक्खू अण्णउत्थिएण वा गारत्थिएण वा अप्पणो कायंसि गंडं वा पिडयं वा
अरइयं वा असियं वा भगंदलं वा अण्णयरेणं तिकखेणं सत्थजाएणं अच्छिदावेत्ता वा
विच्छिदावेत्ता वा पूयं वा सोणियं वा णीहरावेत्ता वा विसोहावेत्ता वा सीओदग-
वियडेण वा उसिणोदग-वियडेण वा उच्छोलावेत्ता वा पधोवावेत्ता वा अण्णयरेणं
आलेवणजाएणं आलिपावेत्ता वा विलिपावेत्ता वा तेल्लेण वा घएण वा वसाए वा
णवणीएण वा अब्भंगावेत्ता वा मक्खावेत्ता वा अण्णयरेणं धूवणजाएणं धूवावेज्ज वा
पधूवावेज्ज वा, धूवावेत्तं वा पधूवावेत्तं वा सातिज्जति ॥

किमि-पदं

३७. जे भिक्खू अण्णउत्थिएण वा गारत्थिएण वा अप्पणो पालुकिमियं वा कुच्छिकिमियं
वा अंगुलीए णिवेसाविय-णिवेसाविय णीहरावेत्ति, णीहरावेत्तं वा सातिज्जति ॥

णह-सिहा-पदं

३८. जे भिक्खू अण्णउत्थिएण वा गारत्थिएण वा अप्पणो दीहाओ णह-सिहाओ
कप्पावेज्ज वा संठवावेज्ज वा, कप्पावेत्तं वा संठवावेत्तं वा सातिज्जति ॥

दीह-रोम-पदं

३९. जे भिक्खू अण्णउत्थिएण वा गारत्थिएण वा अप्पणो दीहाइं जंघ-रोमाइं कप्पावेज्ज
वा संठवावेज्ज वा, कप्पावेत्तं वा संठवावेत्तं वा सातिज्जति ॥

४०. जे भिक्खू अण्णउत्थिएण वा गारत्थिएण वा अप्पणो दीहाइं वत्थि-रोमाइं कप्पावेज्ज

વા સંઠવાવેજ્જ વા, કપ્પાવેતં વા સંઠવાવેતં વા સાતિજ્જતિ ॥

૪૧. જે ભિક્ખૂ અણ્ણત્થિણ વા ગારત્થિણ વા અપ્પણો દીહ-રોમાઈ કપ્પાવેજ્જ વા સંઠવાવેજ્જ વા, કપ્પાવેતં વા સંઠવાવેતં વા સાતિજ્જતિ ॥
૪૨. જે ભિક્ખૂ અણ્ણત્થિણ વા ગારત્થિણ વા અપ્પણો દીહાઈ કક્ખાણ-રોમાઈ કપ્પાવેજ્જ વા સંઠવાવેજ્જ વા, કપ્પાવેતં વા સંઠવાવેતં વા સાતિજ્જતિ ॥
૪૩. જે ભિક્ખૂ અણ્ણત્થિણ વા ગારત્થિણ વા અપ્પણો દીહાઈ મંસુ-રોમાઈ કપ્પાવેજ્જ વા સંઠવાવેજ્જ વા, કપ્પાવેતં વા સંઠવાવેતં વા સાતિજ્જતિ ॥

દંત-પદં

૪૪. જે ભિક્ખૂ અણ્ણત્થિણ વા ગારત્થિણ વા અપ્પણો દંતે આઘંસાવેજ્જ વા પઘંસાવેજ્જ વા, આઘંસાવેતં વા પઘંસાવેતં વા સાતિજ્જતિ ॥
૪૫. જે ભિક્ખૂ અણ્ણત્થિણ વા ગારત્થિણ વા અપ્પણો દંતે ઉચ્છોલાવેજ્જ વા પઘોવાવેજ્જ વા, ઉચ્છોલાવેતં વા પઘોવાવેતં વા સાતિજ્જતિ ॥
૪૬. જે ભિક્ખૂ અણ્ણત્થિણ વા ગારત્થિણ વા અપ્પણો દંતે ફુમાવેજ્જ વા રયાવેજ્જ વા, ફુમાવેતં વા રયાવેતં વા સાતિજ્જતિ ॥

ઉટ્ટ-પદં

૪૭. જે ભિક્ખૂ અણ્ણત્થિણ વા ગારત્થિણ વા અપ્પણો ઉટ્ટે આમજ્જાવેજ્જ વા પમજ્જાવેજ્જ વા, આમજ્જાવેતં વા પમજ્જાવેતં વા સાતિજ્જતિ ॥
૪૮. જે ભિક્ખૂ અણ્ણત્થિણ વા ગારત્થિણ વા અપ્પણો ઉટ્ટે સંવાહાવેજ્જ વા પલિમદ્દાવેજ્જ વા, સંવાહાવેતં વા પલિમદ્દાવેતં વા સાતિજ્જતિ ॥
૪૯. જે ભિક્ખૂ અણ્ણત્થિણ વા ગારત્થિણ વા અપ્પણો ઉટ્ટે તેલ્લેણ વા ઘણ વા વસાણ વા ણવ્વણીણ વા અઙ્ગાવેજ્જ વા મક્ખાવેજ્જ વા, અઙ્ગાવેતં વા મક્ખાવેતં વા સાતિજ્જતિ ॥
૫૦. જે ભિક્ખૂ અણ્ણત્થિણ વા ગારત્થિણ વા અપ્પણો ઉટ્ટે લોદ્દેણ વા કક્કેણ વા ચુષ્ણેણ વા વ્ણેણ વા ઉલ્લોલાવેજ્જ વા ઉવ્વટ્ટાવેજ્જ વા, ઉલ્લોલાવેતં વા ઉવ્વટ્ટાવેતં વા સાતિજ્જતિ ॥
૫૧. જે ભિક્ખૂ અણ્ણત્થિણ વા ગારત્થિણ વા અપ્પણો ઉટ્ટે સીઓદગ-વિયડેણ વા ડસિણોદગ-વિયડેણ વા ઉચ્છોલાવેજ્જ વા પઘોવાવેજ્જ વા, ઉચ્છોલાવેતં વા પઘોવાવેતં વા સાતિજ્જતિ ॥
૫૨. જે ભિક્ખૂ અણ્ણત્થિણ વા ગારત્થિણ વા અપ્પણો ઉટ્ટે ફુમાવેજ્જ વા રયાવેજ્જ વા, ફુમાવેતં વા રયાવેતં વા સાતિજ્જતિ ॥

દીહ-રોમ-પદં

૫૩. જે ભિક્ખૂ અણ્ણત્થિણ વા ગારત્થિણ વા અપ્પણો દીહાઈ ઉત્તરોટ્ટ-રોમાઈ

कप्पावेज्ज वा संठवावेज्ज वा, कप्पावेतं वा संठवावेतं वा सातिज्जति ॥

५४. जे भिक्खू अण्णउत्थिएण वा गारत्थिएण वा अप्पणो दीहाइं णासा-रोमाइं कप्पावेज्ज वा संठवावेज्ज वा कप्पावेतं वा संठवावेतं वा सातिज्जति ॥

अच्छि-पत्त-पदं

५५. जे भिक्खू अण्णउत्थिएण वा गारत्थिएण वा अप्पणो दीहाइं अच्छि-पत्ताइं कप्पावेज्ज वा संठवावेज्ज वा, कप्पावेतं वा संठवावेतं वा सातिज्जति ॥

अच्छि-पदं

५६. जे भिक्खू अण्णउत्थिएण वा गारत्थिएण वा अप्पणो अच्छीणि आमज्जावेज्ज वा पमज्जावेज्ज वा, आमज्जावेतं वा पमज्जावेतं वा सातिज्जति ॥

५७. जे भिक्खू अण्णउत्थिएण वा गारत्थिएण वा अप्पणो अच्छीणि संवाहावेज्ज वा पल्लिमट्टावेज्ज वा, संवाहावेतं वा पल्लिमट्टावेतं वा सातिज्जति ॥

५८. जे भिक्खू अण्णउत्थिएण वा गारत्थिएण वा अप्पणो अच्छीणि तेल्लेण वा घएण वा वसाए वा, पवणीएण वा अब्भंगावेज्ज वा मक्खावेज्ज वा, अब्भंगावेतं वा मक्खावेतं वा सातिज्जति ॥

५९. जे भिक्खू अण्णउत्थिएण वा गारत्थिएण वा अप्पणो अच्छीणि लोद्धेण वा कक्केण वा चुण्णेण वा वण्णेण वा उल्लोलावेज्ज वा उव्वट्टावेज्ज वा, उल्लोलावेतं वा उव्वट्टावेतं वा सातिज्जति ॥

६०. जे भिक्खू अण्णउत्थिएण वा गारत्थिएण वा अप्पणो अच्छीणि सीओदग-वियडेण वा उस्सिणोदग-वियडेण वा उच्छोलावेज्ज वा पधोवावेज्ज वा, उच्छोलावेतं वा पधोवावेतं वा सातिज्जति ॥

६१. जे भिक्खू अण्णउत्थिएण वा गारत्थिएण वा अप्पणो अच्छीणि फुमावेज्ज वा रयावेज्ज वा, फुमावेतं वा रयावेतं वा सातिज्जति ॥

दीह-रोम-पदं

६२. जे भिक्खू अण्णउत्थिएण वा गारत्थिएण वा अप्पणो दीहाइं भमुग-रोमाइं कप्पावेज्ज वा संठवावेज्ज वा, कप्पावेतं वा संठवावेतं वा सातिज्जति ॥

६३. जे भिक्खू अण्णउत्थिएण वा गारत्थिएण वा अप्पणो दीहाइं पास-रोमाइं कप्पावेज्ज वा संठवावेज्ज वा, कप्पावेतं वा संठवावेतं वा सातिज्जति ॥

मल-णीहरण-पदं

६४. जे भिक्खू अण्णउत्थिएण वा गारत्थिएण वा अप्पणो कायाओ सेयं वा जल्लं वा पंकं वा मलं वा णीहरावेज्ज वा विसोहावेज्ज वा णीहरावेतं वा विसोहावेतं वा सातिज्जति ॥

६५. जे भिक्खू अण्णउत्थिएण वा गारत्थिएण वा अप्पणो अच्छिमलं वा कण्णमलं वा

दंतमलं वा णहमलं वा णीहरावेज्ज वा विसोहावेज्ज वा, णीहरावेंतं वा विसोहावेंतं वा सातिज्जति ॥

सीसदुवारिय-पदं

६६. जे भिक्खू अण्णउत्थिएण वा गारत्थिएण वा गामाणुगामं दूइज्जमाणे अप्पणो सीस-दुवारियं कारवेति, कारवेंतं वा सातिज्जति ॥

उच्चार-पासवण-पदं

६७. जे' भिक्खू आगंतारेसु वा आरामागारेसु वा गाहावइकुलेसु वा परियावसहेसु वा उच्चार-पासवणं परिट्टवेति, परिट्टवेंतं वा सातिज्जति ॥

६८. *जे भिक्खू उज्जाणंसि वा उज्जाणगिहंसि वा उज्जाणसालंसि वा णिज्जाणंसि वा णिज्जाणगिहंसि वा णिज्जाणसालंसि वा उच्चार-पासवणं परिट्टवेति, परिट्टवेंतं वा सातिज्जति ॥

६९. जे भिक्खू अट्टंसि वा अट्टालयंसि वां पागारंसि वा चरियंसि वा दारंसि वा गोपुरंसि वा उच्चार-पासवणं परिट्टवेति, परिट्टवेंतं वा सातिज्जति ॥

७०. जे भिक्खू दगमगंसि वा दगवहंसि वा दगतीरंसि वा दगठाणंसि वा उच्चार-पासवणं परिट्टवेति, परिट्टवेंतं वा सातिज्जति ॥

७१. जे भिक्खू सुण्णगिहंसि वा सुण्णसालंसि वा भिण्णगिहंसि वा भिण्णसालंसि वा कूडा-गारंसि वा कोट्टागारंसि वा उच्चार-पासवणं परिट्टवेति, परिट्टवेंतं वा सातिज्जति ॥

७२. जे भिक्खू तणसालंसि वा तणगिहंसि वा तुससालंसि वा तुसगिहंसि वा बुससालंसि वा बुसगिहंसि वा उच्चार-पासवणं परिट्टवेति, परिट्टवेंतं वा सातिज्जति ॥

७३. जे भिक्खू जाणसालंसि वा जाणगिहंसि वा जुग्गसालंसि वा जुग्गगिहंसि वा उच्चार-पासवणं परिट्टवेति, परिट्टवेंतं वा सातिज्जति ॥

७४. जे भिक्खू पणियसालंसि वा पणियगिहंसि वा परियागसालंसि वा परियागगिहंसि वा कुवियसालंसि वा कुवियगिहंसि वा उच्चार-पासवणं परिट्टवेति, परिट्टवेंतं वा

१. 'क, ख, ग' प्रतिपु ६७-७५ एतानि नव सूत्राणि नैव लभ्यन्ते । एतानि 'अ' प्रती सङ्क्षिप्तानि किञ्चिद् भिन्नानि च दृश्यन्ते । द्रष्टव्यः मङ्क्षिप्तपाठः । भाष्ये चूर्णं च एषां सूत्राणां स्पष्टमुल्लेखो विद्यते—जे भिक्खू आगतागारेसु वा इत्यादि सुत्ता उच्चारयेव्वा जाव महाकुलेसु वा महागिहेसु वा उच्चार-पासवणं परिट्टवेति । सुत्तत्थो जहा अट्टम-उद्देशेगे । इह णवरं—उच्चारपासवणं ति

वत्तव्वं । एतेषु ठाणेषु उच्चारमादीणि वोसि-रंतस्स ।

आगतागारादी, जत्तियमेत्ता उ आहिया सुत्ते ।

तेसूच्चारादीणि, आयरमाणम्मि आणादी ॥४६५३॥

२. सं० पा०—एवं उज्जाणंसि वा ४ अट्टालगंसि वा ४ उदगंसि वा ४ परिट्टवेइ सुण्णागारंसि वा ४ तणसालासु वा ४ जाणगिहेसु वा २ पणियगिहेसु वा महाकुलेसु वा महागिहेसु वा परिट्टवेइ ।

सातिज्जति ॥

७५. जे भिक्खू गोणसालंसि वा गोणगिहंसि वा महाकुलंसि वा महागिहंसि वा उच्चार-
पासवणं परिट्ठवेति, परिट्ठवेतं वा सातिज्जति° ॥

अण्णउत्थिय-गारत्थिय-पदं

७६. जे भिक्खू 'अण्णउत्थियस्स वा गारत्थियस्स' वा असणं वा पाणं वा खाइमं वा
साइमं वा देति, देतं वा सातिज्जति^१ ॥

७७. जे भिक्खू अण्णउत्थियस्स वा गारत्थियस्स वा वत्थं वा पडिग्गहं वा कंबलं वा
पायपुंछणं वा देति, देतं वा सातिज्जति ॥

पासत्थादीणं दान-ग्रहण-पदं

७८. जे भिक्खू पासत्थस्स असणं वा पाणं वा खाइमं वा साइमं वा देति, देतं वा
सातिज्जति ॥

७९. जे भिक्खू पासत्थस्स असणं वा पाणं वा खाइमं वा साइमं वा पडिच्छति, पडिच्छंतं
वा सातिज्जति ॥

८०. जे भिक्खू पासत्थस्स वत्थं वा^२ *पडिग्गहं वा कंबलं वा^३ पायपुंछणं वा देति, देतं वा
सातिज्जति ॥

८१. जे^४ भिक्खू पासत्थस्स वत्थं वा पडिग्गहं वा कंबलं वा पायपुंछणं वा पडिच्छति,
पडिच्छंतं वा सातिज्जति ॥

८२. *जे भिक्खू ओसण्णस्स असणं वा पाणं वा खाइमं वा साइमं वा देति, देतं वा
सातिज्जति ॥

८३. जे भिक्खू ओसण्णस्स असणं वा पाणं वा खाइमं वा साइमं वा पडिच्छति,
पडिच्छंतं वा सातिज्जति ॥

८४. जे भिक्खू ओसण्णस्स वत्थं वा पडिग्गहं वा कंबलं वा पायपुंछणं वा देति, देतं वा
सातिज्जति ॥

८५. जे भिक्खू ओसण्णस्स वत्थं वा पडिग्गहं वा कंबलं वा पायपुंछणं वा पडिच्छति,

१. अण्णउत्थियण वा गारत्थियण (अ, क) अग्रेपि
एवमेव ।

२. अतः परं भाष्ये चूणौ च व्याख्यातसूत्राणां भिन्नः
क्रमो विद्यते, स च इत्थमस्ति । अशनपाना-
द्यालापके 'पासत्थ' सम्बन्धि दानग्रहणविषयकं
सूत्रद्वयं विद्यते । एवं 'ओसण्ण-कुसील-णितिय-
संसत्त' सम्बन्धीनि अष्ट सूत्राण्यपि संलग्नानि
सन्ति । ततश्च वस्त्रालापके अन्यतीर्थिक-

गृहस्थयोः वस्त्रादीनां दान-ग्रहणसम्बन्धि-
सूत्रद्वयमस्ति । एवमेव पासत्थादिविषयकं
सूत्रदशकं विद्यते ।

३. सं० पा०—वत्थं वा जाव पायपुंछणं ।

४. सर्वेष्वःदर्शेषु पञ्चस्वपि आलापकेषु वस्त्रादि
ग्रहणविषयकं सूत्रं नैव लभ्यते ।

५. सं० पा०—एवं ओसण्णस्स कुसीलस्स पित्ति-
यस्स संसत्तस्स ।

पडिच्छंतं वा सातिज्जति ॥

८६. जे भिक्खू कुसीलस्स असणं वा पाणं वा खाइमं वा साइमं वा देति, देतं वा सातिज्जति ॥
८७. जे भिक्खू कुसीलस्स असणं वा पाणं वा खाइमं वा साइमं वा पडिच्छति, पडिच्छंतं वा सातिज्जति ॥
८८. जे भिक्खू कुसीलस्स वत्थं वा पडिग्गहं वा कंबलं वा पायपुंछणं वा देति, देतं वा सातिज्जति ॥
८९. जे भिक्खू कुसीलस्स वत्थं वा पडिग्गहं वा कंबलं वा पायपुंछणं वा पडिच्छति, पडिच्छंतं वा सातिज्जति ॥
९०. जे भिक्खू णितियस्स असणं वा पाणं वा खाइमं वा साइमं वा देति, देतं वा सातिज्जति ॥
९१. जे भिक्खू णितियस्स असणं वा पाणं वा खाइमं वा साइमं वा पडिच्छति, पडिच्छंतं वा सातिज्जति ॥
९२. जे भिक्खू णितियस्स वत्थं वा पडिग्गहं वा कंबलं वा पायपुंछणं वा देति, देतं वा सातिज्जति ॥
९३. जे भिक्खू णितियस्स वत्थं वा पडिग्गहं वा कंबलं वा पायपुंछणं वा पडिच्छति, पडिच्छंतं वा सातिज्जति ॥
९४. जे भिक्खू संसत्तस्स असणं वा पाणं वा खाइमं वा साइमं वा देति, देतं वा सातिज्जति ॥
९५. जे भिक्खू संसत्तस्स असणं वा पाणं वा खाइमं वा साइमं वा पडिच्छति, पडिच्छंतं वा सातिज्जति ॥
९६. जे भिक्खू संसत्तस्स वत्थं वा पडिग्गहं वा कंबलं वा पायपुंछणं वा देति, देतं वा सातिज्जति ॥
९७. जे भिक्खू संसत्तस्स वत्थं वा पडिग्गहं वा कंबलं वा पायपुंछणं वा पडिच्छति, पडिच्छंतं वा सातिज्जति° ॥

जायणा-णिमंतणा-वत्थ-पवं

९८. जे भिक्खू जायणावत्थं वा णिमंतणावत्थं वा अजाणिय अपुच्छिय अगवेसिय पडिग्गाहेति, पडिग्गाहेतं वा सातिज्जति—
सेय वत्थे चउण्हं अण्णयरे सिया, तं जहा—णिच्चणियंसणिए^१ मज्जणिए छणूसविए रायदुवारिए^१ ॥

१. णिच्चा° (ख, ग) ।

२. रायदारियं (चु) ।

पाय-परिकम्म-पदं

६६. जे भिक्खू विभूसावडियाए अप्पणो पाए आमज्जेज्ज वा पमज्जेज्ज वा, आमज्जंतं वा पमज्जंतं वा सातिज्जति ॥
१००. *जे भिक्खू विभूसावडियाए अप्पणो पाए संवाहेज्ज वा पलिमद्देज्ज वा, संवाहेतं वा पलिमद्देतं वा सातिज्जति ॥
१०१. जे भिक्खू विभूसावडियाए अप्पणो पाए तेल्लेण वा घएण वा वसाए वा णवणीएण वा अब्भंगेज्ज वा मक्खेज्ज वा, अब्भंगेतं वा मक्खेतं वा सातिज्जति ॥
१०२. जे भिक्खू विभूसावडियाए अप्पणो पाए लोद्धेण वा कक्केण वा चुप्णेण वा वण्णेण वा उल्लोलेज्ज वा उव्वट्टेज्ज वा, उल्लोलेतं वा उव्वट्टेतं वा सातिज्जति ॥
१०३. जे भिक्खू विभूसावडियाए अप्पणो पाए सीओदग-वियडेण वा उसिणोदग-वियडेण वा उच्छोलेज्ज वा पधोवेज्ज वा, उच्छोलेतं वा पधोवेतं वा सातिज्जति ॥
१०४. जे भिक्खू विभूसावडियाए अप्पणो पाए फुमेज्ज वा रएज्ज वा, फुमेतं वा रएतं वा सातिज्जति ॥

काय-परिकम्म-पदं

१०५. जे भिक्खू विभूसावडियाए अप्पणो कायं आमज्जेज्ज वा पमज्जेज्ज वा, आमज्जंतं वा पमज्जंतं वा सातिज्जति ॥
१०६. जे भिक्खू विभूसावडियाए अप्पणो कायं संवाहेज्ज वा पलिमद्देज्ज वा, संवाहेतं वा पलिमद्देतं वा सातिज्जति ॥
१०७. जे भिक्खू विभूसावडियाए अप्पणो कायं तेल्लेण वा घएण वा वसाए वा णवणीएण वा अब्भंगेज्ज वा मक्खेज्ज वा, अब्भंगेतं वा मक्खेतं वा सातिज्जति ॥
१०८. जे भिक्खू विभूसावडियाए अप्पणो कायं लोद्धेण वा कक्केण वा चुप्णेण वा वण्णेण वा उल्लोलेज्ज वा उव्वट्टेज्ज वा, उल्लोलेतं वा उव्वट्टेतं वा सातिज्जति ॥
१०९. जे भिक्खू विभूसावडियाए अप्पणो कायं सीओदग-वियडेण वा उसिणोदग-वियडेण वा उच्छोलेज्ज वा पधोवेज्ज वा, उच्छोलेतं वा पधोवेतं वा सातिज्जति ॥
११०. जे भिक्खू विभूसावडियाए अप्पणो कायं फुमेज्ज वा रएज्ज वा, फुमेतं वा रएतं वा सातिज्जति ॥

वण-परिकम्म-पदं

१११. जे भिक्खू विभूसावडियाए अप्पणो कायंसि वणं आमज्जेज्ज वा पमज्जेज्ज वा, आमज्जंतं वा पमज्जंतं वा सातिज्जति ॥
११२. जे भिक्खू विभूसावडियाए अप्पणो कायंसि वणं संवाहेज्ज वा पलिमद्देज्ज वा,

१. सं० पा०—एवं तइय उद्देशगमए जाव जे ।

संवाहंतं वा पलिमद्वंतं वा सातिज्जति ॥

११३. जे भिक्खू विभूसावडियाए अप्पणो कायंसि वणं तेल्लेण वा घएण वा वसाए वा णवणीएण वा अब्भंगेज्ज वा मक्खेज्ज वा, अब्भंगेतं वा मक्खेतं वा सातिज्जति ॥
११४. जे भिक्खू विभूसावडियाए अप्पणो कायंसि वणं लोद्धेण वा कक्केण वा चुण्णेण वा वण्णेण वा उल्लोलेज्ज वा उव्वट्टेज्ज वा, उल्लोलेंतं वा उव्वट्टेंतं वा सातिज्जति ॥
११५. जे भिक्खू विभूसावडियाए अप्पणो कायंसि वणं सीओदग-वियडेण वा उसिणोदग-वियडेण वा उच्छोलेज्ज वा पधोवेज्ज वा, उच्छोलेंतं वा पधोवेंतं वा सातिज्जति ॥
११६. जे भिक्खू विभूसावडियाए अप्पणो कायंसि वणं फुमेज्ज वा रएज्ज वा, फुमेतं वा रएतं वा सातिज्जति ॥

गंडावि-परिकम्म-पदं

११७. जे भिक्खू विभूसावडियाए अप्पणो कायंसि गंडं वा पिडयं वा अरइयं वा असियं भगंदलं वा अण्णयरेणं तिक्खेणं सत्थजाएणं अच्छिदेज्ज वा विच्छिदेज्ज वा, अच्छिदेतं वा विच्छिदेतं वा सातिज्जति ॥
११८. जे भिक्खू विभूसावडियाए अप्पणो कायंसि गंडं वा पिडयं वा अरइयं वा असियं वा भगंदलं वा अण्णयरेणं तिक्खेणं सत्थजाएणं अच्छिदिता वा विच्छिदिता वा पूयं वा सोणियं वा णीहरेज्ज वा विसोहेज्ज वा, णीहरेंतं वा विसोहेतं वा सातिज्जति ॥
११९. जे भिक्खू विभूसावडियाए अप्पणो कायंसि गंडं वा पिडयं वा अरइयं वा असियं वा भगंदलं वा अण्णयरेणं तिक्खेणं सत्थजाएणं अच्छिदिता वा विच्छिदिता वा पूयं वा सोणियं वा णीहरिता वा विसोहेता वा सीओदग-वियडेण वा उसिणोदग-वियडेण वा उच्छोलेज्ज वा पधोवेज्ज वा, उच्छोलेंतं वा पधोवेंतं वा सातिज्जति ॥
१२०. जे भिक्खू विभूसावडियाए अप्पणो कायंसि गंडं वा पिडयं वा अरइयं वा असियं वा भगंदलं वा अण्णयरेणं तिक्खेणं सत्थजाएणं अच्छिदिता वा विच्छिदिता वा पूयं वा सोणियं वा णीहरिता वा विसोहेता वा सीओदग-वियडेण वा उसिणोदग-वियडेण वा उच्छोलेता वा पधोएता वा अण्णयरेणं आलेवणजाएणं आलिपेज्ज वा विलिपेज्ज वा, आलिपंतं वा विलिपंतं वा सातिज्जति ॥
१२१. जे भिक्खू विभूसावडियाए अप्पणो कायंसि गंडं वा पिडयं वा अरइयं वा असियं वा भगंदलं वा अण्णयरेणं तिक्खेणं सत्थजाएणं अच्छिदिता वा विच्छिदिता वा पूयं वा सोणियं वा णीहरिता वा विसोहेता वा सीओदग-वियडेण वा उसिणोदग-वियडेण वा उच्छोलेता वा पधोएता वा अण्णयरेणं आलेवणजाएणं आलिपिता वा विलिपिता वा तेल्लेण वा घएण वा वसाए वा णवणीएण वा अब्भंगेज्ज वा मक्खेज्ज वा, अब्भंगेतं वा मक्खेतं वा सातिज्जति ॥

१२२. जे भिक्खू विभूसावडियाए अप्पणो कायंसि गंडं वा पिडयं वा अरइयं वा असियं वा भगदलं वा अण्णयरेणं तिकखेणं सत्थजाएणं अचिच्छदित्ता वा विचिच्छदित्ता वा पूयं वा सोणियं वा णीहरित्ता वा विसोहेत्ता वा सीओदग-वियडेण वा उसिणोदग-वियडेण वा उच्छोलेत्ता वा पधोएत्ता वा अण्णयरेणं आलेक्खणजाएणं आलिपित्ता वा विलिपित्ता वा तैल्लेण वा घएण वा वसाए वा णवणीएण वा अब्भंगेत्ता वा मक्खेत्ता वा अण्णयरेणं धूवणजाएणं धूवेज्ज वा पधूवेज्ज वा, धूवेत्तं वा पधूवेत्तं वा सातिज्जति ॥

किमि-पदं

१२३. जे भिक्खू विभूसावडियाए अप्पणो पालुकिमियं वा कुच्छिकिमियं वा अंगुलोए णिवेसिय-णिवेसिय णीहरति, णीहरेंतं वा सातिज्जति ॥

णह-सिहा-पदं

१२४. जे भिक्खू विभूसावडियाए अप्पणो दीहाओ णह-सिहाओ कप्पेज्ज वा संठवेज्ज वा, कप्पेंतं वा संठवेत्तं वा सातिज्जति ॥

दीह-रोम-पदं

१२५. जे भिक्खू विभूसावडियाए अप्पणो दीहाइं जंघ-रोमाइं कप्पेज्ज वा संठवेज्ज वा, कप्पेंतं वा संठवेत्तं वा सातिज्जति ॥

१२६. जे भिक्खू विभूसावडियाए अप्पणो दीहाइं वत्थि-रोमाइं कप्पेज्ज वा संठवेज्ज वा, कप्पेंतं वा संठवेत्तं वा सातिज्जति ॥

१२७. जे भिक्खू विभूसावडियाए अप्पणो दीह-रोमाइं कप्पेज्ज वा संठवेज्ज वा, कप्पेंतं वा संठवेत्तं वा सातिज्जति ॥

१२८. जे भिक्खू विभूसावडियाए अप्पणो दीहाइं कक्खाण-रोमाइं कप्पेज्ज वा संठवेज्ज वा, कप्पेंतं वा संठवेत्तं वा सातिज्जति ॥

१२९. जे भिक्खू विभूसावडियाए अप्पणो दीहाइं मंसु-रोमाइं कप्पेज्ज वा संठवेज्ज वा, कप्पेंतं वा संठवेत्तं वा सातिज्जति ॥

दंत-पदं

१३०. जे भिक्खू विभूसावडियाए अप्पणो दंते आघसेज्ज वा पघंसेज्ज वा, आघंसंतं वा पघंसंतं वा सातिज्जति ॥

१३१. जे भिक्खू विभूसावडियाए अप्पणो दंते उच्छोलेज्ज वा पधोवेज्ज वा, उच्छोलेत्तं वा पधोवेत्तं वा सातिज्जति ॥

१३२. जे भिक्खू विभूसावडियाए अप्पणो दंते फुमेज्ज वा रएज्ज वा, फुमेंतं वा रएंत्तं वा सातिज्जति ॥

उट्ठ-पदं

१३३. जे भिक्खू विभूसावडियाए अप्पणो उट्ठे आमज्जेज्ज वा पमज्जेज्ज वा, आमज्जंतं

वा पमज्जंतं वा सातिज्जति ॥

१३४. जे भिक्खू विभूसावडियाए अप्पणो उट्ठे संवाहेज्ज वा पलिमहेज्ज वा, संवाहेतं वा पलिमहेतं वा सातिज्जति ॥
१३५. जे भिक्खू विभूसावडियाए अप्पणो उट्ठे तेल्लेण वा घएण वा वसाए वा णवणीएण वा अब्भंगेज्ज वा मक्खेज्ज वा, अब्भंगेतं वा मक्खेतं वा सातिज्जति ॥
१३६. जे भिक्खू विभूसावडियाए अप्पणो उट्ठे लोद्धेण वा कक्केण वा चुण्णेण वा वण्णेण वा उल्लोलेज्ज वा उव्वट्टेज्ज वा, उल्लोलेतं वा उव्वट्टेतं वा सातिज्जति ॥
१३७. जे भिक्खू विभूसावडियाए अप्पणो उट्ठे सीओदग-वियडेण वा उसिणोदग-वियडेण वा उच्छोलेज्ज वा पधोवेज्ज वा, उच्छोलेतं वा पधोवेतं वा सातिज्जति ॥
१३८. जे भिक्खू विभूसावडियाए अप्पणो उट्ठे फुमेज्ज वा रएज्ज वा, फुमेतं वा रएतं वा सातिज्जति ॥

दीह-रोम-पदं

१३९. जे भिक्खू विभूसावडियाए अप्पणो दीहाइं उत्तरोट्ट-रोमाइं कप्पेज्ज वा संठवेज्ज वा, कप्पेतं वा संठवेतं वा सातिज्जति ॥
१४०. जे भिक्खू विभूसावडियाए अप्पणो दीहाइं णासा-रोमाइं कप्पेज्ज वा संठवेज्ज वा, कप्पेतं वा संठवेतं वा सातिज्जति ॥

अच्छि-पत्त-पदं

१४१. जे भिक्खू विभूसावडियाए अप्पणो दीहाइं अच्छि-पत्ताइं कप्पेज्ज वा संठवेज्ज वा, कप्पेतं वा संठवेतं वा सातिज्जति ॥

अच्छि-पदं

१४२. जे भिक्खू विभूसावडियाए अप्पणो अच्छीणि आमज्जेज्ज वा पमज्जेज्ज वा, आमज्जंतं वा पमज्जंतं वा सातिज्जति ॥
१४३. जे भिक्खू विभूसावडियाए अप्पणो अच्छीणि संवाहेज्ज वा पलिमहेज्ज वा, संवाहेतं वा पलिमहेतं वा सातिज्जति ॥
१४४. जे भिक्खू विभूसावडियाए अप्पणो अच्छीणि तेल्लेण वा घएण वा वसाए वा णवणीएण वा अब्भंगेज्ज वा मक्खेज्ज वा, अब्भंगेतं वा मक्खेतं वा सातिज्जति ॥
१४५. जे भिक्खू विभूसावडियाए अप्पणो अच्छीणि लोद्धेण वा कक्केण वा चुण्णेण वा वण्णेण वा उल्लोलेज्ज वा उव्वट्टेज्ज वा, उल्लोलेतं वा उव्वट्टेतं वा सातिज्जति ॥
१४६. जे भिक्खू विभूसावडियाए अप्पणो अच्छीणि सीओदग-वियडेण वा उसिणोदग-वियडेण वा उच्छोलेज्ज वा पधोवेज्ज वा, उच्छोलेतं वा पधोवेतं वा सातिज्जति ॥
१४७. जे भिक्खू विभूसावडियाए अप्पणो अच्छीणि फुमेज्ज वा रएज्ज वा, फुमेतं वा

रण्तं वा सातिज्जति ॥

दीह-रोम-पदं

१४८. जे भिक्खू विभूसावडियाए अप्पणो दीहाइं भमुग-रोमाइं कप्पेज्ज वा संठवेज्ज वा, कप्पेतं वा संठवेतं वा सातिज्जति ॥

१४९. जे भिक्खू विभूसावडियाए अप्पणो दीहाइं पास-रोमाइं कप्पेज्ज वा संठवेज्ज वा, कप्पेतं वा संठवेतं वा सातिज्जति ॥

मल्ल-णीहरण-पदं

१५०. जे भिक्खू विभूसावडियाए अप्पणो कायाओ सेयं वा जल्लं वा पंकं वा मल्लं वा णीहरेज्ज वा विसोहेज्ज वा, णीहरेंतं वा विसोहेतं वा सातिज्जति ॥

१५१. जे भिक्खू विभूसावडियाए अप्पणो अञ्छिमल्लं वा कण्णमल्लं वा दंतमल्लं वा णहमल्लं वा णीहरेज्ज वा विसोहेज्ज वा, णीहरेंतं वा विसोहेतं वा सातिज्जति ॥

सीसदुवारिय-पदं

१५२. जे भिक्खू विभूसावडियाए गामाणुगामं दूइज्जमाणे अप्पणो सीसदुवारियं करेति, करेतं वा सातिज्जति ॥

उवगरणजाय-धरण-पदं

१५३. जे^१ भिक्खू विभूसावडियाए वत्थं वा पडिग्गहं वा कंबलं वा पायपुच्छणं वा अण्णयरं वा उवगरणजायं धरेति, धरेतं वा सातिज्जति ॥

उवगरणजाय-धोवण-पदं

१५४. जे^२ भिक्खू विभूसावडियाए वत्थं वा पडिग्गहं वा कंबलं वा पायपुच्छणं वा अण्णयरं वा उवगरणजायं धोवेति, धोवेतं वा सातिज्जति—
तं सेवमाणे आवज्जइ चाउम्मासियं परिहारट्ठाणं उग्घातियं ॥

१. क' प्रती एतत्सूत्रं नास्ति ।

२. 'अ, ख, ग' प्रतिषु एतत्सूत्रं नास्ति ।

सोलसमो उद्देशो

सेज्जा-पदं

१. जे भिक्खू सागारियं^१ सेज्जं अणुपविसति, अणुपविसंतं वा सातिज्जति ॥
२. जे भिक्खू सोदगं^२ सेज्जं उवागच्छति, उवागच्छंतं वा सातिज्जति ॥
३. जे भिक्खू सागणियं सेज्जं अणुपविसति, अणुपविसंतं वा सातिज्जति ॥

उच्छु-पदं

४. जे भिक्खू सचित्तं उच्छं भुंजति, भुंजंतं वा सातिज्जति ॥
५. *जे भिक्खू सचित्तं उच्छं विडसति, विडसंतं वा सातिज्जति ॥
६. जे भिक्खू सचित्तं अंतरुच्छुयं वा उच्छुखंडियं वा उच्छुचोयगं वा उच्छुमेरगं वा उच्छुसालगं वा उच्छुडगलं वा भुंजति, भुंजंतं वा सातिज्जति ॥
७. जे भिक्खू सचित्तं अंतरुच्छुयं वा उच्छुखंडियं वा उच्छुचोयगं वा उच्छुमेरगं वा उच्छुसालगं वा उच्छुडगलं वा विडसति, विडसंतं वा सातिज्जति ॥
८. जे भिक्खू सचित्तपइट्टियं उच्छं भुंजति, भुंजंतं वा सातिज्जति ॥
९. जे भिक्खू सचित्तपइट्टियं उच्छं विडसति, विडसंतं वा सातिज्जति ॥
१०. जे भिक्खू सचित्तपइट्टियं अंतरुच्छुयं वा उच्छुखंडियं वा उच्छुचोयगं वा उच्छुमेरगं वा उच्छुसालगं वा उच्छुडगलं वा भुंजति, भुंजंतं वा सातिज्जति ॥
११. जे भिक्खू सचित्तपइट्टियं अंतरुच्छुयं वा उच्छुखंडियं वा उच्छुचोयगं वा उच्छुमेरगं वा उच्छुसालगं वा उच्छुडगलं वा विडसति, विडसंतं वा सातिज्जति^० ॥

अडवीजत्तागहणेसणा-पदं

१२. जे भिक्खू आरणयाणं वणंधयाणं^३ अडवीजत्तापट्टियाणं^४ असणं वा पाणं वा खाइमं वा साइमं वा पडिग्गाहेति, पडिग्गाहेतं वा सातिज्जति ॥

१. सागरिय (अ, ख) ।

२. स उदगं (अ) ।

३. सं० पा०—एवं पणपरसे उद्देशे अंबस्स जहा

गमो सो चेव इह पेयब्बो ।

४. वणंधाणं (चू) ।

५. अडवीजत्तासंपट्टियाणं (अ, क, ख, ग) ।

१३. जे भिक्खू आरण्याणं वणंघ्रयाणं अडवीजत्तापडिणियत्ताणं असणं वा पाणं वा खाइमं वा साइमं वा पडिग्गाहेति, पडिग्गाहेतं वा सातिज्जति ॥

बुसिरातिय-पदं

१४. जे भिक्खू बुसिरातियं^१ अबुसिरातियं वदति, वदतं वा सातिज्जति ॥

१५. जे भिक्खू अबुसिरातियं बुसिरातियं वदति, वदतं वा सातिज्जति ॥

१६. जे भिक्खू बुसिराइयाओ गणाओ अबुसिराइयं गणं संकमति, संकमंतं वा सातिज्जति ॥

बुग्गहवक्कंत-पदं

१७. जे भिक्खू बुग्गहवक्कंताणं^२ असणं वा पाणं वा खाइमं वा साइमं वा देति, देतं वा सातिज्जति ॥

१८. जे भिक्खू बुग्गहवक्कंताणं असणं वा पाणं वा खाइमं वा साइमं वा पडिच्छति, पडिच्छंतं वा सातिज्जति ॥

१९. *जे भिक्खू बुग्गहवक्कंताणं वत्थं वा पडिग्गहं वा कंबलं वा पायपुंछणं वा देति, देतं वा सातिज्जति ॥

२०. जे भिक्खू बुग्गहवक्कंताणं वत्थं वा पडिग्गहं वा कंबलं वा पायपुंछणं वा पडिच्छति, पडिच्छंतं वा सातिज्जति ॥

२१. जे भिक्खू बुग्गहवक्कंताणं वसहिं देति, देतं वा सातिज्जति ॥

२२. जे भिक्खू बुग्गहवक्कंताणं वसहिं पडिच्छति, पडिच्छंतं वा सातिज्जति ॥

२३. जे भिक्खू बुग्गहवक्कंताणं वसहिं अणुपविसति, अणुपविसंतं वा सातिज्जति^३ ॥

२४. जे भिक्खू बुग्गहवक्कंताणं सज्भायं देति, देतं वा सातिज्जति ॥

२५. जे भिक्खू बुग्गहवक्कंताणं^४ सज्भायं पडिच्छति, पडिच्छंतं वा सातिज्जति ॥

विहारपडिया-पदं

२६. जे भिक्खू विहं अणेगाहगमणिज्जं सति लाहे विहाराए संथरमाणेसु जणवएसु विहारपडियाए अभिसंधारेति, अभिसंधारेतं वा सातिज्जति ॥

१. आदर्शेषु एतत्सूत्रं नोपलभ्यते । भाष्य-चूण्यो-
स्तथा नवमोद्देशकस्य १४, १६, १८ सूत्राणा-
माधारेण स्वीकृतमिदं सूत्रम् ।

२. चूणौ 'बुसुरातियं' इति पदं व्याख्यातमस्ति
निर्युक्तिगाथायां 'बुसिरातियं' इति लभ्यते—
वसुमं ति व वसिमं ति व, वसति व बुसिमं व पज्जया चरणे ।
तेसु रतो बुसिरानी अबुसिमि रतो अबुसिराती ॥५४२०॥

३. बुग्गह बुक्कमाणं (ख) ।

४. सं० पा०—एवं वत्थं पडिग्गहं कंबलं पाय-
पुंछणं देति य पडि साति एवं वसहिं पि दोहिं
गमएहि णंहि चेतिय अणुपविसति य साति ।

५. बुक्कंताणं (क, ख) ।

२७. जे भिक्खू विरूक्खुवाइं दसुयाययणाइं^१ अणारियाइं मिलक्खूइं^२ पच्चंतियाइं^३ सति लाढे विहाराए संधरमाणेसु जणवएसु विहारपडियाए अभिसंधारेति, अभिसंधारेंतं वा सातिज्जति ॥

दुगुच्छिय-पदं

२८. जे भिक्खू दुगुच्छियकुलेसु^४ असणं वा पाणं वा खाइमं वा साइमं वा पडिग्गाहेति, पडिग्गाहेतं वा सातिज्जति ॥

२९. *जे भिक्खू दुगुच्छियकुलेसु वत्थं वा पडिग्गहं वा कंबलं वा पायपुच्छणं वा पडिग्गाहेति, पडिग्गाहेतं वा सातिज्जति ॥

३०. जे भिक्खू दुगुच्छियकुलेसु वसहि पडिग्गाहेति, पडिग्गाहेतं वा सातिज्जति ॥

३१. जे भिक्खू दुगुच्छियकुलेसु सज्झायं उद्दिसति, उद्दिसंतं वा सातिज्जति ॥

३२. जे भिक्खू दुगुच्छियकुलेसु सज्झायं वाएति, वाएंतं वा सातिज्जति ॥

३३. जे भिक्खू दुगुच्छियकुलेसु सज्झायं पडिच्छति, पडिच्छंतं वा सातिज्जति^५ ॥

असणाइणिकखेवण-पदं

३४. जे भिक्खू असणं वा पाणं वा खाइमं वा साइमं वा पुढवीए णिकखवति, णिकखवंतं वा सातिज्जति ॥

३५. जे भिक्खू असणं वा पाणं वा खाइमं वा साइमं वा संधारए णिकखवति, णिकखवंतं वा सातिज्जति ॥

३६. जे भिक्खू असणं वा पाणं वा खाइमं वा साइमं वा वेहासे णिकखवति, णिकखवंतं वा सातिज्जति ॥

अण्णउत्थिय-गारत्थियसद्धि भोयण-पदं

३७. जे भिक्खू अण्णउत्थिएहिं^६ वा गारत्थिएहिं^७ वा सद्धि भुजति, भुजंतं वा सातिज्जति ॥

३८. जे भिक्खू अण्णउत्थिएहिं^६ वा गारत्थिएहिं^७ वा सद्धि 'आवेदिय-परिवेदिए'^८ भुजति, भुजंतं वा सातिज्जति ॥

आसायणा-पदं

३९. जे भिक्खू आयरिय-उवज्झायाणं सेज्जा-संधारयं पाएणं संघट्टेत्ता हत्थेणं

१. दसुयायणाइं (अ, ग); दसुयाठान्णाति (ख)।

२. मिलक्खाइं (क)।

३. पच्चंतियाइं (ख)।

४. कुले (क)।

५. सं० पा०—वत्थं वसहि सज्झायं उद्दिसति वाएति पडिच्छति।

६. अण्णउत्थीहिं (अ, क, ग)।

७. गारत्थीहिं (अ, क, ग)।

८. अण्णउत्थीहिं (अ, क, ग)।

९. गारत्थीहिं (अ, क, ग)।

१०. आवेदियं परिवेदियं (क, ख)।

अणणुणवेत्ता धारयमाणो गच्छति, गच्छंतं वा सातिज्जति ॥

अतिरिक्तवर्हि-पदं

४०. जे भिक्खू पमाणातिरिक्तं वा गणणातिरिक्तं वा उर्वाहि धरेति, धरेतं वा सातिज्जति ॥

उच्चार-पासवण-पदं

४१. जे भिक्खू अणंतरहियाए पुढवीए उच्चार-पासवणं 'परिट्टवेति, परिट्टवेतं' वा सातिज्जति ॥

४२. *जे भिक्खू ससिणिद्धाए पुढवीए उच्चार-पासवणं परिट्टवेति, परिट्टवेतं वा सातिज्जति ॥

४३. जे भिक्खू ससरक्खाए पुढवीए उच्चार-पासवणं परिट्टवेति, परिट्टवेतं वा सातिज्जति ॥

४४. जे भिक्खू मट्टियाकडाए पुढवीए उच्चार-पासवणं परिट्टवेति, परिट्टवेतं वा सातिज्जति ॥

४५. जे भिक्खू चित्तमंताए पुढवीए उच्चार-पासवणं परिट्टवेति, परिट्टवेतं वा सातिज्जति ॥

४६. जे भिक्खू चित्तमंताए सिलाए उच्चार-पासवणं परिट्टवेति, परिट्टवेतं वा सातिज्जति ॥

४७. जे भिक्खू चित्तमंताए लेलूए उच्चार-पासवणं परिट्टवेति परिट्टवेतं वा सातिज्जति ॥

४८. जे भिक्खू कोलावासंसि वा दारुए जीवपइट्टिए सअंडे सपाणे सबीए सहुरिए सओस्से सउत्तिग-पणग-दग-मट्टिय-मक्कडा-संताणए उच्चार-पासवणं परिट्टवेति, परिट्टवेतं वा सातिज्जति ॥

४९. जे भिक्खू थूणंसि वा गिहेलुयंसि वा उसुयालंसि वा कामजलंसि वा अण्णयरंसि वा तहप्पगारंसि अंतरिक्खजायंसि दुब्बद्धे दुण्णिक्खित्ते अणिकंपे चलाचले उच्चार-पासवणं परिट्टवेति, परिट्टवेतं वा सातिज्जति ॥

५०. जे भिक्खू कुलियंसि वा भित्तिसि वा सिलंसि वा लेलुंसि वा अण्णयरंसि वा तहप्पगारंसि अंतरिक्खजायंसि दुब्बद्धे दुण्णिक्खित्ते अणिकंपे चलाचले उच्चार-पासवणं परिट्टवेति, परिट्टवेतं वा सातिज्जति ॥

१. परिट्टवेति परिट्टवेतं (अ, क, ग) ।

२. सं० पा०—जे ससिणिद्धाइयंसि वा कुलियंसि वा जाव लेलुंसि वा उच्चारपासवणं परिट्टवेति

परिट्टवेतं वा सातिज्जति जे खंघंसि वा जाव अंतरिक्खजायंसि उच्चारपासवणं ।

५१. जे भिक्खू खंधंसि वा फलिहंसि वा मंचंसि वा मंडवंसि वा मालंसि वा पासायंसि वा हम्मतलंसि वा अण्णयरंसि वा तहप्पगारंसि अंतरिक्खजायंसि दुब्बद्धे दुण्णिक्खित्ते अणिकंषे चलाचले° उच्चार-पासवणं परिट्ठवेति, परिट्ठवेतं वा सातिज्जति—
तं सेवमाणे आवज्जइ चाउम्मासियं परिहारट्ठाणं उग्घातियं ॥

सत्तरसमो उद्देशो

कोउहल्लपडिया-पर्व

१. जे भिक्खू कोउहल्लपडियाए अण्णयरं तसपाणजातिं तणपासएण वा^१ *मुंजपासएण वा कट्टपासएण वा चम्मपासएण वा वेत्तपासएण वा रज्जुपासएण वा^२ सुत्तपासएण वा बंधति, बंधंतं वा सातिज्जति ॥
 २. *जे भिक्खू कोउहल्लपडियाए अण्णयरं तसपाणजातिं तणपासएण वा मुंजपासएण वा कट्टपासएण वा वेत्तपासएण वा रज्जुपासएण वा सुत्तपासएण वा^३ बद्धेल्लयं मुयति, मुयंतं वा सातिज्जति ॥
 ३. जे भिक्खू कोउहल्लपडियाए तणमालियं वा^४ *मुंजमालियं वा वेत्तमालियं वा भिडमालियं वा मयणमालियं वा पिच्छमालियं वा दंतमालियं वा सिगमालियं वा संखमालियं वा हड्डमालियं वा कट्टमालियं वा पत्तमालियं वा पुष्फमालियं वा फलमालियं वा बीजमालियं वा^५ हरियमालियं वा करेति, करेत्तं वा सातिज्जति ॥
 ४. *जे भिक्खू कोउहल्लपडियाए तणमालियं वा मुंजमालियं वा वेत्तमालियं वा भिडमालियं वा मयणमालियं वा पिच्छमालियं वा दंतमालियं वा सिगमालियं वा संखमालियं वा हड्डमालियं वा कट्टमालियं वा पत्तमालियं वा पुष्फमालियं वा फलमालियं वा बीजमालियं वा हरियमालियं वा धरेति, धरेत्तं वा सातिज्जति ॥
 ५. जे भिक्खू कोउहल्लपडियाए तणमालियं वा मुंजमालियं वा वेत्तमालियं वा भिडमालियं वा मयणमालियं वा पिच्छमालियं वा दंतमालियं वा सिगमालियं वा संखमालियं वा हड्डमालियं वा कट्टमालियं वा पत्तमालियं वा पुष्फमालियं वा फलमालियं वा बीजमालियं वा हरियमालियं वा^६ पिणद्धति^७, पिणद्धंतं वा सातिज्जति ॥
 ६. जे भिक्खू कोउहल्लपडियाए अयलोहाणि वा^८ *तंबलोहाणि वा तउयलोहाणि वा
-
१. सं० पा०—तणपासएण वा जाव सुत्तपासएण ।
 २. सं० पा०—बद्धेल्लयं वा मुयति, मुयंतं वा साति ।
 ३. *मालि (क) ।
 ४. सं० पा०—तणमालियं वा जाव हरियमालियं ।
 ५. सं० पा०—धरेति धरेत्तं वा साति पिणद्धति पिणद्धंतं वा साति ।
 ६. परिभुंजइ (अ, क, ख, ग) ।
 ७. सं० पा०—अयलोहाणि वा जाव सुवण्णलोहाणि ।

- सीसगलोहाणि वा रूपलोहाणि वा० सुवण्णलोहाणि वा करेति, करेतं वा सातिज्जति ॥
७. *जे भिक्खू कोउहल्लपडियाए अयलोहाणि वा तंबलोहाणि वा तउयलोहाणि वा सीसगलोहाणि वा रूपलोहाणि वा सुवण्णलोहाणि वा धरेति, धरेतं वा सातिज्जति ॥
८. जे भिक्खू कोउहल्लपडियाए अयलोहाणि वा तंबलोहाणि वा तउयलोहाणि वा सीसगलोहाणि वा रूपलोहाणि वा सुवण्णलोहाणि वा० परिभुंजति, परिभुंजंतं वा सातिज्जति ॥
९. जे भिक्खू कोउहल्लपडियाए हाराणि वा^१ *अद्धहाराणि वा एगावली वा मुत्तावली वा कणगावली वा रयणावली वा कडगाणि वा तुडियाणि वा केऊराणि वा कुंडलाणि वा पट्टाणि मउडाणि वा, पलंबसुत्ताणि वा० सुवण्णसुत्ताणि वा करेति, करेतं वा सातिज्जति ॥
१०. *जे भिक्खू कोउहल्लपडियाए हाराणि वा अद्धहाराणि वा एगावली वा मुत्तावली वा कणगावली वा रयणावली वा कडगाणि वा तुडियाणि वा केऊराणि वा कुंडलाणि वा पट्टाणि वा मउडाणि वा, पलंबसुत्ताणि वा सुवण्णसुत्ताणि वा धरेति, धरेतं वा सातिज्जति ॥
११. जे भिक्खू कोउहल्लपडियाए हाराणि वा अद्धहाराणि वा एगावली वा मुत्तावली वा कणगावली वा रयणावली वा कडगाणि वा तुडियाणि वा केऊराणि वा कुंडलाणि वा पट्टाणि वा मउडाणि वा पलंबसुत्ताणि वा, सुवण्णसुत्ताणि वा पिणद्धति, पिणद्धंतं वा सातिज्जति० ॥
१२. जे भिक्खू कोउहल्लपडियाए आईणाणि वा^२ *सहिणाणि वा कल्लाणि वा सहिण-कल्लाणाणि वा आयाणि वा कायाणि वा खोमाणि वा दुगुल्लाणि वा तिरीडपट्टाणि वा मलयाणि वा पत्तुणाणि वा अंसुयाणि वा चीणंसुयाणि वा देसरागाणि वा अमिलाणि वा गज्जलाणि वा फाडिगाणि वा कोतवाणि वा कंबलाणि वा पावार-गाणि वा कणगाणि वा कणगकताणि वा कणगपट्टाणि वा कणगखच्चियाणि वा कणगफुल्लियाणि वा वग्घाणि वा विवग्घाणि वा आभरणाणि वा आभरणविचि-त्ताणि वा उद्दाणि वा गोरमिगाईणगाणि वा किण्हमिगाईणगाणि वा नीलमिगा-ईणगाणि वा पेसाणि वा पेसलेसाणि वा० करेति, करेतं वा सातिज्जति ॥

१. सं० पा०— धरेति धरेतं वा साति परिभुंजति परिभुंजंतं वा साति ।
२. सं० पा०—हाराणि वा जाव सुवण्णसुत्ताणि ।
३. सं० पा०—धरेति धरेतं वा साति परिभुंजति परिभुंजंतं वा साति ।
४. सं० पा०—आइणादि जाव वत्थसुत्तं । आदर्शेषु

संक्षिप्तपाठः एवं लभ्यते—आधीणाणि वा जाव आभरणविचित्ताणि वा । किन्तु सप्त-मोद्देशके (१०) आदर्शगतः पाठः पाठान्तर-रूपेण पादटिप्पणे निर्दिष्टोऽस्ति । तत्र मूल-पाठः चूर्णिसम्मतः स्वीकृतोऽस्ति । तेन प्रस्तुत-पाठः सप्तोद्देशकवर्तिस्वीकृतपाठादेव सम्पूरितः ।

१३. *जे भिक्खू कोउहल्लपडियाए आईणाणि वा सहिणाणि वा कल्लाणि वा सहिण-
कल्लाणाणि वा आयाणि वा कायाणि वा खोमाणि वा दुगुल्लाणि वा तिरीडपट्टाणि
वा मलयाणि वा पत्तुणाणि वा अंसुयाणि वा चीणंसुयाणि वा देसरागाणि वा
अमिलाणि वा गज्जलाणि वा फाडिगाणि वा कोतवाणि वा कंबलाणि वा पावार-
गाणि वा कणगाणि कणगकताणि वा कणगपट्टाणि वा कणगखचियाणि वा
कणगफुल्लियाणि वा वग्घाणि वा विवग्घाणि वा आभरणाणि वा आभरण-
विचित्ताणि वा उदाणि वा गोरमिगाईणगाणि वा किण्हमिगाईणगाणि वा नील-
मिगाईणगाणि वा पेसाणि वा पेसलेसाणि वा धरेति, धरेंतं वा सातिज्जति ॥
१४. जे भिक्खू कोउहल्लपडियाए आईणाणि वा सहिणाणि वा कल्लाणि वा सहिण-
कल्लाणाणि वा आयाणि वा कायाणि वा खोमाणि वा दुगुल्लाणि वा तिरीडपट्टाणि
वा मलयाणि वा पत्तुणाणि वा अंसुयाणि वा चीणंसुयाणि वा देसरागाणि वा
अमिलाणि वा गज्जलाणि वा फाडिगाणि वा कोतवाणि वा कंबलाणि वा पावार-
गाणि वा कणगाणि वा कणगकताणि वा कणगपट्टाणि वा कणगखचियाणि वा
कणगफुल्लियाणि वा वग्घाणि वा विवग्घाणि वा आभरणाणि वा आभरणविचि-
त्ताणि वा उदाणि वा गोरमिगाईणगाणि वा किण्हमिगाईणगाणि वा नीलमिगाई-
णगाणि वा पेसाणि वा पेसलेसाणि वा परिभुजति, परिभुजंतं वा^० सातिज्जति ॥

पाय-परिकस्म-पदं

१५. 'जा निग्गंथी'^२ निग्गंथस्स पाए अण्णउत्थिएण वा गारत्थिएण वा 'आमज्जावेज्ज
वा पमज्जावेज्ज'^३ वा, आमज्जावेतं वा पमज्जावेतं वा सातिज्जति ॥
१६. *जा निग्गंथी निग्गंथस्स पाए अण्णउत्थिएण वा गारत्थिएण वा संवाहावेज्ज वा
पलिमद्दावेज्ज वा, संवाहावेतं वा पलिमद्दावेतं वा सातिज्जति ॥
१७. जा निग्गंथी निग्गंथस्स पाए अण्णउत्थिएण वा गारत्थिएण वा तेल्लेण वा घएण वा
वसाए वा णवणीएण वा अब्भंगावेज्ज वा मक्खावेज्ज वा, अब्भंगावेतं वा
मक्खावेतं वा सातिज्जति ॥
१८. जा निग्गंथी निग्गंथस्स पाए अण्णउत्थिएण वा गारत्थिएण वा लोद्धेण वा कक्केण
वा चुण्णेण वा वण्णेण वा उल्लोलावेज्ज वा उव्वट्टावेज्ज वा, उल्लोलावेतं वा
उव्वट्टावेतं वा सातिज्जति ॥

१. सं० पा०—धरेति परिभुजति जाव साति ।

२. जे निग्गंथे (अ, क); जे निग्गंथीणि (ख) ।

'जा निग्गंथी निग्गंथस्स' इति पाठस्य आधारे
भाष्ये चूर्णी च लभ्यते—

जा समणि संजयाणं, गिहिणो अट्टवा वि अण्णत्थिएण ।

पादप्पभज्जणमादी, कारेज्जा आणमादीणि ॥

भा० ५६१८ ॥

इह पुण निग्गंथीणं समणस्स अण्णत्थिएण

गारत्थिएण कारवेति त्ति विसेसो (चू) ।

३. आमज्जेज्ज वा पमज्जेज्ज (अ, क, ख, ग) ।

४. सं० पा०—एवं नइउद्देशगमएण णेतव्वं जाव

जे निग्गंथे निग्गंथस्स ।

१९. जा निग्गंथी निग्गंथस्स पाए अण्णउत्थिएण वा गारत्थिएण वा सीओदग-वियडेण वा उस्सिणोदग-वियडेण वा उच्छोलावेज्ज वा पधोवावेज्ज वा, उच्छोलावेतं वा पधोवावेतं वा सातिज्जति ॥
२०. जा निग्गंथी निग्गंथस्स पाए अण्णउत्थिएण वा गारत्थिएण वा फुमावेज्ज वा रयावेज्ज वा, फुमावेतं वा रयावेतं वा सातिज्जति ॥

काय-परिकम्म-पदं

२१. जा निग्गंथी निग्गंथस्स कायं अण्णउत्थिएण वा गारत्थिएण वा आमज्जावेज्ज वा पमज्जावेज्ज वा, आमज्जावेतं वा पमज्जावेतं वा सातिज्जति ॥
२२. जा निग्गंथी निग्गंथस्स कायं अण्णउत्थिएण वा गारत्थिएण वा संवाहावेज्ज वा पलिमद्दावेज्ज वा, संवाहावेतं वा पलिमद्दावेतं वा सातिज्जति ॥
२३. जा निग्गंथी निग्गंथस्स कायं अण्णउत्थिएण वा गारत्थिएण वा तेल्लेण वा घएण वा वसाए वा णवणीएण वा अब्भंगावेज्ज वा मक्खावेज्ज वा, अब्भंगावेतं वा मक्खावेतं वा सातिज्जति ॥
२४. जा निग्गंथी निग्गंथस्स कायं अण्णउत्थिएण वा गारत्थिएण वा लोद्धेण वा कक्केण वा चुण्णेण वा वण्णेण वा उल्लोलावेज्ज वा उव्वट्टावेज्ज वा, उल्लोलावेतं वा उव्वट्टावेतं वा सातिज्जति ॥
२५. जा निग्गंथी निग्गंथस्स कायं अण्णउत्थिएण वा गारत्थिएण वा सीओदग-वियडेण वा उस्सिणोदग-वियडेण वा उच्छोलावेज्ज वा पधोवावेज्ज वा, उच्छोलावेतं वा पधोवावेतं वा सातिज्जति ॥
२६. जा निग्गंथी निग्गंथस्स कायं अण्णउत्थिएण वा गारत्थिएण वा फुमावेज्ज वा रयावेज्ज वा, फुमावेतं वा रयावेतं वा सातिज्जति ॥

धण-परिकम्म-पदं

२७. जा निग्गंथी निग्गंथस्स कायंसि वणं अण्णउत्थिएण वा गारत्थिएण वा आमज्जा-वेज्ज वा पमज्जावेज्ज वा, आमज्जावेतं वा पमज्जावेतं वा सातिज्जति ॥
२८. जा निग्गंथी निग्गंथस्स कायंसि वणं अण्णउत्थिएण वा गारत्थिएण वा संवाहावेज्ज वा पलिमद्दावेज्ज वा, संवाहावेतं वा पलिमद्दावेतं वा सातिज्जति ॥
२९. जा निग्गंथी निग्गंथस्स कायंसि वणं अण्णउत्थिएण वा गारत्थिएण वा तेल्लेण वा घएण वा वसाए वा णवणीएण वा अब्भंगावेज्ज वा मक्खावेज्ज वा, अब्भंगावेतं वा मक्खावेतं वा सातिज्जति ॥
३०. जा निग्गंथी निग्गंथस्स कायंसि वणं अण्णउत्थिएण वा गारत्थिएण वा लोद्धेण वा कक्केण वा चुण्णेण वा वण्णेण वा उल्लोलावेज्ज वा उव्वट्टावेज्ज वा, उल्लोलावेतं वा उव्वट्टावेतं वा सातिज्जति ॥

३१. जा निग्गंथी निग्गंथस्स कायंसि वणं अण्णउत्थिएण वा गारत्थिएण वा सीओदग-वियडेण वा उसिणोदग-वियडेण वा उच्छोलावेज्ज वा पधोवावेज्ज वा, उच्छोलावेतं वा पधोवावेतं वा सातिज्जति ॥
३२. जा निग्गंथी निग्गंथस्स कायंसि वणं अण्णउत्थिएण वा गारत्थिएण वा फुमावेज्ज वा रयावेज्ज वा, फुमावेतं वा रयावेतं वा सातिज्जति ॥

गंडादि-परिकम्म-पदं

३३. जा निग्गंथी निग्गंथस्स कायंसि गंडं वा पिडयं वा अरइयं वा असियं वा भगंदलं वा अण्णउत्थिएण वा गारत्थिएण वा अण्णयरेणं तिक्खेणं सत्थजाएणं अच्चिदावेज्ज वा विच्चिदावेज्ज वा, अच्चिदावेतं वा विच्चिदावेतं वा सातिज्जति ॥
३४. जा निग्गंथी निग्गंथस्स कायंसि गंडं वा पिडयं वा अरइयं वा असियं वा भगंदलं वा अण्णउत्थिएण वा गारत्थिएण वा अण्णयरेणं तिक्खेणं सत्थजाएणं अच्चिदा-वित्ता वा विच्चिदावित्ता वा पूयं वा सोणियं वा णीहरावेज्ज वा विसोहावेज्ज वा, णीहरावेतं वा विसोहावेतं वा सातिज्जति ॥
३५. जा निग्गंथी निग्गंथस्स कायंसि गंडं वा पिडयं वा अरइयं वा असियं वा भगंदलं वा अण्णउत्थिएण वा गारत्थिएण वा अण्णयरेणं तिक्खेणं सत्थजाएणं अच्चिदावेत्ता वा विच्चिदावेत्ता वा पूयं वा सोणियं वा णीहरावेत्ता वा विसोहावेत्ता वा सीओदग-वियडेण वा उसिणोदग-वियडेण वा उच्छोलावेज्ज वा पधोयावेज्ज वा, उच्छोलावेतं वा पधोयावेतं वा सातिज्जति ॥
३६. जा निग्गंथी निग्गंथस्स कायंसि गंडं वा पिडयं वा अरइयं वा असियं वा भगंदलं वा अण्णउत्थिएण वा गारत्थिएण वा अण्णयरेणं तिक्खेणं सत्थजाएणं अच्चिदावेत्ता वा विच्चिदावेत्ता वा पूयं वा सोणियं वा णीहरावेत्ता वा विसोहावेत्ता वा सीओदग-वियडेण वा उसिणोदग-वियडेण वा उच्छोलावेत्ता वा पधोयावेत्ता वा अण्णयरेणं आलेवणजाएणं आलिपावेज्ज वा विलिपावेज्ज वा, आलिपावेतं वा विलिपावेतं वा सातिज्जति ॥
३७. जा निग्गंथी निग्गंथस्स कायंसि गंडं वा पिडयं वा अरइयं वा असियं वा भगंदलं वा अण्णउत्थिएण वा गारत्थिएण वा अण्णयरेणं तिक्खेणं सत्थजाएणं अच्चिदावेत्ता वा विच्चिदावेत्ता वा पूयं वा सोणियं वा णीहरावेत्ता वा विसोहावेत्ता वा सीओदग-वियडेण वा उसिणोदग-वियडेण वा उच्छोलावेत्ता वा पधोयावेत्ता वा अण्णयरेणं आलेवणजाएणं आलिपावेत्ता वा विलिपावेत्ता वा तेल्लेण वा घएण वा वसाए वा णवणीएण वा अब्भंगावेज्ज वा मक्खावेज्ज वा, अब्भंगावेतं वा मक्खावेतं वा सातिज्जति ॥
३८. जा निग्गंथी निग्गंथस्स कायंसि गंडं वा पिडयं वा अरइयं वा असियं वा भगंदलं वा अण्णउत्थिएण वा गारत्थिएण वा अण्णयरेणं तिक्खेणं सत्थजाएणं अच्चिदावेत्ता

वा विच्छिदावेत्ता वा पूयं वा सोणियं वा णीहरावेत्ता वा विसोहावेत्ता वा सीओदग-वियडेण वा उसिणोदग-वियडेण वा उच्छोलावेत्ता वा पधोयावेत्ता वा अण्णयरेण आलेवणजाएणं आलिपावेत्ता वा विलिपावेत्ता वा तेस्लेण वा घएण वा वसाए वा णवणीएण वा अब्भंगावेत्ता वा मक्खावेत्ता वा अण्णयरेणं धूवणजाएणं धूवावेज्ज वा पधूवावेज्ज वा, धूवावेत्तं वा पधूवावेत्तं वा सातिज्जति ॥

किमि-पदं

३६. जा निग्गंथी निग्गंथस्स पालुकिमियं वा कुच्छिकिमियं वा अण्णउत्थिएण वा गारत्थिएण वा अंगुलीए णिवेसाविय-णिवेसाविय णीहरावेति, णीहरावेत्तं वा सातिज्जति ॥

णह-सिहा-पदं

४०. जा निग्गंथी निग्गंथस्स दीहाओ णह-सिहाओ अण्णउत्थिएण वा गारत्थिएण वा कप्पावेज्ज वा संठवावेज्ज वा, कप्पावेत्तं वा संठवावेत्तं वा सातिज्जति ॥

दीह-रोम-पदं

४१. जा निग्गंथी निग्गंथस्स दीहाइं जंघ-रोमाइं अण्णउत्थिएण वा गारत्थिएण वा कप्पावेज्ज वा संठवावेज्ज वा, कप्पावेत्तं वा संठवावेत्तं वा सातिज्जति ॥

४२. जा निग्गंथी निग्गंथस्स दीहाइं वत्थि-रोमाइं अण्णउत्थिएण वा गारत्थिएण वा कप्पावेज्ज वा संठवावेज्ज वा, कप्पावेत्तं वा संठवावेत्तं वा सातिज्जति ॥

४३. जा निग्गंथी निग्गंथस्स दीह-रोमाइं अण्णउत्थिएण वा गारत्थिएण वा कप्पावेज्ज वा संठवावेज्ज वा, कप्पावेत्तं वा संठवावेत्तं वा सातिज्जति ॥

४४. जा निग्गंथी निग्गंथस्स दीहाइं कक्खाण-रोमाइं अण्णउत्थिएण वा गारत्थिएण वा कप्पावेज्ज वा संठवावेज्ज वा, कप्पावेत्तं वा संठवावेत्तं वा सातिज्जति ॥

४५. जा निग्गंथी निग्गंथस्स दीहाइं मंसु-रोमाइं अण्णउत्थिएण वा गारत्थिएण वा कप्पावेज्ज वा संठवावेज्ज वा, कप्पावेत्तं वा संठवावेत्तं वा सातिज्जति ॥

दंत-पदं

४६. जा निग्गंथी निग्गंथस्स दंते अण्णउत्थिएण वा गारत्थिएण वा आघंसावेज्ज वा पघंसावेज्ज वा, आघंसावेत्तं वा पघंसावेत्तं वा सातिज्जति ॥

४७. जा निग्गंथी निग्गंथस्स दंते अण्णउत्थिएण वा गारत्थिएण वा उच्छोलावेज्ज वा पधोयावेज्ज वा, उच्छोलावेत्तं वा पधोयावेत्तं वा सातिज्जति ॥

४८. जा निग्गंथी निग्गंथस्स दंते अण्णउत्थिएण वा गारत्थिएण वा फुमावेज्ज वा रथावेज्ज वा, फुमावेत्तं वा रथावेत्तं वा सातिज्जति ॥

उट्ट-पदं

४९. जा निग्गंथी निग्गंथस्स उट्ठे अण्णउत्थिएण वा गारत्थिएण वा आमज्जावेज्ज वा

पमज्जावेज्ज वा, आमज्जावेतं वा पमज्जावेतं वा सातिज्जति ॥

५०. जा निग्गंथी निग्गंथस्स उट्ठे अण्णउत्थिएण वा गारत्थिएण वा संवाहावेज्ज वा पलिमद्दावेज्ज वा, संवाहावेतं वा पलिमद्दावेतं वा सातिज्जति ॥
५१. जा निग्गंथी निग्गंथस्स उट्ठे अण्णउत्थिएण वा गारत्थिएण वा तेल्लेण वा घएण वा वसाए वा णवणीएण वा अब्भंगावेज्ज वा मक्खावेज्ज वा, अब्भंगावेतं वा मक्खावेतं वा सातिज्जति ॥
५२. जा निग्गंथी निग्गंथस्स उट्ठे अण्णउत्थिएण वा गारत्थिएण वा लोद्धेण वा कक्केण वा चुण्णेण वा वण्णेण वा उल्लोलावेज्ज वा उव्वट्टावेज्ज वा उल्लोलावेतं वा उव्वट्टावेतं वा सातिज्जति ॥
५३. जा निग्गंथी निग्गंथस्स उट्ठे अण्णउत्थिएण वा गारत्थिएण वा सीओदग-वियडेण वा उसिणोदग-वियडेण वा उच्छोलावेज्ज वा पधोयावेज्ज वा, उच्छोलावेतं वा पधोयावेतं वा सातिज्जति ॥
५४. जा निग्गंथी निग्गंथस्स उट्ठे अण्णउत्थिएण वा गारत्थिएण वा फुमावेज्ज वा रयावेज्ज वा, फुमावेतं वा रयावेतं वा सातिज्जति ॥

दीह-रोम-पदं

५५. जा निग्गंथी निग्गंथस्स दीहाइं उत्तरोट्ट-रोमाइं अण्णउत्थिएण वा गारत्थिएण वा कप्पावेज्ज वा संठवावेज्ज वा, कप्पावेतं वा संठवावेतं वा सातिज्जति ॥
५६. जा निग्गंथी निग्गंथस्स दीहाइं णासा-रोमाइं अण्णउत्थिएण वा गारत्थिएण वा कप्पावेज्ज वा संठवावेज्ज वा, कप्पावेतं वा संठवावेतं वा सातिज्जति ॥

अच्छि-पत्त-पदं

५७. जा निग्गंथी निग्गंथस्स दीहाइं अच्छि-पत्ताइं अण्णउत्थिएण वा गारत्थिएण वा कप्पावेज्ज वा संठवावेज्ज वा, कप्पावेतं वा संठवावेतं वा सातिज्जति ॥

अच्छि-पदं

५८. जा निग्गंथी निग्गंथस्स अच्छीणि अण्णउत्थिएण वा गारत्थिएण वा आमज्जावेज्ज वा पमज्जावेज्ज वा, आमज्जावेतं वा पमज्जावेतं वा सातिज्जति ॥
५९. जा निग्गंथी निग्गंथस्स अच्छीणि अण्णउत्थिएण वा गारत्थिएण वा संवाहावेज्ज वा पलिमद्दावेज्ज वा, संवाहावेतं वा पलिमद्दावेतं वा सातिज्जति ॥
६०. जा निग्गंथी निग्गंथस्स अच्छीणि अण्णउत्थिएण वा गारत्थिएण वा तेल्लेण वा घएण वा वसाए वा णवणीएण वा अब्भंगावेज्ज वा मक्खावेज्ज वा, अब्भंगावेतं वा मक्खावेतं वा सातिज्जति ॥
६१. जा निग्गंथी निग्गंथस्स अच्छीणि अण्णउत्थिएण वा गारत्थिएण वा लोद्धेण वा कक्केण वा चुण्णेण वा वण्णेण वा उल्लोलावेज्ज वा उव्वट्टावेज्ज वा, उल्लोलावेतं वा उव्वट्टावेतं वा सातिज्जति ॥

वा उव्वट्टावेतं वा सातिज्जति ॥

६२. जा निग्गंथी निग्गंथस्स अच्छीणि अण्णउत्थिएण वा गारत्थिएण वा सीओदग-
वियडेण वा उसिणोदग-वियडेण वा उच्छोलावेज्ज वा पधोयावेज्ज वा, उच्छोलावेतं
वा पधोयावेतं वा सातिज्जति ॥
६३. जा निग्गंथी निग्गंथस्स अच्छीणि अण्णउत्थिएण वा गारत्थिएण वा फुमावेज्ज वा
रयावेज्ज वा, फुमावेतं वा रयावेतं वा सातिज्जति ॥

दीह-रोम-पदं

६४. जा निग्गंथी निग्गंथस्स दीहाइं भमुग-रोमाइं अण्णउत्थिएण वा गारत्थिएण वा
कप्पावेज्ज वा संठवावेज्ज वा, कप्पावेतं वा संठवावेतं वा सातिज्जति ॥
६५. जा निग्गंथी निग्गंथस्स दीहाइं पास-रोमाइं अण्णउत्थिएण वा गारत्थिएण वा
कप्पावेज्ज वा संठवावेज्ज वा, कप्पावेतं वा संठवावेतं वा सातिज्जति ॥

मल-णीहरण-पदं

६६. जा निग्गंथी निग्गंथस्स कायाओ सेयं वा जल्लं वा पंकं वा मलं वा अण्णउत्थिएण
वा गारत्थिएण वा णीहरावेज्ज वा विसोहावेज्ज वा, णीहरावेतं वा विसोहावेतं
वा सातिज्जति ॥
६७. जा निग्गंथी निग्गंथस्स अच्छिमलं वा कण्णमलं वा दंतमलं वा न्हमलं वा
अण्णउत्थिएण वा गारत्थिएण वा णीहरावेज्ज वा विसोहावेज्ज वा, णीहरावेतं वा
विसोहावेतं वा सातिज्जति ॥

सीसदुवारिय-पदं

६८. जा निग्गंथी^१ निग्गंथस्स गामाणुगामं दूइज्जमाणस्स अण्णउत्थिएण वा गारत्थिएण
वा सीसदुवारियं कारवेति, कारवेतं वा सातिज्जति ॥

पाय-परिकम्म-पदं

६९. 'जे निग्गंथे'^२ निग्गंथीए पाए अण्णउत्थिएण वा गारत्थिएण वा आमज्जावेज्ज वा
पमज्जावेज्ज वा, आमज्जावेतं वा पमज्जावेतं वा सातिज्जति ॥
७०. *जे निग्गंथे निग्गंथीए पाए अण्णउत्थिएण वा गारत्थिएण वा संवाहावेज्ज वा
पलिमहावेज्ज वा, संवाहावेतं वा पलिमहावेतं वा सातिज्जति ॥
७१. जे निग्गंथे निग्गंथीए पाए अण्णउत्थिएण वा गारत्थिएण वा तेल्लेण वा घएण वा
वसाए वा णवणीएण वा अब्भंगावेज्ज वा मक्खावेज्ज वा, अब्भंगावेतं वा मक्खावेतं
वा सातिज्जति ॥

१. जा निग्गंथी (अ) ।

२. सं० पा०—एवं मणिगल्लवमयं सरिसं णेयं कारवेतं साति ।

७२. जे निग्गंथे निग्गंथीए पाए अण्णउत्थिएण वा गारत्थिएण वा लोद्धेण वा कक्केण वा चुण्णेण वा वण्णेण वा उल्लोलावेज्ज वा उव्वट्टावेज्ज वा, उल्लोलावेत्तं वा उव्वट्टावेत्तं वा सातिज्जति ॥
७३. जे निग्गंथे निग्गंथीए पाए अण्णउत्थिएण वा गारत्थिएण वा सीओदग-वियडेण वा उसिणोदग-वियडेण वा उच्छोलावेज्ज वा पधोवावेज्ज वा, उच्छोलावेत्तं वा पधोवावेत्तं वा सातिज्जति ॥
७४. जे निग्गंथे निग्गंथीए पाए अण्णउत्थिएण वा गारत्थिएण वा फुमावेज्ज वा रयावेज्ज वा, फुमावेत्तं वा रयावेत्तं वा सातिज्जति ॥

काय-परिकम्म-पदं

७५. जे निग्गंथे निग्गंथीए कायं अण्णउत्थिएण वा गारत्थिएण वा आमज्जावेज्ज वा पमज्जावेज्ज वा, आमज्जावेत्तं वा पमज्जावेत्तं वा सातिज्जति ॥
७६. जे निग्गंथे निग्गंथीए कायं अण्णउत्थिएण वा गारत्थिएण वा संवाहावेज्ज वा पलिमट्टावेज्ज वा, संवाहावेत्तं वा पलिमट्टावेत्तं वा सातिज्जति ॥
७७. जे निग्गंथे निग्गंथीए कायं अण्णउत्थिएण वा गारत्थिएण वा तेल्लेण वा घएण वा वसाए वा णवणीएण वा अब्भंगावेज्ज वा मक्खावेज्ज वा, अब्भंगावेत्तं वा मक्खावेत्तं वा सातिज्जति ॥
७८. जे निग्गंथे निग्गंथीए कायं अण्णउत्थिएण वा गारत्थिएण वा लोद्धेण वा कक्केण वा चुण्णेण वा वण्णेण वा उल्लोलावेज्ज वा उव्वट्टावेज्ज वा, उल्लोलावेत्तं वा उव्वट्टावेत्तं वा सातिज्जति ॥
७९. जे निग्गंथे निग्गंथीए कायं अण्णउत्थिएण वा गारत्थिएण वा सीओदग-वियडेण वा उसिणोदग-वियडेण वा उच्छोलावेज्ज वा पधोवावेज्ज वा, उच्छोलावेत्तं वा पधोवावेत्तं वा सातिज्जति ॥
८०. जे निग्गंथे निग्गंथीए कायं अण्णउत्थिएण वा गारत्थिएण वा फुमावेज्ज वा रयावेज्ज वा, फुमावेत्तं वा रयावेत्तं वा सातिज्जति ॥

वण-परिकम्म-पदं

८१. जे निग्गंथे निग्गंथीए कायंसि वणं अण्णउत्थिएण वा गारत्थिएण वा आमज्जावेज्ज वा पमज्जावेज्ज वा, आमज्जावेत्तं वा पमज्जावेत्तं वा सातिज्जति ॥
८२. जे निग्गंथे निग्गंथीए कायंसि वणं अण्णउत्थिएण वा गारत्थिएण वा संवाहावेज्ज वा पलिमट्टावेज्ज वा, संवाहावेत्तं वा पलिमट्टावेत्तं वा सातिज्जति ॥
८३. जे निग्गंथे निग्गंथीए कायंसि वणं अण्णउत्थिएण वा गारत्थिएण वा तेल्लेण वा घएण वा वसाए वा णवणीएण वा अब्भंगावेज्ज वा मक्खावेज्ज वा, अब्भंगावेत्तं वा मक्खावेत्तं वा सातिज्जति ॥

८४. जे निग्गंथे निग्गंथीए कायंसि वणं अण्णउत्थिण्ण वा गारत्थिण्ण वा लोद्धेण वा कक्केण वा चुण्णेण वा वण्णेण वा उल्लोलावेज्ज वा उव्वट्टावेज्ज वा, उल्लोलावेतं वा उव्वट्टावेतं वा सातिज्जति ॥
८५. जे निग्गंथे निग्गंथीए कायंसि वणं अण्णउत्थिण्ण वा गारत्थिण्ण वा सीओदग-वियडेण वा उसिणोदग-वियडेण वा उच्छोलावेज्ज वा पधोवावेज्ज वा, उच्छोलावेतं वा पधोवावेतं वा सातिज्जति ॥
८६. जे निग्गंथे निग्गंथीए कायंसि वणं अण्णउत्थिण्ण वा गारत्थिण्ण वा फुमावेज्ज वा रयावेज्ज वा, फुमावेतं वा रयावेतं वा सातिज्जति ॥

गंडादि-परिकम्म-पदं

८७. जे निग्गंथे निग्गंथीए कायंसि गंडं वा पिडयं वा अरइयं वा असियं वा भगंदलं वा अण्णउत्थिण्ण वा गारत्थिण्ण वा अण्णयरेणं तिक्खेणं सत्थजाएणं अच्चिद्धावेज्ज वा विच्चिद्धावेज्ज वा, अच्चिद्धावेतं वा विच्चिद्धावेतं वा सातिज्जति ॥
८८. जे निग्गंथे निग्गंथीए कायंसि गंडं वा पिडयं वा अरइयं वा असियं वा भगंदलं वा अण्णउत्थिण्ण वा गारत्थिण्ण वा अण्णयरेणं तिक्खेणं सत्थजाएणं अच्चिद्धावेत्ता वा विच्चिद्धावेत्ता वा पूयं वा सोणियं वा णीहरावेज्ज वा विसोहावेज्ज वा, णीहरावेतं वा विसोहावेतं वा सातिज्जति ॥
८९. जे निग्गंथे निग्गंथीए कायंसि गंडं वा पिडयं वा अरइयं वा असियं वा भगंदलं वा अण्णउत्थिण्ण वा गारत्थिण्ण वा अण्णयरेणं तिक्खेणं सत्थजाएणं अच्चिद्धावेत्ता वा विच्चिद्धावेत्ता वा पूयं वा सोणियं वा णीहरावेत्ता वा विसोहावेत्ता वा सीओदग-वियडेण वा उसिणोदग-वियडेण वा उच्छोलावेज्ज वा पधोवावेज्ज वा, उच्छोलावेतं वा पधोवावेतं वा सातिज्जति ॥
९०. जे निग्गंथे निग्गंथीए कायंसि गंडं वा पिडयं वा अरइयं वा असियं वा भगंदलं वा अण्णउत्थिण्ण वा गारत्थिण्ण वा अण्णयरेणं तिक्खेणं सत्थजाएणं अच्चिद्धावेत्ता वा विच्चिद्धावेत्ता वा पूयं वा सोणियं वा णीहरावेत्ता वा विसोहावेत्ता वा सीओदग-वियडेण वा उसिणोदग-वियडेण वा उच्छोलावेत्ता वा पधोवावेत्ता वा अण्णयरेणं आलेवणजाएणं आलिपावेज्ज वा विलिपावेज्ज वा, आलिपावेतं वा विलिपावेतं वा सातिज्जति ॥
९१. जे निग्गंथे निग्गंथीए कायंसि गंडं वा पिडयं वा अरइयं वा असियं वा भगंदलं वा अण्णउत्थिण्ण वा गारत्थिण्ण वा अण्णयरेणं तिक्खेणं सत्थजाएणं अच्चिद्धावेत्ता वा विच्चिद्धावेत्ता वा पूयं वा सोणियं वा णीहरावेत्ता वा विसोहावेत्ता वा सीओदग-वियडेण वा उसिणोदग-वियडेण वा उच्छोलावेत्ता वा पधोवावेत्ता वा अण्णयरेणं आलेवणजाएणं आलिपावेत्ता वा विलिपावेत्ता वा तेल्लेण वा घएण वा वसाए वा णवणीएण वा अब्भंगावेज्ज वा मक्खावेज्ज वा, अब्भंगावेतं वा मक्खावेतं वा सातिज्जति ॥

६२. जे निग्गंथे निग्गंथीए कायंसि गंडं वा पिडयं वा अरइयं वा असियं वा भग्गंदलं वा अण्णउत्थिएण वा गारत्थिएण वा अण्णयरेणं तिक्खेणं सत्थजाएणं अचिच्छदावेत्ता वा विच्छिदावेत्ता वा पूयं वा सोणियं वा णीहरावेत्ता वा विसोहावेत्ता वा सीओदग्-विथडेण वा उसिणीदग्-विथडेण वा उच्छोलावेत्ता वा पधोवावेत्ता वा अण्णयरेणं आलेवणजाएणं आलिपावेत्ता वा विलिपावेत्ता वा तेल्लेण वा घएण वा वसाए वा णवणीएण वा अब्भंगावेत्ता वा मक्खावेत्ता वा अण्णयरेणं आलेवणजाएणं धूवावेज्ज वा पधूवावेज्ज वा, धूवावेत्तं वा पधूवावेत्तं वा सातिज्जति ॥

किमि-पदं

६३. जे निग्गंथे निग्गंथीए पालुकिमियं वा कुच्छिकिमियं वा अण्णउत्थिएण वा गारत्थिएण वा अंगुलीए णिवेसाविय-णिवेसाविय णीहरावेत्ति, णीहरावेत्तं वा सातिज्जति ॥

णह-सिहा-पदं

६४. जे निग्गंथे निग्गंथीए दीहाओ णह-सिहाओ अण्णउत्थिएण वा गारत्थिएण वा कप्पावेज्ज वा संठवावेज्ज वा, कप्पावेत्तं वा संठवावेत्तं वा सातिज्जति ॥

दीह-रोम-पदं

६५. जे निग्गंथे निग्गंथीए दीहाइं जंघ-रोमाइं अण्णउत्थिएण वा गारत्थिएण वा कप्पावेज्ज वा संठवावेज्ज वा, कप्पावेत्तं वा संठवावेत्तं वा सातिज्जति ॥

६६. जे निग्गंथे निग्गंथीए दीहाइं वत्थि-रोमाइं अण्णउत्थिएण वा गारत्थिएण वा कप्पावेज्ज वा संठवावेज्ज वा, कप्पावेत्तं वा संठवावेत्तं वा सातिज्जति ॥

६७. जे निग्गंथे निग्गंथीए दीह-रोमाइं अण्णउत्थिएण वा गारत्थिएण वा कप्पावेज्ज वा संठवावेज्ज वा, कप्पावेत्तं वा संठवावेत्तं वा सातिज्जति ॥

६८. जे निग्गंथे निग्गंथीए दीहाइं कक्खाण-रोमाइं अण्णउत्थिएण वा गारत्थिएण वा कप्पावेज्ज वा संठवावेज्ज वा, कप्पावेत्तं वा संठवावेत्तं वा सातिज्जति ॥

६९. जे निग्गंथे निग्गंथीए दीहाइं मंमु-रोमाइं अण्णउत्थिएण वा गारत्थिएण वा कप्पावेज्ज वा संठवावेज्ज वा, कप्पावेत्तं वा संठवावेत्तं वा सातिज्जति ॥

दंत-पदं

१००. जे निग्गंथे निग्गंथीए दंते अण्णउत्थिएण वा गारत्थिएण वा आघंसावेज्ज वा पघंसावेज्ज वा, आघंसावेत्तं वा पघंसावेत्तं वा सातिज्जति ॥

१०१. जे निग्गंथे निग्गंथीए दंते अण्णउत्थिएण वा गारत्थिएण वा उच्छोलावेज्ज वा पधोवावेज्ज वा, उच्छोलावेत्तं वा पधोवावेत्तं वा सातिज्जति ॥

१०२. जे निग्गंथे निग्गंथीए दंते अण्णउत्थिएण वा गारत्थिएण वा फुमावेज्ज वा रयावेज्ज वा, फुमावेत्तं वा रयावेत्तं वा सातिज्जति ॥

ઉટ્ટ-પદં

૧૦૩. જે નિગ્મંથે નિગ્મંથીએ ઉટ્ઠે અણ્ણઉત્થિણ વા ગારત્થિણ વા આમજ્જાવેજ્જ વા પમજ્જાવેજ્જ વા, આમજ્જાવેતં વા પમજ્જાવેતં વા સાતિજ્જતિ ॥
૧૦૪. જે નિગ્મંથે નિગ્મંથીએ ઉટ્ઠે અણ્ણઉત્થિણ વા ગારત્થિણ વા સંવાહાવેજ્જ વા પલિમદ્દાવેજ્જ વા, સંવાહાવેતં વા પલિમદ્દાવેતં વા સાતિજ્જતિ ॥
૧૦૫. જે નિગ્મંથે નિગ્મંથીએ ઉટ્ઠે અણ્ણઉત્થિણ વા ગારત્થિણ વા તેલ્લેણ વા ઘણ વા વસાએ વા ણવણીણ વા અબ્ભંગાવેજ્જ વા મક્ખાવેજ્જ વા, અબ્ભંગાવેતં વા મક્ખાવેતં વા સાતિજ્જતિ ॥
૧૦૬. જે નિગ્મંથે નિગ્મંથીએ ઉટ્ઠે અણ્ણઉત્થિણ વા ગારત્થિણ વા લોદ્દેણ વા કક્કેણ વા ચુણ્ણેણ વા વણ્ણેણ વા ઉલ્લોલાવેજ્જ વા ઉવ્વટ્ટાવેજ્જ વા, ઉલ્લોલાવેતં વા ઉવ્વટ્ટાવેતં વા સાતિજ્જતિ ॥
૧૦૭. જે નિગ્મંથે નિગ્મંથીએ ઉટ્ઠે અણ્ણઉત્થિણ વા ગારત્થિણ વા સીઓદગ-વિયડેણ વા ઉસિણોદગ-વિયડેણ વા ઉચ્છોલાવેજ્જ વા પધોવાવેજ્જ વા, ઉચ્છોલાવેતં વા પધોવાવેતં વા સાતિજ્જતિ ॥
૧૦૮. જે નિગ્મંથે નિગ્મંથીએ ઉટ્ઠે અણ્ણઉત્થિણ વા ગારત્થિણ વા ફુમાવેજ્જ વા રયાવેજ્જ વા, ફુમાવેતં વા રયાવેતં વા સાતિજ્જતિ ॥

ઢીહ-રોમ-પદં

૧૦૯. જે નિગ્મંથે નિગ્મંથીએ ઢીહાઈ ઉત્તરોટ્ટ-રોમાઈ અણ્ણઉત્થિણ વા ગારત્થિણ વા કપ્પાવેજ્જ વા સંઠવાવેજ્જ વા, કપ્પાવેતં વા સંઠવાવેતં વા સાતિજ્જતિ ॥
૧૧૦. જે નિગ્મંથે નિગ્મંથીએ ઢીહાઈ ણાસા-રોમાઈ અણ્ણઉત્થિણ વા ગારત્થિણ વા, કપ્પાવેજ્જ વા સંઠવાવેજ્જ વા, કપ્પાવેતં વા સંઠવાવેતં વા સાતિજ્જતિ ॥

અચ્છિ-પત્ત-પદં

૧૧૧. જે નિગ્મંથે નિગ્મંથીએ ઢીહાઈ અચ્છિ-પત્તાઈ અણ્ણઉત્થિણ વા ગારત્થિણ વા કપ્પાવેજ્જ વા સંઠવાવેજ્જ વા, કપ્પાવેતં વા સંઠવાવેતં વા સાતિજ્જતિ ॥

અચ્છિ-પદં

૧૧૨. જે નિગ્મંથે નિગ્મંથીએ અચ્છીણિ અણ્ણઉત્થિણ વા ગારત્થિણ વા આમજ્જાવેજ્જ વા પમજ્જાવેજ્જ વા, આમજ્જાવેતં વા પમજ્જાવેતં વા સાતિજ્જતિ ॥
૧૧૩. જે નિગ્મંથે નિગ્મંથીએ અચ્છીણિ અણ્ણઉત્થિણ વા ગારત્થિણ વા સંવાહાવેજ્જ વા પલિમદ્દાવેજ્જ વા, સંવાહાવેતં વા પલિમદ્દાવેતં વા સાતિજ્જતિ ॥
૧૧૪. જે નિગ્મંથે નિગ્મંથીએ અચ્છીણિ અણ્ણઉત્થિણ વા ગારત્થિણ વા તેલ્લેણ વા ઘણ વા વસાએ વા ણવણીણ વા અબ્ભંગાવેજ્જ વા મક્ખાવેજ્જ વા, અબ્ભંગાવેતં વા મક્ખાવેતં વા સાતિજ્જતિ ॥

११५. जे निग्गंथे निग्गंथीए अच्छीणि अण्णउत्थिएण वा गारत्थिएण वा लोद्धेण वा, कक्केण वा चुण्णेण वा वण्णेण वा उल्लोलावेज्ज वा उव्वट्टावेज्ज वा, उल्लोलावेत्तं वा उव्वट्टावेत्तं वा सातिज्जति ॥
११६. जे निग्गंथे निग्गंथीए अच्छीणि अण्णउत्थिएण वा गारत्थिएण वा सीओदम-वियडेण वा उसिणोदम-वियडेण वा उच्छोलावेज्ज वा पधोवावेज्ज वा, उच्छोलावेत्तं वा पधोवावेत्तं वा सातिज्जति ॥
११७. जे निग्गंथे निग्गंथीए अच्छीणि अण्णउत्थिएण वा गारत्थिएण वा फुमावेज्ज वा रयावेज्ज वा, फुमावेत्तं वा रयावेत्तं वा सातिज्जति ॥

दीह-रोम-पदं

११८. जे निग्गंथे निग्गंथीए दीहाइं भमुग-रोमाइं अण्णउत्थिएण वा गारत्थिएण वा कप्पावेज्ज वा संठवावेज्ज वा, कप्पावेत्तं वा संठवावेत्तं वा सातिज्जति ॥
११९. जे निग्गंथे निग्गंथीए दीहाइं पास-रोमाइं अण्णउत्थिएण वा गारत्थिएण वा कप्पावेज्ज वा संठवावेज्ज वा, कप्पावेत्तं वा संठवावेत्तं वा सातिज्जति ॥

मल-णीहरण-पदं

१२०. जे निग्गंथे निग्गंथीए कायाओ सेयं वा जल्लं वा पंकं वा मलं अण्णउत्थिएण वा गारत्थिएण वा णीहरावेज्ज वा विसोहावेज्ज वा, णीहरावेत्तं वा विसोहावेत्तं वा सातिज्जति ॥
१२१. जे निग्गंथे निग्गंथीए अच्छिमलं वा कण्णमलं वा दंतमलं वा णहमलं वा अण्ण-उत्थिएण वा गारत्थिएण वा णीहरावेज्ज वा विसोहावेज्ज वा, णीहरावेत्तं वा विसोहावेत्तं वा सातिज्जति ॥

सीसदुवारिय-पदं

१२२. जे निग्गंथे निग्गंथीए गामाणुगामं वूइज्जमाणीए अण्णउत्थिएण वा गारत्थिएण वा सीसदुवारियं कारवेत्ति, कारवेत्तं वा सातिज्जति^० ॥

अंतेओवास-पदं

१२३. जे णिग्गंथे णिग्गंथस्स सरिसगस्स 'अंते ओवासे संते'^१ ओवासं ण देत्ति, ण देत्तं वा सातिज्जति ॥
१२४. जे णिग्गंथी णिग्गंथीए सरिसियाए^१ *अंते ओवासे संते ओवासं ण देत्ति, ण देत्तं वा^० सातिज्जति ॥

१. संते ओवासे अंते (अ, क, ख, ग) ।

२. सं० पा०—सरिसियाए जाव साति ।

मालोहड-पदं

१२५. जे भिक्खू मालोहडं^१ असणं वा पाणं वा खाइमं वा साइमं वा देज्जमाणं पडिग्गाहेति, पडिग्गाहेतं वा सातिज्जति ॥

१२६. जे^२ भिक्खू कोट्टियाउत्तं^३ असणं वा पाणं वा खाइमं वा साइमं वा उक्कुज्जिय अवकुज्जिय^४ ओहरियं^५ देज्जमाणं पडिग्गाहेति, पडिग्गाहेतं वा सातिज्जति ॥

मट्टियाओलित्त-पदं

१२७. जे भिक्खू मट्टियाओलित्तं असणं वा पाणं वा खाइमं वा साइमं वा उब्भियं^६ देज्जमाणं पडिग्गाहेति पडिग्गाहेतं वा सातिज्जति ॥

पुढविआदिपतिट्टिय-पदं

१२८. जे भिक्खू असणं वा पाणं वा खाइमं वा साइमं वा^७ पुढविपतिट्टियं पडिग्गाहेति, पडिग्गाहेतं वा सातिज्जति ॥

१२९. *जे भिक्खू असणं वा पाणं वा खाइमं वा साइमं वा आउपतिट्टियं पडिग्गाहेति, पडिग्गाहेतं वा सातिज्जति ॥

१३०. जे भिक्खू असणं वा पाणं वा खाइमं वा साइमं वा तेउपतिट्टियं पडिग्गाहेति, पडिग्गाहेतं वा सातिज्जति ॥

१३१. जे भिक्खू असणं वा पाणं वा खाइमं वा साइमं वा वणप्फत्तिकायपतिट्टियं पडिग्गाहेति, पडिग्गाहेतं वा सातिज्जति^८ ॥

अच्चुसिण-पदं

१३२. जे भिक्खू अच्चुसिणं असणं वा पाणं वा खाइमं वा साइमं वा 'सुप्पेण वा'^९ विहुवणेण^{१०} वा तालियंटेण वा 'पत्तेण वा'^{११} साहाए वा साहाभंणेण वा पिहुणेण वा

१. मालोहडं जाव (अ, क, ख, ग); भाष्ये चूर्णी च 'जाव' पदस्य किञ्चिदपि व्याख्यानं नैवलभ्यते । द्रष्टव्यं आचारचूलायाः प्रथमाध्ययनस्य ८७ सूत्रम् ।

२. 'अ, ग' प्रत्योः एतत्सूत्रं नैवलभ्यते ।

३. कोट्टाउत्तं (क); कोट्टाजुत्तं (ख); आचारचूलायां (१।८६) 'कोट्टियाओ वा कोलज्जाओ वा' इति पाठो लभ्यते । प्रस्तुतसूत्रस्य भाष्ये (५६५४) 'कोट्टियमादीएसु' इति पदं लभ्यते । चूर्णी च 'कलिज्जो णाम वंसमयो कडवल्लो मट्टीवि भण्णति' इति व्याख्यातमस्ति । किन्तु आदर्शेषु एतत्पदं नैवलभ्यते ।

४. निकुज्जिय (क, ख) ।

५. × (क, ख); आचारचूलायां (१।८६) 'उक्कुज्जिय अवउज्जिय ओहरिय' एतानि त्रीणि पदानि लभ्यते ।

६. उब्भिय गिब्भिय (ग) ।

७. वा अण्णतरं (अ, क, ख, ग) ।

८. सं० पा०—एवं आउ तेउपतिट्टियं वणप्फत्तिकायपतिट्टियं ।

९. मुहेण वा (क); मुखेण वा (ख) ।

१०. धुणेण (क); धुवणेण (ख, ग) ।

११. पत्तेण वा पत्तभंणेण वा (क) ।

पिहणहत्थेण वा चेलेण वा चेलकण्णेण वा हत्थेण वा मुहेण वा फुमित्ता वीइत्ता आहट्टु देज्जमाणं पडिग्गाहेत्ति, पडिग्गाहेत्तं वा सातिज्जति ॥'

अपरिणयपाणय-पदं

१३३. जे भिक्खू 'उस्सेइमं वा संसेइमं' वा चाउलोदगं वा 'वारोदगं वा तिलोदगं वा 'तुसोदगं वा' जवोदगं वा आयामं वा सोवीरं वा अंबकंजियं वा सुद्धवियडं वा' अहुणाधोयं अणंनिलं 'अवककंतं अपरिणयं' अविद्धत्थं पडिग्गाहेत्ति, पडिग्गाहेत्तं वा सातिज्जति ॥

अत्तसलाहा-पदं

१३४. जे भिक्खू अप्पणो आयरियत्ताए लक्खणाइं वागरेत्ति, वागरेत्तं वा सातिज्जति ॥

गानादि-पदं

१३५. जे भिक्खू गाएज्ज वा 'हसेज्ज वा' वाएज्ज वा 'णच्चेज्ज वा' अभिणएज्ज वा 'हयहेसियं वा हत्थिगुलगुलाइयं वा उक्कुट्टुसीहणायं' वा करेत्ति, करेत्तं वा

१. अतः परं 'क, ख, ग' प्रतिषु एकं अतिरिक्तं सूत्रमस्ति—जे भिक्खू असणं वा ४ उप्पिणुसिणं पडिग्गाहेत्ति पडिग्गाहेत्तं वा सातिज्जति । 'अ' प्रती केवलं एतदेव विद्यते, 'अच्छुसिण' सूत्रं तत्र नास्ति । सम्भाव्यते 'क, ख, ग' प्रतिषु द्वयोर्वचिनयोः सम्मिश्रणं जातम् । भाष्ये चूर्णौ च एतद् अतिरिक्तसूत्रं नास्ति व्याख्यातम् । आचारचूलायामपि नैतद् लभ्यते । द्रष्टव्यं आचारचूला १।६६ सूत्रम् ।

२. उस्सेयणं वा संसेयणं (अ, ग); उस्सेयमं वा संसेयमं (क) ।

३. चाउलोदगं (अ, ग) ।

४. भुसोदगं वा (अ); उसोदगं वा भुसोदगं वा (ख) ।

५. अंबकंजियं (क, ख) ।

६. चूर्णौ चिन्हाङ्कृतपाठस्य पदानि नैव व्याख्यातानि सन्ति, केवलं 'वालघोवणं' वाचनान्तररूपेण निर्दिष्टमस्ति—जत्थ 'वालघोवणं' ति आलावगी—चमरिवाला घोव्वंति तक्कादीहि पच्छा ते चमरा सुद्धोदगेण घोव्वंति । तत्थ वि पढमबित्थियततिया गीसा, जं च पच्छिमं तं सच्चित्तं, तत्थ सुत्तनिवातो । अहवा वालघोवणं

सुरा गालिज्जति जाए कंबलीए सा पच्छा उदएण घोवइ, तत्थ वि पढमात्ति धोवणा मीसा, पच्छिमा सच्चित्ता, तम्मि सुत्तणिवातो । अहवा—वालघोवणं रलयोरेकत्वात् वारागागदुगो, सो तक्कवियडादिभाविता घोव्वइ ।

७. अपरिणतं अवककंतजीवं (अ, ग); अपरिणतं अवककंतं (क, ख); चूर्णौ पूर्वं 'अवककंतं' ततश्च 'अपरिणयं' व्याख्यातमस्ति । आचारचूलायां (१।६६) 'अव्वोक्कंतं अपरिणतं' इति पाठो लभ्यते ।

८. × (अ, क, ख, ग) ।

९. × (क, ख, ग) ।

१०. अभिणवेज्ज (अ, क, ख) ।

११. उक्कुट्टुं सीहणायं (क); उक्किट्टुसीहणायं (ख); चिन्हाङ्कृतपाठस्य स्थाने चूर्णौ एवं व्याख्यातमस्ति—पुक्कारकरणं उक्किट्टुसंघयणसत्तिसंपन्नो रुद्धो तुट्टो वा भूमी अप्फालेत्ता सीहस्सेवणायं करेत्ति, हयस्स सरिसं णायं करेइ हयहेसियं । वाणरस्स सरिसं किलि-किलित्तं करेत्ति, अण्णं वा गयगज्जिआदि-जीवरुत्तं करेत्तस्स चउलहुं आणादिया य दोसा ।

सातिज्जति ॥

विततसद्-कण्णसोयपडिया-पदं

१३६. जे भिक्खू भेरिसद्दाणि वा पडहसद्दाणि वा भुरवसद्दाणि वा मुङ्गसद्दाणि वा णंदिसद्दाणि^१ वा भल्लरिसद्दाणि वा^२ डमरुयसद्दाणि वा मड्डयसद्दाणि^३ वा सदुय-सद्दाणि^४ वा पएससद्दाणि वा गोलुक्सिद्दाणि वा अण्णयराणि वा तहप्पगाराणि वितताणि सद्दाणि कण्णसोयपडियाए अभिसंधारेति, अभिसंधारेंतं वा सातिज्जति ॥

ततसद्-कण्णसोयपडिया-पदं

१३७. जे भिक्खू वीणासद्दाणि वा विपंचिसद्दाणि वा तुणसद्दाणि वा बद्धीसगसद्दाणि वा पणवसद्दाणि वा तुंबवीणासद्दाणि वा भोडयसद्दाणि वा ढंकुणसद्दाणि वा अण्णयराणि वा तहप्पगाराणि तताणि सद्दाणि कण्णसोयपडियाए अभिसंधारेति, अभिसंधारेंतं वा सातिज्जति ॥

घणसद्-कण्णसोयपडिया-पदं

१३८. जे भिक्खू तालसद्दाणि वा कंसतालसद्दाणि वा लत्तियसद्दाणि वा गोहियसद्दाणि वा मकरियसद्दाणि वा कच्छभिसद्दाणि वा महत्तिसद्दाणि वा सणालियासद्दाणि वा वालियासद्दाणि वा अण्णयराणि वा तहप्पगाराणि घणाणि सद्दाणि कण्णसोयपडियाए अभिसंधारेति, अभिसंधारेंतं वा सातिज्जति ॥

भुसिरसद्-कण्णसोय-पडिया-पदं

१३९. जे भिक्खू संखसद्दाणि वा वंससद्दाणि वा वेणुसद्दाणि वा खरमुहिसद्दाणि वा परि-परिसद्दाणि वा वेवासद्दाणि वा अण्णयराणि तहप्पगाराणि भुसिराणि सद्दाणि कण्णसोयपडियाए अभिसंधारेति, अभिसंधारेंतं वा सातिज्जति ॥

विदिहसद्-कण्णसोयपडिया-पदं

१४०. *जे भिक्खू वप्पाणि वा फलिहाणि वा उप्पलाणि वा पल्ललाणि वा उज्झराणि वा णिज्झराणि वा वावीणि वा पोक्खराणि वा दीहियाणि वा गुंजालियाणि वा सराणि वा सरपंतियाणि वा सरसरपंतियाणि वा कण्णसोयपडियाए अभिसंधारेति, अभिसंधारेंतं वा सातिज्जति ॥

१४१. जे भिक्खू कच्छाणि वा गहणाणि वा णूमाणि वा वणाणि वा वण-विदुग्गाणि वा पव्वयाणि वा पव्वय-विदुग्गाणि वा कण्णसोयपडियाए अभिसंधारेति, अभिसंधारेंतं वा सातिज्जति ॥

१. नंदिसल्लवसद्दाणि (ख, ग) ।

२. वावल्लरिसद्दाणि वा (अ) ।

३. मड्डयसद्दाणि (ख) ।

४. सा धुत्त (अ, क, ख); स धुत्तु (ग) ।

१. सं० प३०—जे वप्पाणि वा फलिहाणि वा जाव इहलोइएसु वा सद्देसु जाव अज्जोववज्ज-माणं साति ।

१४२. जे भिक्खू गामाणि वा णगराणि वा खेडाणि वा कब्बडाणि वा मडंवाणि वा दोणमुहाणि वा पट्टणाणि वा आगराणि वा संवाहाणि वा सण्णिवेसाणि वा कण्णसोयपडियाए अभिसंधारेति, अभिसंधारेंतं वा सातिज्जति ॥
१४३. जे भिक्खू गाममहाणि वा णगरमहाणि वा खेडमहाणि वा कब्बडमहाणि वा मडंबमहाणि वा दोणमुहमहाणि वा पट्टणमहाणि वा आगरमहाणि वा संवाहमहाणि वा सण्णिवेसमहाणि वा कण्णसोयपडियाए अभिसंधारेति, अभिसंधारेंतं वा सातिज्जति ॥
१४४. जे भिक्खू गामवहाणि वा णगरवहाणि वा खेडवहाणि वा कब्बडवहाणि वा मडंबवहाणि वा दोणमुहवहाणि वा, पट्टणवहाणि वा आगरवहाणि वा संवाहवहाणि वा सण्णिवेसवहाणि वा कण्णसोयपडियाए अभिसंधारेति, अभिसंधारेंतं वा सातिज्जति ॥
१४५. जे भिक्खू गामपहाणि वा णगरपहाणि वा खेडपहाणि वा कब्बडपहाणि वा मडंबपहाणि वा दोणमुहपहाणि वा पट्टणपहाणि वा आगरपहाणि वा संवाहपहाणि वा सण्णिवेसपहाणि वा कण्णसोयपडियाए अभिसंधारेति, अभिसंधारेंतं वा सातिज्जति ॥
१४६. जे भिक्खू आसकरणाणि वा हत्थिकरणाणि वा उट्टकरणाणि वा गोणकरणाणि वा महिसकरणाणि वा सूकरकरणाणि वा कण्णसोयपडियाए अभिसंधारेति, अभिसंधारेंतं वा सातिज्जति ॥
१४७. जे भिक्खू आसजुद्धाणि वा हत्थिजुद्धाणि वा उट्टजुद्धाणि वा गोणजुद्धाणि वा महिसजुद्धाणि वा सूकरजुद्धाणि वा कण्णसोयपडियाए अभिसंधारेति, अभिसंधारेंतं वा सातिज्जति ॥
१४८. जे भिक्खू उज्जूहियाठाणाणि वा ह्यजूहियाठाणाणि वा गयजूहियाठाणाणि वा कण्णसोयपडियाए अभिसंधारेति, अभिसंधारेंतं वा सातिज्जति ॥
१४९. जे भिक्खू अभिसेयट्टाणाणि वा अक्खाइयट्टाणाणि वा माणुम्माणियट्टाणाणि वा मह्याहय-णट्ट-गीय-वादिय-तंती-तल-ताल-तुडिय-पडुप्पवाइयट्टाणाणि वा कण्णसोयपडियाए अभिसंधारेति, अभिसंधारेंतं वा सातिज्जति ॥
१५०. जे भिक्खू डिंवाणि वा डमराणि वा खाराणि वा वेराणि वा महाजुद्धाणि वा महासंगाणाणि वा कलहाणि वा बोलाणि वा कण्णसोयपडियाए अभिसंधारेति, अभिसंधारेंतं वा सातिज्जति ॥
१५१. जे भिक्खू विरूवरूवेसु महुस्सवेसु इत्थीणि वा पुरिसाणि वा थेराणि वा मज्झिमाणि वा डहराणि वा—अणलंकियाणि वा सुअलंकियाणि वा गायंताणि वा वायंताणि वा णच्चंताणि वा हसंताणि वा रमंताणि वा मोहंताणि वा, विउलं असणं वा पाणं वा खाइमं वा साइमं वा परिभाएंताणि वा परिभुंजंताणि वा कण्णसोयपडियाए

अभिसंधारेति, अभिसंधारैतं वा सातिज्जति ॥

सहासत्ति-पदं

१५२. जे भिक्खू इहलोइएसु वा सद्देसु परलोइएसु वा सद्देसु दिट्ठेसु वा सद्देसु अदिट्ठेसु वा सद्देसु सुएसु वा सद्देसु असुएसु वा सद्देसु विण्णाएसु वा सद्देसु अविण्णाएसु वा सद्देसु सज्जति रज्जति गिज्जति अज्जोववज्जति, सज्जमाणं वा रज्जमाणं वा गिज्जमाणं वा अज्जोववज्जमाणं वा° सातिज्जति—
तं सेवमाणे आवज्जइ चाउम्मासियं परिहारट्ठाणं उग्धातियं ॥

१. वत्पाद्यालापकत्रिषये चूर्णिकृता चतुर्दशसूत्राणा-
मुल्लेखः कृतः—एते चोद्दसमुत्ता जहा बारसमे
उद्देसगे भणिता तहा इह पि सत्तरसमे उद्देसगे

भाणियन्वा । अस्माकं त्रयोदशसूत्राणि भवन्ति ।
एतद् विरोधनिरासार्थं द्रष्टव्यं १२।१७ सूत्रस्य
पाद टिप्पणम् ।

अट्टारसभो उद्देसो

णावाविहार-पदं

१. जे भिक्खू अणट्टाए णावं दुरुहति, दुरुहंतं वा सातिज्जति ॥
२. जे भिक्खू णावं किणति, किणावेति, कीयमाहट्टु देज्जमाणं दुरुहति, दुरुहंतं वा सातिज्जति ॥
३. *जे भिक्खू णावं पामिच्चति, पामिच्चावेति पामिच्चमाहट्टु देज्जमाणं दुरुहति, दुरुहंतं वा सातिज्जति ॥
४. जे भिक्खू णावं परियट्टेति, परियट्टावेति, परियट्टमाहट्टु देज्जमाणं दुरुहति, दुरुहंतं वा सातिज्जति ॥
५. जे भिक्खू णावं अच्छेज्जं अणिसिट्ठं अभिहडमाहट्टु देज्जमाणं दुरुहति, दुरुहंतं वा सातिज्जति° ॥
६. जे भिक्खू यत्ताओ णावं जले ओकसावेति, ओकसावेतं वा सातिज्जति ॥
७. जे भिक्खू जलाओ णावं थले उक्कसावेति°, उक्कसावेतं वा सातिज्जति ॥
८. जे भिक्खू पुण्णं णावं उस्सिच्चति, उस्सिच्चंतं वा सातिज्जति ॥
९. जे भिक्खू सण्णं° णावं उप्पिलावेति°, उप्पिलावेतं वा सातिज्जति ॥
१०. जे भिक्खू पडिणावियं° कट्टु णावाए दुरुहति, दुरुहंतं वा सातिज्जति ॥
११. जे भिक्खू उद्धगामिणिं वा णावं अहोगामिणिं वा णावं दुरुहति, दुरुहंतं वा सातिज्जति ॥
१२. जे भिक्खू जोयणवेलागामिणिं वा अद्धजोयणवेलागामिणिं वा णावं दुरुहति, दुरुहंतं वा सातिज्जति ॥

१. सं० पा०—एवं जो चोद्दसमे उद्देसे पडिग्गह-
गमो णेयव्वो जाव अच्छेज्जं नवरं दुरुहइ २
भाणियव्वं ।

२. ओकसावेति (अ); उक्कसावेति (ख) ।

३. छण्णं (अ) ।

४. उप्पिणावेति (ख) ।

५. पडिगाहियं (ख) ।

१३. जे भिक्खू णावं आकसावेति, ओकसावेति, खेवावेति, रज्जुणा वा कड्ढति, कड्ढंतं वा सातिज्जति ॥
१४. जे भिक्खू णावं अलित्तएण वा फिहएण^१ वा वंसेण वा वलेण^२ वा वाहेति, वाहेतं वा सातिज्जति ॥
१५. जे भिक्खू 'णावाओ उदगं'^३ भायणेण वा पडिग्गहेण^४ वा मत्तेण वा णावाउस्सिचणेण^५ वा उस्सिचति, उस्सिचंतं वा सातिज्जति ॥
१६. जे भिक्खू णावं उत्तिगेण उदगं आसमणि उवरुवरि कज्जलमाणि पेहाय^६ हत्थेण वा पाएण वा आसत्थपत्तेण^७ वा 'कुसपत्तेण वा'^८ मट्टियाए वा चैलकण्णेण वा पडिपिहेति, पडिपिहेतं वा सातिज्जति ॥
१७. जे भिक्खू णावागओ^९ णावागयस्स असणं वा पाणं वा खाइमं वा साइमं वा पडिग्गाहेति, पडिग्गाहेतं वा सातिज्जति ॥
१८. *जे भिक्खू णावागओ जलगयस्स असणं वा पाणं वा खाइमं वा साइमं वा पडिग्गाहेति, पडिग्गाहेतं वा सातिज्जति ॥
१९. जे भिक्खू णावागओ पंकगयस्स असणं वा पाणं वा खाइमं वा साइमं वा पडिग्गाहेति, पडिग्गाहेतं वा सातिज्जति ॥
२०. जे भिक्खू णावागओ थलगयस्स असणं वा पाणं वा खाइमं वा साइमं वा पडिग्गाहेति, पडिग्गाहेतं वा सातिज्जति ॥
२१. जे भिक्खू जलगओ णावागयस्स असणं वा पाणं वा खाइमं वा साइमं वा पडिग्गाहेति, पडिग्गाहेतं वा सातिज्जति ॥
२२. जे भिक्खू जलगओ जलगयस्स असणं वा पाणं वा खाइमं वा साइमं वा पडिग्गाहेति, पडिग्गाहेतं वा सातिज्जति ॥
२३. जे भिक्खू जलगओ पंकगयस्स असणं वा पाणं वा खाइमं वा साइमं वा पडिग्गाहेति, पडिग्गाहेतं वा सातिज्जति ॥
२४. जे भिक्खू जलगओ थलगयस्स असणं वा पाणं वा खाइमं वा साइमं वा पडिग्गाहेति, पडिग्गाहेतं वा सातिज्जति ॥

१. एतत्सूत्रं 'अ' प्रती नैव लभ्यते ।

८. असत्थ (क, ख, ग) ।

२. पफिडएण (ख, ग); पहिडएण (अ) ।

९. × (अ) ।

३. जेण वामं दक्खिणं वा वालिज्जति सो चलगो रण्णं पि भण्णति (चू) ।

१०. णावाओ (अ) ।

४. णावाउदगं (क, ख, ग) ।

११. सं० पा०—एतेण गमेण णावागओ जलगयस्स णावागओ पंकगयस्स णावागओ थलगयस्स एवं जलगएण वि चत्तारि पंकगए वि चत्तारि थलगए भाणेष्वो ।

५. पडिग्गहणेण (शु) ।

६. उस्सिचएण (अ, क, ख) ।

७. पलाय (अ, ग); पेलाय (क) ।

२५. जे भिक्खू पंकगओ णावागयस्स असणं वा पाणं वा खाइमं वा साइमं वा पडिग्गाहेति, पडिग्गाहेतं वा सातिज्जति ॥
२६. जे भिक्खू पंकगओ जलगयस्स असणं वा पाणं वा खाइमं वा साइमं वा पडिग्गाहेति, पडिग्गाहेतं वा सातिज्जति ॥
२७. जे भिक्खू पंकगओ पंकगयस्स असणं वा पाणं वा खाइमं वा साइमं वा पडिग्गाहेति, पडिग्गाहेतं वा सातिज्जति ॥
२८. जे भिक्खू पंकगओ थलगयस्स असणं वा पाणं वा खाइमं वा साइमं वा पडिग्गाहेति, पडिग्गाहेतं वा सातिज्जति ॥
२९. जे भिक्खू थलगओ णावागयस्स असणं वा पाणं वा खाइमं वा साइमं वा पडिग्गाहेति, पडिग्गाहेतं वा सातिज्जति ॥
३०. जे भिक्खू थलगओ जलगयस्स असणं वा पाणं वा खाइमं वा साइमं वा पडिग्गाहेति, पडिग्गाहेतं वा सातिज्जति ॥
३१. जे भिक्खू थलगओ पंकगयस्स असणं वा पाणं वा खाइमं वा साइमं वा पडिग्गाहेति, पडिग्गाहेतं वा सातिज्जति ॥
३२. जे भिक्खू थलगओ थलगयस्स असणं वा पाणं वा खाइमं वा साइमं वा पडिग्गाहेति, पडिग्गाहेतं वा सातिज्जति^० ॥

वत्थ-पदं

३३. जे^१ भिक्खू वत्थं किणति, किणावेति, कीयमाहट्टु देज्जमाणं पडिग्गाहेति, पडिग्गाहेतं वा सातिज्जति ॥
३४. *जे भिक्खू वत्थं पामिच्चेति, पामिच्चावेति, पामिच्चाहट्टु दिज्जमाणं पडिग्गाहेति, पडिग्गाहेतं वा सातिज्जति ॥
३५. जे भिक्खू वत्थं परियट्ठेति, परियट्ठावेति, परियट्ठियमाहट्टु दिज्जमाणं पडिग्गाहेति,

१. ३३-७३ एतेषां सुत्राणां स्थाने भाष्यकृता चतुर्दशकोद्देशकस्य समर्पणं कृतमस्ति—
चोद्देशमे उद्देशे, पातम्मि उ जो गमो समक्खाओ ।
सो चेव निरवसेसो, वत्थम्मि वि होति अद्वारे ॥
६०२७ ॥

किन्तु चूणिकारेण 'सुत्ताणि पणुवीसं उच्चारे-
यव्वाणि जाव समत्तो उद्देशगो' । चतुर्दशोद्देशके
एकचत्वारिंशत् सूत्राणि विद्यन्ते, अत्र चूणिकारेण
पञ्चविंशति सूत्राणामुल्लेखः केन कारणेण
कृतः इति न सम्यग् अवगम्यते ।

२. सं० पा०—एवं चोद्देशमे उद्देशे पडिग्गहे जो
गमो भणिओ सो चेव इहं वत्थेण णेयव्वो जाव
वासाए वसति वसं साइ णवरं तोरणं णत्थि ।
आदर्शेषु 'णवरं तोरणं णत्थि' इति उल्लेखो
विद्यते । चतुर्दशोद्देशके 'तोरण' इति पदं नैव
लभ्यते । सम्भवतः 'निकोरेति' इति पदस्यैव
सूचकपदमस्ति 'तोरण' । भाष्यकारेण 'सो चेव
निरवसेसो' इत्युल्लिखितमस्ति, किन्तु वत्थे
'निकोरणस्य—मुख्यापनयनस्य' प्रसङ्गः कथं
आपद्येत, इति चिन्तनीयमस्ति ।

- पडिग्गाहेतं वा सातिज्जति ॥
३६. जे भिक्खू वत्थं अच्छेज्जं अणिसट्ठं अभिहडमाहट्टु दिज्जमाणं पडिग्गाहेति, पडिग्गाहेतं वा सातिज्जति ॥
३७. जे भिक्खू अइरेगं वत्थं गणिं उद्दिसिय गणिं समुद्दिसिय तं गणिं अणापुच्छिय अणामंतिय अण्णमण्णस्स वियरति, वियरंतं वा सातिज्जति ॥
३८. जे भिक्खू अइरेगं वत्थं खुड्डुगस्स वा खुड्डियाए वा थेरगस्स वा थेरियाए वा— अहत्थच्छिण्णस्स अपायच्छिण्णस्स अकण्णच्छिण्णस्स अणासच्छिण्णस्स अणोट्टच्छिण्णस्स सक्कस्स—देति, देतं वा सातिज्जति ॥
३९. जे भिक्खू अइरेगं वत्थं खुड्डुगस्स वा खुड्डियाए वा थेरगस्स वा थेरियाए वा— हत्थच्छिण्णस्स पायच्छिण्णस्स कण्णच्छिण्णस्स णासच्छिण्णस्स ओट्टच्छिण्णस्स असक्कस्स—न देति, न देतं वा सातिज्जति ॥
४०. जे भिक्खू वत्थं अणलं अथिरं अधुवं अधारणिज्जं धरेति, धरंतं वा सातिज्जति ॥
४१. जे भिक्खू वत्थं अलं थिरं धुवं धारणिज्जं न धरेति, न धरंतं वा सातिज्जति ॥
४२. जे भिक्खू वण्णमंतं वत्थं विवण्णं करेति, करंतं वा सातिज्जति ॥
४३. जे भिक्खू विवण्णं वत्थं वण्णमंतं करेति, करंतं वा सातिज्जति ॥
४४. जे भिक्खू 'णो णवए मे वत्थे लद्धे' त्ति कट्टु सीओदग-वियडेण वा उसिणोदग-वियडेण वा उच्छोल्लेज्ज वा पधोवेज्ज वा, उच्छोल्लेतं वा पधोवेंतं वा सातिज्जति ॥
४५. जे भिक्खू 'णो णवए मे वत्थे लद्धे' त्ति कट्टु बहुदेवसिएण सीओदग-वियडेण वा उसिणोदग-वियडेण वा उच्छोल्लेज्ज वा पधोवेज्ज वा, उच्छोल्लेतं वा पधोवेंतं वा सातिज्जति ॥
४६. जे भिक्खू 'णो णवए मे वत्थे लद्धे' त्ति कट्टु कक्केण वा लोद्धेण वा चुण्णेण वा वण्णेण वा आघंसेज्ज वा पघंसेज्ज वा, आघंसंतं वा पघंसंतं वा सातिज्जति ॥
४७. जे भिक्खू 'णो णवए मे वत्थे लद्धे' त्ति कट्टु बहुदेवसिएण कक्केण वा लोद्धेण वा चुण्णेण वा वण्णेण वा आघंसेज्ज वा पघंसेज्ज वा, आघंसंतं वा पघंसंतं वा सातिज्जति ॥
४८. जे भिक्खू 'दुब्धिगंधे मे वत्थे लद्धे' त्ति कट्टु सीओदग-वियडेण वा उसिणोदग-वियडेण वा उच्छोल्लेज्ज वा पधोवेज्ज वा, उच्छोल्लेतं वा पधोवेंतं वा सातिज्जति ॥
४९. जे भिक्खू 'दुब्धिगंधे मे वत्थे लद्धे' त्ति कट्टु बहुदेवसिएण सीओदग-वियडेण वा उसिणोदग-वियडेण वा उच्छोल्लेज्ज वा पधोवेज्ज वा, उच्छोल्लेतं वा पधोवेंतं वा सातिज्जति ॥
५०. जे भिक्खू 'दुब्धिगंधे मे वत्थे लद्धे' त्ति कट्टु कक्केण वा लोद्धेण वा चुण्णेण वा वण्णेण वा आघंसेज्ज वा पघंसेज्ज वा, आघंसंतं वा पघंसंतं वा सातिज्जति ॥

५१. जे भिक्खू 'दुब्बिगंधे मे वत्थे लद्धे' त्ति कट्टु बहुदेसिएण कक्केण वा लोद्धेण वा चुण्णेण वा वण्णेण वा आघंसेज्ज वा पघंसेज्ज वा, आघंसंतं वा पघंसंतं वा सातिज्जति ॥
५२. जे भिक्खू अणंनरहियाए पुढवीए वत्थं आयावेज्ज वा पयावेज्ज वा, आयावेतं वा पयावेतं वा सातिज्जति ॥
५३. जे भिक्खू ससिणिद्धाए पुढवीए वत्थं आयावेज्ज वा पयावेज्ज वा, आयावेतं वा पयावेतं वा सातिज्जति ॥
५४. जे भिक्खू ससरक्खाए पुढवीए वत्थं आयावेज्ज वा पयावेज्ज वा, आयावेतं वा पयावेतं वा सातिज्जति ॥
५५. जे भिक्खू मट्टियाकडाए पुढवीए वत्थं आयावेज्ज वा पयावेज्ज वा, आयावेतं वा पयावेतं वा सातिज्जति ॥
५६. जे भिक्खू चित्तमंताए पुढवीए वत्थं आयावेज्ज वा पयावेज्ज वा, आयावेतं वा पयावेतं वा सातिज्जति ॥
५७. जे भिक्खू चित्तमंताए सिलाए वत्थं आयावेज्ज वा पयावेज्ज वा, आयावेतं वा पयावेतं वा सातिज्जति ॥
५८. जे भिक्खू चित्तमंताए लेलूए वत्थं आयावेज्ज वा पयावेज्ज वा, आयावेतं वा पयावेतं वा सातिज्जति ॥
५९. जे भिक्खू कोलावासंसि वा दासए जीवपइट्टिए सअंडे सपार्णे सबीए सहुरिए सओस्से सउदए सर्त्तिग-पणग-दग-मट्टिय-मक्कडा- संताणगंसि वत्थं आयावेज्ज वा पयावेज्ज वा, आयावेतं वा पयावेतं वा सातिज्जति ॥
६०. जे भिक्खू थूणंसि वा गिहेल्लुयंसि वा उसुकालंसि वा कामजलंसि वा अण्णयरंसि वा तहप्पगारंसि अंतरिक्खजायंसि दुब्बद्धे दुण्णिक्खित्ते अणिकंपे चलाचले वत्थं आयावेज्ज वा पयावेज्ज वा, आयावेतं वा पयावेतं वा सातिज्जति ॥
६१. जे भिक्खू कुलियंसि वा भित्तिसि वा सिलंसि वा लेलुंसि वा अण्णयरंसि वा तहप्पगारंसि अंतरिक्खजायंसि दुब्बद्धे दुण्णिक्खित्ते अणिकंपे चलाचले वत्थं आयावेज्ज वा पयावेज्ज वा, आयावेतं वा पयावेतं वा सातिज्जति ॥
६२. जे भिक्खू खंघंसि वा फलिहंसि वा मंचंसि वा मंडबंसि वा मालंसि वा पासायंसि वा हम्मतलंसि वा अण्णयरंसि वा तहप्पगारंसि अंतरिक्खजायंसि दुब्बद्धे दुण्णिक्खित्ते अणिकंपे चलाचले वत्थं आयावेज्ज वा पयावेज्ज वा, आयावेतं वा पयावेतं वा सातिज्जति ॥
६३. जे भिक्खू वत्थाओ पुढवीकायं णीहरति, णीहरावेति, णीहरियं आहट्टु देज्जमाणं पडिग्गाहेति, पडिग्गाहेतं वा सातिज्जति ॥

६४. जे भिक्खू वत्थाओ आउकायं णीहरति, णीहरावेति, णीहरियं आहट्टु देज्जमाणं पडिग्गाहेति, पडिग्गाहेतं वा सातिज्जति ॥
६५. जे भिक्खू वत्थाओ तेउक्कायं णीहरति, णीहरावेति, णीहरियं आहट्टु देज्जमाणं पडिग्गाहेति, पडिग्गाहेतं वा सातिज्जति ॥
६६. जे भिक्खू वत्थाओ कंदाणि वा मूलाणि वा पत्ताणि वा पुष्पाणि वा फलाणि वा बीजाणि वा णीहरति, णीहरावेति, णीहरियं आहट्टु देज्जमाणं पडिग्गाहेति, पडिग्गाहेतं वा सातिज्जति ॥
६७. जे भिक्खू वत्थाओ ओसहिबीयाइं णीहरति, णीहरावेति, णीहरियं आहट्टु देज्जमाणं पडिग्गाहेति, पडिग्गाहेतं वा सातिज्जति ॥
६८. जे भिक्खू वत्थाओ तसपाणजातिं णीहरति, णीहरावेति, णीहरियं आहट्टु देज्जमाणं पडिग्गाहेति, पडिग्गाहेतं वा सातिज्जति ॥
६९. जे भिक्खू वत्थं निक्कोरेति, निक्कोरावेति, निक्कोरियं आहट्टु देज्जमाणं पडिग्गाहेति, पडिग्गाहेतं वा सातिज्जति ॥
७०. जे भिक्खू णायगं वा अणायगं वा उवासगं वा अणुवासगं वा—गामंतरंसि वा गामपहंतरंसि वा वत्थं ओभासिय-ओभासिय जायति, जायंतं वा सातिज्जति ॥
७१. जे भिक्खू णायगं वा अणायगं वा उवासगं वा अणुवासगं वा परिसामज्झाओ उट्टुवेत्ता वत्थं ओभासिय-ओभासिय जायति, जायंतं वा सातिज्जति ॥
७२. जे भिक्खू वत्थणीसाए उड्डुबद्धं वसति, वसंतं वा सातिज्जति ॥
७३. जे भिक्खू वत्थणीसाए वासावासं वसति, वसंतं वा सातिज्जति—
तं सेवमाणे आवज्जइ चाउम्मासियं परिहारट्ठाणं उग्घातियं ॥

एगुणवीसमो उद्देशो

वियड-पदं

१. जे भिक्खू वियडं^१ किणति, किणावेति, कीयमाहट्टु दिज्जमाणं पडिग्गाहेति, पडिग्गाहेतं वा सातिज्जति ॥
२. *जे भिक्खू वियडं पामिच्चेति, पामिच्चावेति, पामिच्चमाहट्टु दिज्जमाणं पडिग्गाहेति, पडिग्गाहेतं वा सातिज्जति ॥
३. जे भिक्खू वियडं परियट्टेति, परियट्टावेति, परियट्टियमाहट्टु दिज्जमाणं पडिग्गाहेति, पडिग्गाहेतं वा सातिज्जति ॥
४. जे भिक्खू वियडं अच्छेज्जं अणिसिट्ठं अभिहडमाहट्टु दिज्जमाणं पडिग्गाहेति, पडिग्गाहेतं वा सातिज्जति^२ ॥
५. जे भिक्खू गिलाणस्सट्टाए परं तिण्हं वियडदत्तीणं पडिग्गाहेति, पडिग्गाहेतं वा सातिज्जति ॥
६. जे भिक्खू वियडं गहाय गामाणुगामं दूइज्जति, दूइज्जंतं वा सातिज्जति ॥
७. जे भिक्खू वियडं गालेति, गालावेति, गालियमाहट्टु देज्जमाणं पडिग्गाहेति, पडिग्गाहेतं वा सातिज्जति ॥

सज्झाय-पदं

८. जे भिक्खू चउहि संभाहि सज्झायं करेति, करेत्तं वा सातिज्जति, तं जहा—पुव्वाए संभाए, पच्छिमाए संभाए, अवरणहे, अड्ढरत्ते ॥
९. जे भिक्खू कालियसुयस्स परं तिण्हं पुच्छाणं पुच्छति, पुच्छंतं वा सातिज्जति ॥
१०. जे भिक्खू दिट्ठिवायस्स परं सत्तण्हं पुच्छाणं पुच्छति, पुच्छंतं वा सातिज्जति ॥
११. जे भिक्खू चउसु महामहेसु सज्झायं करेति, करेत्तं वा सातिज्जति ति तं जहा—इंदमहे खंदमहे जक्खमहे भूत्तमहे ॥

१. वियडि (ख) ।

२. सं० पा०—एवं पामिच्चेति परियट्टेति अच्छेज्जं अणिसिट्ठं ।

१२. जे भिक्खू चउसु महापाडिवएसु सज्झायं करेति, करेतं वा सातिज्जति, तं जहा—
सुगिम्हयपाडिवए^१ आसादीपाडिवए आसोयपाडिवए कत्तियपाडिवए ॥
१३. जे^२ भिक्खू चाउकालपोरिसि सज्झायं उवातिणावेति, उवातिणावेतं वा
सातिज्जति ॥
१४. जे भिक्खू असज्झाइए सज्झायं करेति, करेतं वा सातिज्जति ॥
१५. जे भिक्खू अप्पणो असज्झाइयंसि सज्झायं करेति, करेतं वा सातिज्जति ॥

वायणा-पदं

१६. जे भिक्खू हेट्टिल्लाई समोसरणाइं अवाएत्ता उवरिमसुयं वाएति, वाएतं वा
सातिज्जति ॥
१७. जे भिक्खू णव बंभचेराइं अवाएत्ता उत्तमसुयं^३ वाएति, वाएतं वा सातिज्जति ॥
१८. जे^४ भिक्खू अपत्तं वाएति, वाएतं वा सातिज्जति ॥
१९. जे भिक्खू पत्तं ण वाएति, ण वाएतं वा सातिज्जति ॥
२०. जे भिक्खू अपत्तं वाएति, वाएतं वा सातिज्जति ॥
२१. जे भिक्खू पत्तं ण वाएति, ण वाएतं वा सातिज्जति ॥
२२. जे भिक्खू अव्वत्तं वाएति, वाएतं वा सातिज्जति ॥
२३. जे भिक्खू वत्तं ण वाएति, ण वाएतं वा सातिज्जति ॥
२४. जे भिक्खू दोण्हं सरिसयाणं एककं संचिक्खावेति, एककं वाएति, वाएतं वा
सातिज्जति ॥
२५. जे भिक्खू आयरिय-उवज्झाएहिं अविदिण्णं गिरं आतियति, आतियतं वा
सातिज्जति ॥
२६. जे भिक्खू अण्णउत्थियं वा गारत्थियं वा वाएति, वाएतं वा सातिज्जति ॥
२७. जे भिक्खू अण्णउत्थियं वा गारत्थियं वा पडिच्छति, पडिच्छंतं वा सातिज्जति ॥

१. पडिवए (ख) ।

२. अस्य सूत्रस्यस्थाने 'अ' प्रती तिम्ननिदिष्टसूत्रं
लभ्यते—जे चाउकाल सज्झायं न करेति न
करेतं वा साति । 'क, ख, ग' प्रतिषु च सूत्र-
द्वयं लभ्यते—जे पोरिसि सज्झायं उवातिणा-
वेति उवातिणावेतं वा साति । जे चाउकालं
सज्झायं न करेति न करेतं वा साति ।

३. उवरिमसुयं (अ, क, ख, ग); एतत्पदं चूर्ण्य-
धारेण स्वीकृतम् ।

४. १८-२३ एतानि षट् सूत्राणि चूर्ण्यधारेण

स्वीकृतानि । सर्वेष्वपि आदर्शेषु चत्वार्येव
सूत्राणि सन्ति—जे अव्वत्तं वाएति वाएतं वा
साति । जे वत्तं ण वाएति ण वाएतं वा साति ।
जे अप्पत्तं वाएति वाएतं वा साति । जे पत्तं
ण वाएति ण वाएतं वा साति (अ, क, ख);
जे अपत्तं वाएति वाएतं वा साति । जे पत्तं ण
वाएति ण वाएतं वा साति । जे अप्पत्तं वाएति
वाएतं वा साति । जे पत्तं ण वाएति ण वाएतं
वा साति (ग) ।

२८. *जे भिक्खू पासत्थं वाएति, वाएंत्तं वा सातिज्जति ॥
 २९. जे भिक्खू पासत्थं पडिच्छति, पडिच्छंतं वा सातिज्जति ॥
 ३०. जे भिक्खू ओसण्णं वाएति, वाएंत्तं वा सातिज्जति ॥
 ३१. जे भिक्खू ओसण्णं पडिच्छति, पडिच्छंतं वा सातिज्जति ॥
 ३२. जे भिक्खू कुसीलं वाएति, वाएंत्तं वा सातिज्जति ॥
 ३३. जे भिक्खू कुसीलं पडिच्छति, पडिच्छंतं वा सातिज्जति ॥
 ३४. जे भिक्खू णितियं वाएति, वाएंत्तं वा सातिज्जति ॥
 ३५. जे भिक्खू णितियं पडिच्छति, पडिच्छंतं वा सातिज्जति* ॥
 ३६. जे भिक्खू संसत्तं वाएति, वाएंत्तं वा सातिज्जति ॥
 ३७. जे भिक्खू संसत्तं पडिच्छति, पडिच्छंतं वा सातिज्जति—
 तं सेवमाणे आवज्जइ चाउम्मासियं परिहारट्ठाणं उग्घातियं ॥

१. सं० पा०—एवं पासत्थं ओसण्णं कुसीलं णितियं ।

२. आदर्शेषु संक्षिप्तपाठे 'संसत्त' पदं नैव लिखितं

दृश्यते । 'संसत्त' सम्बन्धि सूत्रद्वयं पूर्वपद्धत्या स्वीकृतम् ।

दीसहमो उहेसो

सईं पडिसेवणा-पदं

१. जे भिक्खू मासियं परिहारट्टाणं पडिसेवित्ता आलोएज्जा, अपलिउंचियं आलोए-माणस्स मासियं, पलिउंचियं आलोएमाणस्स दोमासियं ॥
२. *जे भिक्खू दोमासियं परिहारट्टाणं पडिसेवित्ता आलोएज्जा, अपलिउंचियं आलोएमाणस्स दोमासियं, पलिउंचियं आलोएमाणस्स तेमासियं ॥
३. जे भिक्खू तेमासियं परिहारट्टाणं पडिसेवित्ता आलोएज्जा, अपलिउंचियं आलोए-माणस्स तेमासियं, पलिउंचियं आलोएमाणस्स चाउम्मासियं ॥
४. जे भिक्खू चाउम्मासियं परिहारट्टाणं पडिसेवित्ता आलोएज्जा, अपलिउंचियं आलोएमाणस्स चाउम्मासियं, पलिउंचियं आलोएमाणस्स पंचमासियं ॥
५. जे भिक्खू पंचमासियं परिहारट्टाणं पडिसेवित्ता आलोएज्जा, अपलिउंचियं आलोएमाणस्स पंचमासियं, पलिउंचियं आलोएमाणस्स छम्मासियं ।
तेणं परं पलिउंचिए वा अपलिउंचिए वा ते चेव छम्मासा ॥

बहुसो पडिसेवणा-पदं

६. जे भिक्खू बहुसोवि मासियं परिहारट्टाणं पडिसेवित्ता आलोएज्जा, अपलिउंचियं आलोएमाणस्स मासियं, पलिउंचियं आलोएमाणस्स दोमासियं ॥
७. जे भिक्खू बहुसोवि दोमासियं परिहारट्टाणं पडिसेवित्ता आलोएज्जा, अपलिउंचियं आलोएमाणस्स दोमासियं, पलिउंचियं आलोएमाणस्स तेमासियं ॥
८. जे भिक्खू बहुसोवि तेमासियं परिहारट्टाणं पडिसेवित्ता आलोएज्जा, अपलिउंचियं आलोएमाणस्स तेमासियं, पलिउंचियं आलोएमाणस्स चाउम्मासियं ॥
९. जे भिक्खू बहुसोवि चाउम्मासियं परिहारट्टाणं पडिसेवित्ता आलोएज्जा, अपलिउं-

२. सं० पा०—एवं व्यवहार पढमुद्देसगमाओ
ण्यब्बो जाव दस गमा समत्ता एकत्त बहुत्त
सोवि जाव सब्वमेयं सकयं एक्कओ साहिणत्ता

जाए पट्टवणाए पट्टविए णिव्विस्समाणए पडि-
सेवेज्जा सो वि कसिणा तत्थेव आह्हेयब्बा-
सिया ।

चियं आलोएमाणस्स चाउम्मासियं, पलिउंचियं आलोएमाणस्स पंचमासियं ॥

१०. जे भिक्खू बहुसोवि पंचमासियं परिहारट्टाणं पडिसेवित्ता आलोएज्जा, अपलिउंचियं आलोएमाणस्स पंचमासियं, पलिउंचियं आलोएमाणस्स छम्मासियं ।
तेण परं पलिउंचिए वा अपलिउंचिए वा ते चेव छम्मासा ॥

सइं पडिसेवणा-संजोगसुत्त-पदं

११. जे भिक्खू मासियं वा दोमासियं वा तेमासियं वा चाउम्मासियं वा पंचमासियं वा एएसि परिहारट्टाणाणं अण्णयरं परिहारट्टाणं पडिसेवित्ता आलोएज्जा, अपलिउंचियं आलोएमाणस्स मासियं वा दोमासियं वा तेमासियं वा चाउम्मासियं वा पंचमासियं वा, पलिउंचियं आलोएमाणस्स दोमासियं वा तेमासियं वा चाउम्मासियं वा पंचमासियं वा छम्मासियं वा ।
तेण परं पलिउंचिए वा अपलिउंचिए वा ते चेव छम्मासा ॥

बहुसो पडिसेवणा-संजोगसुत्त-पदं

१२. जे भिक्खू बहुसोवि मासियं वा बहुसोवि दोमासियं वा बहुसोवि तेमासियं वा बहुसोवि चाउम्मासियं वा बहुसोवि पंचमासियं वा एएसि परिहारट्टाणाणं अण्णयरं परिहारट्टाणं पडिसेवित्ता आलोएज्जा, अपलिउंचियं आलोएमाणस्स मासियं वा दोमासियं वा तेमासियं वा चाउम्मासियं वा पंचमासियं वा, पलिउंचियं आलोएमाणस्स दोमासियं वा तेमासियं वा चाउम्मासियं वा पंचमासियं वा छम्मासियं वा ।
तेण परं पलिउंचिए वा अपलिउंचिए वा ते चेव छम्मासा ॥

सइं साइरेगपडिसेवणा-पदं

१३. जे भिक्खू चाउम्मासियं वा साइरेगचाउम्मासियं वा पंचमासियं वा साइरेगपंचमासियं वा एएसि परिहारट्टाणाणं अण्णयरं परिहारट्टाणं पडिसेवित्ता आलोएज्जा, अपलिउंचियं आलोएमाणस्स चाउम्मासियं वा साइरेगचाउम्मासियं वा पंचमासियं वा साइरेगपंचमासियं वा, पलिउंचियं आलोएमाणस्स पंचमासियं वा साइरेगपंचमासियं वा छम्मासियं वा ।
तेण परं पलिउंचिए वा अपलिउंचिए वा ते चेव छम्मासा ॥

बहुसो साइरेगपडिसेवणा-पदं

१४. जे भिक्खू बहुसोवि चाउम्मासियं वा बहुसोवि साइरेगचाउम्मासियं वा बहुसोवि पंचमासियं वा बहुसोवि साइरेगपंचमासियं वा एएसि परिहारट्टाणाणं अण्णयरं परिहारट्टाणं पडिसेवित्ता आलोएज्जा, अपलिउंचियं आलोएमाणस्स चाउम्मासियं वा साइरेगचाउम्मासियं वा पंचमासियं वा साइरेगपंचमासियं वा, पलिउंचियं आलोएमाणस्स पंचमासियं वा साइरेगपंचमासियं वा छम्मासियं वा ।
तेण परं पलिउंचिए वा अपलिउंचिए वा ते चेव छम्मासा ॥

परिहारट्टाण-पडिसेवणा-पदं

१५. जे भिक्खू चाउम्मासियं वा साइरेगचाउम्मासियं वा पंचमासियं वा साइरेगपंच-
मासियं वा एएसि परिहारट्टाणाणं अण्णयरं परिहारट्टाणं पडिसेवित्ता आलोएज्जा,
अपलिउंचियं आलोएमाणे ठवणिज्जं ठवइत्ता करणिज्जं वेयावडियं । ठविए वि
पडिसेवित्ता, से वि कसिणे तत्थेव आरुहेयव्वे सिया ।
पुंवि पडिसेवियं पुंवि आलोइयं, पुंवि पडिसेवियं पच्छा आलोइयं । पच्छा पडिसे-
वियं पुंवि आलोइयं, पच्छा पडिसेवियं पच्छा आलोइयं । अपलिउंचिए अपलिउंचियं,
अपलिउंचिए पलिउंचियं । पलिउंचिए अपलिउंचियं, पलिउंचिए पलिउंचियं ।
अपलिउंचिए अपलिउंचियं आलोएमाणस्स सव्वमेयं सकयं साहणिय जे एयाए
पट्टवणाए पट्टविए निव्विसमाणे पडिसेवेइ, से वि कसिणे तत्थेव आरुहेयव्वे
सिया ॥
१६. जे भिक्खू बहुसोवि चाउम्मासियं वा बहुसोवि साइरेगचाउम्मासियं वा बहुसोवि
पंचमासियं वा बहुसोवि सातिरेगपंचमासियं वा एएसि परिहारट्टाणाणं अण्णयरं
परिहारट्टाणं पडिसेवित्ता आलोएज्जा, अपलिउंचियं आलोएमाणे ठवणिज्जं
ठवइत्ता करणिज्जं वेयावडियं । ठविए वि पडिसेवित्ता, से वि कसिणे तत्थेव
आरुहेयव्वे सिया ।
पुंवि पडिसेवियं पुंवि आलोइयं, पुंवि पडिसेवियं पच्छा आलोइयं । पच्छा
पडिसेवियं पुंवि आलोइयं, पच्छा पडिसेवियं पच्छा आलोइयं ।
अपलिउंचिए अपलिउंचियं, अपलिउंचिए पलिउंचियं । पलिउंचिए अपलिउंचियं,
पलिउंचिए पलिउंचियं ।
अपलिउंचिए अपलिउंचियं आलोएमाणस्स सव्वमेयं सकयं साहणिय जे एयाए
पट्टवणाए पट्टविए निव्विसमाणे पडिसेवेइ, से वि कसिणे तत्थेव आरुहेयव्वे
सिया ॥
१७. जे भिक्खू चाउम्मासियं वा साइरेगचाउम्मासियं वा पंचमासियं वा साइरेगपंच-
मासियं वा एएसि परिहारट्टाणाणं अण्णयरं परिहारट्टाणं पडिसेवित्ता आलोएज्जा,
पलिउंचियं आलोएमाणे ठवणिज्जं ठवइत्ता करणिज्जं वेयावडियं । ठविए वि
पडिसेवित्ता, से वि कसिणे तत्थेव आरुहेयव्वे सिया ।
पुंवि पडिसेवियं पुंवि आलोइयं, पुंवि पडिसेवियं पच्छा आलोइयं । पच्छा
पडिसेवियं पुंवि आलोइयं, पच्छा पडिसेवियं पच्छा आलोइयं ।
अपलिउंचिए अपलिउंचियं, अपलिउंचिए पलिउंचियं । पलिउंचिए अपलिउंचियं,
पलिउंचिए पलिउंचियं ।
पलिउंचिए पलिउंचियं आलोएमाणस्स सव्वमेयं सकयं साहणिय जे एयाए पट्टवणाए
पट्टविए निव्विसमाणे पडिसेवेइ, से वि कसिणे तत्थेव आरुहेयव्वे सिया ॥
१८. जे भिक्खू बहुसोवि चाउम्मासियं वा बहुसोवि साइरेगचाउम्मासियं वा बहुसोवि

पंचमासियं वा बहुसोवि साइरेगपंचमासियं वा एएसि परिहारद्वुणाणं अण्णयरं परिहारद्वुणां पडिसेवित्ता आलोएज्जा, पलिउंचियं आलोएमाणे ठवणिज्जं ठवइत्ता करणिज्जं वेयावडियं । ठविए वि पडिसेवित्ता, से वि कसिणे तत्थेव आरुहेयव्वे सिया ।

पुंवि पडिसेवियं पुंवि आलोइयं, पुंवि पडिसेवियं पच्छा आलोइयं । पच्छा पडिसेवियं पुंवि आलोइयं, पच्छा पडिसेवियं, पच्छा आलोइयं ।

अपलिउंचिए अपलिउंचियं, अपलिउंचिए पलिउंचियं । पलिउंचिए अपलिउंचियं, पलिउंचिए पलिउंचियं ।

पलिउंचिए पलिउंचियं आलोएमाणस्स सव्वमेयं सकयं साहणिय जे एयाए पट्टुवणाए पट्टुविए निव्विसमाणे पडिसेवेइ, से वि कसिणे तत्थेव आरुहेयव्वे सिया° ॥

वीसतिराइयारोवणा-यवं

१६. छम्मासियं परिहारद्वुणां पट्टुविए अणगारे अंतरा दोमासियं परिहारद्वुणां पडिसेवित्ता आलोएज्जा अहावरा वीसतिरातिया आरोवणा 'आदी मज्जेवसाणे' सअट्ठं सहेउं सकारणं अहीणमतिरित्तं, तेण परं सवीसतिरातिया दो मासा ॥

२०. पंचमासियं परिहारद्वुणां पट्टुविए अणगारे अंतरा दोमासियं परिहारद्वुणां पडिसेवित्ता आलोएज्जा अहावरा वीसतिरातिया आरोवणा आदी मज्जेवसाणे सअट्ठं सहेउं सकारणं अहीणमतिरित्तं, तेण परं सवीसतिरातिया दो मासा ॥

२१. *चाउम्मासियं परिहारद्वुणां पट्टुविए अणगारे अंतरा दोमासियं परिहारद्वुणां पडिसेवित्ता आलोएज्जा अहावरा वीसतिरातिया आरोवणा आदी मज्जेवसाणे सअट्ठं सहेउं सकारणं अहीणमतिरित्तं, तेण परं सवीसतिरातिया° दो मासा ॥

२२. *तेमासियं परिहारद्वुणां पट्टुविए अणगारे अंतरा दोमासियं परिहारद्वुणां पडिसेवित्ता आलोएज्जा अहावरा वीसतिरातिया आरोवणा आदी मज्जेवसाणे सअट्ठं सहेउं सकारणं अहीणमतिरित्तं, तेण परं सवीसतिरातिया दो मासा ॥

२३. दोमासियं परिहारद्वुणां पट्टुविए अणगारे अंतरा दोमासियं परिहारद्वुणां पडिसेवित्ता आलोएज्जा अहावरा वीसतिरातिया आरोवणा आदी मज्जेवसाणे सअट्ठं सहेउं सकारणं अहीणमतिरित्तं, तेण परं सवीसतिरातिया दो मासा ॥

२४. मासियं परिहारद्वुणां पट्टुविए अणगारे अंतरा दोमासियं परिहारद्वुणां पडिसेवित्ता आलोएज्जा अहावरा वीसतिरातिया आरोवणा आदी मज्जेवसाणे सअट्ठं सहेउं सकारणं अहीणमतिरित्तं, तेण परं सवीसतिरातिया° दो मासा ॥

२५. सवीसतिरातियं दोमासियं परिहारद्वुणां पट्टुविए अणगारे अंतरा दोमासियं परिहार-

१. आदि मज्जे अवसाणे (क, ख, ग); आदि-जम्भावसाणेसु (ञ्ज) ।

राता दो मासा ।

२. सं० पा०—एवं चाउम्मासियं जाव सवीसति-

३. सं० पा०—एवं तेमासियं दोमासियं मासि-यावि जाव सवीसतिराया दो मासा ।

- द्वान् पडिसेवित्ता आलोएज्जा अहावरा वीसतिरातिया आरोवणा आदी मज्झेवसाणे सअट्ठं सहेउं सकारणं अहीणमतिरित्तं, तेण परं दसराया तिण्ण मासा ॥
२६. सदसरायं तेमासियं परिहारद्वान्* पट्टविए अणगारे अंतरा दोमासियं परिहारद्वान् पडिसेवित्ता आलोएज्जा अहावरा वीसतिरातिया आरोवणा आदी मज्झेवसाणे सअट्ठं सहेउं सकारणं अहीणमतिरित्तं, तेण परं चत्तारि मासा ॥
२७. चाउम्मासियं परिहारद्वान्* पट्टविए अणगारे अंतरा दोमासियं परिहारद्वान् पडिसेवित्ता आलोएज्जा अहावरा वीसतिरातिया आरोवणा आदी मज्झेवसाणे सअट्ठं सहेउं सकारणं अहीणमतिरित्तं, तेण परं सवीसतिराया चत्तारि मासा ॥
२८. सवीसतिरायं चाउम्मासियं परिहारद्वान्* पट्टविए अणगारे अंतरा दोमासियं परिहारद्वान् पडिसेवित्ता आलोएज्जा अहावरा वीसतिरातिया आरोवणा आदी मज्झेवसाणे सअट्ठं सहेउं सकारणं अहीणमतिरित्तं, तेण परं सदसराया पंच मासा ॥
२९. सदसरायं पंचमासियं परिहारद्वान्* पट्टविए अणगारे अंतरा दोमासियं परिहारद्वान् पडिसेवित्ता आलोएज्जा अहावरा वीसतिरातिया आरोवणा आदी मज्झेवसाणे सअट्ठं सहेउं सकारणं अहीणमतिरित्तं, तेण परं छम्मासा ॥

पक्खियारोवणा-पदं

३०. छम्मासियं परिहारद्वान् पट्टविए अणगारे अंतरा मासियं परिहारद्वान्* पडिसेवित्ता आलोएज्जा अहावरा पक्खिया आरोवणा आदी मज्झेवसाणे सअट्ठं सहेउं सकारणं अहीणमतिरित्तं, तेण परं दिवड्ढो मासो ॥
३१. *पंचमासियं परिहारद्वान् पट्टविए अणगारे अंतरा मासियं परिहारद्वान् पडिसेवित्ता आलोएज्जा अहावरा पक्खिया आरोवणा आदी मज्झेवसाणे सअट्ठं सहेउं सकारणं अहीणमतिरित्तं, तेण परं दिवड्ढो मासो ॥
३२. चाउम्मासियं परिहारद्वान् पट्टविए अणगारे अंतरा मासियं परिहारद्वान् पडिसेवित्ता आलोएज्जा अहावरा पक्खिया आरोवणा आदी मज्झेवसाणे सअट्ठं सहेउं सकारणं अहीणमतिरित्तं, तेण परं दिवड्ढो मासो ॥
३३. तेमासियं परिहारद्वान् पट्टविए अणगारे अंतरा मासियं परिहारद्वान् पडिसेवित्ता आलोएज्जा अहावरा पक्खिया आरोवणा आदी मज्झेवसाणे सअट्ठं सहेउं सकारणं अहीणमतिरित्तं, तेण परं दिवड्ढो मासो ॥
३४. दोमासियं परिहारद्वान् पट्टविए अणगारे अंतरा मासियं परिहारद्वान् पडिसेवित्ता आलोएज्जा अहावरा पक्खिया आरोवणा आदी मज्झेवसाणे सअट्ठं सहेउं सकारणं

१. सं० पा०—परिहारद्वान् जाव तेण परं ।

२. सं० पा०—परिहारद्वान् तेण परं ।

३, ४, ५ सं० पा०—परिहारद्वान् जाव तेण परं ।

६. सं० पा०—एवं पंचहं मासा मासाणं चाउम्मा-

सियं तेमासियं दोमासियं परिहारद्वान् मासिय-

स्सवि जाव तेण परं ।

अहीणमतिरित्तं, तेण परं दिवड्ढो मासो ॥

३५. मासियं परिहारट्ठाणं पट्टविए अणगारे अंतरा मासियं परिहारट्ठाणं पडिसेवित्ता आलोएज्जा अहावरा पक्खिया आरोवणा आदी मज्जेवसाणे सअट्ठं सहेउं सकारणं अहीणमतिरित्तं, तेण परं दिवड्ढो मासो ॥
३६. दिवड्ढमासियं परिहारट्ठाणं पट्टविए अणगारे अंतरा मासियं परिहारट्ठाणं पडिसेवित्ता आलोएज्जा अहावरा पक्खिया आरोवणा^१ आदी मज्जेवसाणे सअट्ठं सहेउं सकारणं अहीणमतिरित्तं, तेण परं दो मासा ॥
३७. दोमासियं परिहारट्ठाणं पट्टविए अणगारे^२ अंतरा मासियं परिहारट्ठाणं पडिसेवित्ता आलोएज्जा अहावरा पक्खिया आरोवणा आदी मज्जेवसाणे सअट्ठं सहेउं सकारणं अहीणमतिरित्तं, तेण परं अड्ढाइज्जा मासा ॥
३८. अड्ढाइज्जमासियं परिहारट्ठाणं पट्टविए अणगारे अंतरा मासियं परिहारट्ठाणं पडिसेवित्ता आलोएज्जा अहावरा पक्खिया आरोवणा आदी मज्जेवसाणे सअट्ठं सहेउं सकारणं अहीणमतिरित्तं, तेण परं तिण्णि मासा ॥
३९. तेमासियं परिहारट्ठाणं पट्टविए अणगारे अंतरा मासियं परिहारट्ठाणं पडिसेवित्ता आलोएज्जा अहावरा पक्खिया आरोवणा आदी मज्जेवसाणे सअट्ठं सहेउं सकारणं अहीणमतिरित्तं, तेण परं अद्धुट्ठा मासा ॥
४०. अद्धुट्ठमासियं परिहारट्ठाणं पट्टविए अणगारे अंतरा मासियं परिहारट्ठाणं पडिसेवित्ता आलोएज्जा अहावरा पक्खिया आरोवणा आदी मज्जेवसाणे सअट्ठं सहेउं सकारणं अहीणमतिरित्तं, तेण परं चत्तारि मासा ॥
४१. चाउम्मासियं परिहारट्ठाणं पट्टविए अणगारे अंतरा मासियं परिहारट्ठाणं पडिसेवित्ता आलोएज्जा अहावरा पक्खिया आरोवणा आदी मज्जेवसाणे सअट्ठं सहेउं सकारणं अहीणमतिरित्तं, तेण परं अड्ढपंचमा मासा ॥
४२. अड्ढपंचमासियं परिहारट्ठाणं पट्टविए अणगारे अंतरा मासियं परिहारट्ठाणं पडिसेवित्ता आलोएज्जा अहावरा पक्खिया आरोवणा आदी मज्जेवसाणे सअट्ठं सहेउं सकारणं अहीणमतिरित्तं, तेण परं पंच मासा ॥
४३. पंचमासियं परिहारट्ठाणं पट्टविए अणगारे अंतरा मासियं परिहारट्ठाणं पडिसेवित्ता आलोएज्जा अहावरा पक्खिया आरोवणा आदी मज्जेवसाणे सअट्ठं सहेउं सकारणं अहीणमतिरित्तं, तेण परं अद्धच्छट्ठा मासा ॥
४४. अद्धच्छट्ठमासियं परिहारट्ठाणं पट्टविए अणगारे अंतरा मासियं परिहारट्ठाणं पडिसेवित्ता आलोएज्जा अहावरा पक्खिया आरोवणा आदी मज्जेवसाणे सअट्ठं सहेउं सकारणं अहीणमतिरित्तं, तेण परं छम्मासा^३ ॥

१. सं० पा०—आरोवणा जाव तेण परं ।

२. सं० पा०—एवं पक्खे पक्खे आरोह्यब्बो जाव छमासा पुण्णति ।

पक्खियावीसतिराइयारोवणा-यवं

४५. दोमासियं परिहारट्टाणं पट्टुविए अणगारे अंतरा मासियं परिहारट्टाणं पडिसेवित्ता आलोएज्जा अहावरा पक्खिया आरोवणा आदी* मज्झेवसाणे सअट्ठं सहेउं सकारणं अहीणमतिरित्तं, तेण परं अड्ढाइज्जा मासा ॥
४६. अड्ढाइज्जमासियं परिहारट्टाणं पट्टुविए अणगारे अंतरा दोमासियं परिहारट्टाणं पडिसेवित्ता आलोएज्जा अहावरा वीसतिराइया आरोवणा आदी मज्झेवसाणे सअट्ठं सहेउं सकारणं अहीणमतिरित्तं, तेण परं सपंचरातिया तिण्णि मासा ॥
४७. सपंचरायतेमासियं परिहारट्टाणं पट्टुविए अणगारे अंतरा मासियं परिहारट्टाणं पडिसेवित्ता आलोएज्जा अहावरा पक्खिया आरोवणा* आदी मज्झेवसाणे सअट्ठं सहेउं सकारणं अहीणमतिरित्तं, तेण परं सवीसतिराया तिण्णि मासा ॥
४८. सवीसतिरायतेमासियं परिहारट्टाणं पट्टुविए अणगारे अंतरा दोमासियं परिहारट्टाणं पडिसेवित्ता आलोएज्जा अहावरा वीसतिरातिया आरोवणा* आदी मज्झेवसाणे सअट्ठं सहेउं सकारणं अहीणमतिरित्तं, तेण परं सदसराया चत्तारि मासा ॥
४९. सदसरायचाउम्मासियं परिहारट्टाणं पट्टुविए अणगारे अंतरा मासियं परिहारट्टाणं पडिसेवित्ता आलोएज्जा अहावरा पक्खिया आरोवणा* आदी मज्झेवसाणे सअट्ठं सहेउं सकारणं अहीणमतिरित्तं, तेण परं पंचूणा पंचमासा ॥
५०. पंचूणपंचमासियं परिहारट्टाणं पट्टुविए अणगारे अंतरा दोमासियं परिहारट्टाणं पडिसेवित्ता आलोएज्जा अहावरा वीसतिरातिया आरोवणा आदी मज्झेवसाणे सअट्ठं सहेउं सकारणं अहीणमतिरित्तं, तेण परं अद्धछट्टा मासा ॥
५१. अद्धछट्टमासियं परिहारट्टाणं पट्टुविए अणगारे अंतरा मासियं परिहारट्टाणं पडिसेवित्ता आलोएज्जा अहावरा पक्खिया आरोवणा आदी मज्झेवसाणे सअट्ठं सहेउं सकारणं अहीणमतिरित्तं, तेण परं छम्मासा ॥

ग्रन्थ-परिमाण

अक्षर-परिमाण : ७६०२१

अनुष्टुप् श्लोक परिमाण : २३७५, अक्षर : २१

१. सं० पा०—आदी जाव तेण परं ।

२, ३, ४, सं० पा०—आरोवणा जाव तेण परं ।